



22445

Mag. St. Dr. P.
kal. kom.




Phot 4021

XI I 18.

V. a. 11.

202.


3/9
bratuje tu poprionia Lubinskijs



Buyden's Program autht



V I T A
VENERABILIS
SERVIDEI
MATHIÆ
LUBIENSKI
CANONICI REGULARIS
S. SEPULCHRI
AC TANDEM.
ARCHIEPISCOPI
GNESNENSIS



*Ex Libris M. Stanislaus Nameryński
V. J. Dno & Episc. S. Michaelis Decary*

LIBRARY OF THE
UNIVERSITY OF CHICAGO

WALTER

VENERABILIS

SERVI DEI

MATHIE



LUBIENSKI

CANONICI REGULARIS

22445-77

S. PULCHRI

AC. TANDEM

ARCHIEPISCOPI

GENESINENSIS

LIBRARY OF THE
UNIVERSITY OF CHICAGO

V I T A VENERABILIS SERVI DEI M A T H I Æ L U B I E N S K I

Canonici Regularis Sancti Sepulchri, postea Episcopi Chet-
mensis, tandem Posnaniensis, mox Vladislaviensis & Pomeraniæ,
ad extremum Archi-Episcopi Gnesnensis, Legati Nati, Regni Po-
loniæ & Magni Ducatus Lithvaniæ, Primatis, Primique Principis

VIRTUTE & TITULIS
I L L U S T R I S S I M I,
S A N C T I T A T E & H O N O R I B U S
C E L S I S S I M I,

Triginta Capitibus comprehensa.

In qua

Prosapia & Viri Illustres Nobilissimæ Lubiensianæ Dômus; Res in
Polonia gestæ; Historia Ecclesiastico Polona; incrementa Ecclesiarum Cathedra-
lium; Chetmensis, Posnaniensis, Vladislaviensis ac Metropolitani Gnesnensis,
tum aliarum Collegiatarum & Parochialium, Fundationes & dotationes; Status
Ordinis Canonicorum Sancti Sepulchri in Polonia; aliæque res, ad maiorem elu-
cidationem hujus vitæ spectantes, scitu necessaria, incidenter recensentur.

*Additus est Index Nobilitatis Polonæ, atque Virorum Illustrum Regni
Poloniæ, qui in hoc Libro continentur.*

A U T H O R E

FLORIANO BUYDECKI, Polono
Sacræ Theologiæ Doctore, Prothonotario Apostolico, Ca-
nonico Metropolitano & Præposito Sancti Joannis Gnesnensi, Or-
dinis Canonicorum Sancti Sepulchri, Custode Generali.

C O N S C R I P T A.

Anno Domini 1752.

C A L I S S I I,
Typis S. R. M. Collegii Caliss. Soci. JESU.

IN STEMMA ILLUSTRISSIMÆ DOMUS
LUBIENS CIANÆ



Si Majestatem CAPITIS non cernis? & amplam
Illius sedem, noscere ritè nequis?
Hanc de MATHIA Primate & PRINCIPE Regni,
Collige de Magno Præsule, Patre, DUCE;
Hanc ex Ipsius descripta conspice VITA;
Hanc de narratis moribus infer, ama;
Quantus erat PRIMAS, PRINCEPS & PRÆSUL ovilis!
Et CAPITIS fulget gloria tanta sui;
Quanta fuit cæli præceptis consona VITA,
Tanta est LUBIENIÆ publica fama DOMUS.



ILLUSTRISSIMO & EXCELLENTISSIMO

DOMINO DOMINO

ALEXANDRO

à Lubna

LUBIENSKI

CASTELLANO GNESNENSI

Totique Amplissimæ DOMUI

DOMINIS

BENEFactorIBUS FAVENTISSIMIS



Uo sunt eaque gravissima rationum momenta,
quæ me in eam traxere sententiam, ut Opus
hoc, Vitam Venerabilis Servi DEI MATHIÆ
LUBIENSKI Universi Ordinis Nostri Su-
premi Capitis, nec non totius, quantum quan-
(1) tum

rum est, Regni Poloniae Primatis Primique Principis,
ex authenticis monumentis accuratè collectam comprehen-
dens; Tibi principaliter Senator Amplissime dedicarem.
Horum utrumq; ex singulari quodam emergit necessitudi-
nis vinculo: uno quidem, quod Te inter & MATHIAM,
altero verò quod Tua inter & MATHIÆ nunquam satis
laudabilia gesta intercedit. Primum persvasit, nulli acceptius
jucundiusve fore Vitæ Lubienianæ Monumentum, quam illi,
quem sanguinis necessitudo Lubieniani Nominis effecit par-
ticipem: siquidem nemini gratius gloriosiusve esse potest, quod
præclara alicujus facinora, secuturæ posteritati legenda imi-
tandaque proponantur, quàm ei, qui sicut Nominis Ejusdem,
ita & exinde redundantis gloriæ Heres est. Alterum e-
vicit, convenientissimum esse, ut Tuo, Opus hoc eximia Ma-
thiæ complexum rectefacta, Honori militet Senator Illustri-
sime, qui id omne, quod conatus meus legendū, laudandū, atque se-
ctandum in Vita Mathiæ proponit, cœu viva quædam Ejusdem
Imago, in Te ipso etiam videndum exhibes universis. Lo-
quuntur Fasti miram Mathiæ dexteritatem in decidendis
quibusvis rebus, Episcopalis suæ Authoritatis altissimo subjectis
judicio: nec Tuam silet in componendis maximi momenti ne-
gotiis æquitatem peritissimam, æquissimamque peritiam, Are-
opagus Calissiensis; qui Te Subjudice gaudebat & Supremo
Justitiæ gloriabatur Arbitro. Suspexit in MATHIA rarum
boni publici amorem, Suprema Orthodoxorum Sarmatiæ Mo-
deratorum Potestas, cui vicaria Regni Poloniae credidit gu-
bernacula: nec Tuum latere potuit erga Sartam tectamque
conservandam Rempublicam studium, felicissimè ad præsens
imperantem Lechiæ Serenissimum AUGUSTUM III. qui
Te in numerum adscivit Patrum Patriæ. Sensere muni-
ficam MATHIÆ manum, perenniter Divino dicatæ servi-
tio Religiosæ familiæ; experiuntur & Tuam piam libera-
litatem & liberalem pietatem, specialiter, laudibus Divi-
nis sinè intermissione vacantes Sacræ Virgines, quæ ad le-
ges propositi sibi à Divinissima Clara Seraphici Patriarchæ
Instituti, mores componere student; harum enim Calissienses
ædes vetustate temporum ad ruinam inclinatæ, non modo
ad

pristinam reducere firmitatem, Verum etiam solidius munire,
& elegantius adornare ad hæc usque tempora non desistis. Pro-
fitentur ardentissimum Mathiæ Zelum in fovenda pietate Chri-
stianâ, multæ à primis excitatæ fundamentis, plures affabré
factis condecoratæ structuris, Divorum Basilicæ; prodit
& Tuos in eodem conatus Sanctissimos, recens erecta supra-
dictarum Califfiensium Monialium Ecclesia, prodit Religio-
sissimorum Ejusdem instituti sectatorum, Immaculatæ
Virginis Sanctuariam, splendidissimò ornatum Mausoleò,
(quod Tibi Tuæque Illustrissimæ Consorti, humanæ morta-
litate memor optimè, tempestivè erigi procurasti,) & exstru-
ctò, Te Authore ac Fundatore, propter clarissimâ Prosapiâ Tuam
aucta sepulchrò; prodit denique eosdem conatus ac simul er-
ga MATHIAM Proavum, testatur affectum Metropoli-
tana Gnesnensis Cathedra, cui non postremum decus attu-
lit, magnificum illud monumentum, in quo grande Mathiæ
Nomen, Ejusdem Cathedræ Archiepiscopalis immortalitate le-
gendum visitur. Amplissime, Primatis pientissimi, virtutes,
quantum Illustrem Orbi Christiano Mathiam effecerunt, pro-
be novimus. Quæ de Te, pace tua Senator Amplissime, for-
mare omnia jubent tua excellentissima recte facta; quorum tan-
ta copia ac multitudo est, ut si singula ad calculum vellem re-
vocare, infinitus sim, necesse est. Unum proinde duntaxat
multis ab annis inauditum, Sanctissimis proprium Viris, om-
nem excedens laudem venerabundus recolo excelsæ perfecti-
onis Tuæ specimen; ex quo ceu è latice Fontem, aut ex radio
solem sublimem Sanctitatem Tuam, facili quisque negotio
metiri poterit. Et hoc est, extraordinaria illa, communis
recordatio fati, quò evenire assolet: ut omnes, quotquot vitâ
hâc temporali præditi numeramur, circumscriptum à Superis
emenfi curriculum, tandem nolentes volentes, à Societate omni-
um terrenorum divellamur, & à momentaneis ad æterna
transferamur. In hac recordatione Sancta, quam præcel-
lens Christianæ perfectionis ratio sita est; loquantur illi, qui
ipsius ope depravatos mores ad amissim Divinarum legum re-
vocantes, Supremum Sanctitatis apicem adepti sunt; aut ii,
qui ejusmodi recordationi debent, quod ab omni graviore

culpa immunes semper, vitæ Sanctoris prototypi effecti sunt. Ea verò recordatio quam Tibi assidua ac familiaris sit Senator Amplissime, luculenter indicant solliciti conatus, quos tempestivè impendis, circa Tui, rerumque omnium necessariarum, exemplarissimam dispositionem, ad inevitabile illud naturæ tributum exsolvendum, adeò, ut miro quodam eventu, omnes excedens vires, mortis cum vita conjunctio, in Te effecta esse videatur; cum vitâ adhuc fruens, iis indigeas, quæ tantummodo separatorum ab animabus corporum propria censeantur esse. O utinam! boni superi, qui ex essentiali justitiæ suæ perfectione, nullum suarum Creaturarum meritum, condignò carere præmiò patiuntur, in compensationem præmaturæ istius solitudinis Tuæ, nec non in Patriæ ac Illustrissimæ Prosapiæ decus, in Ordinis Nostri, meique particulare solatium & ornamentum, Vitæ Tuæ decursum retardare dignentur.

Ita precatur

ILLUSTRISSIMI ac EXCELLEN-
TISSIMI Nominis Tui,

Devotissimus

Author Operis.

PRAEFA



P R Æ F A T I O



Ierusalem Nostram, splendor æterni luminis DEUS, cujus lucerna est Agnus, dignatus est in fine sæculorum illuminare, cum illi providerit Viros, doctrina & pietate conspicuos, qui sanctitate sua, eruditione & omnium virtutum plenitudine, eandem illustrârunt, & toto orbe celeberrimam reddiderunt.

Horum sanctitatis incunabula, ille, qui è terra Sancta ortum suum ducit, fuit & est Conventus Miechoviensis, ex quo, ac si ex quodam fertilissimo agro, sanctitatis semina, fructus virtutis & perfectionis, plurimi Viri prodierunt & excreverunt. Admiratus eorum sanctitatis eminentiam Serenissimus, ac Potentissimus Poloniarum REX SIGISMUNDUS, & in suo diplomate, super libera electione Præpositorû Generalium Ordinis Nostri, Conventui Miechoviensi clementer dato, de Actu, & data Lomzæ, Feriâ tertiâ post Festum Trium Regum, Anno Domini Millesimo quingentesimo sexagesimo secundo, Regni verò sui Trigesimo secundo, conscripsit sequentia: *Cupientes animi nostri propensionem, erga Venerabiles & Religiosos, Præpositum, Fratresq; Conventus Miechoviensis declarare, propterea quod ex eo Conventu, Nobis scientibus, non pauci Viri vitæ integritate, morum probitate, ac eruditione conspicui, pro Regni Nostri splendore, Reipublicæ Christianæ utilitate prodierunt, indiesq; prodire solent &c* Hoc idem alter in throno Successor, Invictissimus Poloniarum, & Svetiæ Rex SIGISMUNDUS Tertius, in literis suis, ad Martinum SZYSZKOWSKI Episcopum Cracoviensem, & Ducem Severiæ, de actu & data Varsaviæ, Vigesimâ Tertiâ Decembris, Anno Domini Millesimo Sexcentesimo Decimo septimo directis, testatur, dum sic scripsit: *Equidem quæ fuerit nostra de substituendo Monasterio illi, Ordinique Universo Custodum Sepulchri Domini, cujus a prima fundatione, claruit semper eximia Sanctitas, Religionisque Catholicæ propagandæ Studium, Præposito Voluntas, declaravimus Sinceritati vestræ Literis nostris &c.* Idem planè

VLADISLAUS IV. Poloniarum, tum Svecorum, Gottorum, Vandalorumq; Rex Gloriosissimus, in Literis ad Capitulum Canonorum Nostorum Miechoviense, de data Varsaviae, Nonâ Aprilis, Anno Millesimo Sexcentesimo, Vigesimo quinto scribit, dum Conventum Miechoviensem, *Collegium, non solum vetustate, verum etiam pietatis Notâ insigne, fuisse declaravit.* Adstipulatur his & Ludovicus Rex Poloniae, Hungariae, Dalmatiae & Croatiae, qui in Diplomate suo Conventui Miechoviensi dato, de data Cracoviae in crastino Beati Martini Confessoris & Pontificis, Anno Domini Millesimo Trecentesimo Octogesimo primo, Conventum Miechoviensem, ingenti meritorum excellentiâ, apud se commendatum dixit, scribens ibi: *Cum Ecclesia Religiosorum Virorum, Monasterii & Conventus Miechoviensis, Sepulchri Domini Hierosolymitani, Ordinis Sancti Augustini, Diocesis Cracoviensis, ingenti meritorum excellentiâ apud Nos recommendetur.*

Hujus Conventus Virorum Sanctitatem, plurimis non solum testimoniis, verum etiam prodigiis, Deus revelare voluit, dum Anno Millesimo sexcentesimo quadragesimo quinto, Die nona Julii, noctu, columnam lucidam super Capellam Sancti Joannis apparere fecit, videntibus id plurimis hominibus fide dignis, & igne Capellam ardere, Deumque alicujus Nostri Canonici, quorum ibi multa Corpora sunt sepulta, sanctitatem revelari aliquando velle, existimantibus. Ex hoc itaq; Miechoviensi Collegio, tanquam ex quodam Sanctitatis nido, plurimi prodierunt Viri, omni virtutum perfectione ornati; inter quos Martinus primus, natione Gallus & Nobilis, ad plantandum hunc Ordinem, de Hierosolymitana Patriarchali Ecclesia, per Jaxam Polonum, Principem Serbiae, in Poloniam advectus, quem Samuel Nakielski, pro certo & indubitato, Virum fuisse sanctitate conspicuum testatur, & cui ob eandem sanctitatem, a Principibus Regni, Satrapis, Clero, & Populo Polonico, plurimus honos exhibitus fuisse perhibetur, referente eodem Nakielski, libro de Sacra antiquitate Ordinis. Stanislaus Stoiconis, Praepositus Generalis in Ordine duodecimus, qui singularis virtutis, devoti in Deum animi, vitaeq; Sanctissimae & per omnia innocentissimae fuisse scribitur, ac sicut lilium inter spinas, odorem exempli boni spirans, in Conventu Miechoviensi perseveranter claruit. Felix Soiecki, qui amore Divino erga Sanctissimum Sepulchrum Christi accensus, memor suae vocationis personaliter idem Sepulchrum Christi Hierosolymis invisit, tandem Hierosolymis reversus Vicarium ob summam humilitatem, ad Sanctam Hedvigim Cracoviae agens, Anno Millesimo Sexcentesimo Duodecimo, die vigesima sexta Septembris, exuvias corporis sui ibidem deposuit. Bernatus Parrillus, qui in Conventu Miechoviensi Professus, summæ virtutis & perfectionis fuit, ex qua factum, ut in magna austeritate vitae, observatione Regulæ, mortificationibus corporis, disciplinis usque ad sanguinem quotidianis, amore Divino fervens vixerit, Dæmonibus terribilis

ribilis, a quibus multa passus, & cujus aspectu de corporibus humanis exire cogebantur, tandem in matura ætate, ob majorem usque & usq; perfectionem vitæ, habitâ ad id suorū Superiorū licentiâ, ad ordinem Prædicatorum translatus, in quo majora suæ perfectionis incrementa posuit, ac tandem relictis ibidem Sanctitatis & eruditionis documentis. nempe libris contra Arrianos & Schismaticos a se compositis, ac typo vulgatis, sanctissimè & religiosissime, Cracoviæ, Spiritum incontaminatum, Creatori suo reddidit, Anno Millesimo sexcentesimo Trigésimo, sepultus ad Ecclesiam Sanctissimæ Trinitatis Cracoviæ. Leonardus Słonczewski, Ordinis nostri Canonicus, postea Episcopus Camenecensis, in hac Diæcesi multarum Ecclesiarum, Plebanatum & Xenodochiorum Fundator, Orphanorum Pater, pauperum & pupillorum munificentissimus defensor, disciplinæ Ecclesiasticæ acerrimus Promotor, jurium sui Ordinis apud Regem & in Senatu Protector, tum alii Viri pietate eximii, sanctitate & quavis virtute conspicui.

Inter hos sicut dignitate, ita & sanctitate Mathias Lubiencki primum obtinet, cujus solius (prætermisissis nunc aliis, ulteriori tempore, meo tamen labori & calamo ad describendum relictis) vitam, acta, & res gestas, describere & connotare aggredior. Motus, ut Juventuti, Ordini meo Canonico quæ superventura est, forte exemplum relinquerem, rerum nempe nostrarum studia, extraneis laboribus anteferrî oportere; tum ne in censuram illam devenirem, quam Samuel Nakielski, Vir in Ordine nostro doctissimus, Ordinis Nostri Scriptoribus, in sua Miechovia comminatus est, scribens ibi: *Ingratus, ne dicam impius Ordo Noster meritò esset censendus, si usquam ejus viri memoriam, pateretur apud se ingrato silentio obliterari, cujus animû candidum ac benevolum, munificentissimamquè manum, toto tempore quoad vixit, erga se expertus est.* Tum quod plurimi Authores gravissimi, id, quod nos nunc de Nostro Mathia tractamus, optaverunt, imo ea aliquando in lucem edi debere prophetarunt. Ex quibus idem Noster Nakielski, cujus ne Nomen ipsum, sine laude esse potest, ob doctrinam toti literario orbi notissimam, qui connotatis in sua Miechovia, sat compendiosè, Mathiæ Nostri gloriosissimis factis, a reliquis conscribendis per omnem ejus ætatem amplissimis, supersedit, & aliis hunc laborem reliquit, dum sic scripsit: *in ea re quam par est, breviores volumus esse, cum alioquin Mathiæ præclara facta, sunt per omnem ætatem amplissima, quæ volumine prægrandi potius, quàm hac brevi annotatione indigeant.* Hoc ipsum Damalewicz, in, Serie Archiepiscoporum Gnesnensium, notavit, dum Mathiæ Nostri vitam, religioso veneratus silentio, aliis scribendam commendavit, dicens ibi: *Vitam & mores ego, Illustrissimi & Reverendissimi Domini Primatis & Primi Principis Regni, religioso venerabor Silentio, innuere contentus ea, quæ citra suspicionem assentationis, & scribi & legi possunt, scribebunt olim alii, quibus aliqua posteritatis cura*

Ut igitur horum Authorum desideriis, & meæ erga pientissimum, æque ac munificentissimum Fundatorem, (Mathiam Nostrium intelligo) obligationi satisfaciam, memor pariter beneficiorum in Ordinem meum, Illustrissimorū LUBIENSCIORUM, qui pares fuerunt primis Nostris in hoc Regno Fundatoribus, Nomen Ipsorum in Republica Polona meritissimum, Sanctitate in Mathia, aliisq; ex hac Familia Viris Celeberrimum, pro tenuitate ingenii mei, innuam potius quàm describam, more pictorum, qui in brevi tabella, ingentes terrarum tractus, vastasque Regiones, magis adumbrant, quam depingunt. Ut autem accurate hanc vitam describerem, omnes planè Polonos Authores, præsertim eos, qui stante vita Nostri Mathiæ, & post mortem ejus usque ad hoc tempus, suas lucubrationes scripserunt, revolvi, omnes lustravi, & quid quid erat ad nostram materiam spectans, notavi. Præter Authores, evolvi acta Capituli Miechoviensis, aliorumq; Capitulorū, Consistoriorum variorum, visitationes Diæcesum collegi. Perspexi præterea Erectiones Ecclesiarum, & Capellarum, Inscriptiones & Epitaphia varia, Literas & Epistolas Authenticas, Diplomata, Privilegia, tabulas appensas, vota nuncupata, præ oculis habui, res oculis subjectas, attentè consideravi, Traditiones Seniorum, tum nostriorū Canoniorum, tum Familiæ LUBIENSCIANÆ, & variorum hominum fide dignorum, notavi, Constitutiones Regni sub SIGISMUNDO III. VLADISLAO IV. JOANNE CASIMIRO; Constitutiones Provinciales, & variarum Diæcesum in Regno; Statuta Ordinis mei, sub ipsius regimine conscripta; tum privata, privatorum fide tamen dignorum Virorum manuscripta, omni diligentia prius acquisita, trutinavi, ad extremum Principem in Regno & publicam Bibliothecam ZALUSCIANAM, noviter Varsoviæ erectam consului, & in ea tantquam in inæstimabili gazophilatio, quas gemmas reperi, & communicatas habui, illas in coronam Nostri Mathiæ inferui, & sic tandem Opus hoc, magna sedulitate confeci, & elaboravi. Accipe igitur Amice Lector, utcunquè elaboratum hoc Opus, in quo præstantissimā Sanctitatem, singularissimas & heroicas virtutes, incorruptissimos vitæ mores, Mathiæ Nostri admiraberis. Si in hoc opere aliquid a me erratum putas, age mecum, ut tecum alios agere velles, si ingenii tui partus, vulgus aspexerit. Interim ex scriptis meis, major DEI Gloria, Beatissimæ Immaculatæ Conceptæ honor, & Sanctorum Patronorum Ordinis mei, Cultus perennis.

MUTA P P R O B A T I O A R C H I D I Æ C E S A N A

JOSEPHUS ANTONIUS *de Iwanie* IWANSKI Juris utriusq; Doctor, Ecclesiarū, Metropolitanae Gnesnen: & Cathedralis Vladislaviensis Canonicus, Collegiatae Czarnkoviensis Præpositus Sede Vacante Archiepiscopatus Gnesnensis Generalis Administrator.

OPUS cui Titulus: VITA VENERABILIS SERVI DEI, MATHIÆ LUBIENSKI, Canonici Regularis Sancti Sepulchri, postea Episcopi Chelmenfis, tandem Posenaniensis, deinde Vladislaviensis, ad extremum Archiepiscopi Gnesnensis doctè & solide, à *Perillustri & Admodum Reverendo* FLORIANO BUYDECKI, *Sacrae Theologiae Doctore, Præposito* Sancti Joannis Gnesnensi, viro perquam erudito, & in historica notitia versatissimo concinnatum, ac stylò historico præcellente conscriptum, cum nihil orthodoxæ Fidei, ac bonis moribus contrarium in se contineat, imo a Theologis per Nos ad ipsum legendum expositis, summam commendationem habeat, proinde censemus dignum, ut mediante typo, in lucem publicam prodeat. Datum LOVICII, 3tiâ Mensis Junii Anno Domini 1749.

JOSEPHUS ANTONIUS IWANSKI

Administrator Generalis mpp.

L. S.

CENSURA DOCTORUM ORDINIS.

Ex Commissione Reverendissimi D. JACOBI RADLINSKI, Sacrae Theologiae Doctoris, Præpositi Generalis Infulati, Ordinis Canonico-regularium Regularium, Custodum Sanctissimi Sepulchri, legi librum sub titulo: *Vita Venerabilis Servi DEI* MATHIÆ LUBIENSKI *Canonici Regularis Sanctissimi Sepulchri, postea Archiepiscopi Gnesnensis Regni Poloniae, M. D. L. Primatis Prinnique Principis &c. &c.* A satis erudito Doctore ejusdem Ordinis, in Facultate Theologica & peritia historica, Perillustri FLORIANO BUYDECKI Prothonotario Apostolico Canonico Ecclesiae Metropolitanae Gnesnensis, ibidem Præposito Conventus Sancti Joannis, conscriptum. In quo cum nihil Fidei Sanctae Romanae Ecclesiae, ac bonis moribus dissonum reperi, sed opus, honore Celsissimae Domus Lubienscianae illustre, virtute, meritis, piissimi Archipræsulis & Primatis Regni sublimis, notitiâ olim professi Ordinis Nostri & Præpositi Generalis, ac Benefactoris conspicuum, dignum censeo, ut ad remonstrandam sanctitatem, quæ relucet etiam in Præsulibus Regni Nostri, ad ornamentum insignis Domus LUBIENSCIANÆ, ad decorem Ordinis Nostri, ad perennem authoris elaborati memoriâ, typis mandetur, si illis ad quos pertinet ita videbitur. Datum in Conventu Generali Miechoviensi Die 28. Mensis Augusti Anno Dni 1746.

VENCESLAUS MURATOWICZ *S. Theol. Doctor,
Ordinis S. Sepulchri. Custos Generalis Præpositus Conventus
Prevorsensis.*

L. S.

B

HOC

HOC opus cui Titulus: *Vita Venerabilis Servi DEI, MATHIÆ LUBIENSKI, Canonici Regularis Sancti Sepulchri, tandem Archiepiscopi Gnesnensis & Primatis Regni &c. &c.* Ab Emeritissimo & Laboriosissimo Ordinis Nostri Viro, qui otari nescit, scilicet *Perillustri & Reverendissimo Domino FLORIANO BUYDECKI, Sacrae Thliae Doctore, Canonico Metropolitano & Praeposito Sancti Joannis Gnesnensi, Prothonotario Apostolico, in Ordine Nostro, à multis annis, tam in Cathedris Theologicis, quàm in aliis gradibus elaborato, ad Sanctam Sedem Apostolicam nuper Procuratore Generali, diligenter legi & perlegi.* Quod egregium opus cum nihil in se contrarium, Fidei & bonis moribus contineat, quinimo, vitae Sanctitatem, virtutes, morum exemplaritatem, magni olim in Ecclesia DEI Archiantistitis Lubienii, è pulveribus, in exemplar & consolationem Ecclesiae Dei, ac normam, emolumentum & utilitatem Ordinis Nostri, excitet. Ideo cum dulcedine lectionis, utilitate legentium, profectu, normam vitae hujus Primatis spectantium, hoc opus, dignum esse praelo judico, salva majorum Authoritate. Datum in Conventu Cracoviensi Sanctae Hedvigis Die 23. 7bris 1746.

VALENTINUS WCISŁOWSKI, S. Thliae Doctor, Canonicus Regularis S. Sepulchri, Praepositus Conventus Sanctae Hedvigis ad Cracoviam, Curatus Wroclaviensis.

APPROBATIO ORDINIS

JACOBUS RADLINSKI, Sacrae Thliae Doctor, Ordinis Canonico-regularium Regularium, Custodum Sanctissimi Sepulchri, Praepositus Generalis Insulatus.

LIBRUM cui Titulus: *Vita Venerabilis Servi DEI, MATHIÆ LUBIENSKI, Canonici Regularis Sanctissimi Sepulchri, &c.* Ab Emerito Doctore Ordinis Nostri, FLORIANO BUYDECKI, Prothonotario Apostolico, Canonico Cathedrali & Praeposito Sancti Joannis Gnesnensi, nuper Procuratore Generali Ordinis, laboriosissime conscriptum, ex plurimis Historicis Polonis, manuscriptis, actis, & monumentis variis, summâ diligentia & sollicitudine collectum, cum nihil Fidei & bonis moribus, in se contrarium contineat, sed potius vita exemplari, quam describit, ad vitam similem Canonicos sui Ordinis & omnes Fideles excitet, resque gestas Poloniae, & multorum Episcopatum, ac Religionum Praerogativas, clarissime referat, cum a Doctoribus Ordinis Nostri, ad illum legendum expositis, testimonium sufficientissimum, de sua utilitate & praestantia habeat, ideo eundem, etiam a nobis cum summa animi delectatione, perlectum & revisum, typis dandum esse censemus, si illis ad quos spectat, ita videbitur. Datum in Conventu Generali Miechoviensi, Die 3. Mensis Octobris, Anno Domini 1746.

JACOBUS RADLINSKI, Sacrae Thliae Doctor, Ordinis Canonico-regularium Regularium Sanctissimi Sepulchri Praepositus Generalis.

L.S.

CAR.

CARMEN VOTIVUM.

Beatissimæ Mariæ Virgini Czestochoviensi sacrum.

P R O

Venerabili Seruo DEI,

MATHIA LUBIENSKI

Canonico Sancti Sepulchri, Archiepiscopo Gnesnensi, Primate Primo-
quæ Principe Regni Poloniæ, ut interveniente eadem Beatissima Vir-
gine MARIA, Sanctorum Numero, inscribi valeat.

Luce picta manu Christi Verissima Mater,

Atque Palestini gloria prima soli,

Tum Constantini, belli per fulmina magni,

Munus supremum. Matris amore datum.

Belzensis postquam subiisti tecta sub arcis,

Illum dotasti per tua dona locum.

Ad Lechici tandem venisti climata Regni,

Et clari montis culmina summa tenes.

In quo te supplex Urbs Czestochovia, prono

Cultu prolequitur, spectat, adorat, amat.

Sed cum mons clarus, condigna sede careret,

Quæ majestatem posset habere tuam

Ille tibi sedem, pretio, sumptuque paravit.

Qui vitam Solymæ debuit, atque dedit,

Et qui Custodum, suscepit vota sepulchri,

Ac Tumulo Christi Sanctior ortus erat,

Et qui de dicto Surrexit ab ordine Primas,

Prorex & Princeps Primus in Orbe Lechi.

Hic inquam Præsul, LUBIENSKI gente Paterna

Gnesnensis Cathedræ Pastor & omne decus,

Ampla tibi struxit venerandi tecta Sacelli,

Ac exornavit marmore, corde magis.

Postquam de fundo, surrexit fabrica grandis,

Ac auro gemmis, cuncta venusta forent,

Te propriis manibus, Sacratiss intulit Aris,

Ac in eis scripsit vota profunda sui;

Nam cum Te Matrem proprio sub corde ferebat,

Thesaurique Tui, pondere dives erat,

Noluit hoc donum soli sibi sponte tenere,

Illud proposuit Gentis Utrique Polo;

Ut Te Sermaticus constanter mundus adoret.

Cuncta simul Lechico proxima Regna Throno.

Te pariter supplex Custodum totus adorat

Ordo submisit, postulat atque petit;

Ut quem vox populi, Sanctum compellat & optat.

Hunc pariter Sanctum, prædicet ipse Petrus,

Comprobet ipsius vitam Romana Potestas.

Inscribat fastis, facta stupenda suis.

Inscribat numero Divum LUBIENSCIA gesta.

Atque Caput Pomian Principis astra ferat.

Qui Tibi plura Parens radiantia Templa paravit,

Qui multas aras, Cor, animumque dedit,

Hic aras inter Templorum, luceat orbi,

Hunc Sanctum, populi publica vota canant.

SERIES Capitem Libri vitæ MATHIÆ

A R C H I E P I S C O P I

- 1mum. De Profapia LUBIENSCIORUM.
- 2dum. De Parentibus, Fratribus & Sororibus Mathiæ.
- 3tium. De loco Nativitatis, ipsa Nativitate & educatione Mathiæ.
- 4tum. De ulteriori educatione & statu Clericali Mathiæ, tum functionibus in aula, & Republica.
- 5tum. De vocatione Mathiæ ad Ord: Can: S. Sepulchri, professione religiosa, & electione in Præpositum Generalem ejusdē Ordinis.
- 6tum. Testimonia varia, de professione Mathiæ, in Ordine Canonico-
rum Sancti Sepulchri.
- 7mum. De gestis Mathiæ; dum esset Præpositus Generalis quo ad se
in Spiritualibus.
- 8vum. De gestis Mathiæ, quo ad Canonicorum S. Sepulchri personas
in Spiritualibus.
- 9mum. De gestis Mathiæ, in temporalibus, quo ad Canonicam Genera-
lem Miechoviensem.
- 10mum. De gestis Mathiæ in temporalibus, quo ad Præposituram Ge-
neralem Miechoviensem.
- 11mum. De Fundatione, dotatione Ecclesiarum sui Ordinis, per Mathiā
- 12mum. De Zelo Mathiæ, Jurium sui Ordinis.
- 13tium. De gestis Mathiæ, in Episcopatu Chelmenfi.
- 14tum. De erectione Suffraganeatus Chelmenfis, per Mathiam.
- 15tum. De gestis Mathiæ in Episcopatu Posnaniensi.
- 16tum. De gestis Mathiæ in Episcopatu Vladislaviensi.
- 17mum. De gestis Mathiæ in Archiepiscopatu Gnesnensi.
- 18vum. De fundatione Ecclesiarum variarum, per Mathiam in Polonia
- 19num. De extirpatione Hæresum, per Mathiam.
- 20mum. De affectu & favore Mathiæ erga sacros Ordines Regularium.
- 21mum. De gestis Mathiæ, Regnum Poloniæ concernentibus.
- 22dum. De Devotione Mathiæ ad Christum, & Virginē Beatissimam.
- 23tium. De Devotione Mathiæ, erga Sanctos Patronos.
- 24tum. De Devotione Mathiæ, erga Sanctam Sedem Apostolicam &
subjectione ejusdem.
- 25tum. De Conversatione Mathiæ, cum viris pietate conspicuis
sui ævi.
- 26tum. De reliquis variis virtutibus Mathiæ.
- 27mum. De præparatione ad mortem: & morte felicissima Mathiæ.
- 28vum. De opinione sanctitatis Mathiæ.
- 29num. De admirandis in vita & post mortem Mathiæ.
- 30mum. Varia elogia Mathiæ ex variis.

CAPUT



CAPUT I.

De Prosapia LUBIENSCIORUM.



TSI LUBIENSCIANA Domus, tum generis Nobilitate, tum rebus a se præclare gestis, non tantum Poloniæ, verum toti Europæ notissima, celebratissimaq; existat, etsi quàm gloriosa in Polonia fuerit, palam vetusti Polonorum annales cunctis testatam faciunt, & quàm piissima, Ecclesiæ & Monasteria, ab illa magnificè erecta, cum laude deprædicant, tamen & mihi liceat, aurum auro addere, & hujus Nobilissimæ Domûs Prosapiam, originemquè describere, ut saltem hoc exili conatu meo, gratitudinem præcelsæ Domui manifestarem, quæ tantum Virum, Mathiam Lubieński, Ordini meo per Professionem inscripsit, ex cujus Nobilissimis & heroicis virtutibus, sanctitate admirabili, dignitate in Regno Poloniæ prima, eaque suprema, Ordo meus plurimum incrementi sumpsit. Tum quod hæc Domus pientissima, in Divorum Tempia ad munificentiam profusa, Ordinem meum per prædictum Mathiam & Fratrem ejus Stanislaum Lubieński Episcopum Płocensem, in Regno Poloniæ erectâ in villa Regali Wągeczow Ecclesiâ & Conventu a fundamentis, illâq; dotatâ, & Ordini meo incorporatâ, fundavit, exemplò priscorum illorum Heroum, qui primitus Ordinem nostrum de Hierosolymitana Cathedrali, ac Patriarchali Ecclesia, erectum, tam in Regno Poloniæ, quàm per totam Europam pia liberalitate fundârunt.

Ac imprimis, gloriosa Lubieńsciorum Stemmata, seu insigne Gentilitium Lubieńscianæ Domûs, taliter apud Authores delineatum cōperio: *Pomian, est caput nigrum Zubronis, seu Uri, gladium Nudum retinet, in campo Cæruleo; super Coronam, est armata seu loricata manus extensa, cum gladio vibrato.* A quo Stemmate Pomian dicto, Lubieńscii dicuntur Pomianii, & Prothoparentes Lubieńscianæ Domûs, Pomianii nuncupabantur. Verum dum altius cogito, & initia Domûs Antiquissimæ scrutor, authoresque omnes, quos in hac materia scripsisse cognovi, revolveo; invenio item prædictum Nobilitatis Stemma

seu Domum Pomianeam, ab altero Stemmate Vieniava dicto, suam habuisse originem, seu potius Vieniavios Viros Marte & pietate claros, initia Domui Pomianæ dedisse. Quod omnes Authores Poloni scribunt, Długossus, Paprocki, Okolski, Trzebicki, in vita Stanislai Lubieński Episcopi Płocensis, tum Damalewicz in Serie Archiepiscoporum Gnesnensium, inferius adducendi; & insuper Historiographus rerum Polonicarum, & Ordinis mei Samuel Nakielski, Canonicus Sancti Sepulchri in sua Miechovia fol: 66. in Catalogo Stemmatum, præcipuorum Benefactorum, in initio Ordinis mei in Regno Poloniæ, sub Stemmate Vieniava Gentilitio, Rudgieri Episcopi Vladislaviensis, Summi Benefactoris in sui exordio Canonice Nostræ Miechoviensis, dum post commemorationem æternæ memoriæ digni Rudgieri Episcopi Vladislaviensis Vieniavii, sic de eadem Domo inquit: *Gratulor etiam ego tibi Gens & Domus Illustris Lubiensiana, quæ ad hos Authores Stemma Paternum & sanguinem refert, felix origine, felix imitatione, felicissima virtute, ac laude propria. Insigne autem Vieniava dictum taliter a scriptoribus Polonicis describitur: Vieniava est Caput Uri atrii, cum cornibus ad modum Lunæ mediæ elatis, in naribus habet circulum, seu Annum ex virgis arborum constructum, campus coloris flavi, super coronam magna differentia videtur, Alii enim ponunt leonem, eadē armamentem, ut habet Paprockius in Nido virtutum; Alii leonem cum vibrato gladio, & hoc contigit inferioribus temporibus, Anno Millesimo quadringentesimo Septuagesimo, dum Leszczynii de Gółuchow in Leszno, Comitatum, per Raphaelem Aulicum & Secret: Cæsaris Friderici, obtulerunt, in legatione componendæ pacis inter Cæsarem & Serenissimos Reges Hungariæ & Poloniæ. Alii super coronam, deferunt arma Prus primo. Et ita Okolski, in Libro titulat: Orbis Polonus.*

Qualiter autem & qua occasione, Stemma Vieniava, in Stemma Pomian, a quo præclarissima Pomianorum Domus, suum insigne sumit, commutatum fuerit? Varii Scriptores variè, licet minus solidè, opinantur & scribunt. Et primi quidem Lasthek Hebdam de Grabie Germanum Fratrem Zarandi, Decani Gnesnensis, initia Domui Pomianæ dedisse adstruunt, his verbis. *Pomianii, pro insigni habent Caput Zubronis nigrum cum gladio in signum Genealogiæ Confusionis, circulo in Naribus depēdente sibi ablato, Erat enim Clenodium Unum, cum Clenodio principali Vieniava, quod ex Baronibus signiferum Moraviæ, ortum ducens, in familiam Numerosam crevit, sed cum Lasthek Hebda de Grabie, Germanum Fratrem Zarandum Decanum Gnesnensem, in villa Lubania, Zelo invidiæ & ambitionis tyrannicè occidisset, per Iudicium Vladislai Regis Secundi, in querela deduxit, divorcium inter illos factū est & una parte, qua se Vieniava seu Perstenen vocant, in suo Originali clypeo remanente, alteri circulus adeptus, & gladius in signum tyrannidis datus est. Quod scribit Długossus & Paprocki, & hos sequitur Okolski,*

Okolski, Bielski & alii. Tandem Andreas Trzebiecki, Scholasticus Plocensis, in Vita Stanislai Lubieniski, Episcopi Plocensis, idem plane scribit, his verbis: *Genus vetustum & Nobile, Bisontis, sive Bubali caput, transversò gladio transactum, insigne gerens, Pomianum vulgo nuncupatum, eo quod Vieniavius, Familiae hujus auctor, fraternae cædis Decani Vladislaviensis reus, expiato tū piis, tū præclaris pro Patria factis, (ut tum belli erant tempora) scelere, villâquè illius hæreditaria Lubanie, Ecclesiae Vladislaviensi adjudicatâ, insuper Principis jussu, avitum Stemma Vieniava, Bisontis sive Bubali capite, ense transfixo mutaverit.* Damalewicz verò hoc ipsum negat, in Serie Archiepiscoporum Gnesnensium, & positis solidissimis rationibus & fundamentis, prædictam narrationem Originis Pomianæ impugnantibus, aliam originem Domus Pomianæ assignat, dum inquit: *A Dlugosso ego Stemmatis originem, a fraterna derivatam cæde, non pertinax impugno, sed antiquitatem illius, postquam in his ipsis auctoribus teneo, diligentius ipsam cædem cuperem examinari, ne in tanta caligine antiquitatis, vergat in partem detestandi Sacrilegii, quæ laudabiliter potius in Uri Caput transjectum, armati militis manu, cujus vestigium in galea est, (contra hominem extra bellum, satis fuit armari gladio,) in venatione Principis refferri queat.*

Hoc ego utrumque assertum, innixus fundamentis inferius adducendis nego, motus tum gratitudine: quàm Domui munificentissimæ, Fundatrici Ordinis mei debeo, tum ne originalis culpa, detestandi Sacrilegii, Presbytericidii & Fratricidii, à prætenso Parente Domus, in Domum Nobilissimam propagari queat, tum præcipuè motus veritate, tot gravissimis rationibus mox afferendis probata. Quomodo enim Lasthek Hebda de Grabie, veluti occisor Zarandi, sive alterius Nominis Decani Gnesnensis, sive Vladislaviensis, in villa Lubania, tēpore Vladislai Secundi, Regis Poloniæ, dicatur Auctor Domus? Cum Vladislaum Secundum, Regem Poloniæ, & consequenter Lasthek Hebdam de Grabie, constat vixisse, ex variis Scriptoribus Annalium Poloniæ, & præcipue iisdem, circa annum Domini, Millesimum Quadringentesimum; iam autem longè ante hunc annum, Domus Pomianæ Viri, in Cathedris Pontificum, Infulata Numina, in curulibus Palatini, Togâ Sagôque inclyti, meritis in Ecclesiam & Patriam honoribusquè illustrissimi longè inquam ante præexistebant. Jam Vloftiborius Pomianus, quem ipse Paprocus sub armis Bodula & Pomian Pomianeum dicit, Anno Domini Millesimo ducentesimo septuagesimo nono, electus Archiepiscopus Gnesnensis vigesimus tertius, hoc Stemmata claruit; qui qualis quantusquè vir fuerit, vel ex eo colligere fas est, quod pluris Ecclesiae tranquillitatem, quàm suæ dignitatis reputationem æstimavit, cum enim vidisset plus incommodi rebus afflictis Ecclesiae, afferri posse, propter offensum sibi, Premysli Ducis.

Majoris Poloniae animum, si electioni suae firmiter adhereret, itaque; ut illa furibunda Principis tempestate jactari desineret, ultrò, in manibus Legati Sedis Apostolicae Metropolitanam dignitatem a se abdicavit, majorem inde modestiae laudem, serà posteritatis memoriâ consecutus, quàm Regiminis inter tot fluctuum æstuosos impetus, fuisset consecuturus. Jam Nicolaus Hebda de Niebiesz, Pomianorum Familiae, utriusque pagi Lubna, in Palatinatu Siradiensi Possessor & Haeres, sub tempus Venceslai Bohemiae & Poloniae Regis, Palatinatus Siradiensis, circa Annum Domini Millesimum Ducentesium Nonagesimum Sextum, honoribus floruit, vir alias omni æstimandus pretio, qui egestati Patriae, de suo succurrit ærario. Jam plurimi alii Nobilissimi Viri, pietate & virtutibus eximii, bello & Marte clarissimi, gente Pomianea oriundi, a me inferius mox adducendi, ante hunc Annum Millesimum quadringentesimum, vitam agebant gloriose, prout & sepulchra Ecclesiarum plurium, teste Damalewicz, Pomianeis Stemmatis signata, & Capella ipsius Ecclesiae Metropolitanae Gnesnensis, antiquitus Hebдарum, Stemmatibus Pomian dicta, nunc Lubienfiana, ab insigni restauratione, dotatione nuncupata, tum erectio Ecclesiae Parochialis & Conventualis Wągezoviensis, luculenter testantur; in qua erectione, licet in Anno Millesimo Sexcentesimo Vigesimo Nono, facta, ante hunc Annum, majores Pomianorum Domus, a quadringentis annis, in illa Wągezoviensi Parochia, genus suum propagavisse, & vitam functi sepulturam in eadem Ecclesia habuisse, describuntur.

Deinde villam Lubania, in qua Lasthek Hebda veluti occidisset Zarandum fuisse hæreditariam prædicti Lasthek Hebdæ, & modò primùm post patratum scelus, Ecclesiae Vladislaviensi adjudicatam esse, scribunt hi, qui originem Domus Pomianæ, a prædicto Lasthek Hebda, deducunt. Quod iterum quam sit alienum a veritate, patet ex ipsis documentis Archivi Ecclesiae Vladislaviensis, ubi eandem villam, multo antequam Hebda veluti occidisset Fratrem, sub Rege Vladislao secundo ad Ecclesiam Vladislaviensem, testamento pervenisse constat, ut in vitis Episcoporum Vladislaviensium, ostendit Damalewicz, in vita Volimiri Episcopi.

Alterum assertum a Damalewicz admissum, acsi Domus Pomianea a quodam milite Vieniavio, uri caput in venatione Principis, armata manu trajiciente, Originem deducat, pariter non approbo. Rationes aliunde non quæro, sed illas ex ipsa delineatione, stemmatis Pomianei assumo; Si enim Domus Nobilissima Pomianea, a Milite Vieniavio, in venatione Principis, Urum gladio trajiciente, originem suam deduceret, deberet dari ratio, quare in prædicto stemmate Pomian, manus armata & loricata, extensa cum gladio vibrato, a prima sua origine, delineatur & adumbratur? Sed non potest dari ratio, non enim potest dici

dici, quod prædicta manu armatâ & loricatâ, miles Vieniavius lauciaverit Urum? quia ulterius quæram, nunquid oportuit, aut decuit, ad venationem prædictam Principis, militem Vieniavium taliter armari, & lorica militari indui? quid promeruiſſet ille miles Vieniavius, conſultò ad venationem, contra unam feram, lorica militari armatus cum gladio, an gloriam immortalem, derivatam etiam ad ſuos poſteros? an potius riſum? quomodo hanc venationem abſolveret, & in tam gravi ferrea aut ænea lorica, fugientem urum, aut aliam velocem feram inſequeretur? per juga, per ſylvas vagaretur? inſidiis & curſu feras agigaret? nunquid non ſatis fuit contra feram armari gladio?

Unde potius, probabilius, certius & in Domum Nobiliſſimam glorioſius dicendum eſt. Domum Pomianeam, priſcis illis temporibus, a quodam Herodè Vieniavio, ſtrenuò & armato, in deſenſione Patriæ, hoſtium inſultus arcenſe & capita inimicorum Patriæ trajiciente, aut potius decollante, & poſtea eundem gladium loco circuli, ad prius Stemma Vieniava, voluntate Principis, in præmium & coronam heroicæ pro Patria virtutis aſſumente, manumque victricem de hoſte, armatam & lorica militari indutam, cum vibrato gladio, in ſignum victoriæ ſupra coronam monſtrante, originem ducere, eundemque Herodém, Domus glorioſiſſimæ Pomianæ, primum Protoparentem eſſe. Unde ulterius, Stemma prædictum Pomian, ſuam denominationem, non ab illo vocabulo polonico *pomni nań*, (ut authores primæ ſententiæ volunt) deducit, ſed potius ab hoc vocabulo: *Pomienit*, id eſt mutavit circulum, in victorem gladium. Ratio autem ſufficientiſſima ex ipſis armis Pomian deſumi poteſt. Cum enim in prædictis armis, cernatur Caput Uri evidens eſt, quod Domus Pomianeæ procedat ab Herodè Vieniavio, & hoc omnes Authores ſupra citati concedunt. Quod autem prædictum Caput Uri, gladium retineat, & inſuper quod manus armata, & lorica militari induta, vibratum monſtret ſupra coronam gladium; ratio evidentiffima eſt, quod prædicta manus, non contra perſonam ſpiritualem, aut in venatione contra Urum, ut fruſtra ſupponunt Authores, ſed ad prælium, contra hoſtes Patriæ pariter ferro inſtructos, armata fuerit. Ac præcipuè cum priſcis illis temporibus belli erant tempora. Et ita ad rem noſtram ſcribit Joannes Dionyſius Lobjczynski, Ordinis Sancti Pauli Primi Eremitæ, in Concione Polonica, tit: *Translatio triumphalis, miraculoſiſſimæ Imaginis, Beatiffimæ Virginis Mariæ, Anno Miſeſimo Sexcentefimo Quadageſimo quarto* dum inquit: *Cernendo gladium, in immanis Uri Capite ambas in partes tranſactum, facilis conjectura de initiis hujus Stemmatidis, quod pro magna aliqua heroica virtute, Protoparentibus hujus Domus, dari debuerat; unò verbò: dignum clenodium fortiffimorum Heroum.* Quodſi verò Fratricidium, aut Presbytericideum commiſſet, aut in venatione lauciaſſet Urum, eſſet ne magna heroica virtus? potius eſſet

set scelus, aut ex venatione, dulce & amœnum otium.

Ab hoc itaque Herodé Vieniavio, Domus Pomianæ Protoparente gloriosissimo, procedunt Pomianii, qui retento sive noviter assumpto nomine Hebдарum, Possessiones opulentissimas, dignitates in Regno primarias, & ministeria Regni ex æquo merebantur. Idem in Senatu Polono Principes, in Cathedris Præsules, in variis Palatinatibus & terris Dignitarii creabantur. Hinc inter Senatores Poloniae numerabatur, in Anno 1346. Hebda Pomianus Castell: Brestensis Cujaviensis, de quo literæ Casimiri Regis in erectione Civitatis Bidgostiensis, in Historia Collegii Bidgostiensis, testantur. Item alius Hebda Pomianus in Anno Millesimo Trecentesimo quinquagesimo septimo, Castellanus Siradiensis prout ex literis ejusdem Casimiri Regis apud Olszovscium de Primatu in Zaluscio colligitur. Item ex his sive alius distinctus ab eis Hebda Pomianus in Anno Millesimo Trecentesimo Sexagesimo Palatinus Siradiensis, ut ex literis memoratis Casimiri Regis ibidem apud Olszovscium legitur. Nicolaus Hebda Pomianus pariter Palatinus Siradiensis, quem in Anno Millesimo Quadringentesimo occisum, Niesiecki tom. imo, in Serie Palatinorum Siradiensium scribit dubitat tamen de Anno, quem nos sub Anno Millesimo Ducentesimo nonagesimo sexto, ex aliis Authoribus, paulo superius in hoc Capite posuimus. Quid de aliis gravissimis Viris, opibus, Fortuna, & honore præstantibus commemorem? Paprocki fol. 427. Epitaphium se descripsisse testatur Gnesnæ Joannis Hebda de Niewiesz, Archidiaconi Sac: Rom: Eccl: Decani Cujaviensis, Canonici Gnesnensis Cracoviensis Anno Millesimo Quadringentesimo mortui. Długossus in vitis Episcoporum Posnaniensium sub Anno Millesimo Quadringentesimo trigesimo nono, Joannis Hebda de Niewiesz Pomiani, Decani Cujaviensis, Canonici Posnaniensis & Administratoris Sede vacante Episcopatus Posnaniensis meminit, qui scultetiâ in Bonis Langu emptâ, eademque Capitulo Cujaviensi attributâ, jugem animæ suæ memoriam quotannis comparavit. Idem Długossus, in sua Historia, Nicolaum Hebdam in Anno Millesimo, Quadringentesimo quadragesimo Octavo, Præpositum Crusvicensem & Canonicum Gnesnensem habentem a Capitulo Gnesnensi, pro Archiepiscopatu Gnesnensi Suffragia de prædicat, quem Joannes Hebda Canonicus Gnesnensis votis & Suffragiis in eadem electione juvit.

Ex hoc clarissimo Hebдарum Pomianorum nomine processerunt Jarandii, sive Jaruntii Pomianei, attestantibus præcis Poloniarum Historicis, qui sub hoc gloriosissimo Jarandorum sive Jaruntorum Nomine principalissimas in Senatu Polono implebant & occupabant sedes. Ex his Jarandus Pomianus Palatinus Siradiensis in Anno Millesimo Quadringentesimo Quadragesimo secundo, ut ex Literis Vladislai Regis Civitati Cracoviensi & Sendomiriensi datis colligitur. Nicolaus

laus Jarandus Pomianus, pariter Palatinus Siradienſis in Anno Millefimo Quadringentefimo ſeptuageſimo quinto prout Literæ Caſimiri Regis Civitati Lublinenſi & Cracoviенſi datæ, & plurimi Authores teſtantur. Alter Nicolaus ſive Joannes Jarandus Pomianus, primò in Anno Millefimo Quadringentefimo nonageſimo ſexto, Caſtellanus Spicimirienſis, cum quo titulo, ſubſcripſit electionem Joannis Albrichti Regis, ut in Statut. Laſcii fol. 110. Idem poſtea Caſtellanus Califfienſis Anno Millefimo Quingentefimo quarto, ut in iſdem Statutis fol. 112. ſubſcriptus legitur, in Anno autem Millefimo Quingentefimo Decimo nono promotus in Palatinatum Lancicienſem, prout Literæ Sigismundi apud Olszovſcium de Primatu edocēt. Tertius hujus Nominis Nicolaus Jarandus Pomianus, primo Caſtellanus Lancicienſis in Anno 1545. deinde Palatinus Lancicienſis in Anno 1548 ut Literæ Auguſti primi, Civitati Cracoviенſi & Leopoliенſi datæ referunt. Jarandus Pomianus Palatinus Inovraclaviенſis, qui cum aliis Proceribus Regni Legatos a Sigismundo Cæſare, pro coronatione Vitoldi, Magni Ducis Lithvanix miſſos, impedivit Anno Millefimo Quadringentefimo Tringentefimo. Aliqui hunc Jarandum, Palatinum Inovraclaviенſem de Grabie ſcribunt ut Miechovita libro quarto. Aliqui de Brudzewo, eundem nominant, ut in literis Jagiellonis, Civitati Lublinenſi apud Laſki in Statuto datis fol. 140. deſcribitur. Nicolaus pariter Jarandus Pomianus Caſtellanus Inovraclaviенſis in Anno Millefimo Quingentefimo Quadrageſimo quinto, prout eoſdem Tomo primo in Serie Palatinorum & Caſtellanorum enumerat Niesiecki. Jarandus Pomianus, Caſtellanus Roſpirienſis, in Anno Millefimo Trecentefimo Quadrageſimo ſecundo, cum quo titulo ſubſcripſit literas Caſimiri magni, apud Paprocki, ſtomat. fol. 202. Jarandus Pomianus, Caſtellanus Spicimirienſis, cujus mentionem faciunt literæ Vladislai Regis, Civitati Cracoviенſi datæ; Inveniuntur & alii hujus Nominis Jaradii: Jaradus Decanus Gneſnenſis, in Anno Millefimo Trecentefimo octogefimo tertio; Item Jarandus Canonicus Gneſnenſis, in Anno Millefimo Quadringentefimo quadrageſimo tertio; Gerardus Jarandus, Canonicus Crusviенſis, & Vartæ nomine Regis conſtitutus Gubernator, liberalitate & munificentia, in Fundationem Conventuum, Bidgoſtiенſis & Vartенſis P. P. Bernardinorum, Celeberrimus; Aliique plurimi longa ferie deducendi.

Ab horum itaque Heroum, priſco & Nobiliſſimo ſanguine, tanquam lucidiſſimo fonte, Illuſtriſſimæ in Regno procedunt Familiæ, hinc ducunt Genus ſuum Niewieſzyi, ſatis olim clari; Brudzewſcii, qui Jarandorum ſive Jaruntorum nomine, ab antiquo gloriabantur, teſte Niesiecki tom. Imo. Grabſcii, quos ab Hebdis & Jaruntiis proceſſiſſe, ſcribunt antiqui Poloniarum Hiſtorici. Broniſzewſcii, quibus una initia cum Grabſciis, aſſerit eſſe Niesiecki, tom. Imo. Suſcii, quo-

rum Author Domûs Hebda de Grabie, secundum Paprociûm, Ducis Masoviae Marechalculus. Sokołowski, plurimis Palatinis, Castellanis & in Senatu Polono Viris, Clarissimi, sed præcipue hæc Domus, Joannis Sokołowski Palatini Pomeraniae Filiâ, Matrimonio Michâeli Działyński, Succamerario Culmensi junctâ, ex eaque procreata Sobole, Felice Działyński, peregrinatione ad terram Sanctam, ad visitandum & adorandum Sanctissimum Christi Sepulchrum, celeberrimo, & ibidem effuso pro Christo sanguine, (in mari a Turca odio fidei occisus) Martyrio coronato, gloriosissima. Cienſcii quorum Domus una eademque cum Lubienſciis, sola differentia manente, quod hi de Lubna, illi autem a Cienie villis, suam Nomenclaturam acceperunt, gloriantur autem Cienſcii plurimis Viris, armis & pietate inclytis, ex quibus erat Gaspar, filius quondam Alberti Cienſki & Hedvigis, Sororis Andreæ Trzebicki Episcopi Cracoviensis, Decanus & Administrator Episcopatus Cracoviensis Sede vacante, Deputatus aliquoties Judex ad Tribunal Regni, & in hæreditate Trzebicciorum, Ecclesiae ab imo Fundator & exdotator. Koludzcii, quorum præcipuum Ornamentum erat, Simon Koludzki, Præpositus Gnesnensis, Scholasticus Vladislaviensis Custos Plocensis, Canonicus Cracoviensis, Administrator Episcopatus Cracoviensis, in respectibus apud Joannem Albrachtum, Regium Principem, Cardinalem & Episcopum Cracoviensem, in Tribunali Regni Anno Millesimo Sexcentesimo trigesimo octavo Præfidentis, oblatus ipsi erat Episcopatus Chelmenſis, Sed mereri illum voluit, non acceptare. Kielczewſcii, Domus pariter Antiquissima, variis functionibus in Regno, per se gloriose expeditis notissima, alique plurimi, marte & bello, pietate in Deum & Patriam laudatissimi, in Palatinatu Cujaviensi, Siradiensi, imo in tota Polonia Pomianorum propagarunt gloriam.

Ad extremum, qui primò & principaliter erant, scribendi Lubienſcii, Hebдарum Antiquissima progenies, a Nicolao Hebda, Palatino Siradiensi, recta linea descendens, ut Niesiecki tomo primo sub Hebdis, Trzebicki, in vita Stanislai Lubienſki, & plurimi alii Historici referunt, Jarandorum sive Jaruntorum, & qui ejusdem stirpis Niewieszyorum, Nobilissimus sanguis, ut præter multos Authores, vexillum Antiquum in Ecclesia Nostra Miechoviensi, Joanni Lubienſcio, Mathiae Noſtri Germano Fratri, in Anno Millesimo Sexcentesimo, decimo septimo appensum, lemmate inscriptum, a me vero ante conflagrationem ejusdem Ecclesiae, Anno Millesimo Septingentesimo quadragesimo quinto factam, descriptum, testatur, quod sic habet: *Joannes Lubienſki, Gente Pomianus, è Palatinatu Siradiensi, vetustæ Nobilitatis splendore clarus, cujus majores è Jaruntorum, & quæ ejusdem stirpis Niewieszyorum familiis orti, equestri Dignitate floruerunt, ipse ingenii bonitate, Patrii Juris notitia, pietatis & orthodoxæ religionis studio,*

De Prosapia Lubiensiorum.

dio, cæterisque virtutibus viro nobili dignis præstans meruit, ut ab omnibus amaretur, quippe, qui re sua contentus, nemini molestus esse voluerit. Moritur in pago Wrociriensi Conventûs Miechoviensis, VI. Idus Septembris, Anno Domini Millesimo Sexcentesimo Decimo Septimo, ætatis suæ Quadragesimo Septimo.

Qualiter autem & quando, relicto celeberrimo Hebдарum, & Јаrandorum Nomine, Lubienscii vocitari cæperunt? dedit initium Nominis, Nicolaus Hebda de Niewiesz Pomianus, tempore Venceslai Bohemi Regnum Poloniæ usurpantis, circa Annum Domini Millesimum Ducentesium Nonagesimum Sextum, Palatinus Siradiensis, a quo complures cõemptæ in territorio Siradiensi possessiones, ut scribit Andreas Trzebicki, in vita Stanislai Lubiencki Episcopi Płocensis, inter quas cõemptâ viliâ Lubnâ, illustrem & locupletem in uno ambitu effecerunt conditionem; sed postmodum aucta sobole, atq; inter plures hæreditate, amplius quam ante quadringentos Annos, divisa, Pomianicum genus numero amplissimum, cognominibus diversum, esse cæpit; nam villarum vocabula, prout illæ cuique, ex posteris Nicolai Hebda de Niewiesz, cesserant, distincta cognomina, Dominis villarum dedere. Hinc Lubienscii tulit Nomen, qui villâ Lubnâ prope Siradiam potitus est.

Postquam verò hujus nobilissimæ Familiæ, Nomen Lubiensciorum inclarescere cæpit, protinus hæc Familia, continua temporum serie, Viros sapientissimos, & in promovendo cultu Divino ferventes, ac Regni hujus amplissimi, gravissimos Senatores, bellicosissimos & fortunatissimos Heròes, Patriæ Nostræ protulit, qui Poloniam non solum rebus a se præclare gestis, florentissimam reddiderunt, verum etiam, quod ipsorum, summæ laudi, & immortalī gloriæ tribuendum est, ita Cultum Divinum, magnificis templis & monasteriis, tum ædificatis tum restauratis, (ut inferius in hoc Libro patebit) propagarunt, ut non facile quempiam alium, cum illis comparaveris.

Primus se mihi offert villæ Lubna Hæres, (Nomen siluerunt Historici) Lubiencki Vir magnanimus, veraque Martis soboles, qui tam sua magnanimitate, quàm pietate, & erga Virginem Beatissimam devotione, contra hostes universalis Ecclesiæ, & Patriæ militabat, sub Casimiro III. Poloniarum Rege, in campis Choyniciis contra Crucigeros pugnando, & fortissimè in illos irrumpendo, non sine suo periculo maximo, quod tamen feliciter evasit, postquam se voto obstrinxit, diebus sabbativis rigidum jejunium, dum vita suppeteret, observaturum. Hunc Lubienscium, Trzebicki in vita Stanislai Lubiencki Episcopi Płocensis, scribit fuisse Avum Sventoslai Lubiencki Patris Archiepiscopi Mathiæ, cæterum Annos computando, quibus Casimirus III. & consequenter hic Lubiencki vixerat, contra Crucigerosque belaverat, debuerat fuisse Abavus, a Nicolao Hebda Palatino Siradiensi

rectâ lineâ ut Niesiecki tomo primo, sub Hebdis, & a Jarundis ut suprà demonstravimus descendens.

Alter immediatus villæ Lubna Possessor & Hæres, Andreas, Nicolai Hebda de Niewieź, Palatini Siradiensis immediatus Nepos, ut deducit Stephanus Szczaniecki S. J. in concione funebri, Sophiæ de Lubna Mączynska, Capitaneæ Kłoniowienſis, & cui in divisione paterna, hæreditas villæ Lubna contigerat; Hic ducta cujusdam nobilissimæ in Regno Familiæ, uxore Petronella, ex ea Filium Stanislaum habuit, maturior ætate, Lubienſciani nominis gloriâ, in tantum evexit, ut supremus Regni Thesaurarius, & Præfectus Dobrinenſis factus, claves & Thesaurum Regni Poloniæ sibi commissum habuerit. Accrevit in hoc magno Regni Dynasta, Illustrissimorum Lubienſciorum gloria, dum præter hoc, quod supremo Regni Thesaurarii officio, & honore dignissimus inventus esset, etiam summæ auctoritatis probatur, quia nomine Reipublicæ Polonæ, privilegium Pruthenicum, Anno Domini millesimo quadringentesimo trigesimo sexto, subscripsit, & perennitati consignavit. Inter tantos in Regno honores, & curas Reipublicæ, nihil de devotione ad Sanctos Patronos intermisit Andreas, & præcipuè ad Sanctum Stanislaum Episcopum Cracoviensem & Martyrem, Regni & suum Patronum mirè devotus fuit, cujus precibus & intercessione, non semel auxilium & gratiam sanitatis, in extremo existens periculo, obtinuit. Cum enim semel venatu animum recrearet, equo ad obicem sub vesperum impingente excussus, graviter elisus est, domum deportatus magis ac magis deficiebat, sanguinis fluxum, nulla medicorum arte, sistere valente, qui tam copiosus erat, ut per unius noctis spacium, justæ capacitatis implere potuerit pelvim; nullum cibum, potumque retinere poterat, quidquid in stomachum ingessit, mox egressit, actum igitur de vita arbitratum disponere Domui suæ cœpit, familiæque in cujus habitationem se deferri curaverat, ex æquo dedit mercedem; Sed enim non diffidens de miserationibus Divinis, promittit se ad rupellam sub Cracovia sitam, Divoque Stanislao, cui devotissimus vixerat, & cui nomen Filio indiderat, venerationis officio, & muneribus litaturum. Approbat Petronella Uxor, suasque maritali pietati conjunxit devotiones. Adfuit igitur auxilium desuper, nam post facta vota prima statim die solum ter sanguinem excreavit, altera bis, tertia integrè convaluit. Quare gratias pro tanto beneficio acturus, Cracoviâ profectus est, dumque jam unum nonnisi miliarium restaret conficiendum pedestri illud emensus itinere; ante sepulchrum Sancti Martyris se suppliciter provolvitur, & pro vita sibi donata, septem pondo ceræ in usum Ecclesiæ obtulit. Hic Andreas supponitur fuisse Filius, illius magni sub Choy nice Herois, computando annos, quibus uterque vixit; tum hæreditatem ville Lubna, immediate ab eis possessam, ex Authoribus acceptam

ptam conſiderando; tum quod fuerit immediatus Nepos Nicolai Hebda de Niewieſz, Palatini Siradienſis, ut ſupra ex Concione P. Szczaniecki Soc: JESU demonſtravimus.

Tertius villæ Lubna Hæres, Stanislaus Lubienſki, ſupraſcripti Andree, Theſaurarii Regni, & Petronellæ Filius, de quo nihil adnotarunt Authores, præterquam, quod eidem Nomen a Parentibus, Sancti Stanislai, ob ſummam Parentum ad Sanctum Patronum Regni, devotionem, impositum fuerit, ut colligi poterit ex Sotarevio, in vita Divi Stanislai Episcopi Cracoviensis. Creditur hic Stanislaus, procreasse duos Filios, primum Jaroslaum, alterum Janusium Lubienſcios, qui poſt mortem Patris, in hæreditatem villæ Lubna ſuccedentes, unam eandemque villam Lubna inter ſe in duas ſortes diviſerunt, a quorū nominibꝯ duæ hæ ſortes aduſq; una Jaroslai, altera Januſii nuncupatur; Hinc ab his Lubienſciis Jaroslao & Januſio, ſive ab uno ex his, procedunt reliqui, Svētoſlag & alter Sventoslai Frater (nomen ejus ignoratur) Lubienſcii. De Svētoſlao immediate ſcribā; Frater verò Svētoſlai Lubienſki, ducta ex quadā nobiliſſima Domo Conjuge, aliquot procreaſſe narratur Filios, quorum primꝯ Abraamus Lubienſki, Frater Patruelis noſtri Mathiæ erat. Huic Abraamo Lubienſki ob ſummam in rebus agendis dexteritatem, ac ſolertiam, & Civitatis Miechoviēſis, & omnium Bonorum, ad Præpoſituram Generalem Miechoviēſem ſpectantium Mathias Noſter, dum Præpoſitus Generalis Ordinis Noſtri eſſet, adminiſtrationem commiſit. Qui Vir in æconômiciſ verſatiſſimus, in ipſo exordio, Anni milleſimi ſexcenteſimi vigefimi ſecundi, diuturna febris exhaustus, die octava Januarii, mundo valedixit, graviter ejus obitum Canonicis noſtris, cum quibus ille toto tempore familiariffimè vixit, deplorantibus. Ejus ſepulturam in abſentia Noſtri Mathiæ, Canonici noſtri, ſatis honorificè, præſente Stanislao Lubienſki, Abbate protunc Tinecenſi, Fratre itidem Patrueli, ejusdem demortui Abraami Lubienſki, die tertia Februarii, in Eccleſia noſtra Miechoviēſi, curaverunt. Reliqui verò Filii ſupraſcripti cujus nomen ignoratur Lubienſki, & Fratres Germani Abraami Lubienſki, Fratres verò Patruelles noſtri Mathiæ, ſe ex Siradienſi Ora in Polonā Pruffiam, fortuna ita favente, tranſtulerunt, a quibus iſti procedunt, qui hic & nunc ibidem incolatum habent.

Quintus Sventoslaus Lubienſki, exſoluta prius ex una ſorte, villæ Lubna Fratri ſuo hæreditate, utriusque Lubna Hæres & Poſſeſſor, decem liberorum, (inter quos noſtri Mathiæ) Parens, cujus vitam integerrimam, ſuorumque Filiorum & Filiarum omnium, ſequenti immediate capite, ex profeſſo deſcribemus.

Sextus utriusque Lubna Hæres & Poſſeſſor Joannes Lubienſki, ſupraſcripti immediate Sventoslai Filius, cujus pariter geſta, una cum ſuis Fratribus & Parentibus, ubi de iſdem ex profeſſo tractabitur ſe-

quenti idque immediato capite demonstrabimus.

Septimus Utriusque Lubna Hæres, Hieronymus, & Albertus Lubienſcii, ſupraſcripti Joannis Lubienſki Filii, Mathiæ verò Archiepiſcopi Gneſnenſis & Stanislai Epilcopi Płoceniſis, ex Fratre Nepotes. Primi ideſt Hieronymi, (a quo Lubienſcii, qui in terra Cracovienci & Sendomirienci conſiſtunt, procedunt) vitam brevi periodo, paulò inferiùs, in hoc capite attingam, Alberti verò cum hic dignitate in Regno Senatoria, primo natum Fratrem ſuum Hieronymum exceſſerat, primò compendioſo celebrabo Encomio. Hic itaq; Albertus Lubienſki, ſupraſcripti immediatè Joannis Filius, ex Sophia Wilczynſka, quam idem Joannes ſecundo voto habuit, procreatus fuit, in quo adhuc puero, virtus & animi conſtantia, nobiliſſimi Parentis, manifeſtè elucebant, Adultior verò factus Italiam, Belgium, Hollandiam, Gallias luſtravit, ibique literis animum excoluit, ac in Martiſ Palæſtra gloriæ militariſ avidus deſudavit. Reverſus in Patriam, virtuti & honori ſtudento, præclariffimis ſuis moribus ita promeruit ſibi favorem & gratiam, Clariffimorum Patruorum ſuorum, ut eum exdotato priùs Fratre ejus Hieronymo, Paternorum Bonorum, Dominum & Hæredem, tum Arciſ & villæ Kalinowa, aliarumque poſſeſſionum, proprio ære comparatarum, conſtituerent. Qui non degener a generoſitate & probitate ſuorum Progenitorum, propria virtute, ad majores honores ac dignitates, aſcenſum ſibi paravit. Hinc primò Dapifer Siradienſis & Deputatus ad Tribunal Regni, in Anno milieſimo ſexcenteſimo quadreſimo tertio, factus, in Anno autè milieſimo ſexcenteſimo quadreſimo ſeptimo Vexillifer Siradienſis major renuntiatuſ, vir tantæ in obeundis publicis muneribus prudentiæ, ut ſi aliqua conſultatio fieret, de ſalute Patriæ, ad conſilia invitaretur; & ſic in confederatione Generali Varſavienci, Anno milieſimo ſexcenteſimo quadreſimo octavo, decima ſexta Julii, celebrata, poſt mortem Vladislai IV. Regiſ Poloniæ, fuit deputatuſ, una cum aliis ex utroque Reipublicæ ordine, ad latus Mathiæ Lubienſki, Archiepiſcopi & Primatiſ Regni, ſui Patruſ, ut eundem, interveniente aliqua neceſſitate Reipublicæ, maturo conſilio & auxilio juvaret, ſimulque cum Primate, de ſalute Reipublicæ conferret. Cum verò poſt peractam coronationem novi Regiſ, juſ quoddam primæ gratiæ, a Regia Majeſtate, pro Domo Archiepiſcopi concedendæ, uſu inductum, Mathiaſ Lubienſki Archiepiſcopuſ Gneſnenſiſ, poſt coronationem Joanniſ Caſimiri, gratioſa præmia accepiffet, videlicet Caſtellanatum Siradienſem & Capitaneatum Przedecenſem, eidem Alberto ſuo Nepoti ex Fratre, uti viro ad quaviſ Dignitateſ etiam Senatoriaſ, idoneo, aliâſ in Republica Polona meritiffimo, & apud noviter electum Regem, Joannem Caſimirum, ex electioniſ negotio, per ipſum agendo, tum ex legatione ad Regni Ordineſ, in eodem negotio electio-

nis, ac ex Conſilii gravitate, juſtitiaęque conſtantia, in Tribunalitiis Regni Judiciis laudatiſſimo, eundem Caſtellanatum Siradienſem, & Capitaneatum Przedeceſſem, in Anno milleſimo ſexcenteſimo quadreſimo nono contulit, & in Collegium Senatorũ Regni cooptavit

Hic Albertus, ex Theophila Gorſka, Stanislai Gorſki, Palatini Maſzovia Filia, quam ſibi maritali foedere copulaverat, quinque ſuſcepit Filias, quę poſtea in matrimonium Viris nobiliſſimis & excellę in Polonia Familiaę, locatę, miram tum virtutum, tum boni nominis ſpargebant famam. Prima fuit Olſzowska Subdapiferi Califfienſis conſors; ſecunda Donhoffowa, Enſiferi Lęcicienſis, tertia Nicolai Siemianowski Judicis Vielunęnſis, qui poſtea Legatus ad Comitata Generalia Regni, tum Deputatus, & in Anno milleſimo ſexcenteſimo nonageſimo quarto, Vicemareſchalcus in Judiciis Tribunalitiis Regni, ad extremũ poſt mortem Fratris ſui Martini, Caſtellanus Vielunęnſis erat, quarta Sophia, Stanislai Maćzynski Capitanei Klono-
vięſis cõſors, quę præter ſex Filias, 3. Filios Stanislauum poſtea Vexilliferũ & brevi Succamerarium Siradienſem, ſecundum, Caſimirum, poſtea Capitaneum Klono-
vięnſem & Caſtellanum Konarienſem, brevi Siradienſem, tertium Adalbertum, poſtea Venatorem Siradienſem genuit; mortua in Anno milleſimo ſexcenteſimo nonageſimo ſecundo. Quinta Adalberti Lubienſki Caſtellani Siradienſis Filia nomine Alexandra in Religione ſancti Franciſci Conventus Vielunęnſis obiit. Filios autem prædictus Adalbertus Lubienſki, Caſtellanus Siradienſis, procreavit tres, Stanislauum natu majorem, poſtea Canonicũ Cracovięnſem; peregrinationibus ad exterarum nationum, & doctrinã clariffimam, earundemque nationum idiomatum peritiã addiſcendo, vocaliſſimam nomini Lubienſciano, ubique præmeruit gloriam; ejus nobiliſſima facta Eccleſiæ & Patriæ præſtanda, mors præcox impedivit, dum eundem, in juvenili ætate terris eripuit. Alii Filii Alberti Caſtellani Siradienſis, Mathias & Joannes, de Mathia immediate ſcribemus, Joannes verò, acceptã in hæreditatem villã, Szczytni-
ki cum attinentiis, & ducta uxore Joanna Urbaniſka, Caſtellani Vielunęnſis ſorore germana, deceſſit ſteriliter. Porro Albertus Caſtella-
nus Siradienſis, mortua ſua matre Sophia de Wyleżyno Lubienſka, in Anno Domini milleſimo ſexcenteſimo quadreſimo octavo. Die vigesima ſexta Maji, cum vixiſſet vidua, ſanctę & religioſę, annis triginta uno, ætatis ſuę quinquaginta ſex, eademque in Eccleſia noſtra Waęczovięnſi, ritu Catholico honorificę ſepulta, erecto poſtea eidem, ex filiali amore ibidem marmoreo Epitaphio, ipſe deinceps virtutum Chriſtianarum, ſpectatę pietatis & timoris Dei exemplar fuit; cujus pietatis in Deum habet teſtimonium, ex ſua ſubſcriptione confoederationis, in Anno milleſimo ſexcenteſimo quadreſimo octavo, poſt mortem Vladislai IV. Regis Poloniaę factę, in qua
F
cum

cum Lutherani & Calvinistæ, multas prætensiones suas, tum Sanctæ Ecclesiæ Catholicæ, Fideique Orthodoxæ, tum legibus & decretis Regni, contrarias, per novam confœderationem confirmare, & approbare voluissent, Adalbertus Lubienſki protunc in confœderatione præſens, eandem confœderationem non aliter ſubſcripſit, niſi *ſalvis Juribus Ecclesiæ Catholicæ Romanæ*. Quod iterum eundem feciſſe cõſtat, eodem Anno Milleſimo ſexcenteſimo quadrageſimo cõtavo, primâ Auguſti, in Caſtro Varſavienſi, ubi ſecutus Epiſcopos, alioſq; Senatores, ac Miniſtros Regni, de Sancta Eccleſia, & Religione benè meritos, & jurium ejusdem zeloſiſſimos, manifeſtationem contra Arrianos, alioſque Hæreticos, cum aliis Epiſcopis & Senatoribus, tum Miniſtris Regni, ſubſcripſit. Aliud teſtimonium ſuæ probitatis & pietatis in Deum habet ex teſtamento Mathiæ Archiepiſcopi, (cujus teſtamenti, unâ cum aliis, Albertus Lubienſki executor fuit) in quo de eodem Alberto, poſt multas piſſimas diſpoſitiones, Mathias Archiepiſcopus ſic inquit: *De cætero ſi in timore Dei vivet, uti hactenus vixit, atque Eccleſiæ & Patriæ utilis eſſe curabit, plura ei Deus adjiciet, & fortunas ejus augebit, quemadmodum, ut plurima alia exempla taceam, & noſtras pro infinita ſua bonitate, & miſericordia mirificè auxit.*

Mathias, ſupraſcripti Alberti Lubienſki Caſtellani Siradienſis Filius Stanislai verò Canonici Cracoviienſis, & Joannis germanus Frater, beneficiâ Stanislai Epiſcopi Płocenſis, & Alberti Præpoſiti Pułtovi enſis Lubienſkich, Avorum ſuorum educatus, ex eorum enim reſiduitate pecuniæ poſt obitum eorum relictæ, viginti millia, a Mathia Archiepiſcopo, uti teſtamenti Executore, enumerata erant, ſimulque in bonis hæreditariis, ſupraſcripti Alberti Lubienſki Caſtellani Siradienſis, ſub cenſu annuo inſcripta, ut cenſus hic, in uſum hujus Mathiæ, ſingulis annis expenderetur, & pro ſumptu in ſcholis faciendo, tum pro reliqua educatione ejus, converteretur. Habitâ tantâ munificentâ Avorum, & curâ Parentum ſuorum, ad ſtudia in ſcholis Societatis JEſU Caliſſienſibus applicatus, brevi in doctrina & in pietate profecit, quibûs finitiſ, Paternarum virtutum & Bonorum, villarum videlicet Kalinova, Lubna, Wewrzałowo, Kobylki, Regaliſ Wągeczow & aliarum Hæres, & Poſſeſſor extitit. Hic Mathias ducta lectiſſima cõjuge, ex Nobiliſſima Radoliſſciorum Domo Thereſſia Radoliſſka, Caſtellani Krzywinenſis Filia, ambo pietati operam dabant, ambo in Eccleſias munifici, ambo in ſacras ædes liberales, illorum cura & ſumptu reædificata a fundamentis extitit in Kalinova Eccleſia, quæ valido vento proſtrata, illorum opem expectabat liberalem. Unde Divinam benediſſionem adepti, viginti plus minus Filios, unâ cum Filiabus, cælo, Eccleſiæ & Patriæ procrearunt.

Ex his primus Andreas, Mathiæ Lubienſki ſupraſcripti, ex Radoliſſka Filius, Archidiaconus Caliſſienſis, & Canonicus Metropolita-
nus

nus Gnesnensis, tandem post Alexandrum Bykowski, Cathedralis Cracoviensis Scholasticus, vir in supremo Tribunali Regni, ex Capitulo Cathedralis Cracoviensis, Judicis Deputati, ex Capitulo vero Metropolitano Gnesnensi, Vicepræsidentis dignitate, clarissimus. In pietate & oratione continuus, ita, ut ex illa assiduitate orationis, habitum acquisiverit, labia movendi omni tempore, observans illud apostolicum monitum; *semper gaudete, & sine intermissione orate*. Quare ex illo contracto habitu, etiam tunc dū extrema infirmitate pressus, & gravissimis doloribus cruciatus, etiam extra sensus existens, indefinenter orabat, & sic spiritum suum Creatori suo commendabat.

Secundus Stanislaus Mathiæ Lubiencki ex Radolinska Filius, qui juveniles annos Marti & Bellonæ, sub signis Supremi exercituum Regni Ducis, Stanislawi Jablonowski, & Castellani Cracoviensis, consecravit, postea depositis militaribus armis, & instructus præcellarum virtutum ac dorum prærogativis, Annam Karlska, in matrimonium sibi associavit, ex quo præclaro consortio, Joannem & Albertum Filios, Catharinam & Sophiam Filias, numeravit. Hæ Walszewicis, germanis Fratribus, maritali junctæ fædere, nempe natu major Catharina, natu majori Walszewski, junior Sophia, juniore Walszewski nupta, una eademque die vota matrimonialia emiserunt, post annum verò, penes partum ambæ simul morte extinctæ sunt. Filii verò supra recensiti Stanislawi Lubiencki, Joannes & Albertus, quorū primus, in consortium vitæ duxit Szczaniecka, alter verò Albertus, qui nunc Hæres villarum Hoyno & Glowczyn, maritali sibi fædere juncta Anna Cywinska, ex ea Petrum nunc minorēnem, & tres Filias Mariannam, Antoninam, & Jolepham procreavit.

Tertius Adalbertus, Mathiæ Lubiencki ex Radolinska Filius, cui in divisione Paterna, hæreditates Lubna contingerant, hic adlecta sibi lectissima, è pervetusta Familia Orzelskorum, consorte, ex ea, Alexandrum, modernum Capitaneum Wągezoviensem, & Jacobum Filios, Heienam, primo voto Thomæ Milewski, secundo voto, Martino Borzęcki, in Anno Millesimo septingentesimo quadragesimo septimo, in Matrimonium locatam, procreavit. Tandem mortua prima ex nobilissima Orzelskorum Domo, consorte, Theresiam Kałowska Viduam, connubiorum accepit sociam, cum qua sterilis, pietate tamen Christiana fecundissimus & apud omnes celebratissimus, morum suavitate clarissimus, erga nostros Canonicos, cum quibus à teneris annis familiarissimè vixit, benevolentissimus, Anno Domini Millesimo septingentesimo quadragesimo quarto, elegit sepulturam, in nostra Ecclesia Wągezoviensi, ubi in majorum suorum sepulchro requiescit. Filius verò ejus ex Orzelska, Alexander Lubiencki, Capitaneus Wągezoviensis electa sibi in societatem advitalitiam, præcella consorte, victoria Kałowska, Alexandri Kałowski Filia, Andreæ ve-

rò Kałowski Pocillatoris & Judicis Terrestris Lanciciensis Nepte, ex illa præclaram assumpsit prolem, cum quatuor Filios Antonium, Casimirum Stanislaum & Michaëlem & duas Filias Annam & Josepham suscepit.

Quartus Mathias, Mathiæ Lubiencki ex Radolinska Filius, Venator Siradiensis, qui paris indolis, in consortii fœdus, adjuncta sibi conjugē Marianna Stokowska, ex eaque procreata Superum benedictione eximia sobole Floriano moderno Notario Terrestris Siradiensi, & Vladislao Decano Gnesnensi, Scholastico Cracoviensi, Supremo Regni Notario, quorum gloriosa facta inferius attingemus; tum Rosalia Joanni Taczanowskio nupta, dignus inventus est eligi aliquoties, ex Palatinatu Siradiensi, Deputatus Judex, ad supremum Tribunal & Legatus ad comitia Generalia Regni. Reliqua ejus in Patria merita, mors præclufit, quæ eum in flore ætatis, Anno videlicet ætatis trigésimo sexto, peste tunc in Polonia grassante infectum, honoribus eripuit. Consors verò ejus Marianna Stokowska, fœmina devotissima, quæ fuerat socia vitæ, etiam mortis esse voluit, dum eodem ipso Anno, eadem ferali pestilentia, non tamen inopinatè, extincta obiit.

Quintus Alexander, Mathiæ Lubiencki ex Radolinska Filius bonorum Szczytniki cum attinentiis, Sławna & Myszek Possessor & Hæres. Vir dignitate in Patria, munificentia in Religiosos, amore in amicos, pietate in Deum, nobilissimus. Dignitatem si quæras? Subjudex primò, tandem Judex Terrestris Calissiensis, cum quanto onere, honorem istum portavit, loquantur acta, quæ conscribi mandavit, Decreta, quæ protulit, sententiæ, quas Subjudex integerrimus pronuntiavit, dum causas Palatinatus Calissiensis, & in eo sex Districtuum, justitiæ Præses judicavit. Ad Serenissimum olim Augustum II. Regē Poloniarum, à Palatinatibus Majoris Poloniæ Legatus, eorundem Palatinatum vota promovit, & quidquid desiderabatur effecit. Effecisset & ultra, & non tantum magnus nomine, verum maximus, sociato meritis honore, apparuisset Alexander, si caput suum honoribus submisisset. Expetebant illum Curules Senatores, expectabant vota Patriæ, sed virtutibus maluit eminere, quàm honoribus, ducta autem in vinculum sociale consorte, Anna Wężykowna, cujus nominis origo præclara & vetusta, progressu temporis, multis honorum titulis & suffragiis, adornata erat, vidua derelicta, post Joannem Cieswicki Capitaneum Stawiszynensem, & hæc steriliter mortua, superinducta altera Marianna Radomicka, Palatini Posnaniensis Filia, cum ea Alexandram Filiam procreavit. Verum post octo a Nativitate hebdomadas sepultâ Filiâ, posterius autem Matre, ipse viduus, ad reparandas & fundandas Ecclesias, ad ditandos pauperes, ad educandos suæ Familiæ Viros, & ad quævis virtutum genera, totum se convertit ac dedicavit. Hinc Sororibus Ordinis Sancti Francisci quas
hic

hic Bernardinas vocamus, in Civitate Califfienſi, Eccleſiam, unâ cum Conventu, de cocto latere a fundamentis erexit, totam adornavit, certas pecuniarias ſummas, in cenſum quotannis percipiendum, locavit, Fratribus autem Sancti Franciſci, ſtrictioris obſervantiæ, in eadem Civitate Califfienſi, campanam, quâ pro ſolemnitatibus, populus ad divina audienda convocatur, ponderis viginti quatuor centum pondo comparavit, eandem a Celiſſimo & Reverendiſſimo Principe, Chriſtophoro Antonio Szembek, Archipræſule in vinea Domini laborioſiſſimo, & planè ad quosvis labores Eccleſiaſticos nato, die duodecima ſeptembris, Anno milleſimo ſeptingenteſimo quadregimo ſeptimo, benedici curavit, pro convocatione eorum habita Califfii, & per quatuor dies durante, aliquot millia expendit, & eoſdē Fratres ex tota Provincia tunc congregatos, cum omni ſufficientia, proprio ſumptu, munificentiffimè ſuſtentavit; Eccleſiam Parochialem, in villa ſua hæreditaria ſlawno dicta, nunc autem, cura prædicti Alexandri, privilegiò ſuper hoc, a Sereniſſimo Rege Auguſto III. obtentò, in oppidum converſa, de novo & à Fundamentis ædificavit; Eccleſiam Parochialem Ivinenſem, introducta ad has Eccleſias confraternitate, Sacraſſimi ſcapularis, cultor marianus dotavit & ornavit. Cum verò pro Domo Dei munificentiffimè expenderet, ſimul & Domui Lubienſcianæ disponebat, exiſtimans firmiores & perrenniores eſſe Dòmos, quæ ſimul cum ſacra Domo fulciuntur. Quare aliquibus ſuæ Familiæ viris, fortunas auxit, aliquos ad modernas & futuras in Regno dignitates capeſſandas, nobiliſſimè educavit, pro ſtudiis & peregrinatione, ad exterarum nationes, ſumptum liberaliſſimè ſuppeditavit, foeminis autem nuptias conſecit, & eas præclaris in Polonia Viris in Matrimonium locavit. Hæc cum Alexander ageret, Sereniſſimus Rex Poloniarum, Auguſtus III. Anno Domini milleſimo ſeptingenteſimo quadregimo nono, eidem jam in cana ætate exiſtenti, nullumque jam honorem ambienti, Caſtellanatum Gneſnenſem contulit, & ne ejus virtutes ſine corona incederent, Senatoriò in Regno ſtallo præmiavit. Ad extremum, inter fortunas & honores momenti, a quo pendet æternitas, memor, ſepulchrum ſibi in Eccleſia, Ordinis Sancti Franciſci, ſtrictioris obſervantiæ, Califfii extruxit, quò exſtructò, uxoribus ſuis ambabus, ut iſſdem eundem poſt mortem amorem præſtaret, quem in vita debuit, corpora earum, acceptâ apud Loci Ordinarium licentiâ, exhumari, ad idem ſepulchrum noviter exſtructum, trãſferri fecit, & tempore ſupra nominatæ convocationis, in qua numerofus Sacerdotum Ordinis Sancti Franciſci cætus, congregatus fuit, ſolenniſſimis Exequiis, pro animabus earundem celebratis, chriſtiano ritu ſepelivit. Ipſe tandem in meditatione novifſimorum continuus, ſupremam præſtolaturus quietem, tumbam & loculum ſibi, pro ſui corporis ſepultura, comparari mandavit, quem

G

in ſuo

in suo intimo cubiculo præ oculis habet, meditaturque mortem & suum obitum quotidie; sed vivat Deo, vivat suæ nobilissimæ Familiæ, vivat Ordini meo beneficus, quousque ipsi, quousque inclytæ Prosapia, quousque Ordini meo, non erit satis. Filiæ autem, supralaudatæ Mathiæ Lubieski ex Radolinska, viris in Polonia præcelsis, in matrimonium junctæ; prima Catharina Pruszkowscio, in maritales manubias extradita. Secunda Hedvigis, in Religione Conventûs Trzebnicensis obiit. Tertia Constantia, primò votò Andreæ Ordega, secundo votò Casimiro Wstowski, in Matrimonium locata. Reliqui autem Filii & Filiæ supranominati Mathiæ Lubieski ex Radolinska, primū ætatis florem, in cælestem beatæ æternitatis paradysum transtulerunt.

Veniunt jam in Coronam laudum, Coronæ alterius Mathiæ Lubieski Patris, prognati ex Stokowska Filii, Florianus & Vladislaus. Florianus natu major, post educatam in eruditioribus scholarum Lycæis teneriorem ætatem, ad avitarum legum & institutorum studia nobilem suam applicabat indolem, quare eò processit, ut primo Dapifer Ravensis, postea Vexillifer Petricoviensis, ac tandem Anno millesimo septingentesimo quadragesimo sexto, Notarii Terrestris Siraadiensis munere, Serenissimi Augusti III. prudentissimo judicio ornatus, meruit ut totius orbis Poloni, in supremo Tribunali Regni Petricoviensi Decreta notaret & conscriberet, cujus majores, in Stanislao Lubieski, supremo Vicecancellario Regni, sub Sigismundo III. & Regiam præclare interpretabantur mentem, & quasi Regiæ beneficentiæ Administri, Principis sui signabant rescripta. Similia nunc decreta conscribit noster Florianus, quæ ipse integerrimus Deputatus Judex, jam binis vicibus a suis Palatinatibus electus, in eodem supremo Tribunali Regni pronuntiabat, illas sententias, quas ipse proferbat & decernebat, felix calamus, quò ad suprema Regni evolabit fastigia, felix, quò gloriosum undique Lubientiorum nomen, tomis supremi Tribunalis Regni notabitur, & inscribetur. Quamdiu Areopagi Poloni suus conitabit honos, tamdiu Floriani Nomen, Poloni non excludent fasti & annales. Dabunt Suffragium merita, quæ Legatus gloriosissimus ad comitia Generalia Regni, ad congressus totius Gentis posuit, dum a Terra Vielunensi in Anno millesimo septingentesimo quadragesimo sexto Varſaviam, & a Palatinatu Siraadiensis, ante duos abhinc Annos Grodnam, tum Anno millesimo septingentesimo quinquagesimo ex Palatinatu Ravensi, ad comitia generalia extraordinaria, Varſaviam, Legatus electus, officium hoc dexterimè, & juxta agnatam sibi solertiam, in omnes partes circumspicte, propter varia protunc partium litigia, obivit & adimplevit. In maritales manubias, primò votò, Bogumilam Walewska accepit, ex qua præclaram prolem, Cælestinum Filium, ante hac in scholis Varſaviensibus, studio lingvarum exterarum, operam dantem, & ternionē

Filiarum,

Filiarum, Cunegundem Magnuſcio Subdapifero Oſtrzeſzoviendi, matrimonio junctam, tum Magdalenam & Margaretham, florem adhuc ætatis præferentes Divina benedictione ſuſcepit. Servent ſuperi, hanc pulchram ſobolem, ad ſolatium Magni Parentis, ad ſubſidium Patriæ & gloriam Familiæ ſuæ. Altera celebratiſſima ejus Conſors, Marianna Wilkoſka, cujus nobiliſſimi Aborigines, & ſubſequentes poſteri, quantæ gloriæ ac honoris fuerint, ille ignorat, qui hiftoriam Patriam non novit. Cum hac igitur in commodum Patriæ, longævam ætatem vivat, ut ad exemplum poſteritatis, videat natos natum, & qui naſcentur ab eis.

Proximus priori, Fraterno ſanguine Vladislaus Lubienſki, Mathiæ ex Stokowſka Filius, Vir præter humanitatem & Candidiſſimos mores, literarum peritiâ clarus, Authoritate & gratia, plurimos in ordine ſpiritali ſuperans. Hic in ſcholis Califfienſibus, poſt Cracoviienſibus, primum juventæ florem dicaverat Palladi, qui ut pulchrior appareret, voluit in alienam Terram transplantari; Italiam igitur, Germaniam & Gallias peragrando, ubi poſtquam in Collegio Romano, Theologiæ navaret operam, & linguarum earundem nationum, didiciſſet peritiâ, pietati deditus, corpora Sanctorum illis in nationibus viſitabat. Hinc ſepulchrum Sancti Caroli Boromæi Mediolani, & in eo ipſum corpus, in vitreo conſpexit loculo. Pari modo Tolentini civitate in Italia, ſepulchrum & corpus Sancti Nicolai de Tolentino apud Patres Auguſtinianos, Aſſiſii, Sepulchrum Sancti Franciſci Seraphici, cæterasq; reliquias uti cingulum & literas, manu propria ejusdem Sancti, ad Pontificem Romanum Conſcriptas In monte Caſſino, præter alias multas ſacras Reliquias, Corpora Sanctorum Benedicti & Scholaſticæ, in uno ſepulchro jacentia, ſpectavit. Viſitatis & luſtratis principaliffimis in Italia locis in Germaniam, Anno milleſimo ſeptingenteſimo vigefimo quinto, ſe contulit, ubi Palatinatum Rheni, Urbes celeberrimas, Franquortum, Worms, Spiræ, & alias peragrando, Gallias item & in eis Metropolim Regni Pariſios, viſitando, ibique tunc in Fonteneblo Civitate, palatiô Regum Fræciæ condecorata, Anno milleſimo ſeptingenteſimo Vigefimo quinto die quinta ſeptembris, ſolenniſſima connubia, inter Sereniſſimos Ludovicum XV. Regem Galliæ, & Mariam, Filiam Stanislai Leſzczyński, Regis Poloniæ glorioliſſimi, conſpexit; Poſtquam igitur prædicta nobiliſſima Regna, Ducatus, Provincias adiſſet, & in omnibus locis, plurima quæ erant notatu digniſſima, prælo poſtea imprimenda connotafſet, in Patriam remeare decrevit. Redux in Patriam, aulæ Theodori Potocki, Archiepiſcopi Gneſnenſis, Primatis Regni, adhæſit, verè Theodorum, quia ſingulariſſimum in ſe expertus donū DEI, cum ab eodem Grodnæ, Anno milleſimo ſeptingenteſimo vigefimo ſexto, Canonorum Eccleſiæ Metropolitanæ Gneſnenſis, adhuc in minoribus ordinibus exiſtens, adſcriptus Collegio. Brevi reverſus

Grodna ex Lithvania, cum visitasset Ecclesiam Metropolitanam, prædictus Primas, ibidem noster Vladislaus, in Metropolitana Ecclesia, ad ordines majores promotus, & ad incruentam litandam victimam institutus, ibidem Neomystam egit, & morem Ecclesiæ gerens, sacras primo attactu Dei manus Celsissimi Primatis Regni, nec non Procerum Ecclesiæ, imposuit capitibus. Primatem Regni secutus Andreas Lubienki, Scholasticus Ecclesiæ Cathedralis Cracoviensis, nostri Vladislai Patruus, qui eum, simili honore donavit, & Coadjutorem scholasteriæ suæ Cracoviensis fecit. Auxerunt postea gratiosissimi Collatores titulos & honores Vladislao, dum eidem, Præposituram Infulatam, in Ecclesia Collegiata Łascensi, liberalissimè contulerunt, implevit igitur Łascensem Infulam, non solum capite, verum & meritis, nam ibidem tantam erga Virginem Beatissimam, in illa Icone, veriùs statua ex candido & purissimo lapide elaborata, miraculosam, devotionem & cultum promovisse narratur, ut primò annò ejus Præposituræ, pro Festo Visitationis Beatissimæ numerosissimus populus concurreret, eundem populum undique confluentem, Ecclesia non caperet, numerosissimi confessarii, in auscultanda sacra exomologesi, in administranda sacratissima Eucharistia, vix sufficerent, Numerabantur tunc, accedentes ad Sacratissimam Eucharistiā, & viginti quinque millia hominum reperta, qui sacratissima communionem refecti, matrem ibidem Sanctissimam, in Sacra statua gratiosissimam, una eademque die, profundè adorarunt, & terram Sanctā, Hierosolymis allatam, cæmeterio ibidem inspersam, devotissimè exosculati sunt. Recompensavit Divina Mater, suæ devotionis Promotori Vladislao, nam cum Anno millesimo septingentesimo trigésimo nono extrema, eaque lethali infirmitate, pressus esset, & in illa, ad Imaginem Virginis Mariæ Dolorosæ in Ecclesia, Lublinensi, Monialium Sanctæ Brigittæ, confugisset, ibidem gratiam sanitatis, a gratiosissima Dei Matre invenit & obtinuit. Altero itidem lethali morbo iterum laborabat Vladislaus, iterum ad Virginem Beatissimam, in Imagine Sokaloviensi, miraculis celeberrimam oblatus, iterum instantaneæ sanitati restitutus, & a periculo mortis liberatus fuit, quod fide jurata, ibidem in Sokalow recognovit, prout latius in libro suo inferius citando fatetur. Postquam verò ejus Patruus scholasticus Cracoviensis, sanctè & religiosè obiisset, & Vladislaus in eandem scholasteriam successisset, mox ad supremum Tribunal Regni, gradum fecit, Judex Deputatus, tum a capitulo Cracoviensi, tum alternis vicibus, Vicepræsidentis a Capitulo Metropolitano Gnesnensi, electus, ibidem merito in Patria, sublimitate inter subsellia enituit. Eruditio quanta in illo apparuerit? legere est ex eruditissimo ejus libro, in folio, polonico Idiomate edito, ac typo impresso, quem non sine admiratione

trione animi, observamus & pertractamus; Libro præfixit titulum: *Orbis cum omnibus suis partibus*: ut ad totius orbis venerationem, prodeat scientiarum, & eruditionis exemplar. Alii partem, ille totum orbem in uno Libro complexus, volumen laudum, annales quotquot orbis habet, omnes implevit & excessit. Duodecim annis, (exceptis quatuor,) quos publicæ Regni utilitati impedit, circa hanc universi orbis Historiam, sudavit Polonus Atlas, ut suis his scriptis, universæ Europæ exaceret & expoliret ingenia. Qui tantum profecit meritis, processit & ad præmia in Regno. Abbas Commendatarius Paradisiensis in Anno millesimo septingentesimo quadragesimo octavo, & ante Decanus Metropolitani Gnesnensis, & supremus Regni Notarius factus, maximos honores & titulos notabit, dum ad sacrationes Infulas, pro meritis evectus, Senatum Polonum implebit, & inter Infulata confedebit numina. Et sanè, jam in Anno millesimo septingentesimo quadragesimo sexto, tempore comitiorum Generalium Regni Varsaviæ, apud Serenissimum Augustum III. Poloniarum Regem, meritorum Præmiatorem liberalissimum, ab Ordinibus Regni, ab Ablegatis Terrarum & Palatinatum majoris Poloniæ, Si radiæ, Lenciciæ, Vieluniæ, Cracoviæ, & ab ipso Senatu promovebatur summopere, Annuat Deus, ut eum fasces Senatorii expetant, sublimes Atavorum comitentur honores, ad quos sublimis contendit Vladislai virtus.

Descriptis jam Lubiensiorum, qui ab Alberto Lubiencki, Castellano Siradiensi procedunt, præclarissimis factis, titulis & honoribus. Nunc ad eisdem Lubiensios, qui a Hieronymo Fratre Alberti Castellani Siradiensis germano, & primò nato, ortum suum ducunt, Callamum meum converto. Hic itaque Vir clarissimus, Hieronymus Lubiencki, Joannis Lubiencki, quem sextum Hæredem & Possessorem villæ utriusque Lubna, hoc in capite superius posuimus, & vitam capite secundo attingemus, Filius, Mathiæ Archiepiscopi Gnesnensis ex Fratre germano Nepos, ex Anna Balinia procreatus, in juvenili ætate, a Parentibus, tum Domi, tum in scholis, sat egregiè educatus, & ad quosvis heroicissimos actus applicatus; mortuis verò brevi decursu temporis suis præstantissimis Parentibus, ipse postea maritatus, Sigismundum Filium, postea Dapiferum, & successivè Vexilliferum Siradiensem, procreasse narratur. Tandem apud Sigismundum III. Regem Poloniarum, ex recte factis optimè meritis, ad honores, qui ejus meritis debebantur aspirans, Anno Domini millesimo sexcentesimo quadragesimo quarto, cessit e vita, graviter ejus obitum, tum Fratre Alberto Castellano Siradiensi, tum Filio Sigismundo, deplorantibus, & sepulturam ejus in Ecclesia Parochiali Wągczoviensi Ordinis Nostræ, noviter per Fundatores erecta, curantibus,

Sigismundus Lubiencki, supra laudati Hieronymi Filius, imprimis
H Dapifer

Dapifer Siradiensis, Anno millesimo sexcentesimo quadagesimo nono, quo tempore Consorti suæ Mariannæ Trojanowska, de Armis Szeliga, eodem anno vitâ functæ, epitaphium de marmore erexit, Petricoviæ, in Ecclesia Patrum Franciscanorum.. Altera Uxor, secundo voto illius, Cecilia, Patre Hieronymo Opacki, Palatino Derpatensi ad diversas Monarchias a Republica Polona Legato Magno, Matre verò de præcellsa Domo Bavarica, Comitum de Chatim nata, in aula, Cecilie Renatæ Reginae Poloniae, educata, ex qua hic Sigismundus, jam Vexillifer Siradiensis, Casimirum, postea Episcopum Cracoviensem; Annam Alexandro Dabscio Ensisfero Inovroclaviensi, Nepoti ex Fratre Episcopi Cracoviensis Stanislai Dabski, in Matrimonium locatam; Helenam, Stanislao Moriki, Capitaneo Oycoviensi maritali fædere junctam, & Boguslaum postea Castellatum Sendomiriensem, Filios, & Filias reliquit. Postquam verò in Terra Cracoviensi sive Sendomiriensi, villas & prædia adeptus fuisset, & ex Palatinatu Siradiensi, in illas oras translatus, terram non generosum mutavit animum; quare cum immortalis gloriæ Duce Stephano Czarnecki, Dacicos, Sveticos, Scythicos, Othomanicos, terrebat & dissipabat exercitus, Prussiam, Livoniam, Curlandiam, Pomeraniam, æternis heroicæ dexteritatis monumentis replevit. Non sufficiebat illi magnanimum pectus, hostili objicere ferro, quò graviter vulneratus, & hac ex causâ, diu apud Svecos detentus erat, vitamque suam, pro integritate Patriæ profundere, nisi quoque integram propriis impensis legionem, in subsidium & defensionem Patriæ se ipso Duce dedicasset. Sic gloriose peractâ vitâ, sepultus Cracoviæ apud Patres Carmelitas.

Casimirus Lubieski, Patre altè memorato, Sigismundo Vexillifero Siradiensi, & Matre Cecilia, Hieronymi Opacki Palatini Derpatensis Filiâ, procreatus, annos juveniles, in profectu virtutum & literarum transegit, Andrea Trzebicki Episcopo Cracoviensi, Avunculo suo, eundem, tum ad profectum virtutum, tum literarum applicante, & sumptum eidem Scholarum, in Academia Cracoviensi subministrante. Peregrinatus est postea Romam, ubi Theologiæ & Juri Canonico, in Collegio Divi Ignatii operam dedit, ibidemque Doctor in Theologia creatus. Lustrato Orbe, in Patriam rediit Casimirus, ubi apud Andream Trzebicki, Episcopum Cracoviensem, aliquândiu commoratus, ab eodem inter Canonicos Cathedrales Cracovienses, cooptatus est; altiores honores non ambiebat, contentus fuit benemereri eosdem. In Sacris exedris Concionator, virtutes implantabat, suæque eloquentiæ suavitate, omnibus placebat. Hæc & alia de Casimiro, cum audisset, probassetque eximias illius dotes Andreas Olzowski, Archiepiscopus Gnesnensis, Primas Regni Casimiri dignum Infulis caput judicavit; Neque inane fuit Magni Primatis, de Casimiro judicium, nam brevi ad majora vocatur, a Capitulo Cracoviensi,

enſi Judex Deputatus ad Tribunal Regni eligitur, a Stanislao Daſki Epifcopo Cracoviенſi, in partem laboris, in ampliffima Dioceſi Cracoviенſi aſſumitur Suffraganeus, Vicarius in Spiritualibus & Officialis Generalis Cracoviенſis, creatur. Sed non hic meta, tum meritorum, tum honorum Caſimiri, poſt immaturam mortem Stanislai Daſki Epifcopi Cracoviенſis (ſimul enim Salve & vale, Dioceſi Cracoviенſi & toti mundo dixit) Adminiſtrator Generalis Epifcopatûs Cracoviенſis, a Capitulo electus, novam occaſionem, mereri optimè de Eccleſia, aſſecutus eſt. Itaque a ſucceſſore Stanislai Daſki, Georgio Albrachto Denhoff, Epifcopo Cracoviенſi, in Suffraganeum Cracoviенſem & Epifcopum Heraclienſem, in claro Monte Czeſtochoviенſi, die ſexta martii, Anno milieſimo ſeptingenteſimo, primo, conſecratur, & denuò poſt mortem ejuſdem Georgii Albrachti Denhoff, in Adminiſtratorem Generalem Epifcopatûs Cracoviенſis electus, augebat labores, ſudores, curas, & merita, in Eccleſia, in conſecrandis Eccleſiis frequens, in adminiſtrando Sacramento Confirmationis, aſſiduus, in ordinando Clero, infatigabilis. Quid plura? viva hic Ma-thiæ Archiepiſcopi & Primatis Regni, Avi ſui imago, monſtratur in Caſimiro, magnum Jubilæum Cracoviæ promulgat, paternè invitat, monet ſacras collectas fieri & comportari in alimoniam & re'ectio-nem confluentium fidelium e longinquo populorum, convertendas. Atque dum efficacius erudiunt exempla, quàm præcepta, dedit prior notabilem ſummam de peculio ſuo, ut alii libentiùs largirentur. Igi-tur locum Cracoviæ, Lazaret dictum, ægris corporibus locandis, deſtinavit, conſtrui mandavit, læctiſterna & grandia cænacula, ut ad cænâ vitam æternæ, temporalibus ſubſidiis adjuta plebs, anhelaret. Verè Pater Pauperum dictus, quos ſæpenumerò viſitabat, ut illos tum paſceret, tum obſequium aliquod faceret, ſecuturæ poſteritati imita-bile. Quo amore & charitate proximi factum, ut populum ex ma-jori & minori, Poloniis, ex magno Ducatu Lithvaniæ, Ruſſiæ tum a-liis, turmatim confluentem, ampliffimæ Baſilicæ Urbis Metropolita-næ Cracoviенſis, capere non potuerint, ut numeroſiſſimi Confeſſarii aliique Presbyteri, in auſcultanda exomologæſi, in adminiſtranda Sanctiſſima Euchariſtia, vix ſufficerent.

Hæc dum peragit in diuturna viduitate Cathedræ Cracoviенſis Caſimirus (octo enim annis, Epifcopatûs Cracoviенſis Adminiſtra-tor fuit) Cathedræ Chelmenſis Præful, & Abbas Czervenenſis deſti-natur, invenit Eccleſiam ſuam Cathedralẽ Crasnoſtaviенſem, per incurſiones Moſchoviticas & Calmucorum ſacrilega hoſtium ſpoli-atam manu, igitur duodecim calices, de argento inauratos, in ho-norem duodecim Apoſtolorum, ſub quorum honore, hæc Cathedra dedicata eſt, Eccleſiæ illi donavit, ornamenta auxit, ſupellectilis ſa-cræ ſexaginta ſpecioſos apparatus, reintegravit, organa atque pavi-

mentum Ecclesiæ comparavit, & tanquam sponsam in vestitu deaurato, circumdatam varietate, dotavit & exornavit. Insuper videns inopiam, ejusdem Chelmenensis Cathedralis Ecclesiæ, sui que Capituli, ut cultus divinus in prædicta magis & magis augetur Ecclesia, eidem Ecclesiæ & Capitulo, eo fine Ecclesiam Parochialem Rubieszowiensem, cum dote incorporavit, super quo consensum a Rege Augusto secundo, obtinuit. Quibus cum cumulasset beneficiis Chelmenensem Cathedralam, brevi postea, post diuturnam Cathedræ Cracoviensis vacationem, ad Cracoviensem Episcopatum & Ducatum Saveriæ, exigentibus suis meritis, Anno Domini millesimo septingentesimo undecimo promotus, & eandem in Dominica *Latere*, ingressus est. Hic statim Casimirus, verum se monstravit Ecclesiæ sponsus, Pauperum munificentissimum Patrem, Sanctorum Patronorum Cultorem, Religionis acerrimum defensorem. Ecclesiæ sponsus Casimirus, turrem ab Andrea Trzebicki Episcopo Cracoviensi, Prædecessore suo, penes Cathedralam Cracoviensem eductam, firmissimo muro in quadrum posito, ab imo, rupe Vavellana firmatam, tribus affabre factis contignationibus elevatam, æneis laminis tectam, circumauratis duodenis Oloribus, (stemma erat Trzebiccianum,) ornatam, vento valido, Anno millesimo septingentesimo tertio, die vigesima prima Decembris, tempore, quo fuit Administrator Casimirus, una nocte, imo una hora, prostratam, Casimirus Episcopus denuò cum omni ornamento erexit, laminis æneis textit, & contra Cæli injurias munivit, statuas æneas quatuor justæ magnitudines, in sublimi, ad quatuor Cornua turris, Sanctorum Patronorum Regni posuit, pluteos fenestrarum turris, deauravit, globis deauratis, tum cruce magnifica condecoravit, stemmatibus suis, (testes liberalitatis Lubienſcianæ) circumquaque obduxit, & sua munificentia Reginam turrium effecit, hoc opus Casimirus, majori Divinæ dedicavit Gloriæ, & literas sequentes, suæ in Deum devotionis testes in turri prædicta posuit: *Exaltare super Cælos Deus, & super omnem terram gloria tua.* Sed quia turris prædicta, ruinâ suâ & pondere, laqueare Cathedralis Ecclesiæ concussit, vastumque hiatum aperuit, Casimirus tantam ruinam, brevi tempore, non tantum reparavit, verum etiam eandem Sponsam suam, muris novis ampliavit, & in altum sublevavit, per quod Ecclesiæ, (cum parum tenebrosa fuerit) lucem restituit, & conspicuam undique fecit; candelabra sex argentea, altitudinis unius hominis, & Crucem illis proportionatam, cum suis stemmatibus, ad eandem Ecclesiam fieri curavit, sacram supellectilem, altarium splendorem, Domus DEI decorem auxit, super quo multa centena millia erogavit.

Cum autem non tantum Ecclesias materiales, verum etiam & templa Dei, quod estis vos juxta Sanctum Paulum, habuit in votis ædificare, & renovare Casimirus, Ideo in Diœcesi, visitationem instituit

tuit, poſtea Synodum Dioceſanam cœgît, quam in circulo Beatæ Virginis Mariæ, Cracoviæ, in præſentia Spinolæ protunc Nuntii Apoſtolici in Polonia, & in frequentia Univerſi Dioceſis Cracoviensis Cleri, celebravit, in quâ mores Cleri & populi ſuæ Dioceſis, Paſtorali ſolicitudine reformavit, legibus munivit, ſtatutis firmavit. Hujus ſuæ Ampliſſimæ Dioceſis, & ſponſæ ſuæ Cathedralis Cracoviensis honorem ſublimare cupiens, Annò Domini Milleſimo ſeptingenteſimo decimo ſexto, miſit ad Urbem Illuſtriſſimum & Reverendiſſimum Dominum, Michælem de Granow Wodzicki, protunc Canonicum Cracoviensem, Sendomiriensem, Scholaſticum Lenciciensem, nunc exigentibus ſuis præclariffimis meritis, Supremum Vicecancellarium Regni, Decanum Cathedralis Cracoviensis, Abbatem Wąchocensem, & aliis ſummis quibuſvis honoribus dignum, cum ſtatu Dioceſis, ad Pontificem protunc Clementem XI. apud quem curavit obtinere Pallium pro ſe, & Succeſſoribus ſuis Episcopis Cracoviensibus, verum ob exortas tunc aliquas difficultates, pro Succeſſoribus obtinere non potuit, pro ſe autem ob innatam ſibi humilitatem, non accepit. Miſit protunc ſummo Pontifici, in ſignum ſuæ ſubjectionis, ſupremo Eccleſiæ Capiti, ſex candelabra de ſuccino, obducta auro, cum Cruce pariter ſuccinea auro circumdata, aliaque donaria, quæ cum Pontifex gratiſſimè acceptaſſet, iisdem utebatur in Miſſa.

Pater pauperum Caſimirus, erga pauperes & calamitatibus oppreſſos beneficius, non expectabat ſupplices libelloſ, profundeſ opes, præoccupabat vota petentium, & occurrere neceſſitatibus miſerorum ſtudebat. Ab initio ſui Pontificatûs, triginta pauperes quotidie, ex menſa principali aſebat; Duodecim Juvenes de ſtatu nobili, in ſcientiis in Academia Cracoviensi, Clerum in ſeminariis tenebat, inſtituebat, & omnem ſufficientiam providebat. Tempore autem peſtis, quando funeſtum mortalitatis malum, totam Poloniâ, & Caput Regni Cracoviâ, occupavit, quid non faciebat Caſimirus? quærebat modos, applicabat remedia, ad ſalutem populi inſtaurandâ; Præter hoc quod munificas in peſte infectos, diſtribuebat eleemoſynas, quod eosdem aſebat, & annonam, tum neceſſariâ, liberaliſſimè ſubminiſtrabat, inſuper Sanctiſſimos imitatus Pontifices, convocata Cleri, plebiſque concione, indiſta publica Proceſſione & ſupplicatione, ipſe immolabat hoſtiam vociferationis Juſtiſſimo Vindici noxarum, Numini, extendebat ſupplices manus, ad miſericordiſſimam Matrem, Angelorum Reginam, ut ipſius interceſſione, manus exterminatoris Angeli, contineretur, & recens gladius vaginæ imponeretur, Indixit præterea jejunia populo, quæ ipſe prius ſtrictiſſimè obſervabat, exiſtimans ſtatuta, nunquam ſanctius ſervari, quàm cum eâ exemplo fulcit, qui promulgavit. Quid plura de Caſimiro ſcribam? in peſte, fame & bello, erga egenos, orphanos, captivos aucto etiam montis pietatis, ad eorum inopiam ſublevandam ærario, admiranda & æmulanda poſte-

ris, liberalitatis exempla, reliquit. Pauperum nosocomia, nobilium contubernia, Religiosorum Cænobia, Clericorum seminaria, dotavit & auxit.

Sanctorum præcipuus cultor Casimirus, ac imprimis Regiam Sanctorum Mariam, piissimè veneratus, eidem in Claromontana Czystochoviensi Imagine, Coronam, ferventissimo zelo pro solatio universi, a Sede Apostolica impetravit, & insuper votum ex auro purissimo, ponderis trecentorum aureorum Hungaricalium, in perpetuum anathema appendit, subjiciens se & totam Domum suam Lubienſciam sub pedes ejusdem Sanctissimæ Virginis, addita tali inscriptione: *Sit scabellum pedum magnæ Matris Dei, Persona, totaque Domus mea; Anno Domini millesimo septingentesimo decimo octavo.* Processus Canonisationis Beati Joannis Cantii Commissarius Apostolicus, Promotor liberalissimus; ejus honori in Ecclesia Collegiata, S. Annæ, Cracoviæ, liberali manu, tumulum marmoreum, magnificentissimè erexit, & lacerrimos ejus cineres, Cælo propius admovit. Sancto Stanislao item devotissimus vixit, cujus & opem implorabat, & eandem in necessitatibus, tam suis quàm proximi, etiam non absque miraculo, expertus est. Tanta autem efficacia orationis, ut hac oratione sua & præce ad Sanctum Stanislauum Episcopum directâ, & proximum ab extremo periculo vitæ liberaret, & fidem Catholicam confirmaret, diffidentes à vera Religione, confunderet. Res se ita habet: Anno Domini, millesimo Septingentesimo tertio, durante bello ſvetico in Polonia, dum pons in Viſtula prope oppidum Solec, ædificaretur, ipse Serenissimus Augustus II, Rex Poloniarum, cum aliquibus Proceribus Regni, & cum Generalibus Exercituum Saxonæ, ad videndum hoc opus descendit, milites Svetici, qui tunc temporis bellum agebant, contra Serenissimum Regem magno impetu conabantur pontem transire, quorum conatum præcludendo, pons in profundo Viſtulæ, præſcindendus & dirimendus erat; Cum autem præfatus pons, præſcinderetur, contigit, ut in eodem ponte, præſens reperiretur quidam Judæus, factor domesticus apud Bliwernicz, Commissarium Generalem Exercituum Saxoniarum, Serenissimi Poloniarum Regis. Præciso autem & dirempto ponte præfatus Judæus & factor, habens secum aliquot cæntena Florenorum in marsupiiis, ex solidis polonis collectorum, in profundum Viſtulæ dejectus, submergi cœpit. Illo interstitio temporis, duo Episcopi Poloniæ, noster hic Casimirus, pro eo tempore Episcopus Chelmenſis & Theodorus Potocki, Episcopus tunc Varmienſis, referebant Generalibus Saxonæ, quod per illam Viſtulam, & illo tractu, Sanctus Stanislaus, sicco pede, in astate ducebat suscitatum a mortuis Piotrovinum. Irriserunt dicta Generales Acatolici, & unus eorum inquit: *Si hoc verum, quod enarratur, esset, tunc vester Stanislaus, hunc Judæum naufragio intereuntem, salvaret.*

varet; Zelo Catholicæ fidei commoti Præſules, procidunt in genua, & Sanctum Stanislaum invocant; Res ſtupenda! in facie totius Exercitus Saxonix & Polonix, & ipſius Regis, enatavit impetu aquarum procul deportatus, ſubmerſi Judæi pileus, quo viſo iterum diſſidentes riſu rem exceperunt; Non eſt paſſus Deus, Præſules noſtros confundi, invocantes Polonum Thaumaturgum; & dum hi orant, illi autem riſui & cachinnis indulgent, Judæus ille, contra torrentem Viſtulæ progreditur, & in quandam inſulam ex oppoſito egreditur, quo viſo Catholici, ſupremo gaudio, & Diſſidentes confuſione repleri incæperunt. Referebat hoc ipſum is idem Judæus poſtea, qualiter dum in ipſo profundo Viſtulæ, ſubmerſus eſſet, Epiſcopus quidam apparuit ei, & circumdedit acli hirnea vitrea faciem ejus, ne ſuffocaretur ab aquis, poſtea duxit eundem, per ipſum arenolum fundum Viſtulæ ad quandam propiorem Inſulam, unde dum ulterius perterritus procederet, ſupponendo quod eſſet arena, in quandam profundiffimam foſſam, ſpuma aquæ opertam illapſus, iterum aquis ſuffocari cœpit, verum iterum Sanctus Stanislaus, apparuit & eduxit eundem, in alteram Inſulam, ſimulque monuit, ut quanto cyus, fidem Catholicam ſuſciperet, Nomenque Stanislai acciperet; Quare indilate, ab ipſo Domino ſuo, licet Lutheranò, ad inſtructionem in fide Catholica, commendatus, in rudimentis Fidei inſtructus, & in Eccleſia Sanctorum Petri & Pauli Cracoviæ, Societatis JESU, baptiſmus eſt.

Religionis acerrimus Defenſor Caſimirus: occuparunt in Metro- poli Regni, Urbe Cracoviænſi, principales ædes Hæretici, jam Magiſtratum regebant Calvinix, jam virus Hæreſum, per Domoſ diſſeminabant Lutherani, Præſul zelôſiſſimus, Authoritate Paſtorali, occluſit illis oſtium, & purè Catholicum Cracoviænſem Magiſtratum fecit; Protulit in lucem, quidam hæreticus, contra Sanctam Romanam Eccleſiam, ejusque Caput viſibile, plenas mendaciorum & blaſphemiæ chartas, non potuit Caſimirus, eruditum continere calumum, quin reſcriberet, incognitus quidem multis Author, eo quod modeſtia ponere nomen vetuit, cognitus tamen Romæ, iisque, qui benè noverunt Præſulis Caſimiri zelum: De illo Clemens XI. hoc oraculum protulit: *Pridem Cracovia talem Epiſcopum habuit, juſtum, pium & Sapientem.* Hiſ & aliis à Caſimiro meritis, & virtutibus conſummatis, à me verò pro veritate & gratitudine, (cum me, qui hæc ſcribo, ſacris minoribus initiaverat ordinibus,) deſcriptis & connotatis, ſuorum meritorum coronam recepturus, Annò Domini, milieſimo ſeptingentéſimo-décimo nono, Die ſecunda Maji, ætatis ſux ſexageſimo ſeptimo, Epiſcopatûs nono, migravit ad Dominum.

Boguslaus Lubienſki, ſupra laudati Caſimiri Frater, Sigismundi Vexilliferi Siradienſis ex Cæcilia Opacka Palatinide Derpatenſi, ultimo natus Filius. Hic juvenilem ætatem, partim Domi, partim in ſcho,

scholis nobilissime excoluit, & post mortem Patris, in tutelam natu majoris Fratris Casimiri acceptus, ab eodem, Anno ætatis suæ Decimo septimo, ad exteras nationes missus, ibidem ob summum ad opera heroica animum in Exercitu Christianissimi Galliarum Regis, per duodecim annos versatus, Bellonæ navavit operam; & postquam militaria tyrocinia ibidem posuisset, conceptum in exotico solo, & in præcordiis suis succensum Gradivi fervorem, ad patrium solum transtulit, nempe redux in Patriam, Serenissimi ac Potentissimi Joannis Tertii Poloniarum Regis obsequiis adhæsit, multisquæ occasionibus, præsertim contra Turcam variis in expeditionibus militando, Bono publico servivit, & nullam occasionem bellicam intermisit. Finito hoc prælio, iterum in exteras nationes profectus, ubique vocalissimam Nominis sui famam relinquebat. Corinthi, carcerem Sancti Pauli Apostoli, devotissime visitavit, in Malta contra Turcam navali prælio decertavit, in Bavaria, militari sago ornatus, inde in Flandriam missus, strenuè fortalitia oppugnavit, & sic tandem in Patriam, post mortem Joannis Tertii, Regis Poloniæ, sub interregno, dum Patria summo indigeret consilio & adiutorio, gloriosissime remeavit. Interim Electione & coronatione Serenissimi Augusti secundi peracta, & ex sua magnanimitate, & ex variis suis dotibus, cordi novi Regis adhæsit; quare relicta in exteris nationibus militari gloria, Patriæ & novo Regi litavit animum, & in prælio cum Svecis satis longo, præsens, strenuè & laudabiliter, pro integritate Regis pugnavit, & decertavit. Firmato suo throno Augustus secundus, Rex Poloniarum gloriosissimus, laborum & meritorum Boguslai memor, eundem summis gratiis, maximis favoribus ac donis ornare cupiebat, quare primò eidem iter ad exteras Nationes, cum Serenissimo Regio protunc Principe, nunc in Polonia feliciter regnante Augusto Tertio, proponebat, verum Boguslaus annum tunc ætatis quadragesimum quartum agens, & ad maritale connubium, animum suum convertens Generalatum Exercituum Sacræ Regiæ Majestatis post Brantum obtinuit. Non hic Sacræ Regiæ Majestatis Augusti secundi, erga nostrum Boguslaum, cessarunt gratiæ & favores, sed ministeria Regni, Senatorias in Regno Curules quas ex æquò meruit, beneficentissimus Rex, eidem contulit, dum eundem ad Generalatum Leutnantium, Exercituum Sacræ Regiæ Majestatis & Reipublicæ Poloniæ, tum successivè, ad supremos Subdapi-feri Regni fasces, ac tandem ad Castellanatûs Sandomiriensis dignitatem, in Regno Senatoriam, tum ad Capitaneatum Castrensem O-
swiecimensensem, & alios evexit, ac promovit. Lectissimam ille sibi, Consortem adlegerat, in connubiale foedus, Tereßam de præcella Bielinsciorum stirpe progeneratam Casimiri Ludovici Bielinski, supremi Mareschalci Regni, tertio natam Filiam, Francisci Palatini Culmen-
fis,

ſis, & Michaelis Supremi Pocillatoris Regni, Sororem. Ex hac celebratiſſima conjuge, Caſimirum, modernum Capitaneum Leloviensẽ, Mathiam, Archidiaconum Cathedralẽ Cracoviensẽ, Sigismundum Capitaneum Oycoviensẽ Filios, Mariannam, Thomæ Zamoyſki Ordinato in Matrimonium locatam, mortua penes partum, Anno Domini milleſimo ſeptingenteſimo trigeſimo ſexto, & Habbellam, lingvarum, plurium nationum peritiſſimam, nunc in Parthenione & in Reſpectibus, Sereniſſimæ Poloniarum Reginae, Mariæ Joſephæ, commorantem, Filias ſuſcepit. Tandem Boguslaus, meritis in Deum & in Patriam plenus, pietate, juſtitia, animi candore, aliisque virtutibus maturus, cum ſeptuageſimum tertium ætatis annum attigiffet, Anno Domini milleſimo ſeptingenteſimo trigeſimo octavo, obdormivit in Domino, ſepultus Cracoviæ, in Eccleſia Patrum Carmelitarum diſcalceatorum, cum Epitaphio, quod ejus virtutes & excelsa in Deum & Patriam merita deprædicat.

Jam nunc ad Filios, ſupra laudati Boguslai Lubienſki, deſcendamus: Primus & natus major Caſimirus Lubienſki, immediati Boguslai magni Genitoris ex Bielĩnſka Filius, Capitaneus Leloviens̄is & Jadovnic̄is, qui ducta in comitē vitæ, vidua Szembekowa, Capitanea Breſcenſis, ex præcelſa Domo Rudnic̄iorum, ex ea modò procreavit filiam. Fœcundet Deus, lectiſſimum hoc par, ulteriori deſiderata prole, ut videant ſuccreſcentem in Poſteris ſuam gloriam. Hic Vir præclariffimus, majorum ſuorum, virtutum, & qui ſunt earum præmia honorum Hœres, advenientibus in Anno milleſimo ſeptingenteſimo quadrageſimo ſexto, Generalibus Regni comitiis, ex Palatinatu Cracoviens̄i, Legatus electus, munus hoc dexterrime, prudenter & laudabiliter exegit. Procedebant e throno Sereniſſimi Auguſti Tertii, in illum favores & gratiæ, offerebantur præmia & honores, Theſaurarii Terrarum Pruſſiæ, tum quivis tunc tituli, ſuum habere nitebantur Caſimirum.

Alter ſupra ſcripti Boguslai ex Bielĩnſka Filius, Mathias Joſephus Lubienſki, antea Canonicus, nunc Archidiaconus Cathedralis Cracoviens̄is, pietate in Deum, modeſtiâ, aliisque virtutibus, quæ in Deceſſoribus ſuis, numerabantur, copioſe ornatus, Ad quantos honores ſit prognatus, vel hinc patet: ſuavis in illo comitas morum, ſubmiſſio non aliena a ſuo præcelſo nomine, grata in ſingulos propenſio, natus ad ſublimia animus: Finita peregrinatione Romana, ex Capitulo Cathedrali Cracoviens̄i, repetitis vicibus, ad functionem Judicis Deputati, caractere inſignitus, ubi Celſiſſimo Tribunali Regni, publicorum negotiorum Portitor, ad Sereniſſimum Auguſtum III, nobis feliciter regnantem, de medio Celſiſſimi Tribunalis Regni, deſtinatus, ut figuram & præminentiam, ejuſdem Celſiſſimi Tribunalis, Majeſtati repræſentaret. Inter has quæ in Mathia Joſepho numerantur

virtutes & dotes, ingenii & eruditionis, bonitas, principem locum tenet, quæ licet in aliis publicis ejus factis, gloriosissime apparuit præcipue tamen, tum in Sacris Exedris, tum dum Celsissimus Princeps, Adamus Ignatius, in Liptow & Orawa Komorowski, Archiepiscopus Gnesnensis Legatus natus, Regni Poloniæ, & Magni Ducatus Lithvaniæ Primas, Primusque Princeps Pallium Archiepiscopale, de manibus Celsissimi Principis, Andreæ Stanislai Kostkæ, Comititis in Zaluski, Episcopi Cracoviensis & Ducis Severiæ die tertia, post suam consecrationem in Archiepiscopatum Gnesnensem, nempe trigesima octobris, Anno millesimo septingentesimo quadragesimo nono in Ecclesia Cathedrali Cracoviensi, ritu solennissimo recepisset, benedictionemque suam Primatiam, Universo Clero & populo dedisset, Crucem protunc Primatiam elevante, Reverendissimo Andrea Bajer, Canonico Metropolitano Gnesnensi, Scipionem verò Magnifico Lctowski, subdapifero Cracoviensi, in facundissimo ejusdem Mathiæ sermone ad eundem Celsissimum Primatem, visa est celeberrima. In hoc suo doctissimo sermone, quot verba protulit, tot pretia, quod periodos locutus, tot gemmas ad coronam Primatiam nexuit, dum eundem Celsissimum Primatem Regni, nuper suum, & Capituli Cracoviensis Confratrem, nunc verò totius Senatûs & Regni, cleri quoque tam sæcularis quàm Regularis, Regni Poloniæ & Magni Ducatus Lithvaniæ, Patrem, Protectorem & Primum Principem, publico ore adoravit. Hic literarum amor, adhuc in Mathia Josepho, gloriose refulget, tum tunc, dum Archidiaconus, officium suum implendo, promovendos ad sacros Ordines examinat difficultates promovet, easdem ad captum audientium & eruditionem ordinandorum, solvit & explicat; tum dum literis digna gerendo, librum ex Italico Idiomate in Patriam linguam transtulit, eundem in Anno millesimo septingentesimo quinquagesimo impressit & luci publicæ exposuit; Libri titulum polonico idiomate præmisit: *Kawaler Młody, w umiejętności sprawnymania Rzeczypospolitey, y w ustatkach przyjacielstwa ewiczony*; id est: *Eques Juvenis, in scientia gubernandæ Reipublicæ, & in Regulis amicitiae exercitatus*; ut juventutem polonam, quæ superventura est, in hac scientia institueret, maturos solidaret, senes rectificaret. Et licet titulum libri, ad juventutem Polonam direxit, ex illo tamen, omnis ætas etiam matura & senecta, est evasura doctior, ad gerendos quovis magistratus prudentior, & in amicitia conservanda diligentior. Ut verò facilius, hæc & alia, gloriose agenda continuaret, Ecclesiæ & Patriæ commodum, Domuique suæ, antecessorum suorum exemplo compararet, Bibliothecam domesticam, in sua Canonicali Residentia prius a se nobilissime reparata & restaurata, erexit, libros rarissimos pulchrè exterorum more, & sub una forma compactos, conduxit & collegit. Ne tantæ virtutes Mathiæ, absque præmio incederent, auctus est

eſt beneficiis a Clementiſſimo Rege, nempe Præpoſituris, Sancti Michaélis in arce Cracoviënſi, & in Kazimierz Parochialis; Donet Deus, ut in Eccleſia Mitratus, in ſenatu Polono purpuratus, utrobique mei ordinis, exemplo majorum ſuorum, potentiſſimus Defenſor vivat.

Tertius Sigismundus Lubienſki, Boguslai ex Bielinska Filius, & ſupraſcriptorum Frater, Capitaneus Oycoviënſis, Veſtigiis Patrum ſuorum Clariffimorum eundo, marti & Bellonæ, in Exercitu ſaxonico Sereniſſimi Auguſti III, Poloniarum Regis Glorioſiſſimi, navat operam, ubi, in Bohemia & Saxonia, ultimis his in præliis, variis in expeditionibus, heroica mente, gloriæ & honori ſtudit. Tandem, propter glorioſos ibidem progreſſus, & propter Domi illuſtria opera, Generalis Major Regiminis Sereniſſimæ Reginæ Poloniæ factus, & poſtea in Anno milleſimo, ſeptingenteſimo quinquageſimo, Legatus ex Palatinatu Cracoviënſi, ad comitia Generalia extraordinaria Varſaviënſia, electus, plurima glorioſè præſert, quæ ad compendium gloriæ Lubienſcianæ, & ad terminum capitis hujus ſufficiunt. Servent ſuperi, hunc celebratiſſimum Ternionem Fratrum, ſcilicet, ut hæc Domus, ordini meo, in ſuis antecelloribus addicta, cujus amplitudinem, in fundatis Eccleſiis ac Domiciliis promovit, in ulterius ordinis mei augmentum, & præcipuè Divinæ gloriæ, & in commodum Patriæ, quàm diutiſſimè conſervetur, *Dii Patrii ſervate Domum, ſervate Nepotes*. Reliqua verò Domus Lubienſcianæ decora, alter o eoque immediato attingam Capite, ut grata & ſtudioſa poſteritas, vel ex una Excellentiffima Proſapia, habeat, quod imitetur & miretur.

CAPUT SECUNDUM.

De Parentibus Fratribus & Sororibus Mathiæ.

Spatioſus iterum hic campus, ad perlustranda Lubienſciorum occurrunt nomina, dum pientiffimi Parentes Mathiæ, eorumque ſacratiffima proles, Divinis aris conſecrata, examinandi veniunt. Quis enim non celebraret virtutem, & coram Deo merita, largamque Divinam benedictionem, horum Parentum, in tam pulcherriſſima & ampliffima ſobole, Divinis altaribus dedita? dignitatibus in Regno Senatoriis, Mitris Episcopaliſſimis, & ipſa Primatiali Dignitate, exornata? & quod principaliffimum, ſanctitate admiranda ſæculis imitanda, illuſtrata? quis his fructibus, piiffimorum Parentum cognitis, eximia coram Deo illorum merita, laudibus non extolleret? Tantus eſt Mathiæ Parens, ut ſi nomen cognoscere velis? Sventoslaus eſt quod ex polonico latinè ſonat: Feſtum celebra, ac ſi nihil in vita egiffet, præterquam quod ſit celebre & ſolenne. Si Proſapiam? Lubien-

ski est, Pomianeus est, ex hac vetusta stirpe natus, Hæres & Possessor in Lubna, Nepos illius celeberrimi Herois, qui sub Choynice, contra Crucigeros Hostes Ecclesiæ & Patriæ, bellando, periculum summum evaserat. Hic antiquo Polonæ virtutis, pietate & virtutum Coronâ insignis, Anno millesimo quingentesimo sexagesimo primo, ducta in Conjugem, lectissima Virgine, Barbara de Zapolice Zapolska, Benedicti Zapolski & Agnetis de Buzenin Roseæ Filia, Mathiæ verò de Buzenin Pstrokonski, Episcopi Vladislaviensis & Pomeraniæ, Supremi Regni Poloniæ Cancellarii, Sorore Consobrina gloriosissimo genere, opibus probitate & prudentia, excellentissima Matrona, rari admodum exempli foemina, quam adeo natura, ad omnem pietatem modestiam, liberalitatemque formavit, educatio perfecit, ut nesciam, an parem ætas nostra tulerit. Genus ipsi vetustissimum & nobilissimum, pro Insigni soleam, in superficie Cruce insignitam, in vulgari *Pobog* appellatam, gerens, & ante quadringentos annos, cum Koniecpolskiis, nobilissima & antiquissima in Regno Familia, idem, a Jacobo de Koniecpole, Castellano Rudensi, (sic eo tempore, Vielunensis ditio appellabatur) Authore generis & stirpis propagatum. Cum hac igitur nobilissima Consorte, vitam inculpatam agens, ambo pietati & Religioni vacabant; Non ignorabant certe illi, nulla re magis Domos Nobiles fulciri, quam pietatis & Religionis studio, proinde, quidquid in latissima Possessionum suarum ditione tenebant, id imprimis ad DEI cultum, Templorumque splendorem, impendere non renuebant. Erat tunc ipsorum Parochiæ ad gravem ruinam proclivis, lignea vetustate consumpta in Wagezow Ecclesia, dotis tam exiguæ, ut Parochus Sacramenta administrans, sustentari vix posset; Parentes Mathiæ, in quibus singularis in Deum, ejusque cultum pietas elucescebat, illam Ecclesiam, non exiguo restaurabant sumptu, sua curâ & liberalitate, labentes Sacræ ædis vetustos parietes fulciebāt, apparamenta aliaque ornamenta altaris augebant & conservabant, ipsum Parochum & ministros Ecclesiæ, magna ex parte sustentabant, cultum Divinum, in eadem Ecclesia propagabant, aliisque multis beneficiis, illam Ecclesiam ditabant. Quo verò prolixior fuit illorum, in illam Ecclesiam munificentia, hoc erant abundantiores & ipsi, qui de suo liberales erant, licet minus curæ, laborisque rei familiari impenderent. Quid plura? crevit cum his pientissimis Parentibus, ab utero misericordia, nulli petenti elemosinam negabant, nullum indonatum mittebant, neminem ad suum patrocinium confugientem spernebant, quotidianam denique manum, ad stipem porrigebant. Hinc singularem de Cœlo Providentiam, & amplissimam benedictionem Divinam nacti, illam inquam, de qua scriptura dicit, *Filii tui sicut novellæ olivarum, in circuitu mensæ tuæ, ecce sic benedicetur homo, qui timet Dominum*; Septem Filios, ex his quatuor postea Sacerdotes, &
ex his

ex his iterum duos, novo, in Regno Poloniae, exemplo, eodem tempore, Episcopos & Senatores Regni, & tres Filias, caelo, Ecclesiae & Patriae, dulcissimos fructus, felici fidere ediderunt.

Primus & natus Major, Sventoslai & Barbarae Filius, Joannes Nominis, quem sextum in Lubnaharedem & Possessorem primo capite posuimus, vir acuto ingenio, judicio magno commendatus, juris Patrii, scientissimus, pietatis & Orthodoxae Religionis cultor eximius, omnibus virtutibus, viro Nobilissimo dignis, praestantissimus & è natura in omnes clementissimus, facetus idem & suae Domus privata incommoda, jocos deludere solitus, meruit, ut ab omnibus amaretur, quippe qui re sua contentus, nemini molestus esse voluit. Hic solus, inter omnes fratres suos (omnes alii spirituales facti,) Statum Matrimoniale elegit, & ducta Uxore Anna Balinia, ex ea procreavit Hieronymum, Virum jam a me superius, primo Capite laudatum, & hac prima Uxore vita functa, induxit alteram, Sophiam Wylezyniam, qui ex ea iterum unicum procreavit Filium, Albertum nomine, postea Castellatum Siradiensem & Capitaneum Przedecensem, de quo superiori capite innui. Tandem Joannes, Anno Domini millesimo sexcentesimo decimo septimo, die octava mensis septembris, aetatis suae Anno quadagesimo septimo, cum aliquandiu aegrotasset, in Wrocirysz, (pagus hic est Nostri Monasterii Miechoviensis,) cum gravi Mathiae, Fratris sui protunc in Nostro Conventu Miechoviensi, in Novitiatus existentis dolore, in vivis esse desiit, ejus corpus primò in Ecclesia Parochiali Wrociriensi Ordinis Nostri depositum, postea clarissimorum Fratrum voluntate, in Ecclesiam primariam Miechoviensem, Ordinis Nostri, illatum, & ante Aram maximam honorificè sepultum est, ad cujus monumentum, de more Equestris ordinis, Vexillum lemate inscriptum, superiori capite insertum, Mathias postea unà cum suis Fratribus germanis, Fratri optimo posuerunt.

Albertus Secundò natus, Sventoslai & Barbarae Filius, & superscripti Joannis Frater, primò Sacrae Regiae Majestatis Secretarius, & Praepositus fredensis, qua postea Praepositura resignata, factus est Praepositus Pultoviensis, Canonicus Gnesnensis & Cracoviensis. Hic contemnendo altiores honores, totum se convertit ad serviendum Deo, unde pauperioribus studiosis, pro scholis impendebat, Parentibus orbatas virgines, ad monasteria exdotabat, eleemosynas munificas largiebatur & thesaurisabat sibi Coelum; propter humilitatem Infulas ultro sibi oblatas contempsit, magni Sigismundi III. Poloniarum Regis judicio, dignus Episcopatu haberi maluit, quam esse, nec unquam persuaderi sibi passus est, ut ad strepitum accederet aulicos, tranquillae vitae contemplatricis studio deditus, quamvis ameno & festivo esset ingenio, judicio gravi & rebus dextrè gerendis idoneo, castus, pius, Deum timens, & liberalis sacerdos. Tandem ad vitae terminum properans, cum prius sepelisset, unà cum Fratre suo Mathia, tunc E-

piscopo Vladislaviensi, manibus suis, Stanislaum Episcopum Plocensem Fratrem suum, coronam meritorum suorum a Domino recepturus, obiit. Pro cujus anima, anniversaria peragitur dies, in Ecclesiis, Metropolitana Gnesnensi, & Cathedrali Cracoviensi, a Mathia Nostro, ejus testamenti Executore fundata, die sexta octobris, quâ diem clausit ultimum.

Mathias tertio natus, Sventoslai & Barbaræ Filius, & suprascriptorum Frater, postea noster Canonicus, & successivè Archiepiscopus Gnesnensis, & Regni Poloniae Primas Primusque Princeps, Cujus vitam integerrimam, virtutem & Sanctitatem, actaque omnia, sublequentibus Capitibus describemus.

Stanislaus quarto natus, Sventoslai & Barbaræ Filius, & suprascriptorum Frater, sub horum Parentum domestica cura, usque ad id tempus ætatis, quod literis capeffendis idoneum, educatus, iisdemque literis quâ Siradiæ quâ Calissii, in scholis Societatis Jesu, prompto ingenio haustis, atque in Lenciciensis Castri Cancellaria Juris patrii, comparata notitiâ, relictisque ibi diligentia monumentis, manu sua conscriptis tabulis, toto deinceps tempore, quo Mathias Pstrokonski, Episcopus Vladislaviensis & Pomeraniæ, Regni Supremus Cancellarius vixit, non alumnus modo ejus domesticæ disciplinæ, sed adjutor laborum fuit; Nam imprimis, cum Regiam Cancellariam regeret Pstroconius, in aulam Regiam evocavit Stanislaum, scribendisque Regio nomine literis, adhibuit, & in Sveciam. (Rege capeffendi Regni paterni causâ, eo proficiscente) secum duxit. Reversus in Patriam Stanislaus, iterum gravioris literaturæ causâ primo Gratium in Styriam, deinde in Italiam profectus est, ubi Juris Canonici & Theologiæ, acquisita scientiâ, ad suum Pstroconium, jam tunc Episcopum Premisliensem, & Regni Supremum Cancellarium, reversus, apud illum in omnibus Cancellariæ negotiis, egregiam adhibebat operam. Postquam vero Pstroconius, morte sublatus esset, patuit Stanislaus benignitas, Laurentii Gembicki, Pstroconii in Cancellariatu successoris, qui Stanislaum tunc Præpositum Gnesnensem, Judicisque pro eadem Ecclesia munere, in Generali Tribunali Regni functum ad aulam revocavit, gravioribus curis adhibendum: Cæterum Stanislaus, cumulatè operâ & industriâ Gembickio probatâ, postquam Provinciam lustrandi Archivi Regni, a Rege nactus, iterum ab aula secessit, & vitam privatam agere statuit; Igitur ad Petrum Tylicki, Episcopum Cracoviensem se contulit, a quo in partem laborum Episcopaliū assumptus, curiæ suæ Cancellarii titulo, & Archidiaconatu Cracoviensi ornatus est. Verum & ibi, ab aula subductum, & in servitio Ecclesiæ existentem Stanislaum, honor non petentem invenit, dum Felix Criscius, Regni Supremus Cancellarius, Regentis Cancellariæ Regiæ munus, ultro ad eum detulit. Quod cum Stanislaus suscipere renuisset, Petro
tamen

tamen Tylicki, Episcopo Cracoviensi (vadente, illud suscepit, & triennio laudabiliter gessit, usque dum Abbatia Tinecensis suscepit regimen. Quo suscepto, Ecclesiam ibidem magnificè erexit, & partem magnam Monasterii exstruxit, munificentia suâ sæculis memoranda. Sed ante omnia induxerat in animum Stanislaus, Religionis Divi Benedicti Sacramento, ibidem se obligare, verum desideria ejus, ob negotia a Rege Sigismundo ipsi commissa morabantur. Interim cum vacasset Cathedra Episcopalis Luceoriensis, Rex Sigismundus III. pietatem & ingenium Stanislai pensando, eundem, ad Episcopatum Luceoriensem promovendum, Sedi Apostolicæ nominavit, & insuper Episcopali dignitate conspicuum, novo honore auxit, Procancellariatu Regni, ad Stanislaum delato. Quem cum triennio laudabilissimè gessisset, ab aula se subducere, & totam operam, ingerendo Episcopali munere ponere, summo opere desiderabat. Voto potiendi, opportunitatem occasionem dedit Plocensis Cathedra, in Anno Domini millesimo sexcentesimo vigesimo septimo, vacua, ad quam Stanislaus a Rege promotus, Cathedræ Luceoriensi, & simul Procancellariatus honori renuntiavit. Ingressus Plocensem Cathedram, Anno millesimo sexcentesimo vigesimo octavo, die secunda Maji Stanislaus, ob calamitates, quæ belli Svetici turbine agitata Prussia, vicinam Plocensem Diocesim universam premebant, minus prospera prima Episcopatus initia nactus erat, verum pace restituta Patriæ, facilior, ratio regendæ Diocesis successit, quam ille, institutis sæpius Cleri visitationibus, actis Synodis ex præscripto sacrorum Canonum, prudenter & paternè gubernans, exemplari & Sancta vita, plurimos ad bonum concitavit.

Insuper & secundam partem Episcopalis in Polonia Officii, hoc est senatorium munus, exactè implevit Stanislaus; Nihil unquam, gravioris in Regno contigit negotii, cui expediendo, rara in capiendo consilio prudentia, non adhiberetur Stanislai, non fœdera sancita, non pacta cum vicinis firmata, non rescripta edita, non Legati Regiis instructi mandatis, non de publicis negotiis, ad ordines relatum, nisi vel a Rege, vel iis, qui Regiæ Cancellariæ, summa cum potestate præfuerunt appellato prius & consulto Stanislao. Illo etiam quod morte Sigismundi III. antecessit Interregno, nihil, neque in publico consilio deliberatum, neque inter eos agitatum, qui publice delecti, privatis in confessibus, difficiliore materias tractabant, ubi Stanislai consilium, autoritas, vox non intervenerit. Regno tandem, communi ordinum suffragio ad Vladislaum 4. delato, potissimè ab eo electus est, qui non intermoriturus laudes Sigismundi III Regis Poloniæ, (cui tunc & Constantiæ Reginæ, sub tempus comitiorum coronationis parentabatur,) funebri prosequeretur oratione, & Legati munus gloriose obiret ad Urbanum VIII. Pontificem maximum. Tanti autem

fuerat amoris erga Patriam Stanislaus, ut in gravi necessitate Patriæ, notabilem pecuniarum summam dederit Reipublicæ, cujus munificentiam cum gratitudine commemorat Constitutio Regni, Anni millesimi sexcentissimi trigesimali primi. Inter publica Patriæ negotia, neque Sponsæ suæ, Cathedræ Płocensis, universæque Dioecesis, obliviscebatur Stanislaus; Ille insignem illius Basilicæ structuram, tēporum injuria collabentem, suffulcit, & picturis exornavit, ille in ea Collegium novemdecim Sacerdotum & subdiaconorum ad psallendum nocturnis, diurnisque horis, fundavit, & pro reliquo Sponsæ suæ ornamento, annuos redditus assignavit; ille diuturnæ de finibus territorii Gorznensis controversiæ, recuperato amplo fundi tractu, finem imposuit, ille beneficentiæ suæ partem, in literas & literatos derivans Collegii Pułtovienſis Societatis Jesu, & Noscoviani penes Academiam Cracoviensem contubernii inopiam, luculentis pecuniarum summis sublevavit, & insuper insignem Bibliothecam Episcopis Płocensibus, ultimo testamento donavit.

Non hic stetit, ardens Stanislai, cultus Divini propagandi studium, nisi intercessisset heroicorum ejus operum impedimentum mors, quæ Varſaviæ, comitiorum causâ degentem, langvore corporis, animique correptum, Viſcoviæ ad ultimum certamen se præparantem, die decima sexta Aprilis, recitatis pro more Ecclesiasticis precibus matutinis, sequentis diei, momento temporis animi corporisque viribus destitutum, interim Sanctissima JESU & Dei Matris nomina proferentem, assistente sibi confessario & conscientiæ moderatore, sine cruciatu, sensuque doloris sustulit; Anno a suscepto Episcopatu Płocensi, decimo tertio, ætatis sexagesimo septimo, salutis, Millesimo sexcentesimo quadragesimo. Cujus supremis Mathias Noster Archiepiscopus Gnesnensis, tunc Vladislaviensis Episcopus, præcoci fraterni fati ictu, cunctis altius confossus, honorē habuit, cineres tumulo, in Cathedrali Płocensi Ecclesia inferendi, & Mausoleum exornandi. Insuper pro anima ipsius, anniversaria quotannis peragenda fundavit, in Ecclesia Metropolitana Gnesnensi, & Cathedrali Cracoviensi, die decima sexta Aprilis absolvenda, super quo congruentem summam pecuniariam, Stanislai testamento legatam, (uti executor Stanislai, Suprema voluntate assignatus) inscripsit. Postquam verò fama mortem hujus dignissimi Præfulis & Senatoris pervulgavit, statim magni Viri, tanti in Ecclesia Præfulis, dolore tacti, eundem eximius celebrârunt præconiis. Annibal Bentivolus Cardinalis, legationibus a Paulo V. Pontifice maximo, in Galliam & Belgium, tum excellentibus scriptis orbi Christiano notissimus, ipsi in sua Epistola, inscripsit Elogium: *Ilum Religio Catholica, propugnatorem acerrimum, eloquentia lumen eximium, Polonicus Senatus prudentiæ normam, suspexit & mirabatur.* Vladislaus IV. Poloniarum Rex, defunctum Præfulem, prudentissimi & gra-

& gravissimi Senatoris titulo, dignatus est. Mathias noster Archiepiscopus Gnesnensis, sæpe ingemiscebat: quantum claritudinis, quantum in hac vergente ætate præsidii, illo orbatu amiserit, Samuel Nakielski, Ordinis Nostri Canonicus, rerum Polonicarum & Ordinis sui scriptor gravissimus, testis vitæ Stanislai oculatus, tale de illo in manuscriptis suis, reliquit testimonium: Anno millesimo sexcentesimo quadragesimo, ad diem Decimam sextam Aprilis, *quæ fuit feria secunda post Dominicam in Albis, Stanislaus Lubiencki, Episcopus Plocensis, omnium hujus temporis eruditissimus, atque ut ita verissime dicam, Sanctissimus Sacerdos, qui a prima ætate, eloquentiam & liberalia studia exercuit, ut cum diem tractandis negotiis civilibus daret, noctem illis seponeret, vitæ privatus usura, cælestia jure ob vitæ integritatem, adeptus est regna.*

Scripta illius & elaborati styli documenta, prodierunt ex typo in lucem publicam, Antverpiæ in folio, Anno millesimo sexcentesimo quadragesimo tertio. In prima parte, imo. Brevis narratio professionis in Sveciam Sigismundi III. Regis Poloniae. Secundo. De motu Civili in Polonia, libri quatuor. Tertio. Causæ cur Sigismundus Rex, bellum Moschis intulerit. Quarto. De rebus Silesiacis discursus. Quinto. Responsio ad septuaginta rationes, quibus perfvadere quidam nitebatur Polonis, ne se motibus Hungaricis immisceant. Sexto Dissertatio de Jure Poloniae, ad Russicas & Moschoviticas ditiones. Septimo Epistola Zolkievii, de bello Turcico. Octavo Epistolæ de bello Chocimensi ad Pontificem & Imperatorem. Nono. De militari confœderatione, Anno millesimo sexcentesimo vigesimo secundo. Decimo. Responsum ad Protestationem. Undecimo. Amica Parænesis ad Zamoyscium Procancellarium. Duodecimo. Errata Julii, belli laureæ austriacæ Scriptoris. In Secunda Parte. Primo. monita de rectè gerendo Episcopatu. Secundo. Vitæ Episcoporum Plocensium. Tertio. Vita Mathiæ Pstrokonski. Quarto. Epistolarum decades tres. Quinto. Orationes ejusdem Gratulatoriæ & Funebres. Ex quibus hujus viri, præclarissimis monumentis, quisque intelligere potest, quis & quantus Lubienscius fuerat? quam acuto ingenio, quam nobilissima indole, in suis scriptis perennaturus.

Martinus, ultimo natus Sventoslai & Barbaræ Filius, & superscriptorum Frater, a teneris annis, Sacram Societatis JESU Religionem professus, in qua humaniores primùm docuit literas, postea in eadem Religione, Philosophiæ & Theologiæ Professor emeritus, Collegii Callisiensis Rector, demum Domus Professæ Cracoviæ, ad Sanctam Barbaram Præpositus, ubique doctrina laudabilis, sed præcipue admirandis Religiosis virtutibus, tum charitate proximi commendabilis. Ex qua factum, ut peste in nostra Parochia Wągeczoviensi, grassante eadem pestilentia infectis, unâ cum nostris Canonicis inserviret,

Sacramenta administraret, Religiosa munia ad salutem eorum pertinentia, jam in bona senectute existens obiret, & ibidē, Anno millesimo sexcentesimo quinquagesimo primo, è vita decederet. Quare ibidem in nostra Ecclesia Wągezovienſi ſepultus, beatam corporum reſurrectionem expectat. Corpus ejus poſt mortem, diu incorruptum permanſit, de qua incorruptione ejus, adnotarunt Nieſiecki, tomo tertio, & Szczaniecki in Concione funebrali, Sophiæ de Lubna Mączynſka. Cum eſſem in majori Polonia Wągezoviæ Anno Domini millesimo ſeptingenteſimo vigesimo octavo, movi diſcuſſum, cum Præpoſito illius loci de Fundatoribus Eccleſiæ, narravit mihi, quod corpus Martini in ſepulchro viderit, illudque incorruptum eſſe aſſeruit verum Anno millesimo ſeptingenteſimo quadrageſimo quarto, accepi notitiam, ab illius Eccleſiæ Præpoſito, quod jam reſolutum in pulverem & oſſa fuerit.

Neque Filiarum, tantorum Parentum, (nam alii Filii immaturi obierant,) obliſci fas eſt, nam & in iis, beneficentiæ Divinæ, erga Domum Lubienſcianam, non vulgaria elucent argumenta. Prima & natu major, fuit Margaritha Stalczewſcio, armis Jaſtrzebecio, in Matrimonium locata, cum quo habuit filium Martinum, poſtea Decanum Płocenſem, Canonicum Gneſnenſem Cracoviensē, Varſaviensē, Adminiſtratorem Abbatix Trzemeſnenſis, Regni Poloniæ ſupremum Referendarium, Virum erga Virginem Deiparam pietatis eximiæ.

Altera Sophia natu minor, (nam immatura obierat tertia,) Sventoslai & Barbaræ Filia, & ſupraſcriptorum ſoror, calcato mundi faſtu, ac illius vanitate, generoſe contempta, in cætum ivit Virginum, inſtituto Divi Bernardi, Ordinis Ciſterciensis, in Ołobocenſi Monasterio, viventium, quæ cum ſubmiſſionem & obedientiam religioſam annis triginta ſervallet, pietate ac prudentia inſignis, meruit omnibus præeſſe, in Abbatiffam votis concordibus electa, quod munus per quinquennium, laudabiliſſimè geſſit. Et vita functæ, Mathias noſter, protunc Episcopus Vladislaviensſis, Mauſoleum de marmore erexit, & immortalī dignā recordatione effecit. Anno Domini MDCXLII De illa Noſtri Ordinis Canonicus, Samuel Nakielſki, Sacræ Theologiæ Doctör, in ſua Miechovia, adnotavit ſequentia: Cui (ideſt Ołobocenſi monaſterio,) Præſuit cum munere Abbatiffæ, Religione & pietate inſignis Virgo, Nobilis Sophia Lubienſka, de armis Pomian. Quatuor Illuſtriſſimorum Virorum, quos Dominus in ſortem hæreditatis ſuæ ſecrevit, & ampliffimis, in hoc famoſiſſimo Poloniæ Regno honoribus exornavit, Vladislaviensſis imprimis, & Płocenſis Eccleſiæ Episcoporum, & Alberti natu majoris, Præpoſiti Pułtoviensſis, ac Cracoviensſis Canonici, tum & Martini, qui à teneris pene annis, ſacram Societatis JEſu Religionem, profeſſus eſt, Soror germana, quæ in dicto Monasterio, veluti
radius

radius solaris, reliquis Sororibus præfulget, & quæ supra vires propria conditionis, cum sit fœmina, ita doctè & cautè de Divinis arcanis, loqui solet ut in ea illud experimento comprobatum videamus, quod communiter dici consuevit: mysticam Theologiam potiùs oratione & affectu devotionis, quàm studio & lectione assequuta est.

Porro Parentes, sanctè educata hac prole & instituta, cujus educationis Ecclesia, Patria, dulces experta est fructus, ipsi tandem ad terminum properantes vitæ, coronam suorum recepturi meritorum obierunt placidissimè in Domino. Et Pater quidem Sventoslaus priùs, Anno videlicet millesimo quingentesimo nonagesimo secundo, quem in Ecclesia Parochiali Wagczoviensi antiqua, pientissimè Filii, satis honorificè sepeliverunt, & postea eadem Ecclesia demolitâ novâq; ex solido muro fundata, & dotata, sepulchrum ejus exornarunt. Mater verò Barbara, ætate longior, derelictis rei familiaris curis, Gnesnam se contulit, ubi penes Ecclesiam Metropolitanam, in qua ejus Filii, Albertus & Mathias Canonorum Collegio adscripti erant, manendo & in ipsa Ecclesia, continuò per multos annos, tum orationibus & devotionibus, tum aliis piissimis operibus vacando, dierum & Sanctarum virtutum plenissima, cum esset septuaginta annorum, Anno Domini, millesimo sexcentesimo undecimo, pridie Idus Januarii, vitâ functa, humeris Mathiæ Filii, aliorumque Filiorum suorum in sepulchrum illata, & in Ecclesia Metropolitana Gnesnensi, honorificentissimè sepulta est. Ejus in Deum amoris & pietatis, in actis Capituli Metropolitanæ Gnesnensis, tale inscriptum est testimonium: *Anno Domini, millesimo sexcentesimo undecimo, Die Jovis, decima tertia Januarii, Reverendi Domini, Achatius Grochowski Cantor, Joannes Rebelinski, Leonardus Valconovius Sacræ Theologiæ Doctor, Albertus Lubieniski, Joannes Grabowski, Mathias Lubieniski, Vincentius Oczko Philosophiæ & medicinæ Doctor, Thomas Jędrzejewski Juris utriusque Doctor, Prælati, & Canonici Almæ Ecclesiæ Metropolitanæ Gnesnensis, fuerunt capitulariter congregati Reverendi Domini, ad postulationem, Reverendorum Admodum Dominorum, Alberti & Mathiæ Lubieniski, Fratrum Germanorum, Canonorum Gnesnensium, Generosæ olim Lubieniska, Parenti Illorum charissimæ Viduæ devotissimæ, quæ per tot annos, ut altera Filia Phanuelis, non excedens è Templo, orationibus & jejuniis, per multos annos, in hac Ecclesia Metropolitana, Deo Omnipotenti devotissimè servivit, ad diem sepulturæ ipsius, in eadem Ecclesia sepeliendæ, pulsandum omnibus campanis & majori, unanimi consensu, nemineque repugnante concesserunt, præsentibusque concedunt.*

Successu verò temporis, postquam Mathias Episcopus Vladislaviensis factus, eidem suæ devotissimæ Matri unâ cum suis Fratribus, in Ecclesia Metropolitana Gnesnensi, sub choro, in marmore exsculptum reliquit monumentum: *Barbara de Zapolice, Benedicto Zapol-*

ski Pobogio, & Agnete de Buzenin Rosea, genita, Sventoslao Lubienſki Pomiano, nupta, decem liberorum Parens, vixit Matronali pudicitia, cum marito XXXI. Vidua religioſe & Sanctè XIX. Annis, ætatis LXX, Chriſti nati MDCXI. Anno, pridie Idus Januarii, vitâ functâ, hoc monumentum, Mathiæ Vladislaviensis, Stanislai Płocensis Episcoporum, Alberti, Præpoſiti Pultoviensis, Canonici Cracoviensis, Regii ſecretarii, Martini Societatis JESU Preſbyteri, & Sophiæ Abbatiffæ Ołobocensis, ſuperſtitum liberorum pietate, ſortita eſt optima Mater. Sed nondum amor Mathiæ noſtri, erga ſuam chariſſimam matrem, fuit factis, verum Archiepiſcopus factus Gneſnenſis, poſtquam in eadem Eccleſia Metropolitana Gneſnenſi, ſuo corpori humando ſepulchrum, in capella a ſuo cognomine Lubienſciana dicta: erexiſſet, ejuſdem Matris ſuæ cineres Anno milleſimo ſexcenteſimo quinquageſimo ſecundo, proximè ante mortem ſuam, ad idem ſepulchrum, decentiſſimè tranſtulit, & denuo honorificentiffime chriſtiano ritu ſepelivit amoremque ſuum, etiam poſt obitum ſuæ matri, teſtatus eſt. Verum ego, enarratis obiter præclariffimis pientiffimorum Mathiæ Parentum factis, Fratrumque ipſius, tum totius excellentiffiæ Proſapiæ, origine, amplitudine, dignitatibus in Regno, miniſteriis & officiis deſcriptis, de ſolo deinceps Mathia noſtro, interjectis nonnunquam, aliis opportunis rerum in Polonia geſtarum narrationibus, ſequentibus Capitibus, brevi & compendioſa methodo procedam.

CAPUT TERTIUM.

De loco Nativitatis, ipſa Nativitate & educatione Mathiæ.

Regni Poloniæ, qua late patet, quædam pars eſt, quæ Palatinatus Siradienſis dicitur, terra ferax virtutum, fæcunda virorum togâ illuſtrium Parens, Curulibusque ampliſſimorum Senatorum, glorioſa mater, plurimos in dies & annos Cœlo, Reipublicæ ornameto & commodo, hæreas edens, qui cultus Divini amplitudinem, longe lateque, magno ſalutis animarum ferventes Zelo, propagent, qui Regnum Poloniæ, optimis & graviffimis conſiliis ſtabiliunt, conſectis hoſtium turmis, ſumma fortitudine & conſtantia pectoribus, aditum in Patriam præcludunt, pro bono comuni Civium, Fratrumque ſuorum chariſſimis pignoribus ac fortunis, vitam, ſalutemque ſuam, toties magno excelsi animi & invicti roboris præconio devovent, imminens diſcrimen, ab inteſtinis Civium ſeditionibus, domeſticisque tumultibus ortum tranquillitati publicæ, reſponſis in Senatu ſalutaribus præſidiisque prudentiæ ac virtutis, feliciffime reſtituunt. Talia fuerunt raro felicitatis exemplo, ſingularia decora Terræ Siradienſis, tot & tanta columnina Reipublicæ, ex hoc Palatinatu

latinitate & Terra Siradiensi, uno eodemque tempore orti, uno eodemque tempore, Senatum Polonum implentes, Joannes Węzyk, ferpentini Stemmatis, Archiepiscopus Gnesnensis, Jacobus Zadzik Corabius, Episcopus Culmenensis, postea Cracoviensis & Dux Severiae, antehac Regni Supremus Cancellarius, Boguslaus Okrzycius Radoszewski, Episcopus Luceoriensis, Stanislaus Koniecpolski Pobogius, Dux Generalis Exercituum Regni, Castellanus Cracoviensis, inter quos, hoc ipso tempore, Mathias Lubiencki, protunc Episcopus Vladislaviensis, & Stanislaus Lubiencki Episcopus Plocensis Pomianei, Fratres germani. Sustentarunt hi fortissimè Patriam, gravissimis calamitatibus fluctuantem, quā consiliorum gravitate, quā magnitudine animi, & militaris fortitudinis gloria & trophæis, quā piæ actæ vitæ constantiâ, ut non immerito quidam eruditus Author, Trabeatam inscripserit Siradiam, & celebritatem illius, heroico metro, posteritati commendaverit.

In hac igitur terra & Palatinatu, tantorum Virorum fœcunda, in Villa Lubna, satis in amœna planicie sita, duobus miliaribus. ipsa Siradia, æquè ac Warta Civitatibus, distante, Parentum suorum hæreditaria, Archidiœcesis Gnesnensis, Parochiæ Wągeczoviensis, ex pietissimis supra laudatis Parentibus, Sventoslao & Barbara Lubienſciis natus est Mathias noster, Anno Domini, millesimo quingentesimo septuagesimo secundo, die secunda mensis Februarii, quæ fuit dies Sabbathi, Gloriosissimæ Virgini Deiparæ, Filium æterno Patri, in templo Hierosolymitano præsentanti sacra, acsi hic infans & Neonatus Filius, ab utero materno, in Ministerium Ecclesiæ Hierosolymitanæ, a DEO vocaretur, futurus Canonicus Hierosolymitanus fieret, in Ecclesia Miechoviensi, Filia Ecclesiæ Hierosolymitanæ, præsentaretur Domino, ibique Sacram Professionem faceret, & Ecclesiæ Hierosolymitanæ inscriberetur. Quare postea memor tanti mysterii Mathias, dum esset Archiepiscopus Gnesnensis, in Ecclesia Metropolitana Gnesnensi, Capellam sub titulo Purificationis Beatissimæ Mariæ Virginis, fundavit, exornavit & dotavit, idemque Mysterium, Præsentationis Sanctissimæ Virginis cum Jesu Filio, in templo Hierosolymitano Symeoni, nobilissimis picturis, in altari exprimi Curavit, seu ut advertit, præcipuum hac ætate Lubienſciorum Familiæ decus, Vladislaus Lubiencki, Decanus Metropolitanus Gnesnensis, Scholasticus Cathedralis Cracoviensis, Regni Supremus Notarius, in suo volumine polonico, Titul. *Orbis cum omnibus suis partibus*; Familiam illius temporis Lubienſciorum, & se neonatum Filium, præsentationem Sanctissimæ Virginis, cum Jesu Filio, Symeoni, in templo Hierosolymitano repræsentantem, elegantissimis picturis, scito artificio, depingi curavit, & quolibet die sabbathi, per totum Annum, in memoriam natalis sui, sacrum missæ sacrificium, de Purificatione Beatissimæ Virginis

ginis Mariæ, facta super hoc fundatione, celebrari mandavit. Hæc igitur ipsa die Sanctissimæ Virgini Deiparæ sacra, in Ecclesia propria antiqua Parochiali Wagezoviensi, præsentatur Domino a patrinis, natus infans, Deo & Sacratissimæ Mariæ Virgini, a Piis suis Parentibus, per ardentissimas preces offertur, & ibidem sacro fonte abluitur.

A Sacro fonte, tulit Nomen Mathias, non sorte & fortuna sed Divina dispositione, quæ Sventoslaum Patrem, in eam impulit mentem, ut illud Nomen Mathias, puero imponeret, quod ejus & mores futuros deceret, & magnitudini Virtutis atque laudis ipsius, maxime conveniret. Hoc enim si ethymon ipsius spectes significat Donum Dei & parvum Dei, Mathias ergo idem erit, quod Donū Dei quod parvus Dei; Quapropter dum Sventoslaus, Supremi Numinis afflatu, nomen puero Mathias, imposuit, non potuit magis augustum, magis illustre, invenire nomen, quod ei splendore, majestate & decore amplissimo æquiparari possit. Mathias, donum Dei designat, qui innumeris donis non modò Urbes tantum, non modò Provinciam aliquam, sed universam ornavit Poloniam. Mathias parvus Dei, (hoc est in sua opinione, sui que ipsius cognitione, coram Deo parvus & humilis,) sed magnum Familiæ Lubienscianæ decus, grande Ordinis Sancti Sepulchri & Ecclesiæ Polonæ ornamentum, maximum Orbis Poloni lumen, ob invictam animi fortitudinem, quā nulli adversitati cessit, ob perpetuam erga cælestia charitatem, qua se in omnia virtutum lumina efformabat. Crevit postea, non magis corpore, quam virtutibus, modestia, pudicitia, devotione, ad omne genus doctrinæ & pietatis pronus puer, christianæ pietatis & literarum rudimentis imbutus, deducuntibus ipsum eò, & viam rectæ institutionis, ipsi monstrantibus, optimis Parentibus suis, ita, ut nihil ipsi defuerit eorum, quæ ad imbuendam recta institutione pietatem, nobilem indolem, pertinere posse videbantur. Hinc ab ipsa tenerrima ætate, Deum ante ocellos habere, eundem obnixè pura conscientia obsecrare, lachrimas in oratione fundere, Divinam salutare Matrem, prostrato corpore, dies & noctes, pro suo in Mundum salutari ingressu, proque salute Parentum & aliorum compellare, jam Ecclesiarum, non tantum limina, sed etiam mysteria frequentare, DEI verbum ex Sacerdotis ore, intento corde percipere, & si quid Legi Divinæ contrarium videret, a quoquam fieri, ad sacerdotis vocem omnia deferre, *Sacerdos sic iussit, sic è suggestu institutum*, & aliis modis, ad sanctitatis studium pertrahere, iam misericordiæ & pietatis viscera, etiam tunc aperire, & si quem inopem aut mendicum, Paternis foribus adstantem cerneret, ad Parentes accurrere, & vel ab eis impetrata, vel suis usibus concessa, distribuere Mathias puer solebat.

Dum verò sibi aliqua rudimenta Grammatices, addiscenda, Domini præcepta haberet, ut ea facilius & sine distractione, mandaret memoriæ,

inoriæ, ad quandam annosam quercum, prope Curiam Parentum suorum, antiquitate excavatam, solebat secedere, ibidemque in cavitatē, eousque latere, donec plene ea, quæ sibi præscripta haberet, addisceret. Observabat Sventoslaus Pater, tantam in puero gravitatem, stupebat Mater, de rebus differentem Divinis, de profectu doctrinæ, & multa præclara, de Mathia suo, pollicebantur sibi. Quare de Domo Parentum, rudimentis Grammaticæ capeffendis, Siradiam, tum Calissiū ad nobilissimas Scholas, Soc: Jesu mittitur, ubi intra studiorū curriculum, non eum levis deliciarum occupatio, non blandæ voluptatum illecebræ, non demum sensuum oblectamenta varia, quibus potissimum illa ætas libera, facile capi potest suis lenociniis delinire, ac a cæpto studio retrahere, animumq; tenacem invertere valuerunt. Cum autem optimas literarum disciplinas, in scholis minoribus, ætati teneræ fervientibus, promptō animō & capacitate didicisset, eundem Albertus Zaiączkowski, Abbas Wagrovecensis, apud Parentes, multis obtinuit precibus, ut sibi alumnum permitterent, suis impensis & cura, in spem amplioris fortunæ educandum. Hunc igitur Posnaniam, ad scholas Societatis Jesu recenter protunc per Adamum Konarski, Episcopum Posnaniensem fundatas, misit, & sumptum studiis superioribus, liberaliter suppeditavit, ubi ad futuram virtutem, dignitatem & felicitatem, iterum pie altus & educatus est.

Mirum interim & singulare, circa Mathiam nostrum, & suos fratres, effulsit Divinæ Majestatis Patrocinium, & futuram ejus magnitudinem, non dubiis prælagis, Deus significare voluit, quorum illud memoria dignum; dum scholæ in mente Augusto vacarent, Mathias ab Abbate Wagrovecensi, ex scholis ad Parentes remissus, alique Fratres sui, ex aliis scholis, Domum ad Parentes reversi; Antequam autem pervenissent Domum, pridie adventūs ipsorum, Mater eosdem in somnis videt, Mathiam videlicet in Pontificali apparatu, ornatum pretiosa Infula, Stanislaum item, sed in humiliori Mitra, Albertum cernit in Canonicali almucio, Martinum in habitu Societatis Jesu Joannem in Equestri toga conspexit. Quod cum admirata, enarrasset & revelasset Patri, ambo potius mysterium, quàm somnium esse reputarunt. Quare sumpta hinc occasione Mater, præfago Spiritu, in posterum Mathiam Archiepiscopum, Stanislaum Episcopum, Albertum Canonicum, Martinum Rectorem Societatis Jesu vocitabat & loco proprii nominis, hisce titulis vocabat. Non vanum fuit somnium, neque in irritum cessit, Matris de Filiis prædictio & eorundem nominatio, nam Mathias Archiepiscopus Gnesnensis, Stanislaus Episcopus Płocensis, Albertus Canonicus Gnesnensis & Cracovienſis, Martinus Rector Collegii Calissiensis Societatis Jesu, factus, Joannes in Equestri Ordine remansit.

Finitis sumptu Abbatis Wagrovecensis, usquē ad Rhetoricam, Po-

Posnaniensibus scholis, Societatis Jesu, Mathias noster, ad Regni & literarum Metropolim, Academiam Cracoviensem se contulit, ubi sub Daniele Sigonio, Academiae Cracoviensis, & magnorum virorum, non minus pio, quam erudito Professore, postea Canonico Cathedrali Cracoviensi, unà cum Fratre suo Stanislao, non solum in scientiis speculativis, quibus operam dabat, verum etiam in majori pietate, & erga Virginem Beatissimam, devotione profecit. Hic enim Sigonius, magno pietatis affectu, castissimam Deiparam Virginem coluit, quod certissimis Argumentis & signis comprobatum, nam illum hujus Sanctissimæ Virginis præsidio, & statum vitæ elegisse, & cuncta quæcunque in statione Academica egisset, feliciter perfecisse; illum infra octavas Visitationis Sanctissimæ Virginis, in Collegium majus vocatum fuisse, illum infra octavas ejusdem solemnitatis, Visitationis Sanctissimæ Virginis, honorem inter Canonicos Cathedrales Cracovienses recepisse, ac insuper beneficia quæcunque nobilissima agnovisse. ad extremum illum, infra octavas ejusdem Visitationis Beatissimæ Mariæ, de hac vita, ad immortalem commigrasse. Alter Mathiæ nostri, in Academia Cracoviensi Professor, de juriis prudentia optimè meritus, Thomas Eustachius a Piątek Swinarski, sub quo Mathias, strenuam navavit operam, & Juri utrique, Canonico & Civili se totissimum consecravit.

Sub his & talibus Professoribus informatus, optimè per naturam institutus, clarissimè artibus ingenuis imbutus, sedulitate sua & Præceptorum perpolitus, ac tandem, in profundioribus apprimè versatus, miros progressus, tam in pietate erga Virginem Beatissimam, quam in Scientiis, peragebat Mathias; virutes Mathiæ, singulari complectemur capite, in scientiis autem, tantum profecit, ut primus disputaret, primus difficultates solveret, illas facile explicaret, responsa daret primus, & omnibus condiscipulis suis præiret. Protunc & sub iisdem Professoribus Joannes Wężyk, postea Episcopus Premisliensis, Posnaniensis, tandem Archiepiscopus Gnesnensis, vir spei & expectationis, dignitatis Cardinalitiæ, si fata permisissent, ab Urbano VIII. sibi promissæ, tum Jacobus Zadzik, postea Episcopus Cracoviensis scientiis speculativis & juris prudentiæ operam dabant, cum illis studiis, scholasticisque exercitationibus, æmula virtute, decertabat Mathias, & inde ortam cum iisdem, arctiorem familiaritatem & amicitiam, maturior ætate, conservabat. Memor fuit pariter hujus suæ Eruditionis, in academia Cracoviensi, in ulteriores ætate & gradu, igitur amore singulari, Academiam Cracoviensem, & studia ejus complectebatur, & nullam unquam intermisit occasionem, immunitates ejus vindicandi. Completo autem scientiarum speculativarum & Jurisprudentiæ cursu, prima qua per sacros Canones licuit ætate, sacris initiatus, de cujus clericali, tum Sacerdotio sequenti procedemus capite.

CAPUT QUARTUM

CAPUT QUARTUM.

De ulteriori educatione & Statu Clericali Mathiæ, tum functionibus in Aula & Republica.

Postquam Mathias noster, primos tenerioris ævi annos, & totam florentem ætatem, in capeffendis honestiffimis disciplinis, doctrina & pietate excoluiffet, mox ad Mathiam Pstrokonfki, avunculum & confanguineum fuum, qui propter eximiam pietatem, morum integritatem, atque cæleftium amorem, celeberrimus habebatur, & qui tunc in Aula Sigismundi III. Regis, fupremo Referendarii Regni munere, ac pofttea Epifcopatu Premiflienfis, infignitus fuit, fe fe contulit, ut eundem Juvenem, in fuam ulteriorem difciplinam reciperet, atque indita fibi, præclariffimarum illarum dotum femina coleret & efformaret. Quare Pftrokoniuf, Mathiam noftrum, tanquam fanguine junctum, fuumque Nepotem, ac per fe fatis commendabilem, in præcipuo loco gratiæ, apud fe reposuit, & eundem Joanni Tarnowski, pro tunc fupremo Vicecancellario Regni, recommendavit, ad obfequia Ecclefie & Reipublicæ peragenda, applicavit, & ad notitiam tum Reipublicæ, tum ipfius Regis, Sigismundi III deduxit. Cum autem vidiffet Pftrokoniuf, Mathiam noftrum, in negotiis Ecclefie & Reipublicæ, fub fua & Tarnovii difciplina, per aliquot Annos fatis verfatum, virtutesque illius confpexiffet, ad fastigium earundem virtutum, fapiientiæ illi fplendorem addere, & jam pro ætatis ejus captu, fufficienter doctrina excultum, rerum maximarum fcientiâ, cumulare cogitavit. Italiam igitur, ftudiorum altricem illi proponit, hanc ut accedat, jubet, fumptusque pro Familiæ & ftatus conditione, in eam rem fubminiftrat. Paret ille & abit, doctiffimos illos Theologos, & Jurisperitos convenit, brevi decurfu fpatio, tantos progressus, in fcientiis altiffimis facit, ut abftrufas omnes five Juris Canonici, five Theologiæ difficultates, animo perveftigaret. Cum itaque Italiam, atque etiam Germaniam, luftraffet Mathias noster, atque ibidem tantum fuiffet verfatus, quantum ad hauriendas fcientias fuit fatis, a Pftrokonio revocatur in Patriam, qui cum illum in fcientiarum difciplinis eruditum, in Chrifti difciplina, multa cum laude verfatum, lectiffima quæque, ex Italiæ cultura, evexiffet comperiffet, eundem facris ordinibus initiatum, in Canonicorum numerum, Ecclefie Cathedralis Pofnanienfis, recommendavit, quò venerando illi Collegio vivum exemplar, totius integritatis præmonftraret.

Hoc tempore, nempe Anno millefimo fexcentefimo, Pftrokoniuf ad Epifcopatum Premiflienfem, a Rege fuerat evectus, & cum ingreffurus effet fuam Cathedralam, Mathiam fecum duxerat. Annus

tunc erat, Millesimus sexcentessimus primus, Mathiæ verò nostri, ætatis vigesimus nonus, Cum igitur primum ad Diæcesim accessissent, & Brzozovium, quod oppidum est Ditionis, & Jurisdictionis Episcopi Premisliensis, venissent, ibidem Pstrokonius, ob sævientem tunc pestem Præmisliæ, unius mensis otium nactus ad piam laboris, qui impendebat, meditationem, & ad informationem ulterioremque institutionem Mathiæ, conversus est. Erat tunc & Frater Mathiæ Stanislaus, igitur utroque ad se vocato, ambobus cum adhuc nullæ spes essent, futuram dignitatem in Regno, Episcopalem & Senatoriam prædixit. Verba ipsa pono Pstrokonii, ad Mathiam & Fratrem ejus: *Non ego vos arcta sanguinis necessitudine mihi conjunctos, idcirco legi curarumque mearum, socios esse volui, ut tantum vestrâ uterer operâ, longè aliud est, quod prospicio & auguror, neque ut probè nôtis, mea fallunt auguria; auguror inquam vos, posteaquam ad maturiorem ætatem perveneritis, utrumque, dignitatem Episcopalem & Senatoriam, adepturum.*

Hæc cum de Mathia & Fratre ejus prophetâset, sua salutaria ad illos prosequeretur monita, ac imprimis, amorem, quem intus erga utrumque gerebat, celare non potuit, sed illum per verba significavit, quod eodem amore, utriusque illorum, ductus esset, ut ea, quæ de rectè gerendo Episcopatu, non modò lectione multorum, sacrarum literarum & Canonicarum Sanctionum, Interpretum, meditata habuit, verum etiam, quæ ab aliis summis quidem viris, cum quibus ab incunte ætate vixit Pstrokonius. usu didicit, instituta ad Mathiam & Fratrem ejus oratione, executus est. Hinc ulterius insinuavit, quod Clerici prius debent erudiri, in contuberniis Episcoporum, postea ad Aulam evocandi, & ad Episcopatum promovendi, & ideo ego, (dicit Pstrokonius ad Mathiam & Fratrem) *utrumque vestrum ab Aula abduxi, quod ea adhuc essetis ætate, quæ accuratius formanda, instituendaque est, sed spondeo & polliceor, olim uberrimos fructus, ex hac mea conversatione vos percepturos, facilioremque ad omnia aditum habituros.*

Taliter sibi comparata attentione apud Mathiam, docuit, Sanctissimos quosque Viros, delatum Episcopalem honorem, aspernatos fuisse & declinâsse; quid sit Nominis Episcopalis notatio quod in Episcopatu plurimum sollicitudinis & periculi, contra hostes Ecclesiæ, Luteranos, Calvinistas Arrianos, quorum virus, altas in Polonia illo tempore egit radices, contra Pseudopoliticos, Ecclesiæ hostes acerrimos, quales Episcopos iis opponi oporteat; quâ prudentia & remediis, morbo animæ in subditis, curari debeat, indicavit, & hoc ipsum exemplis illustravit. Insuper docebat Mathiam & Fratrem ejus Stanislaum, de vocatione ad Episcopatum, quod non vocantur à DEO, qui ambitionis vel dignitatum, vel, fortunarum, studiò & desiderio impulsî, ad Episcopatum aspirant, vel illum affectant; eos autem qui universalis Ecclesiæ utilita-

utilitatem, proximorumque commodum, scopum sibi proponunt, certos esse debere, se motu cælitus immisso, agi & urgèri, & hæc dicta sua, exemplis Simonis Magi, Udonis, Zavissæ Episcopi Cracoviensis, tum Petri Gamrati & aliorum illustrabat. Narrabat de functionibus Episcopalibus, quæ Episcopo, posteaquam Episcopatum adierit, incumbunt; recensēbat virtutes, quibus Pastorem animarum, exornatum esse oporteat, referebat, quod perfectionis statum proficitur Episcopus, & quod Episcopos non eis tantum virtutibus, quæ præceptis Divinis comprehensæ sunt, sed longè excellentioribus & heroicis operibus, præditos esse oportet, quibus ornati, perpetuam habeant cum sponso cælesti unionem. Instruebat simul, Episcopum debere subditis suis perfectiorem esse, ea perfectione, qua Magister discipulos, qua Pastor oves superat, & hujus ipsius perfectionis, adduxit typum, in lege antiqua, in vestitu summi, Israelitici populi, Sacerdotis; sed præcipuè Pstrokonius, Exemplar monstravit Mathiæ nostro, in monte Calvariæ, exemplar in quâ perfectionis, Jesum Pontificē, in ara Crucis, sacris operatē, & ut ad illud, in perfectione se cōformaret, obligabat. Monebat item, quàm grave sit onus & periculosum Episcopale, monebat quàm cautè nimium, & cum timore ac tremore, ad hoc onus Episcopale acceptandum unusquisque accedere deberet, monebat de non ditandis ab Episcopo Consanguineis, improsperas nec diuturnas esse ejusmodi opes, quæ ex Fructibus, usibus pauperum dicatis, subtractæ ad evehendas & illustrandas Episcoporum Familias, conferuntur, asserens & exemplis ostendens. De statu etiam Senatorio, Episcopis in Regno Poloniæ annexo, multa salutaria locutus, tum de plurimis aliis, dignitatem Episcopalem & Senatoriam concernentibus, monebat, docebat & obligabat. Cum autem Pstrokonius, dicendo fessus esset, jubebat unum eorum Stanislaum, capere librum Divi Joannis Chrysostomi, & ex eo legere, ad instructionem Sanctitatis Episcopalis, & de excellentia sacrificii Episcopalis.

Ad eum modum Pstrokonius Episcopus, Mathiam erudiebat. Nihil ille præterea præclari, siue Domi, siue foris, siue in Ecclesia, siue in Palatio moliebatur, cujus rei Mathiam non faceret conscium; Non eum à consortio, non à mensa, non à cubiculo, non ab orationis secreto loco, separabat, omnia arcana cordis sui, quin & viscera ipsa, patefaciebat illi. Cupiebat Pstrokonius, ut Mathias Divinæ Sapientiæ studio, se addiceret, libros ille ante conspectum ejus volvebat, assidueque meditabatur, & quæ ex lectione, siue præsentī, siue præterlapsa didicerat, memoriâ repetebat, & Mathiam suò exemplō ad pulcherrimam scientiam pertrahebat. Desiderabat Pstrokonius, ut Mathias majorem temporis, à Curis vacui, partem, in Orationibus ad Deum ejaculatoriis infunderet; Mathias in Oratione ardentissima, siue privata siue publica, animo demisso, & vehementissimo fervore, persiste-

bat. Charitatis viscera, Mathiæ ingenerare exoptabat, ubi insigne quoddam Christianæ pietatis opus, faciendum erat, Mathiam ducebat, ut optimæ indolis juvenis ignem dilectionis, ex igne Avunculi posset concipere. Sequebatur non segniter Mathias, Præfulem ante euntem, quidquid ab eo fieri conspiciebat, id totum efficere, quin Pontifici præire potius adnitebatur. Unius aut alterius forsitan horæ spatio, peritabat Pstrokonius in oratione; Mathias, Noctes insomnes, in contemplatione altissima, supernorum bonorum & in Consortio Divino transigebat. Pstrokonius jejunió Crebró, Mathias eodem frequentior, & flagris durissimis corpus perdomabat. Ille in consolandis aut juvandis afflictis, partem diei consumebat, hic totos dies, causis pauperum cognoscendis, miseris sublevandis, & commoditatibus proximorum consecrabat. Bis vel ter in hebdomada Pstrokonius, pauperes reficiebat; Mathias singulis diebus, manus apertas habebat, & totum illud, quod vel à Parentibus, vel ab Avunculo, liberalissimè collatum sibi fuerat, hilari animò distribuebat. Uno atque altero die, Sacer Antistes, Divina faciebat; Mathiæ nihil svavius, nihil optabilius erat, quàm singulis diebus, singula sacra, vel summa animi attentione audire, cum nondum sacris initiatus fuerat vel cum primùm in Sacerdotum sortem, adlectus, esset, summa devotione offerre, & uberrimis lachrimis, tremenda altaria abluere. Admiratione & stupore dignum est, quòd ultra, quàm suò exemplò impellebat eum Pstrokonius, Mathias, noster processit.

Talem institutionem, & educationem in statu Clericali existens, habuit Mathias noster, in domo Pstrokonii Episcopi, quæ alias schola virtutis, & juvenum Clericorum fuit, ubi erudiebantur, instruebantur, formabantur ad omnem pietatem, non segnè otio, non turpi desidîa, transigebantur bonæ horæ, imò Domus pussimi antistitis, seminarium Episcoporum fuisse visa; cum ipsius educatione, profecerunt tanti Antistites, & Senatores Regni, Joannes Węzyk Archiepiscopus Gnesnensis, Jacobus Zadzik Episcopus Cracoviensis, Mathias noster & Stanislaus Lubiencki; quorum Mathias postea Archiepiscopali Gnesnensi præsidebat Cathedræ, Stanislaus autem, Plocensem, magna cū laude Dioecesim gubernavit.

Tantum autem hac conversatione, disciplina, atque monitis Pstrokonii, Avunculi sui, Mathias noster profecerat, quæ deinde Stanislaus, Episcopus protunc Luceoriensis, erga Pstrokonium gratitudinis, non leve monumentum monstravit, & ad Mathiam nostrum, protunc Episcopum Chelmensem, direxit, ut dum ad eorum præscriptū vitam moresque componeret, in dies majorem Pstrokonii benevolentiam experiretur, & postmodum ad amplissimas in Ecclesia, & Republica Polona, capeffendas dignitates, ultro ipsi, non humano, sed Divino suffragante auxilio, aditus pateret. Ac imprimis cum pietatem,

tatem, aliasque virtutes ispiraret Mathias noster, a Pstrokonio & amabatur, & ornabatur, & promovebatur; Pstrokonius Mathiæ nostri Dux: Pstrokonius Magister & totum; Mathias verò Pstrokonii in Domestica disciplina alumnus, curarum socius, & laborum adjutor.

Interim cum Pstrokonius, tantam Mathiæ nostro, institutionem dedisset, profectumque non modicum, suæ institutionis vidisset, eundem ad sacrum Presbyteratus ordinem, promovere intendit, verum ex innata sibi modestia, & humilitate reculat; jam annum ætatis trigessimum Mathiæ nostro remonstrat, quare tamdiu vocationi Divinæ resistat, interrogat; & cum non prosunt suaviora verba, efficaciora applicat, arguit obsecrat. & autoritate Episcopali & Avunculi imperat. In lachrymas resolutus Mathias, eā humilitate & modestia, quæ par Avunculo & Pontifici erat, Sacerdotum Dignitatem, qua apud Malachiam: vocantur Angeli, apud Lucam: Vicarii Christi, apud Mathæum: Sal terræ, lux mundi, & lucernæ super candelabrum posita; apud Joannem: Pastores & Dispensatores mysteriorum DEI; apud Apostolum: mediatores inter Deum & hominem, clavigeri Cæli, cubicularii Christi, Principes Populi, Primitiæ Domini, Primogeniti Israel, explicat; quanto honore affecti fuerint, tum in veteri, tum in novo testamento, imò etiam apud Gentiles ipsos, tum quod nullus sibi, hunc honorem assumere potest, nisi vocatus sit a Deo, tanquam Aaron, exponit; Sanctissimos quoque Viros, ob summam Sacerdotii dignitatem, refugisse illud; multos item sanctos, & ætate protractos, monasteria deseruisse, ne ad sacerdotium proveherentur, inducit; suam quoque pariter vilitatem, abjectionem, & tantam suæ animæ puritatem, non esse, remonstrat & fatetur; convictus tamen mandatis Pstrokonii, post multas lachrymas, consentit & ab illo ordinari petit. Annus is erat Millesimus sexcentessimus secundus, Mathiæ verò ætatis trigessimus, quò sacris ordinibus majoribus, condecoratus, Divino altari dedicatus, & Canonicatu Metropolitano Gnesnensi provisorus est.

Hic admirari liceat bonitatem Divinam, in Mathiam nostrum effusam, quæ vocavit eundem, pene a materno Utero, & segregavit in sortem hæreditatis suæ, vix enim auditum est, parentibus iisdem genitos, quatuor Fratres germanos, ad altare Dei, & tremendi sacrificii ministerium, admissos unquam vidisse. Nam præter hunc Mathiam, Stanislaus natus minor, Alter natus major Mathiæ & Stanislaô Albertus, Præpositus Pultoviensis, Gnesnensis, Cracoviensis Canonicus, Martinus item Societatis Jesu Presbyter fuit. Hinc brevi Pstrokonius, collato Mathiæ nostro, Curia suæ Episcopalis Cancellariatu, eundem in visitanda Universa Diœcesi Premisliensi, socium, laborum adiutorem, itineris & ærumnarum, triennio totò, quo huic rei impendit operam,Inspectorem, tum in occurrentibus difficulta-

tibus Consiliarium habuit. Nullus erat in tota Diœcesi locus, quem prætermiserint, quem non adierint, rationesque Ecclesiarum, & eorum qui iis præerant, diligenter non examinaverint, ac legibus, quæ ad Cleri reformandos mores, populumque ad pietatis studia incitandum, pertinerent latis, ad pristinum statum non reduxerint. Sæpe Mathias noster, è publico suggestu Concionatus, labores Pontificis obibat, & Sanctissimarum actionum exemplò magis, quàm conscriptis Decretis, Unumquemque vitæ & morum tum salutis suæ communefaciebat. Non solum verò in visitanda Diœcesi, verùm & in aliis occurrentibus itineribus, Mathias Pstrokonio Comes fuit, quare prælium Civile Rocossianorum, ad Guzovum, unà cum Pstrokonio spectavit, & Fratre suo minore natu Stanislao, qui obiit Płocensis Episcopus, motum illum Civilem, libris quatuor connotavit.

Postquam verò Pstrokonius, gravioribus officiis, videlicet Procancellarii, ac brevè post supremi Cancellarii Regni, unà cum Episcopatu Premishensi, perfunctus esset, in disjudicandis majoris momenti Causis, in explicandis consiliis, atque in tractandis publicis Regni negotiis, prudentiâ Mathiæ nostri utebatur. Hinc cum magis pietas, prudentia, eruditio, negotiorum maximi cujusvis momenti tractandorum peritia, aliæque virtutes, in Mathia nostro elucerent, in theatrum benemerendi, de Ecclesia & Republica, ad Aulam Sigismundi III Regis Poloniae & Sveciæ, a Pstrokonio introductus, ab eodem in numerum secretariorum, Sacræ Regiæ Majestatis, recommendatus Regensque Cancellariæ Regiæ, creatus est. Dum autem secretarii officiò fungeretur, & Regentis Cancellariæ obiret munus, ita gratus Sigismundo III Poloniarum Regi, non ob magni in Republica Viri Pstrokonii, commendationem duntaxat, sed etiam ob vitæ laudabilis studium fuerat, ut ei ad Gnesnensem Canonicatum, Lanciciensem Præposituram nobile & pingve sacerdotium ultro adjunxerit.

Interim Pstrokonius, ad majora subsellia evectus, nempe Vladislaviensis & Pomeraniæ Episcopus factus, majoribus quoque beneficiis ac honoribus, Mathiam ornare intendebat, præsertim, cum maximam animi moderationem, & vitæ in aula pietatem ac integritatem, in eo perspectam habuisset, sed immatura morte, Anno Domini, millesimo sexcentesimo nono, Pstrokonio sublato, amplioris quoque fortunæ, spes nostri Mathiæ, cum ipso sepulta esse videbatur; Antequam autem ex vita migrasset Pstrokonius, Annò eodem millesimò sexcentesimo nonò, in mense Januario, Authoritate Comitiorum Regni, Varfaviæ indictorum, dati sunt è Senatu & Equestri ordine, in Prussiam Commissarii, qui statum Ducalis Prussiæ inspicerent, formulam Regiminis præscriberent, Alberto Brandenburgico, qui eo, quòd motæ mentis esset, curatore egebat, Curatorem Joannem Sigismundum, Electorem Brandenburgensem, a Rege & Republica

blica datum, certis præscriptis conditionibus, in possessionem ejus curatellæ immitterent, ac novò Sacramentò, Provinciam illam, Regi & Reipublicæ Polonæ obstringerent; inter eos, quibus hoc negotium tractandum, commissum erat, Princeps erat Pstrokonius, verum dum ille tunc temporis jam morbo lethali laborasset, Sigismundus Poloniarum Rex, uti erat virtutum & ingeniorum æstimator æquissimus, cum dexteritatem, in gravibus negotiis tractandis Mathiæ nostri perspectam habuisset, maximam autem moderationis animi, & vitæ in Aula pietatem redolentis, rationem duxisset, eundem nostrum Mathiam, in locum, lethali morbo laborantis Pstrokonii, in Prussiam, in prædicto negotio Regni, cum aliis Senatoribus, quibus hoc negotiū demandatum erat, designavit. Profectus igitur in Prussiam Mathias, interim Pstrokonio extrema instat dies, sæpe ille de Mathia locutus, Mathiam sæpe requisivit, Mathiam sibi deesse doluit, Mathiam nostrum novissima in luce, desideravere oculi ejus. Reversus ex Prussia in Poloniam Mathias, de morte Pstrokonii certior factus, lachrymas continere non potuit, dolendo super fato, sui Ducis, Magistri & Præceptoris. Ejus postea perenni memoriæ, gratissimus Nepos Mathias, dum factus esset Episcopus Vladislaviensis, & Pstrokonii in hac Cathedra successor, marmoreum monumentum, opere sumptuoso erexit, in cujus una parte, Mathiæ nostri exculpta effigies, in altera Mathiæ Pstrokonii, sectò latomi artificio, ad vivum expressa eminet, in sacello Tarnoviano, in Ecclesia Cathedrali Vladislaviensi, ad latus sinistrum intrantis, Ejus memoriæ hoc monumentum: *Mathias Lubien-ski Pomianus, illius ex consobrina sorore Nepos, ab ineunte ætate Alumnus, Avunculi virtutes æmulatus, ex Posnaniensi in Vladislaviensem Episcopatum, Vigesimo secundo post mortem ipsius anno, successor, Client Patrono posuit, suumque eidem tumulo corpus, supremis tabulis, si ita Divinæ voluntati placuerit, inferendum ordinavit.*

Itaque vitâ functò Pstrokonio, & per Fratrem Mathiæ, Stanislaum, in Ecclesia Cathedrali Vladislaviensi sepulto, propriæ Mathias noster innitebat virtuti; nihilominus ad Laurentium Gembicki, supremum Cancellarium Regni, dum post Mathiam Pstrokonii, idem Laurentius Gembicki, ad Episcopatum Vladislaviensem, Anno millesimo sexcentesimo decimo, suffectus esset, se se contulit, a quo ad publicam Ecclesiæ & Patriæ, Regioeque Majestatis obsequia, ad sustinendas moderandasque functiones, ad obeunda suæ fidei commissa munera, applicatus, a Rege autem provinciam, lustrandi Archivi Regni, Fratre Stanislao, laboris socio adjuncto nactus, Annos suos collocabat Mathias, Hinc successivè probata ejus fide, pietate, labore, Regia Majestas, Canonicatum eminentem, nempe Cracoviensem & Custodiam Sandomiriensem, & his postea beneficiis per Mathiam resignatis, Proeposituram in Ecclesia Metropolitana Gnesnensi, ad Proposituram

turam Lanciciensem, collationis suæ Regiæ, illi adjunxit, ut nimirum, qui eidem Gnesnæ præfuisse merebatur, postea plus supra & dignè satis, præeminere conspiceretur. Has tamen dignitates, non investigabat Mathias, sed potius ab iisdem invitatus trahebatur, cum nunquā, (quod summæ virtuti Mathiæ, adscribendum est,) tria simul retineret beneficia. Quare & Præfectus Zupparum, seu Salinarum Vielicensium & Bochnensium, qui est præcipuus Regni Thesaurus, a Rege constituitur, ex qua Præfectura, cum plerique ditiores evadere soliti sint, Mathias noster, ut non nemini per jocum objectum, manus frigidæ non calidæ, ex hac reportavit Provincia, ut merito possit de se, illud Pauli actorum Vigesimo tertio allegare; *Ego omni conscientia bona, conversatus sum ante Deum, in hodiernam diem.* Quod ipsum Sigismundus Rex fateri videtur, dum Mathiæ nostræ, in variis muneris, officiis & functionibus, tum suis, tum Reipublicæ Poloniæ, in Epistola ad Capitulum nostrorum Canonorum scripta, inferius in hoc libro fusiùs adducenda, summa cum laude extollit & deprædicat merita: *Versatus est in nostris & Reipublicæ negotiis, summa laude, talemque se præstitit, ut quidvis illi, rectè committi judicarem.* Hactenus de meritis in Regem & Rempublicam Mathiæ, qualiter autem mereri Deo studuit? sequenti describemus capite.

CAPUT QUINTUM.

De vocatione Mathiæ, ad Ordinem Canonorum Sancti Sepulchri, Professione Religiosa, & electione in Præpositum Generalem.

Hucusque Mathias noster, in obsequiis tum Reipublicæ, tum ipsius Regis Sigismundi III. memor tamen semper, virtutis ac timoris Divini, Annos ducebat suos; hucusque in negotiis pertractandis, Secretarii Regii, Cancellariæ Regiæ, Archivi Regni, administrationis Salinarum Vielicensium & Bochnensium, & commissionum variarum, nomine Reipublicæ, & ipsius Regis expeditarum, comite semper virtute, dies & vires consumebat, semper tamen miseras vitæ humanæ, brevitatem ejusdem, incertitudinem, fragilitatem, instabilitatem, fallaciam denique considerabat. Conferēbat hanc vitam cum æternitate ventura, & vix eam unicum temporis punctum reputabat. Videbat quàm brevis & miserabilis sit, gloria hujus mundi, & consequenter, quàm digna sit quæ contemnatur, & omnium pedibus conculcetur. His rite consideratis & maturè perpensis animum suum, totaliter avertit ab hoc mundo, transfudit in amorem rerum cœlestium, ut dixerit, *Non habemus hic manentem Civitatem, sed futuram quæ in Cælo est inquirimus.* Statuitque in animo, omnem gloriam hujus mundi contemnere, qui & Religi-

osæ se dare, soli Deo uniri & vacare, Sacramentò Religionis se obligare.

Cujus tamen Religionis statum, eligere debuerat? tamdiu dubius ancepsque hærebat, donec Pstrokonius, Mathiæ Avunculus & institutor, in Præpositum nostrum Miechoviensem renuntiatus esset, Annus is erat, millesimus sexcentus septimus, Mathiæ verò nostri, ætatis trigessimus quintus, quando Mathias Pstokonski, ad Præposituram Miechoviensem evectus est. Eo tempore, Mathias noster cum Pstrokonio, sæpe Miechoviam adibat, sæpe Canonicam nostram Miechoviensem visitabat, sæpe cum Canonicis nostris, in Ecclesia, in choro, devotioni vacabat, in refectorio, in horto, reficiebatur, in insignioribus festivitatibus, tum Ordinis, tum ipsius Ecclesiæ celebrabat, & tanquam esset unus ex illis, cum illis conversabatur. Unde cum quibusdam nostris Canonicis, strictam amicitiam contraxit & præcipuè cum Simone Turcki, Ordinis nostri Canonico, Præposito protunc Canonicæ Sanctæ Hedvigis Cracoviæ, Custode Thesauri Regii in Arce Cracoviensi, de Ecclesia, Rege, & Ordine nostro, benemerito, cum Andrea Ikrzycki, Sacræ Theologiæ Doctore, Præposito Wrocimovienfi, Alberto Koszkowski, protunc Canonicæ Miechoviensis Custode, ac cum aliis Sanctam familiaritatem affecutus, moresque illorum ac instituta, imitatus est.

Accedit, quòd Pstrokonius, dum Præpositus Miechoviensis esset, devotionem, ad Sanctissimum Sepulchrum Christi, a Canonicis nostris edoctus, eandem devotionem etià ad Præmisliensem & Vladislaviensem Episcopatū evectus, continuabat, & quotidie, ut adnotavit Stanislaus Lubienki, de rectè gerendo Episcopatu: *Sepulchri Domini memor, quod cum repositum in eo esset corpus Domini, munitum fuisse signatis lapidibus, appositosque Custodes, refert Evangelista, ipse custodiam Angelicam cordi suo apponi precabatur.* Quam Sanctam consuetudinem, & erga Sanctissimum Christi Sepulchrum, devotionem Pstrokonii, sicut & omnes alias virtutes, (ut de seipso testatur Mathias noster, in Epitaphio a se erecto, Pstrokonio, superiori capite recensito,) æmulatus Mathias noster eandem ad Sanctissimum Christi Sepulchrum devotionem continuavit, & postea dum factus esset, sui ordinis Præpositus Generalis, Canonicos suos, ad eandem pietatem, erga Sanctum sepulchrū Christi incitavit, & eosdem constitutionibus ordinis, ad servandum jejunium, ad Festum sacratissimi sepulchri obligavit; hinc desiderium ingrediendi Ordinem Canonicorum Sancti sepulchri, concepit, hunc sibi præ omnibus elegit.

Admiranda interim & sæculis prædicanda, super Mathiam nostrū, vocantis Dei bonitas, quæ illum, & omnes planè Fratres ejus, non solum ad ministerium Sacri altaris vocavit, verum etiam omnibus ejus Fratribus, desiderium ad statum Religiosum inspiravit; & sicut omnes Fratres germani, vix audito exemplo, altari Divino dedicati

erant, ita omnes Religioni, dicari voluerunt. Sic Stanislaus, antequā Episcopalem dignitatem assecutus esset, ante omnia induxerat in animum, Religionis Divi Benedicti votō, in Tynecensi Monasterio, se obligare, ut scribit Andreas Trzebicki, Scholasticus Płocensis, in Vita ejus, nisi quod à Rege Sigismundo, gravissimis negotiis impeditus fuit; sic Martinus, Societatem Jesu ingressus; sic noster Mathias, vocanti Deo ad ordinem Canonorum Sancti Sepulchri, parat; Soror præterea Sophia, Deo, in monasterio Olubocensi, Ordinis Cisterciensis, consecrata fuit. Hæc tamen desideria Mathiæ, tum ob negotia Pstrokonii, tum ob mortem ipsius secutam brevi, tum ob gravissima negotia ipsius Regni, per Mathiam tractanda, ad aliud tempus dilata sunt. Per hoc tamen tempus, Mathias noster de Ordine nostro imò jam potius suo, benemereri studuit, illius integritatem, decorem, amplitudinem, ubique promovit. Illius pietati, & in nostram congregationem merito, adscribendum, quod Pstrokonius, qui aliàs consiliis utebatur Mathiæ, liberæ electionis, de gremio suo, Præpositorum Miechoviensium, cautionem à Sigismundo Rege, pro Capitulo nostro Miechoviensi, firmatam verbō Regiō, ac Sigillō Cancellariæ majoris communivitam, de Data Cracoviæ, Die vigesima octava novembris, Annō Domini, millesimō sexcentesimo sextō, ad perpetuā Capituli Miechoviensis securitatem, expediverit; Mathiæ nostro adscribendum, quod Pstrokonius, Simonem Turcki, Ordinis nostri Canonicum, Custodem Thesauri Regii, in Arce Cracoviensi, in Coadjutorem Præposituræ Nostræ Generalis Miechoviensis, & ut eo ipso, cautio ex parte liberæ electionis, Regio nuper diplomate firmata, debitum sortiretur effectum, assumpsit, instrumentumque super hoc, Annō Domini, millesimō sexcentesimo septimō, die Sabbathi, Vigesima mensis octobris, præsentē protunc ad hunc actum, ipso Mathia Lubienki, protunc Præposito Lanciciensi & Canonico Gnesnensi, & jura nostri ordinis, fortiter promovente, confecerit; Mathiæ adscribendum, quod idem Pstrokonius Decimas Villarum Strzeżow & Brzuchania, ad mensam Canonorum nostrorum in incorporaverit. Mathias jam in votis & in desideriis noster, Mathias in ordinem beneficis, in Canonicos nostros benignus.

Venit tandem, Annus millesimus sexcentismus decimus septimus, Mathiæ verò nostri ætatis quadragesimus quintus, tempus à Mathia pridem desiderabile & optabile, in quo vocationem suam, & se ipsum, votis ac desideriis suis paritutum manifestavit, ad Capitulum nostrorum Canonorum, per Fratrem suum Stanislaum, pro eo tēpore, Ecclesiarum, Metropolitanæ Gnesnensis Præpositum, Cathedralis Cracoviensis Cantorem, scripsit, & ad Sacrum ordinem suscipi postulavit. Interea hoc Anno, Henricus Firley, Episcopus Luceorien-sis, Supremus Regni Procancellarius, ex causa assecutionis Episcopatus

tus Plocensis, Præposituram Generalem Miechoviensem resignavit, Canonici Nostri, vacante Præpositura Generali, ne illa in spiritualibus & temporalibus, detrimentum aliquod pateretur, ad electionem Administratoris ejusdem Præposituræ, tam quo ad Spiritualia, quàm temporalia, processerunt, & Andræa Iskrzycki, Sacræ Theologiæ Doctorem, Præpositum Wrocimoviensem, in Administratorem elegerunt. Hic per literas suas innotescenciales, de Data in Conventu Miechoviensi sexta maji, Anni moderni, cum intumasset electionem novi Generalis Præpositi, pro Die vigesima tertia Maji, & postea distulisset ad diem martis, sextam mensis junii, Anni millesimi sexcentissimi decimi septimi, ad eandem Præposituram, noster Mathias, Sigismundo III Rege Poloniæ & Sveciæ, Divina cujusdam altioris consilii inspiratione, per literas à Regia Majestate, de Data Varsoviæ, vigesima mensis Aprilis, Anni ejusdem, ad Capitulum nostrorum Canonorum directas, commendatus est. Quarum literarum fragmentum, cum & virtutes Mathiæ complectatur, & laudabilia in Regem & Rempublicam, ejus deprecet merita, tum desiderium Mathiæ, profitendi ordinem nostrorum Canonorum, in se contineat, hic inserendum putavi: *Electio Devotionum vestrarum, cooptari cupimus, Venerabilem Mathiam Lubieński, Canonicum Cracoviensem, Secretarium nostrum, merentur id eximie virtutes illius, non vulgaris eruditio, ac singulare pietatis studium; versatus est in nostris, & Reipublicæ negotiis, summa cum laude, talemque se præstitit, ut quidvis illi rectè committi judicemus. Est in illo animus, Vir o, Nobilissimo loco nato, dignus, est quæsitæ diuturno usu prudentia, sunt aliæ præclaræ ac eximie virtutes & dotes, ac præcipuè, in sancta functione obeunda, Divinoque cultu propagando, singulare studium. Quamobrem hortamur Devotiones vestras, ut hunc sibi Præpositum, dari postulent, quem merito nobis charum, & acceptum esse sciunt, & quem optimè, rebus Ecclesiæ & Sacræ Congregationi vestræ, consulere posse non dubitent, ita enim munus hoc obire constituit, ut Religiosi Instituti votis obstrictus, huic uni curæ vacare, ac per se officio Præpositi fungi, in animo habeat.* Adveniente itaque electionis die, Canonici nostri, tum illi qui in Canoniam Miechoviensem manebant, tum ex aliis Regni Poloniæ partibus, ad Capitulum congregati, missaque de Spiritu Sancto cantata, omnes concorditer unanimiterque, nemine discrepante, in Personam Mathiæ Lubieński, tanquam à Superis sibi destinati, consenserunt, & concorditer voluntate elegerunt. Fit ingens omnium lætitia, hymnusque dulcisonus Te Deum laudamus: a Canonicis nostris decantatus, pulsataque majori campana, populo ad Ecclesiam undique concurren- te, novus electus denuntiatus, & cunctis fausta acclamantibus, ingentes gratiarum actiones, Deo ter Optimo Maximo, ab omnibus, pro tam illustri & grata persona, Ordini- que sacro multum proficua, persolutæ sunt.

Venit postmodum Miechoviam Mathias Noster amplissimorum corona Fratrum Germanorum, utpote, Alberti, Præpositi Sredensis & Canonici Cracoviensis, Stanislai, pro eo tempore Ecclesiarum Metropolitanæ Gnesnensis Præpositi, & Cracoviensis Cathedralis Cantoris, tum & Joannis, Matrimoniali nexu adstricti, cinctus; aliorumq; præstantissimorum Nobilium catervâ stipatus, ubi cum salutasset Miechoviam, intentionem suam & propositum aperuit, ingrediendi Sacrum ordinem, quod jam aliàs per literas, tam suas, quàm Serenissimi Regis, antecederet ad Capitulum nostrorum Canonorum scriptas, manifestavit, petiitque ad Novitiatum suscipi. Voto potitus Mathias, & novitiatu primis diebus Augusti, Anno eodem, millesimo sexcentesimo Decimo septimo, inchoato, cum jam vir esset probatæ virtutis, omnibus qui tunc erant Novitiis, imo maturioribus & senioribus, incitamentum ad virtutem fuit.

In novitiatu existens, secundum dispositionem Sacri Concilii Tridentini, Sacrorumque Canonum, se gerebat, & sibi ipsi hostis factus præter contemptum mundi, honorum & dignitatum, variis mortificationibus, affligebat corpus; hinc illæ occultæ disciplinæ, jejunia, Confessiones sæpissimæ, quotidiana cum lachrymis sacrificia, aliæque arcane soli Deo notæ virtutes, sanctitatem ita indicabant Mathiæ, ut ab omnibus vir Sanctus haberetur. De ejus novitiatu, præterquam, quod in meo ordine sit certum, etiam extranei adnotarunt authores; sic Gaspar Niesiecki, Societatis Jesu, præter alios multos, in libro polonico: *Corona Poloniæ* dicto, adnotavit sequentia: *Mathias Lubieski, in Conventu Miechoviensi, juxta consuetudinem aliorum novitiorum, vilissima servitia, mensæ videlicet inserviando, in Culina adjuvando, obibat.* Mirabatur certè Polonus orbis tantam humilitatem & demissionem nostri Mathiæ, Hiccine Mathias! qui Canonicatus in Polonia eminentes, Prælaturas illustrissimas, in præmium suorum meritorum a Rege tulit, nunc ita abjecta & humilia, ad mentam præstat obsequia? qui pasci delicatis cibis debuerat, nunc puerorum contemptu pascitur! Hiccine Mathias! qui Regum implebat aulas, qui publica Regni portabat negotia, nunc privatim in culina, inter fumosos delitescit angulos? nunc aquam lavandis vasibus, nunc vilia in Culina portat officia? Hiccine Mathias! qui Regens Cancellariæ Regni, qui in Prussiam Legatus, qui in deliciis & Respectibus Regum, ita abjectus, ita demissus? Hic est Mathias hic, contemnit mundum, spernit honores, aspernatur ob amorem Divinum, dignitates, soli Deo vacare, ipsius servitio, amori, se mancipare, in majori ultra & ultra perfectione, se exercere intendit.

Expleto toto & integro Anno Novitiatus, Anno Domini, Millesimo sexcentesimo decimo octavo, die vigesima octava Augusti, Divinissimo Augustino, Patriarchæ & Legislatori Ordinis nostri, sacro,
Pro-

Professionem Religiosam fecit, votaquæ castitatis, obedientiæ, tum sine proprietate vivere, ad magnam arā Ecclesiæ Miechoviensis emisit. Aderant tunc, actum hunc solemnem Professionis, condecorantes, præter nostros multos Canonicos & Beneficiatos, plurimi alii Prelati, ac præcipuè Thomas Oborski, Episcopus Laodicensis, & Suffraganeus Cracoviensis, Stanislaus Lubieński, Frater Mathiæ germanus, jam tunc Tynecensis Abbas, & Boguslaus Radoszewski, Episcopus Kuoviensis, Calvi montis item Infulatus Abbas, à quibus hac ipsa die, in Præpositum nostrum Infulatum Miechoviensem, juxta indulta summorum Pontificum, nostro Ordini antiquitus gratiòse concessa, per Thomam Oborski, Suffraganeum Cracoviensem, more Abbatum benedictus est, Admodum Reverendò Patre Piascki, Societatis J. su, in tā celebri actu Professionis, ad populum sermonem faciente.

Hoc demum summiæ virtuti, Mathiæ nostri adscribendum est, & primò, quòd licet ante ingressum Ordinis, & ante Professionem Religiosam, electus à Canonicis nostris, pro Præpositura Generali esset, nihilominus, pro eadem Præpositura, neque benedici voluit, neque institui, donec novitium, in ordine nostro absolvisset, & Professionem fecisset, secundò, facta Professione, & accepta more Abbatum benedictione, licet plenè sciverit, juxta dispositionem sacrorum Canonum, & Sacri Concilii Tridentini, se & quemlibet Canonicum sui Ordinis, esse capacem retinendi, & nova acquirendi, etiam in Ecclesiis, Cathedralibus, quævis beneficia sæcularia, nihilominus, omnes alias Ecclesiarum Cathedralium Prælaturas, & dignitates Ecclesiasticas, habitas resignavit, habendis valedixit, de quo ipse Rex supra citatus, in Epistola ad Canonicos nostros directà, testatur: *quod ita minus hoc* (id est Præpositi Generalis) *obire constituerit, ut Religiosi Instituti votis obstrictus, huic uni curæ vacare, ac per se officio Præpositi, fungi in animo habuerit.* Descripta autem taliter, vocatione & Professione, in ordine nostro, Mathiæ, ne cuipiam, de eadem Professione, dubitandi relinquantur materia, adhuc de eadem, sequenti procedemus Capite.

CAPUT SEXTUM.

*Testimonia varia, de Professione Mathiæ, in Ordine
Canonicorum Sancti Sepulchri.*

Licet Professio Religiosa, Nostri Mathiæ, in Ordine Canonico-
rum Sancti Sepulchri, non tantum Orbi Polono, verum etiā
toti Europæ, adeò nota, ut de illa, etiam extranei, Galli & Itali
suo idiomate inferiùs in hoc Capite adducendi, scripserint & adno-
tarint Authores, tamen ut magis veritas appareat, operæ pretium duxi,

R

super

super eandem Professionem Mathiæ, varia adferre testimonia, & ut noster Mathias, non uno celebretur ore, qui mille lingvas, mille calamos, in sui promeruit encomia.

Primum itaque locum teneat, Stephanus Damalewicz, Sacræ Theologiæ Doctor, primò Canonicus Vladislaviensis, postea Canonico-
rum Regularium, Congregationis Lateranensis, ad Sanctum Nicolaum Calissii, Præpositus, & noster Mathiæ, dum esset Archiepiscopus Gnesnensis, Theologus, qui vivente Mathiâ, Annò Domini millesimò sexcentésimò quadragesimò nonò, Seriem Archiepiscoporum Gnesnensium edidit, Nostro Mathiæ, protunc Archiepiscopo Gnesnensi, dedicavit, in eademque serie, sic de sæculi contemptu, & de Professione Religiosa nostri Mathiæ in Ordine Canonico-
rum Sancti Sepulchri, nquit: *Et cum jam Mathias, vitæ Religiosæ studio illectus, Divi Augustini Aurelii, Hipponensis Episcopi, fuisset amplexus institutum, in illo cænobio, Canonico-
rum Hierosolymitanorum, Custodum Sepulchri Domini, certavit, ita cum ea moderatione animi, & sæculi contemptu, ut Regis beneficentia, eum ad Chelmenjem Episcopatum evexerit, postea Posnaniensi, p. st. translationem Joannis Węzyk, ad Archiepiscopatum, demum Vladislaviensi, p. st. quam in sedem Cracoviensem, Andreas Lipski, Grabiæ armis insignis, translatus esset, ornaverit.*

Secundum locum teneat, Vespasianus Kochowski, Annalium Poloniæ, ab obitu Vladislai quarti, Climacter: primò, librò quintò, Annò Domini, millesimò sexcentésimò quinquagesimò secundò, qui sub eundem Annum, de morte nostri Mathiæ commemorans, de Professione ejusdem, in nostro ordine, annotavit sequentia: *Moritur eodem Annò, Mathias Lubienius, è stirpe Pomianorum, Archiepiscopus Gnesnensis, ac Regni Primas, ultra octogenarius ætate provectus, Professum eum, Miechoviensis cænobii Præpositum, memorant.*

Tertius, Adamus Naramowski, Societatis Jesu, in facie rerum Sarmaticarum, librò secundò, capite quarto, inter Archiepiscopos Gnesnenses, conscriptis encomiis, & dignitatibus Episcopalibus nostri Mathiæ, etiam illum Canonicum ordinis Sancti Sepulchri fatetur, dum inquit: *Mathias Lubieniski, de stirpe & stemmate Pomian, natalibus clarus, eruditione insignis, Religione Hierosolymitanorum Custodum Sepulchri Domini, Ordinis Sancti Augustini Canonicus, dignitate gradaria Chelmenfis, Posnaniensis, Vladislaviensis, demum Archiepiscopus Gnesnensis, Annò Domini, millesimò sexcentésimò quadragesimò secundò, ubique à virtute non mutavit animum.*

Gaspar Niesiecki Societatis Jesu, in libro polonico, *Corona Poloniae*, dicto, tomò tertiò sub litera L. post multa encomia, virtutes, Mathiæ nostri conscriptas, non solum ingressum ejusdem ad ordinem Canonico-
rum Sancti Sepulchri, adduxit, verum etiam humilima

lima ejus in novitiatu obsequia laudavit, dum scripsit: *Mathias Lubieński, Archiepiscopus Gnesnensis & Primas, in Conventu Miechoviensi, non tantum vetustate consumpta aedificia, restaurabat, verum etiam disciplinam regularem, in capitulo Generali novis constitutionibus firmavit, ad quam, ut magis omnes alliceret, ipse ingressus est hunc ordinem, & juxta consuetudinem aliorum Novitiorum, vilissima servitia, mensae inserviando, & in culina adjuvando, obibat*

Adduco ad Catalogum Authorum, & Cyprianum Sapecki, Sacrae Theologiae Bacalaureum, Concionatorem Beatae Mariae in Circulo, Cracoviae, Ordinis Praedicatorum, qui sua concione Polonica, pro Festo Sancti Augustini habitâ, talibus nostri Mathiae, Professionem Regularem extollit laudibus: *In hoc Conventu Miechoviensi, Venerabilis Mathias Lubieński, felicissima armorum suorum Pomian mutatione, commutavit in die S. Augustini saeculares dignitates, in Religiosam Professionem, & felicissime non tantum ad tempus, verum & in saecula.*

Huic ad stipulatur, Joannes Franciscus à Sancto Josepho, Scholarum Piarum, in Concionibus Polonicis, habitis in variis locis publicis, concione pro Dominica secunda post Pascha, in qua nostrum Mathiam, penes Professionem religiosam, Principem virtutum nominat, dum dicit: *Unum ex millibus, liceat mihi commemorare Sanctum Polonum Mathiam Lubieński, Ordinis Sancti Sepulchri Domini Canonicum, qui cum esset professus, in Conventu Miechoviensi, postea fuit Episcopus, Chetmensis, Poseniensis, Vladislaviensis & Pomeraniae, ultimò Archiepiscopus Gnesnensis, Regni Poloniae & omnium virtutum Primas, & Primus Princeps.*

Claudunt Catalogum Polonorum Authorum, extranei Authores, qui ex Sanctitatis & virtutum, de Professione nostri Mathiae, in Ordine Canonico Sancti Sepulchri, edocti, in suis voluminibus, suo idiomate conscriptis, Mathiam nostrum, inter Canonicos Sancti Sepulchri collocant. Et sic Josephus Franciscus Fontana, Milanensis, in Historia Ordinum Monasticorum, Religiosorum & militarium, Lucae, italice impressa, tomò secundò, capite decimo septimo, sic de nostro Mathia scribit; *Inter Canonicos Sancti Sepulchri in Polonia, fuerunt personae celebres, propter scientiam, & propter munia per illos expedita, veluti Mathias Lubieński, Generalis istius Ordinis in Polonia, qui fuit Archiepiscopus Gnesnensis, & Primas istius Regni.* Pariter Author Historiae Ordinum Monasticorum, Religiosorum & militarium, Parisiis gallice impressae, ubi ait de ordine Canonico & Canonissarum Regularium Sancti Sepulchri, pariter de nostro Mathia, inquit; *Extiterunt inter Canonicos Polonos, istius Ordinis Sancti Sepulchri, viri illustres, tum propter scientiam, tum propter functiones per illos peractas, prout Mathias Lubieński, Generalis istius ordinis in Polonia, qui fuit Archiepiscopus Gnesnensis & Primas illius Regni.*

Inter omnes autem Authores, sicut dignitate, sanctitate, ita & eruditione, stabit pro millibus, ipse Mathias noster, qui etiam in gradu & dignitate Episcopali, imò ipsa Archiepiscopali & Primatiali existens, semper tamen memor Professionis suæ, in variis instrumentis, diplomatibus, privilegiis, se fatebatur esse Canonorum Sancti sepulchri Professum, sic in constitutionibus ordinis, à se cum consensu nostrorum Canonorum sancitis, libenter & ingenuè, se gloriatur fuisse nostri ordinis Professum, ubi taliter in præfatione ad constitutiones, Anni millesimi sexcentissimi vigesimi fatetur. *Quod quidem aliis negotiis, & curis utcumque soluti, hisce diebus præstitimus, convocatâ & peractâ Synodò, nostri ordinis, in qua more, institutoque majorum nostrorum, ex consilio & assensu omnium Fratrum, Constitutiones Ordini & instituto nostro, in quo nos Domino famulaturos, jurata fide spondimus, consentaneas sanximus condidimusque.* Cum verò non sufficeret Mathiæ, una lege & statuto, ordinem suum munire, nisi eundem & alternis constitutionibus firmaret, ideo & ad constitutiones, in Anno, millesimo sexcentesimo vigesimo quinto, conscriptas, in Præfatione seu potius aureo suo sermone, in Capitulo Generali, ad nostros Canonicos habito, hanc suam Professionem declarat, dum sic inquit: *Etsi nobis ad vitam, rectè & regulariter instituendam, Sanctissimus Legifer & Patriarcha noster, in sua, quam professi sumus, Regula, sufficientem lucem præferat, quia tamen res humanæ, adeò sunt fluxæ & instabiles, ut nisi in dies, novis subsidiis fulciantur, facile à suo statu decendant, operæ pretium nos facturos existimamus, si in hoc Capitulo, Veterem Regularis vitæ vigorem, novis legibus excitemus.* Hoc ipsum & in corpore, ejusdem constitutionis scribit, dum & ibidem, suam professionem præclarè extollit, inquiens ibi; *Et quamvis jam ab aliquot annis, ex speciali Sedis Apostolicæ gratia, ad altiora Ecclesiæ & Reipublicæ munia, vocati, & à regulari observantia, (votis essentialibus duntaxat exceptis) exempti simus; officii tamen, & ipsiusmet Professionis nostræ memores, inquantum infirmitas humana, & varia statûs nostri negotia, rapiuntur, in omnibus ad nos pertinentibus, Deo auxiliante satisfacere pro viribus nostris conamur.*

Ad extremum, ipsa marmora, parieti in Ecclesia metropolitana Gnesnensi; infixa, Professionem in nostro Ordine, Mathiæ nostri loquuntur, in qua supra Capellam Lubienianam, ubi noster Mathias tumultatus est, in marmore, tale Mathiæ nostro, ab Executoribus, ad perpetuam tanti viri memoriam, exaratum est Epitaphium. *D.O.M. Mathias Lubieński, Sventoslai & Barbaræ de Zapolice Filius, Stanislai Episcopi Płocensis, Adalberti Pułtoviensis Præpositi, Canonici Cracoviensis, Sophiæ Abbatissæ Ołobocensis, & Martini Societatis Jesu Theologi, germanus Frater, in Aula Sigismundi III. piè versatus. Ex minoribus sacerdotiis, & Regente Cancellariæ, Præpositus Miechoviensis*
Custo-

Custodum Sancti Sepulchri Domini, eorum Professus institutum. Post à Gregorio decimo quinto, Chelmensi Ecclesiæ, ab Urbano octavo, Pojnanensi, deinde Vladislaviensi præfectus, tandem nominatione Vladislai quarti, ad Archiepiscopatum Gnesnensem, Primatum Principatumque Regni, provehctus fuit.

Non adduco hic literas Sigismundi III. Poloniarum Regis Potētissimi, ad Romanos Pontifices, Paulum V. & Gregorium XV. & ad Cardinales conscriptas, inferiùs sub capite XIII. adducendas, non refero testamentum Mathiæ, aurò cedròque norandum, Capite XXVI. inferiùs imprimendum, omitto Ordinis Nostri Authores domesticos, qui Mathiæ nostri, quoties se offerebat occasio, in libris & monumentis suis, nomen tum & Professionem ejus Religiosissimam, posteritati consignarunt, ne sim pro Domo mea orator, ultra quàm oportet facundus, tum quòd Professio hæc, ex supra allegatis Authoribus & documentis, clarior sole patet, & hunc solem, in meridie monstrare, sicut inane duxi, ita ad alia properandum putavi.

CAPUT SEPTIMUM.

De gestis Mathiæ, dum esset Præpositus Generalis, quo ad se in Spiritualibus.

FActa solenni Professione, & emissis Religiosis votis, in Ordine Nostro, & Canonica Miechoviensi Sancti Sepulchri Mathias noster, gratias imprimis immensas, agebat Deo, pro beneficio vocationis ad Religionem, reputans illud esse peculiare, & post Divinā prædestinationem omnium maximum, paucisque concessum. Sciebat enim, quod in Religione, rara aut nulla sint offendicula, aut lapides scandali, in quos impingeret, nulli laquei Dæmonis, ratione voluptatum mundi, quas appeteret, e contra autem multa sunt adminicula superiorum, confessoriorum & Præfectorum Spiritualium, à quibus sustineretur ne caderet.

Scivit insuper, se habiturum post mortem suam, communionem sui Ordinis omnium precum, sacrificiorum, aliorumque bonorum operum, ideo his consideratis, ingentes Deo reddebat gratias, & in particulari, gratias maximas persolvebat Deo, quòd hujus Ordinis Filius inscriptus esset, cujus institutio a Jacobo minore Apostolo, cujus ortus è Sacra Urbe & terra, cujus origo, virtus & sanctitas, ex illa terra, quæ Divino consecrata sanguine, cujus incunabula in loco, toto orbe sanctissimo, Sepulchro nempe Domini, cujus officium Angelicum, custodia videlicet sepulchri Christi, & quod Angeli, in Christi sepulchro excubando inceperant, ille Hierosolymis, corporali custodia, imo & nunc gloriæ ejus promotione, continuat, in quem ad

extremum ordinem, utpote in Custodes sepulchri, à sepulchro Domini gloriosissimo, derivatur gloria.

Factis igitur summis Deo gratus, ita Mathias plenè & perfectè contempsit sæculum, ut totus perfectionem & regularitatem spiraret; ita vitam suam, ex præscripto Regulæ & constitutionum, instituebat, ut omnibus Canonicis nostris, esset ad omnem virtutem & perfectionem exemplum & incitamentum. Elapsis autem aliquot, post Professionem hebdomadis, cum Præpositura Generalis Miechoviensis, etiam curam animarum, in Parochia contineat, ad Martinum Szyłkowski, protunc Episcopum Cracoviensem, tanquam Loci ordinarium, (antequam institutio Præposituræ Generalis Miechoviensis, etiam quo ad curam animarum, ad Sanctam sedem devoluta esset) pro institutione, ad eandem Præposituram, instantiam fecit, literasquè à Sigismundo III. Poloniarum & Sveciæ Rege, de Data Varisaviæ, vigesimâ tertiâ Decēbris, Annò Dñi millesimò sexcētesimò decimò septimò, ad Episcopū Cracoviensem conscriptas, sui commendatorias præsentavit, quarum fragmentum, cum tum Ordinis, tum ipsius Mathiæ, singulare complectatur elogium, hoc loco inferendum duxi: *Equidem quæ fuerit nostra, de substituendo, Monasterio illi ordinique universo, Custodum Sepulchri Domini (cujus à prima fundatione, claruit semper eximia sanctitas, Religionisque Catholice propagandæ studium,) Præposito, voluntas, declaravimus Sinceritati vestræ, literis nostris, quibus eundem Mathiam Lubieski, impensè sinceritati vestræ commendavimus, merentur id sanè, præclaræ illius virtutes, pietas imprimis, singularis eruditio, negotiorumquè maximi cujusvis momenti tractandorum peritia, & longo rerum usu, parva prudentia, ut ei faveamus, atquè eo loco dignum judicemus.* Quibus literis perlectis Episcopus, ad institutionem processit, & Mathiam nostrum, ad eandem Præposituram Miechoviensem, per impositionem manûs, venerando capiti ejus, instituit & investivit, in realemque Possessionem posuit & induxit, per suas literas de Data Cracoviæ, die quinta Mensis Octobris, Annò Domini, millesimò sexcentesimo decimò octavo.

Reversus Miechoviam, Regimen Ordinis, eximia morum (vavitate, exactâ religiosi instituti observantiâ, insigni in Ecclesias & totam nostram Congregationem munificentia, suscepit, quare communem vitam, cum reliquis nostris Canonicis ducebat, & cum illis in choro, Capitulo, Refectorio, quantum per alias occupationes licebat, frequens fuerat. Bonorum & patrimonii Canonice Miechoviensis, ad mensam suam pertinentium, se, non Dominum, sed Dispensatorem, dicebat: ac proinde, redditus illorum, superfluis sumptibus non exhauriebat, sed quidquid sustentationi statui suo convenienti superfuera, in utilitatem Ecclesiæ suæ Miechoviensis, & Ordinis sui, ac in usum pauperum convertibat. Proventus suos ita distribuebat, ut expensarum

farum rationes, Capitulo Generali, (si quando ita expedire videretur,) reddere fuerit paratus. Mensa frugali, in absentia præsertim hospitū contentus erat, ad quam duos ad minus Canonicos sui ordinis, adhibebat, & ad eam, ex Sacra scriptura, & aliis piis Ecclesiæ scriptoribus, lectionem instituebat. Quod non solum dum esset Præpositus Generalis, observabat, verum etiam factus Episcopus & Senator Regni, imò jam Archiepiscopus & Primas Regni, mensam lectione, & aliquo sermone sive discursu Spirituali, condiebat. Hospitalitatem à Sanctis Patribus magnopere commendatam, promptè erga omnes, præsertim verò Peregrinos & Religiosos, exercebat, memores, qui hospitalitatem amant, Christum Dominum, in hospitibus excipere. Circa Ecclesiam suam Miechovientem, quæ & Parochialis est, continuò residebat, nec facile absentabatur ab ea, nisi gravissimis Ordinis, evocaretur negotiis. Habitum, cum esset Præpositus Generalis, decentè, non tamen superfluum, Cruce rubea geminata insignitum, secundum statuta Ordinis, deferrebat, quam sanctam consuetudinem, etiam Episcopus Chelmenfis, Poseniensis, & Vladislaviensis factus, conservabat, & crucem duplicatam auream, in torque pariter aurea pendulā, (insigne Ordinis Sancti Sepulchri,) in pectore suo gestabat, quàm postea existens Episcopus Vladislaviensis, thesauro Ecclesiæ nostræ Miechoviensis, donavit, de actu & data in Bogusławice, die vigesima secundā Junii, Annò Domini, millesimò sexcentesimo Quadragesimò.

Quantum autem Angelica puritas, & castitas, cordi fuit Mathiæ, eandem ita servavit, ut omnes conversationes vitaret faminarum, & accessum illis non daret facilem. Meditationi & examini conscientiæ, quotidie vacabat, usus libello, de vita religiosè instituenda, Authore Patre Alvares Societatis Jesu, imò & Canonicos nostros, hortabatur, ut eodem librò, in meditationibus, examine conscientiæ, & aliis piis exercitiis uterentur. Precum Canonicarum & totius Divini officii, pro Ecclesia nostra Miechoviensi, distributionem conscripsit, quas ipse attentè semper & distinctè, piè & devotè absolvebat, in memoriam enim, revocabat sibi illam scripturam, *Maledictus homo, qui opus Domini facit negligenter*, & ad prolationem nominis Jesu & Mariæ, tum ad Gloria Patri, reverenter caput inclinabat.

Sciens præterea, quod sacris sacrificiis instare, maximè deceat sacerdotes, & hoc munus, hæc gloria illorum est, ideo quotidie, etiam in decrepita ætate, ad Altare DEI comparcebat, sacris sacrificiis faciendis instabat, luminis incrementum sibi deposcens, & ob eam causam, etiam in villis suæ Præposituræ, uti in Krzesławice, Pstroszyce, Sławno & aliis, Capellas privatas, noviter construxit, à Loci ordinario tunc Martino Szyfzkowski, Episcopo Cracoviensi facultatem celebrandi in illis, de Data in Arce Bodzantiniensi, die vigesima prima Mensis Junii Annò Domini millesimò sexcentesimo decimò octavo,

tim ab initio suæ Præposituræ, & sui regiminis, in scriptis accepit, ut si pius Sacerdos, alicubi in Villis, pro administratione æconomix moraretur, posset Sacras Missas absolvere, & Divinis Sacrificiis vacare. Agnoscebat se præterea, variis circumdatum esse infirmitatibus, ideo sæpissimè, se ipsum hortabatur ad observantiam statutorum Ordinis: & licet ad altiora Ecclesiæ & Reipublicæ munia, vocabatur, officii tamen & Professionis suæ memor, inquantum varia statûs ipsius negotia patiebantur, in omnibus ad se pertinentibus, Deo auxiliante, satisfacere pro viribus suis conabatur, tum sicut dignitate aliis præstabat, ita eosdem sanctitate & odore bonorum operum, præcellebat. Dicebat sæpe, quòd etiam si ad Episcopatum promovendus esset, votis obstrictus esset essentialibus Religionis.

In ulteriori, & in dies majori perfectione, ac omnibus actionibus suis, tantum exellebat Mathias, ut multi illum, vivum exemplar Regulæ Sancti Augustini, monstrarent. Et sic Andreas Goldonowski, Ordinis Sancti Pauli Primi Eremitæ, per utramque Poloniam & Silesiam Provincialis, in præfatione sua, ad explanationem regulæ Sancti Augustini, Mathiam nostrum, vivum exemplar Sancti Augustini dixit, & præcipuis laudibus commendavit. Et quod maximum & admirandum est, quòd ita in exercitio spiritualium, summa in Deum pietate, cultûs Divini propagandi Zelo, omnibus denique in virtutibus profecerit, ut Samuel Nakielski, vir in Ordine nostro tunc gravissimus, multis libris in lucem editis clarissimus, colligendo officia Sanctorum Patronorum Ordinis, in dedicatione eorundem officiorum, eundem nostrum Mathiam, ac si unum, ex numero eorum Sanctorum Ordinis, quorum festa in ordine nostro, speciali devotione coluntur, & Sancta Ecclesia, in Martyrologio Romano, jugi commemoratione depredicat, & ac si parem illis, pietate, religione, cultûs Divini propagatione, dicere non vereretur, dum sequentia ibidem scribere non dubitavit: *Mathiæ profectò pietas, cultûs Divini propagandi studium, nostra accendit erga se desideria, ut ipsam potissimum nobis dari optaremus, datumque quasi unum ex eorum numero, qui secundum Jacobum & Simonem Apostolos, Discipulos, ac consanguineos Domini, Ecclesiæ Hierosolymitanæ, & Ordinis nostri gubernacula tenuerunt, Alexandrum dico Narcissum, Cyrillum, Hesychium, Sophronium exciperemus.* In reliquis denique, ita animum doctrinis spiritualibus, & omni perfectione religiosa excoluit, ut omnes Ecclesiæ Serenissimi Regni, quas postea regerat Mathias, totus Senatus populusque Polonus, fructum suavissimum ex eo hucusque abunde decerperent & colligerent. Penes autem fructum dulcissimum, Ecclesiarum variarum in Polonia, cum Ecclesiæ ordinis nostri, earumque Canonici, ex suo Mathia, tanquam fructifero agro Ecclesiæ, specialissimum collegerint fructum ideo & nos eundem fructum, sequenti legemus Capite.

CAPUT OCTAVUM.

*De gestis Mathiae, quo ad Canonorum Sancti Sepulchri Personas
in Spiritualibus.*

Sentiens Mathias Noster, quàm grave onus, humeris suis imposi-
tum suscepit, eò curam studiumque suum contulit, ut præscri-
ptam a maioribus suis, regularis vitæ normam, non tantùm solus
inspiceret, verùm etiam universi Ordinis sui Canonicos, ad eandem
normam inflammaret. Sentiens pariter, hanc sibi felicitatem dari, quòd
hunc ordinem nobilissimùm regeret, quem olim Apostoli, in Jacobo
minore, primo Episcopo Hierosolymitano, & Sancti successive Hie-
rosolymitanæ Ecclesiæ Episcopi, deinde Patriarchæ, usque ad excidiũ
Hierosolymæ, imò usque ad tempora Innocentii Papæ VIII, per to-
tum orbem rexerunt & gubernarunt, Mathias verò illorum regimen
continueret, id circo maximè attendebat, ut omnes Canonici curæ
sue commissi, vocationi responderent, & ut ea, quæ in Regula & con-
stitutionibus Ordinis præscribuntur, quo ad omne punctum
observarent. Atque ejus rei causa, Annò millesimò sexcentésimò De-
cimò nonò, alterò post susceptam Præposituram Generalem, assum-
pto secum Samuele Nakielski, Sacræ Theologiæ Doctore, Canonico
sui Ordinis, universam sibi demandatam Provinciam, obire, singula
loca & Conventus Ordinis, quotquot in Regno Poloniae & extra ex-
tant, per se in persona lustrare, visitare, mores vitamque singulorum
Canonorum examinare, omnia ad prisca instituti normam revoca-
re, verbò & exemplò instruere, in omnibus, quæ supremum gregis
Pastorem scire oportet, operam dare, & quæ necessaria ipsi videbantur
esse, in singulis Ecclesiis & conventibus Ordinis, præscribere & ordi-
nare aggressus est. Bonos laude, segnes cohortatione, ad officium re-
vocando, omnia denique boni Prælidis officia, cumulatè implendo,
ut universus ordo, qui hæcenus in suo statu, quodammodo langve-
scere videbatur, illius fausto regimine exhilaratus, pristino splendo-
ri restitui, quanta sua gratulatione, non attinet dicere, tunc primùm
incoeperit.

Finita hac visitatione, Anni millesimi sexcentésimi decimi noni,
elapso triennio, iterum Annò millesimò sexcentésimò vigesimò se-
cundò, omnes Ecclesias & conventus ordinis sui, in Persona visitavit
Mathias, in qua, errantes paternè corripiebat, in vitia lapsos, ita casti-
gabat, ut memor fuerit, quod & ipse circumdatus fuerit infirmitate,
lachrymis potius suis, quàm acerbioribus verbis, dolorem fletumque
illorum provocabat, & in spiritu lenitatis, regularem exercebat discipli-
nam, veniam poscentibus facilem, moderata adhibita animadversi-
one, exhibebat. Quod verò tam piè, tam sanctè, tam exactè, has visi-

T

tatio-

tationes Ecclesiarum, & conventuum ordinis nostri obiret? habuit praxim & methodum visitationis, ad formam sacrorum Canonum & ordinis constitutionum præscriptam, quâ in visitationibus utebatur, & quam postea in Archivo nostro Miechoviensi, secuturæ posteritati reliquit, & propria manu subscripsit.

Peractis his visitationibus, utriusque Anni, in quibus totas æstates consumpsit, comite semper Samuele Nakielski, Canonico sui ordinis, viro docto & probo Canonicam Miechoviensem sæpius, reliquas autem Ecclesias & Conventus eidem annexas, singulis trienniis visitabat & quæ depravata reperit reformabat, & in spiritu lenitatis corripcebat. Ac præterea Capitula generalia, singulis trienniis Miechoviam convocabat, & in eis de disciplina regulari retinenda, & de moribus depravatis, corrigendis, cum Canonicis ordinis, maturò judicio præditis, consilia conferebat. Celebravit Capitula Generalia duo, Miechoviæ, Die vigesima nona mensis Octobris, Anno Domini, millesimo sexcentesimo vigesimo, & die decima sexta mensis Junii, Anno Domini, millesimo sexcentesimo vigesimo quinto, in quibus constitutiones ordinis salutare, cum consensu Capituli Canonorum sancivit, disciplinam regularem, novis statutis firmavit, quas ab Urbano VIII. approbari curavit, & super hoc breve, suæ sanctitatis, obtinuit sub Data Romæ, Decima quarta Januarii, Anno millesimo sexcentesimo vigesimo sexto, Pontificatus Urbani Papæ, Anno tertio, postea easdem Typis Cracoviensibus, Anno millesimo sexcentesimo vigesimo septimo, imprimi fecit.

Harum constitutionum Seriem, cum penes nos habeamus & velut pretiosum servi DEI testamentum, cautissimè conservemus & observemus, illud ex illis notare volumus, consistere easdem primi quidem Capituli Generalis, in octodecim statutis seu Capitibus. Secundi verò Generalis Capituli, in septem statutis seu Capitibus. Collimant autem potissimum, ad mutuam inter Canonicos nostros charitatem innovandam & confirmandam, ad proprietatis vitium extirpandum, ad rectam Canonorum institutionem, & studiorum tractationem, ad Ecclesiastica officia ritè peragenda, & cultum Divinum promovendum, ad regularis disciplinæ observantiam. Præterea in iisdem constitutionibus, commendatur exercitia præstantissimarum virtutum, verbo digito DEI scriptas, has constitutiones dicet, quisquis easdem benè perspexerit. Sed quia prædictæ constitutiones, per incendium conventus & Ecclesiæ, Anno Domini, millesimo septingentesimo quadragésimo quinto, consumptæ, & in favillas redactæ sunt, ideo modernus Reverendissimus Dominus Jacobus Radlinski, Universi nostri Ordinis Præpositus Generalis, easdem utrasque, tanquàm inæstimabiles gemmas, ne in oblivione sepelirentur, collegit, & ut ab unoquoque Canonico nostro, per vivam observantiam legantur & relegan-

relegantur, typis Collegii Sandomiriensis, in Anno millesimo septingentesimo quadragésimo septimo, reimprescit & renovavit.

De his constitutionibus nostri Ordinis, à Mathia nostro conscriptis, & de earum reimpresione in Ephemeridibus Literariis Lipsien-
sibus, sub numero octogésimo primo, paginâ septingentesimâ vige-
simâ quartâ tale reperitur germanico idiomate, exaratum elogium,
seu potius Author earundem Ephemeridum Illustrissimus Josephus An-
dreas Comes de Załuskie Załuski, Poloniae Referendarius, orbis autem
literarii Princeps, utrobique supremus, tales ibidem in pretium & coro-
nam, earundem constitutionum, aureo suo eloquio, gemmas protu-
lit: *Sandomiriae ex Typographia Societatis Jesu, non pridem in lucem pro-*
dierunt, constitutiones Capitulum Generalium Miechoviensium, Ordi-
nis Canonorum Regularium Custodum Sancti Sepulchri Domini Hiero-
solymitani, sub Illustrissimo & Reverendissimo Domino, Domino Mathia
Lubieniski, Praeposito Generali professo ejusdem ordinis, Dei & Apostoli-
cae Sedis gratia, Episcopo Cielmensi, demum Archiepiscopo Gnesneni, Pri-
mate Primoque Principe, ac Legato nato Regni Poloniae, & magni Du-
catûs Litvaniae, Anno Domini, millesimo sexcentesimo vigesimo, ad diem
Decimam nonam Octobris, & Anno millesimo sexcentesimo
vigesimo quinto, die decima septima mensis Junii, celebratorum, à San-
cta Sede Apostolica approbatae, cum facultate Illustrissimi & Reverendis-
simi Domini, Domini Loci ordinarii, sub praelum traditae, Anno millesi-
mo sexcentesimo vigesimo sexto, Denuò curâ & impensis, Reverendissimi
Jacobi Radlinski, sacrae Theologiae Doctoris, ejusdem Ordinis Praeposi-
ti Generalis Insulati, reimprescit, Anno Domini, millesimo septingentesi-
mo quadragésimo septimo, in quarto. Hi Canonici Regulares, Custodes San-
ctissimi Sepulchri Domini, sat longo jam tempore in Romania, praecipue
autem Polono-Catholica Ecclesia, ob fervidos labores suos, in promovenda Eccle-
*sastica disciplina, & Religiosis doctrinis, praee omni-
bus aliis viris Religi-*
osis, magnum Primatum adepti sunt. Ex quorum numero, per sua meri-
ta apud posteritatem, duraturam & planè indelebilem me-
moriam obtinuit, Illustrissimus Mathias Comes de Lubieniski, quem sua
pietas, Dei timor & scientia, ad supremam dignitatem & felicitatem, in
Polonia evexit. Ab hoc eximio & summa laude dignissimo Praelato, di-
stinctis vicibus, instituta Generalia Ecclesiae Miechoviensis Capitula, &
in iis ab eodem sancitae, roboratae, collectae, postmodum publico typo man-
datae, constitutiones, abundè probant & demonstrant, quod pulcherrimi
mores, doctrina & scientia, item sollicitudo ejusdem, (quâ commissum sibi
ordinem, in constanti flore & incremento conservare studuit,) sincera &
indefessa esse debuerit. Hi itaque, qui honoris ac aestimationis hujus ordi-
nis participes facti, habent omnimodum motivum, Domino Generali Prae-
posito Radlinski, pro executione & datione, harum novarum summe lau-
dabilium expensarum, demississimas refundendi grates, eidemque reali ap-

precatione vovendi, ut divina Providentia, hunc eximium, ob multiplices doctissimas actiones, præcipue verò ob reedificationem neo conflagrati Conventus Miechoviensis, & ob scientias meritissimum virum, in Bonum Literaturæ, in sua Patria, diutius benigniter conservare velit.

Curavit præterea Mathias hunc ordinem antiquissimum, pristino decori restituere, & ideo nihil magis optavit, quàm ut Congregatio hæc majores indies, in pietate & doctrina, aliisque virtutibus, regulam vitam, concernentibus, progressus faceret. Hortabatur sæpius Canonicos nostros, & per viscera misericordiæ obsecrabat, ut ad implenda & exequenda ea, quæ in constitutionibus ordinis, præscripta salubriter proponuntur, animum adijcerent. Cum autem Anno millesimo sexcentesimo vigesimo tertio, & iterum immediate sequenti, nostri Canonici in Russia, à Tartaris gente barbara, aliqui cæsi, aliqui in duram servitutem barbaricam abducti, lorisque vincti, postea venditi, & ad remos odio fidei destinati essent, (ex quibus Mathias Wierbicensis Ordinis nostri Canonicus, Parochus Ecclesiæ Gniewczynensis, comprehensus, vinculis durissimis constrictus, equo impositus, dum ob senium, (erat enim prope octogenarius,) nullatenus dorso equi insidere potuisset, ad terram dejectus, à Barbaro, odio Catholice fidei, impia manu contrucidatus, & Martyrio coronatus) quid non faciebat Mathias? omnes adhibebat modos, nulli sumptui parcebat, ut redimeret; & redemisset, ni dura servitus illos, ibidem inter barbaros, ocys occumbere coegisset. Infirmitate pressus aliquis ex nostris Canonicis decumbebat, sollicitè de defectibus & morbo infirmi, inquirebat Mathias, remedia applicabat, medicamenta & auxilia, magnò studio curabat, & omnem diligentiam Paternam, circa valetudinem adhibebat. Si verò periculum vitæ aderat, tempestivè monebat, Sacramentis muniebat, noctu diuquæ præstò aderat, omnium Canonicorum precibus commendabat, ac tandem agonizantem, septum coronâ orantium, cum indulgentia plenaria, Ordini concessa in morte, ad Cælum trans mittebat.

Pestilentia grassante, iisdem Annis in Polonia, ultra viginti Canonici nostri, in cura animarum & administratione Sacramentorum, peste infectis, eadem pestilentia extincti sunt; Mathias, quantum doluit super jactura Personarum, tantum erga ordinem amorem ostendebat; accepto tali nuntio lacrymas continere non potuit, fiduciam in Divina Majestate ponens quòd Providentiâ suâ, quam circa hunc Ordinem gerit, à quingentis protunc annis, in Regno Poloniæ, brevi hunc defectum supplebit, & ut pro Patribus nascantur Filii, benignè providebit; Neque frustratus spe fuit Mathias noster, nam sub suo Regimine, ita numerosiorem Canonicorum nostrorum Congregationem reddidit, ut quivis Mathia imperante, sub Vexillo Crucis purpureæ Christo militare voluisset. Cum autem numerosior em Canonicorū
nostro-

nostrorum cætum reddidisset, ob curam animarum, quam semper unicè cordi suo habebat, studia propter nostros Canonicos tum in Academia Cracoviensi, tum Romæ curavit haberi, ad quæ non modicum expendebat, præcipuè pro Romanis studiis Canonicos nostros mittendo. Pariter eadem studia Ordinis in Canonica Miechoviensi instituit, & examina singulis quatuor Anni temporibus, de profectu eorum in studiis casuum conscientiæ, constituit, ut Canonici nostri, ea eruditione essent præditi, quam functio curæ animarum desiderat.

Officiorū priorū Ordinis nostri, longo usu ab Ordine observatorum, Mathiæ nostro palma reservata fuit, ut hæc ipsa divinarum precum officia, stylo priscam Sanctorum Patrum pietatem redolente conscripta, historicæ veritati consentanea, & gravi doctorum virorum, secundum præscriptum constitutionum Ordinis Nostri, a Sede Apostolica approbatarum, censurâ examinata, probataque, Mathia Authore, & sub ipsius patrocinio publicè edita proponerentur, quæ iussu ipsius, à Samuele Nakielski Canonico Nostro, in rubricis veratissimo, partim ex vetusto Ecclesiæ Miechoviensis Archivo, fideliter excerpta, partim ex Historia Ecclesiastica, potissimum Cæsaris Baronii S. R. E. Cardinalis, accuratissimi antiquitatis indagatoris, descripta, & in locum eorum, quæ à Majoribus nostris, parum accuratè expensa, & pro veris legitimisque scriptis fuerunt usurpata, reposita, ad normam Breviarii Romani, in ordinem redacta, & autoritate Martini Szyzkowski, Episcopi Cracoviensis approbata, & in lucem edita, Annò Domini millesimò sexcentesimo vigesimo, Cracoviæ. Taliter in ordinem redactorum officiorum Patronorum Ordinis, is idem Mathias, approbationem à Sancta Sede Apostolica, solícite promovebat: cæterum cum hæc approbatio, in longius tempus dilata, usus verò tantum eorum, quæ antiquitus, & ab immemorabili tempore, in praxi habebantur, vivæ vocis oraculo permissus sit, ideo, omnes Canonicos, ea tantum officia recitare, quæ ab immemorabili tempore, ab Ordine nostro in usu habita, & interruptè observata esse reperiuntur, Mathias noster, per Constitutiones Ordinis approbatas à Sancta Sede, obligavit.

Non hinc cessavit Mathiæ desiderium, sed quamdiu habenas ordinis tenuit, imò quousquè vixit, Ordinem hunc promovebat; ampliabat, foundationibus novis, defensione jurium, & manutentione eorundem, ut suis Capitibus demonstrabitur; ditabat, salubriter omnia, piè ac modestè, ad bonum Ordinis disponebat, omnibus se clementem & affabilem, ac verè Patrē exhibendo. Illius ad nostros Canonicos in Capitulis & aliis congressibus, & quoties se offerrebat occasio, sermo, singulari animadversione dignus, in quo Canonicos nostros, coronam suam vocabat, ac si quodlibet Mathiæ nostri verbum, ab ore ejus

prolatum, specialem mereretur Coronam. Hoc demum summo amoris Mathiæ, erga ordinem nostrum, adscribendum est: quod quoties, sive in literis à se ad aliquem conscriptis, sive in aliquo familiari discursu, mentio esset de Ordine Sancti Sepulchri, ille non solum dum esset Episcopus, verum jam Archiepiscopus & Primas Regni, locò hujus dictionis: *Ordinis Canonorum Sancti Sepulchri* dicebat: *Ordinis nostri* ut plures Epistolæ ejus, in Archivo Miechoviensi conservatæ, testantur, & sicut Paulus Apostolus, in Cruce Christi, sic noster Apostolus Polonus Mathias, in Sepulchro Christi, & in Ordine ejus gloriatus est. Jam igitur gesta Mathiæ Spiritualia, pauca è multis delibavimus, restat modò temporalia attingere.

CAPUT NONUM.

De gestis Mathiæ, in Temporalibus, quò ad Canonicam Generalem Miechoviensem.

CUM Mathias Noster, in ipso statim suscepti muneris sui exordio, & in progressu ejusdem, pro suo perpetuo, illoque Paterno, erga hunc Canonicum Sancti Sepulchri Ordinem, affectu, nihil magis optaverit, ac pro virili curaverit, quàm ut hic Ordo, non tantum in Spiritualibus, sed etiam in temporalibus, perquam ordinatissimus ac florentissimus esse posset, idcirco Canonicam Miechoviensem, Ordinis sui Caput, per multa idquæ specialia privilegia, Rescripta & Bullas summorum Pontificum, Regum Poloniæ, Decreta Sacrarum Congregationum Romana, declaratam Sedem Præpositorum Generalium Infulatorum Ordinis, suis structuris satis magnificam, antiquitate, (a tempore quo scribo,) ex sæculorum celeberrimâ, plurimisque quid de ea prodierunt, ad Senatum Polonum, & ad Infulas Pontificales, Viris nobilissimam, millenis decoribus, prærogativis, libertatibus, tum à summis Pontificibus; tum a Serenissimis Regibus Poloniæ, ditatam, ornatam, exemptam, soli tantum S. Sedi Apostolicæ, ac Patriarchæ Hierosolymitano, cum suis membris subjectam, restaurare cæpit. Ac imprimis, collapsa sacrarum ædium ædificia, privataque tum Conventus, tum prædiorum structuras, pene à fundamentis excitare volens, Annò Domini millesimò sexcentésimò decimò nonò, laterificinam amplam, pro excoquenda viva calce, & parandis lateribus, ad fabricam Conventus, in suburbio Miechoviensi, versus Podmiecyska Wola, construi fecit, jussitque ex fundo villæ, Wielkanoc dictæ, lapides convehi, ex quibus præstantissimum cementum, confectum est. Hinc statim à fundamentis Religionis, Novitiatu videlicet, Mathias noster incipiendo, hunc, Annò Domini, millesimò sexcentésimò vigésimò primò, (tutè in multis, Ordinem Divina adju-

tus

tus ope, reparavit) ita salubriter communitati providit, ut à Presbyteris, & reliquis Canonicis Professis, separatas mansiones haberent. Proinde Novitiatum commodissimum, in eo loco, ubi antiquitus vestiaria erat, proprio sumptu construi fecit, cubiculaque pro Novitiis, & Magistro Novitiorum, convenienti apparatu, & a reliquo curritorio, peculiari clausura, separata, instruxit; hypocaustum denique, à Communi Refectorio distinctum pro iisdem Novitiis, reparavit.

Positò tali Religionis fundamentò, januam postea, quâ fit ad Canonicam Miechoviensem ingressus, ampliavit, accommodatis ad eâ firmissimis ex robore foribus, constructa insuper ad limen ejusdem januae, pro Janitore, seu claustrì cultode, mansione murata competenti, qui ingressui & egressui invigilaret perpetuò. Non hic finivit Zelum suum Mathias, sed conceptæ de sua virtute opinioni præclare responderebat, dum Annò Domini millesimò sexcentesimo vigesimo secundò; dum jam esset Episcopus Chelmenis, non exiguo sumptu, ab angulo veteris Refectorii, ad angulum còquinæ, in Canonica Miechoviensi, murum ex ipsis fundamentis erexit. & totum illud vestibulum inferius, testudineatum reddidit, ibiquè pro exponendis cibis, hypocaustũ commodissimũ còstituit, desuper verò solarium àplum, quò ad commune curritorium fit ingressus, erigi fecit; atrium item vetus pro novi Refectorii constitutione, ab infra concamerari jussit & in curritorio Canonorum, habitationem commodam, pro Seniore Presbytero, ex duobus cubiculis composuit, stibam pariter novam, satis pro brumali tempore commodam, juxta vetus Refectorium, è regione hypocausti Custodis, suis impensis ordinari curavit, tum plurima alia, tam in Ecclesia, de qua suo Capite scribemus, quàm in ipsa Canonica, præfatus Mathias noster, restauravit, coloribus & elegantissimis picturis exornavit, quæ diariis Capituli Miechoviensis inserta reperies.

Cùm autem lectionem librorum, tum Spiritualium, tum Canonicorum, singulariter cordi haberet Mathias, idcirco Bibliothecam, in Canonica Miechoviensi commodam, quæ in pulveribus projecta, blattis & tineis esca fuit, in alium locum perlucidum, salubrem, magisque opportunum, ordinatis ad hunc usum commodissimis pluteis, transtulit, numerum librorum, tum voluminum, in majore folio noviter protunc editorum, multis authoribus auxit, comparavit, & publico usui Canonorum nostrorum dicavit. Sed quia prædicta Miechoviensis Canonica, habet hanc prærogativam, quòd in illa Capitula Generalia celebrantur, statuta & Leges conduntur, electiones pro variis Conventibus & Præposituris, tum ipsorum Præpositorum Generalium Infulatorum Ordinis, fiunt, Reges Poloniae ad Capitulum nostrorum Canonorum scribunt, unde gloriatur plurimis literis, ad suum Capitulum, à Regibus Poloniae directis, & cum summo

elogio, (quarum & in hoc libro, passim fragmenta inferuntur,) Hospites insigni ornatu honore, congregantur, quare & his pro suo erga omnes amore, providendo, commodas habitationes pro hospitibus præparavit, & omni necessaria suppellectili instruxit.

Quid dicam de aliis in Canonica Miechoviensi, Mathiæ Nostri laboribus? qui præter alia ingentia studia, à me superius breviter commemorata, etiam villas, cum Canonicis nostris communicato consilio, à mensa sua abstraxit, & Capitulo Nostro Miechoviensi & Canonicis, in perpetuum donavit, & applicavit. Cum enim in ipso suscepti muneris sui exordio pro debito officii sui, rationes omnes, injunctæ sibi functionis expendere; inter alia animadvertit, magnam ex eo habuisse, plerosque Canonicos nostros occasionem, sibi in particulari, (contra quam instituta regularia, & Sacri Canones præscribunt,) vendicandi rerum privatarum reservationem, quod in eventu adversæ valetudinis, nihil fere in expensas medicinæ & medicorum, ex communi provideri solitum fuerit; quod ut aboleret, & quantum fieri potest, Canonicos Nostros, ad veterem normam regularis disciplinæ revocaret, imprimis in pristinum statum reduxit, & renovavit constitutionem Capituli Generalis, a Sixto IV. approbatam, de Magistro Infirmarie eligendo, factam, ac voluit ut deinceps is, ex præscripto ejusdem Constitutionis eligeretur, munusque suum rite obiret, curam Canonicorum infirmorum diligentem haberet, necessitatesque omnes tempestivè compararet.

Ut autem rationes omnes infirmarie constitueret, Villam mensæ suæ, dictam Gluchow, cum prædio, omnibusque ejusdem Villæ attinentiis, temporibus perpetuis, Capitulo Nostro Miechoviensi dedit, incorporavit per Custodem & Canonicos Nostros, sicut reliqua alia Conventus Bona, regendam & administrandam, ea conditione, ut omnes & singuli redditus ex eadem Villa provenientes, in usum itidem Canonicorum infirmorum, & infirmarie, per Magistrum infirmorum quotannis percipiendi, plenariè & integrè converterentur. Insuper voluit, ut Magister infirmorum, cum scitu Custodis & duorum Canonicorum, ita hos proventus Villæ Gluchow, distribueret, ut tantum in accommodandas rationes infirmarie, medicinas comparandas, & in curam Canonicorum ægrotorum, illi expendere, prout de hac re fusiùs loquitur, Rescriptum Capitulo Miechoviensi à Mathia datum manu ipsius propria subscriptum & sigillo communitatis de Data & actu, in Conventu Miechoviensi, die sexta Mensis Junii, Anno Domini millesimo sexcentesimo decimo octavo. Taliter providebat Mathias necessitatibus ægrotantium Canonicorum nostrorum, ne quid ad opportunum curandæ valetudinis subsidium, eis decesse videretur.

Non hinc adhuc meta & finis, erga Canonicam Miechoviensem, liberali-

liberalitatis Mathiæ: verum ducentos florenos pro vestiaria, & centum pro Sacristia, ex proventibus mensæ suæ, perpetuò assignavit, in Capitulo Generali Anno Domini, millesimo sexcentesimo vigesimo, peractò, locò quorum postea, alteram villam, Jadowniki nuncupatā cum prædio, & cum attinentibus, ad radices Calvi montis, in tractu Sandomiriensi, jacentem, cum omni fundo antiquitus ad eam spectante, sub celebratione Capituli Generalis, Die decima septima Junii, Anno Domini millesimo sexcentesimo vigesimo quinto, spontè ac benevolè, in dispositionem Canonorum Nostrorum tradidit, resignavitque, Bonisque aliis ad Conventum pertinentibus, adjunxit, & donavit, ut ex ejus redditibus, necessitates vestiariæ, Infirmariae, Bibliothecæ, juxta ordinationem suam, in diplomate resignationis contentam, providerentur.

Licet tamen taliter proventum, pro vestiaria Miechoviensi auxit, successu tamen temporis adhuc magis augere voluit, ut suam mentem & intentionem explicat, puncto tertio, secundæ Constitutionis, capite secundo, ne quid tam suæ munificentissimæ Paternæque liberalitati, quàm necessitatibus Canonorum, unquam deesse crederetur. Videns autem salis proventum, de Zuppis Bochnensibus, ad Conventum Miechoviensem, antiquitus pertinentem, cæterum à multis retroactis annis, dari intermissum, & pænè oblitteratum, rursus per suam instantiam, novo super hoc diplomate, à Clementissimo Rege Sigismundo III. ob eximia sua erga Regem merita, obtento, Conventui restituit, auctioremque reddidit, de actu & Data Varsoviæ, die 6. Mensis Martii, Anno Domini, millesimo sexcentesimo decimo nono.

Sed non solum sumptu, expensis, donationibus novis, aut variis foundationibus, & restorationibus, Monasterium Miechoviense, dum esset Præpositus Generalis, Mathias Noster ditabat, verum etiam precibus, idem monasterium ab imminentibus malis defendebat. Cum enim Anno Domini, millesimo sexcentesimo vigesimo quarto, Die decima octava mensis Aprilis, circa medium noctis, Miechoviæ ingens incendium ortum fuisset, quo sexdecim domus, ad limites horti conventualis positæ, deflagrârunt, quo tempore, nisi Mathias accurrisset, & per suam familiam domesticam, manibus variisque instrumentis, per se verò præcibus adlaborâisset, proculdubio jam tum, de Ecclesia, Conventu & tota Civitate actum esset. Quare postridie incendii, cum omnibus Canonicis nostris, & tota Civitate Miechoviensi, in Ecclesia Miechoviensi, Deo persolvit gratias, pro tanti mali aversione. Quapropter gratitudinis causa, pro his, & aliis beneficiis, Conventui Miechoviensi ab eodem impensis, anniversaria dies depositionis ejus solenni officio Defunctorum, quotannis obeunda, ac præterea, singulis feriis secundis, una missa lecta, ad altare privilegiatum, pro anima ipsius absolvenda, à Canonicis Nostris in Capitulo

Generali, ultrò concessa, & in perpetuum in Ecclesia Miechoviensi observanda venit. Ex quo Nomen Mathiæ Nostri in benedictione, decus in immortalitate, memoria, in jucunda & grata apud omnes recordatione.

CAPUT DECIMUM.

*De gestis Mathiæ in temporalibus, quò ad Præposituram
Generalem Miechoviensem.*

Postquam Mathias Noster, possessionem Præposituræ Generalis Miechoviensis apprehendit, statim collapsa hinc inde ædificia reficere, tum nova à fundamentis ædificare, ac elegantissimis structuris, condecorare cœpit. Ac imprimis, arcem muratam, mansionē Præpositorum Generalium Infulatorum Ordinis, penes Ecclesiam prope a latere consistentem, eidemquē Ecclesiæ contiguam, situ squallorequē, ob non residentiam Prælatorum Ordinis obsitam, fenestris ac fornacibus destitutam, tectis undiquē laceram, in toto quē ruinatam, Annò Domini millesimò sexcentésimò decimò octavò, de plano restaurari fecit, fenestras novas, fornaces, abacos, scamna, de novo eidem arci accommodando, novis ex toto scandulis tegendo, novosquē canales, per omnia ferē ædificia inducendo, & singula palatia per totum, elegantibus picturis exornando, Atrium superius, seu solarium in medio ejusdem arcis existens gravi pondere ad ima depressum, & in suo situ penitus deformatum, novo murato pariete, ex ipsis fundamentis erecto, stabilivit, ac pavimentò tabulatò deinceps convestivit. Restaurata tandem de novo arce, officinas deinde penes arcem existentes, prout se in longum, in sua circumferentia extendunt, reparare aggressus est; Hinc illa conclavia, supra murum ædificata, quæ campum & hortos Civitatis, versus Ecclesiam Sanctæ Crucis respiciunt, fornacibus ac fenestris novis additis, de plano reformavit, ac elegante pictura exornare mandavit. Ut autem prædicta conclavia, cum principali arce conjungeret, ambulatorium commodissimum, Annò Domini, millesimò sexcentésimò decimò nonò, quo ex illis edibus ad arcem, & ex Arce, usquē in Conventum Canonicorum, per Ecclesiam satis commodè transiri potest, ex solido muro erexit, fundavit, ac gratis successoribus suis dedicavit.

Non hìc cessavit Mathias noster, sed facta revisione villarum, ad Præposituram Generalem Miechoviensem, & ad mensam suam spectantium, videns pleraquē prædia, inertiam ac negligentiam Arendatorum desolata, tum quæ præ vetustate corruerant, cõemptis pecudibus, quibus hæc ipsa prædia indiga erant, illa ad meliorem statum, uti pius

Pater

Pater & Patronus perduxit, plurima ex illis, ab ipsis fundamētis excitavit: quo facto sincerā fidem, paternamq; gratitudinē, primis suæ gubernationis initiis, suis successorib9 testatus est. Ac imprimis magni prædii Miechoviensis ædificia, majori ex parte restauravit Mathias, novisq; non nullis additis, præsertim Braxatorio, & caulz seu stabulis pecudū, quæ præ vetustate corruerant, & multa alia, brevi tempore, quantum per æstatem licuit, non parcendo sumptibus, unico Anno complevit. Videns autem aliquas, ad suam Præposituram pertinentes villas, diminutas, multò magis alienatas esse, idcirco alienata recuperari, præcipuo studiò curavit, prout id per Dei gratiam, in nonnullis villis, per suos Antecessores abalienatis, non sine magnis impensis, re ipsa præstitit, easdem eliberavit, & tandem Præposituræ Miechoviensi restituit. Et sic primò, Villam Michałowice, per Annos plusquam triginta, diversis Personis innodatā, & à mensa Præpositorum Generalium abstractam, non mediocribus impensis redemit, actionem ex parte Decimæ, ab hortulanis & molendinatoribus ejusdem villæ, pro Canonatu Cracoviensi, decreto curiæ Romanæ adjudicatam factā concordia, & refusus damnis, Domino Karnkowski, Canonico Cracoviensi actori, consopivit; ac tandem villas Piłtroszyce & Wola, ad Annos decem obligatas & invadiatas, multo labore & cura eliberavit, & ad possessionem Præpositorum Miechoviensium reduxit.

Cum verò aliqua redemisset, aliqua eliberasset Bona Mathias, ad eorum restorationem, reædificationem, totum se convertit & applicavit. Ac imprimis Prædium Krzesławienſe, penitus jam collapsum & ruinatum, subductis per omnia ædificia magnis lignis fundamentalibus stabilivit, & quantum artificio effici potuit, illud ad priorem integritatem perduxit. Stubas utrasque majorem & minorem picturis exornavit, addito de novo atriolo, in ipso ingressu curiæ, super quod solarium cum tecto rotundo, exstructum est. Ibidem granarium, ad fruges conservandas, cum Braxatorio pro conficienda cerevisia, de novo exstrui, ibi piscinas à multo tempore neglectas, & limo infectas evacuari, ibi plurima alia bona fieri curavit. Non solum autē Krzesławienſe prædium, verum & Piłtroszycenſe, in multis reformavit Mathias noster, ibidem majorem præsertim stubam ad tractandos hospites satis commodam, exstruxit, abintus coloribus exornare mandavit, piscinas ibidem neglectas refecit, & novum stagnum aggeribus firmis vallatis, cum molendino apprimè utili & necessario, non sine notabili sumptu, erexit. Denuò hypocæstum pro Familia, una cum atrio, promptuarium novum, subtus verò cellarium seu testudinem muratam, de novo à fundamentis, propriis impensis ibidem exædificari curavit. Insuper puteum novum effodit, ac denique aliquot longiores rivos, pro exsiccandis & ab inundatione tutandis pratis, ibidem procuravit.

Quid de aliis villis, per Mathiam vel ædificatis, vel restauratis scribam? molendinum novum, in fundo Przecławienſi, aggere, longo tractu á fluvio, ingenti ſumptu, deducto, conſtituit; piſcinas vetuſtas, quarum vix veſtigia apparebant, circa molendinum, & in fundo Zagorzycenſi, multis impenſis limò evacuatò, deinceps ad integritatem perduxit. In Villa Sławno, novam curiam cum capella decenti, de conſenſu Loci ordinarii conſtruxit, vetuſtam reparavit, ac ſuo vigori reſtituit. In Villis Szczepanowice & Smrokow, Domoſ curiales erexit, & omni ſupelleſtili Domestica adauxit. In Villa Wrociryz, quatuor milliaribus a Miechovia diſtante, curiam pariter Magnificam, cum fundamento murato, cum Hypogœo interiori teſtudinato, ſupra quod aliud ſuperius identidem concameratum habebatur, & cum duobus hypocaustis amplis pictura eleganti exornatis, idem Mathias noſter conſtruxit, in qua & ſolarium ſub tecto rotundo, & alia quàm plurima, ad decorem & commoditatem ſpectantia, erigi demandavit.

In Oppido Skaryszow, ubi Ordinis noſtri Eccleſia Parochialis, ſatis elegantiffimè exornata, ac Præpoſitura exiſtit, curam commodiſſimam, pro hoſpitio Præpoſitorum Generalium, Mathias noſter fabricari mandavit, ubi pariter ſtagnum, eidem oppido Skariſzovienſi contiguum, antiquitus deſolatum, priſtinæ integritati reſtituit, ac multa alia præclara, in Bonis Præpoſituræ, nullis parcendo ſumptibus, optimè ordinavit, neglectaque ad perfectionem reduxit. Videns item non mediocre damnum, ac detrimentum, inferri arboribus cœduis, in ſylvis ejuſdem oppidi Skariſovienſis, maximè á colonis villæ Kobylany, ad Abbatiam Sieciechoviensem ſpectantis, qui prætextu cujuſdam Compromiſſi, ab Antecęſſoribus facti, indiſcretè eadem ſylvâ abutebantur, novam proinde cum Abbate Sieciechoviensi, eâ de re fecit tranſactionem, quam manibùs propriis ſubſcriptam ac ſigillis roboratam á ſupradictis ſubditis, in poſterum firmiter ſervandam ſtatuerunt, ſub pœnis in hac ipſa tranſactione expreſſis, de Actu Varſavice in Comitibus Regni Generalibus, Die vigefima ſeptima menſis Martii, Annò Domini milleſimo ſexcentefimo decimo oçtavo. Cernens inſuper, uti circumſpectus in una quaque re Paterfamilias, ſupinam Oppidanorum Skariſovienſium ignaviam, quòd hæctenus, ad conſilia & judicia Civitatenſia pertractanda, Domum ſpecialem, quæ Prætorium communiter dici ſolet, non haberent, & quàm alias, jam juffu Simonis Turſki, Præpoſiti Generalis Miechoviensis, Prædeceſſoris ſui, conſtruerè cœperant, nec tamen illam perfecerant, certis libertatib9 ac commodis eidem Prætorio assignatis, intentionem Prædeceſſorũ ſuorum, ad debitum finem & effectum perduxit, datò eiſdẽ Civibus, ſuper hoc certò ſcriptò, de Data & actu, in Conventu Miechoviensi, Die decima quinta Menſis Junii, Annò Domini, milleſimo ſexcentefimo decimo oçtavo.

Non

Non solum autem villas & oppida, suæ jurisdictionis restaurabat Mathias, verum etiam earundem villarum, & Oppidorum hominibus, colonis & incolis, frequenter subveniebat, ipsis tum varios favores præstando, tum apud Regem impetrando. Contraxerunt debita pro Annis præteritis, contributionis Regalis frumentariæ, in grano prætenfæ, *spy* vulgariter nominatæ, ad magnam administrationem usurpatæ; Mathias Noster, apud Clementissimum Regem, Sigismundum III. effecit, literasque & mandatum à Rege, ad magnum Administratorem obtinuit, de Data Varfaviæ, Die sexta Mensis Aprilis, Annò Domini millesimo sexcentesimo decimo octavo, quibus literis, omnes colonos Præposituræ Miechoviensis, pro Annis retroactis, liberos pronuntiavit. Enarratis tot & tantis fundamentalibus restorationibus Præposituræ Miechoviensis, ad imitationem posterorum, per nostrum Mathiam factis, cum in dies maximis beneficiis & gratiis, Ordinem suum cumulare non cessaverit, ad eas enarrandas & conscribendas properamus.

CAPUT UNDECIMUM

De fundatione, dotatione, Ecclesiarum sui Ordinis per Mathiam.

ITa hic Clarissimus Præses Mathias, utiliter ac exemplariter, præesse ordini suo voluit, ut omni ex parte prodesset; ita gubernavit illum, ut ipsius regimine pleræque Ordinis exhilaratæ Ecclesiæ, plurimum incrementi sumerent. Ac imprimis, principem locum teneat, Ecclesia Miechoviensis, post Hierosolymas amissas, totius ac universi Ordinis Caput, prima & unica Mater, per multa Privilegia Pontificum, Regūq; Poloniæ, & Decreta Sacrarum Congregationū, declarata, ad quam omnes Conventus & inferiores Ecclesiæ referuntur, cum totali subordinatione ad suam Matrem, quæ super aliis Ecclesiis sui Ordinis, plurimos jurisdictionis, & superioritatis actus exercet, quæ ex suis redditibus, de novo alias Ecclesias ædificatas, aut dotatas habet; à qua tot aliæ sui Ordinis, in aliis Regnis, prodierunt Insulatæ Ecclesiæ, Pragæ in Bohemia, Nissæ in Silesia; cujus jurisdictionem ac Superioritatem, antiquissimæ in Belgio, Ordinis Nostri plantatæ Ecclesiæ, temporibus Petri Korycinski, Præpositi Generalis Professi, & Archidiaconi Pultoviensis in Ecclesia Cathedrali Plocensi, agnoscebant & obedientiam profitebantur. In Regno Poloniæ, antiquitate celeberrima, fundata enim, Annò Domini, millesimo centesimo sexagesimo secundo, A JAXA Polono, Principe Serbiæ, & Gedeone Episcopo Cracoviensi, conlangvineis, de Domo Gryphorum; dotata, (advectò, eodem Annò, ex Ecclesia Patriarchali Hierosolymitana, per eundem Jaxam, Martinò Gallò Canonico Sancti Sepulchri, ortò ex Nobilissima in Regno Gal-

1162. c.
Ecclesia Miecho-
viensis fundata.

liae Familias; quæ camelum grisei coloris, procumbentem in campo viridi habet, Domina & hæres in temporalibus, (si commendata non esset) plusquam quadraginta Villarum & duarum Civitatum, quo ad suam Parochiam, in extensione ac popularitate amplissima, Filia Sanctissimæ illius Ecclesiæ, quam Christus Sacris calcavit pedibus, sacratissimo conspersit sanguine; Filia inquam Hierosolymitanæ Ecclesiæ, per plurima indulta Pontificum, promulgata, laudata & canonisata; soli Sanctæ Sedi Apostolicæ, & Patriarchæ Hierosolymitano subjecta, à jurisdictione Episcoporum, per privilegia specialia, unà cum suis membris exempta, ita, ac si esset nullius Diocesis. Et taliter in Bullis Innocentii XI, ad instantiam illius magni ad Reges Hispaniarum & Portugalliæ, à Republica Polona Legati, Petri Koryciński, Præpositi Generalis nostri Professi, in favorem Ordinis nostri obtentis, nominata; Cujus Ecclesiæ Præpositus, Vicarius Generalis Patriarchæ Hierosolymitani existit, postea verò, Patriarcha de Hierosolymitana Ecclesia, cum Capitulo Canonorum Sancti Sepulchri, odio fidei, per Saracenos expulso, titulum Vicepatriarchæ Hierosolymitani, ut Nakielski in Præfatione libri de sacra antiquitate scribit, & jurisdictionem Patriarchalem, prout Dlugosius, in libro Beneficiorum, Monasteriorum, Ecclesiæ & Diocesis Cracoviensis, fatetur, obtinet; Pontificalibus omnibus, & Cruce pectorali aurea, intorq; pariter aurea, è collo pendente, tam in ipsa Ecclesia Miechoviensi, quam aliis sue jurisdictioni subjectis, cum prærogativa Abbatibus longè eminentiori, utitur, stallum in Ecclesia Cathedrali Cracoviensi habet, simulque prærogativam Generalatus, supra totum Ordinem suum obtinet, attestantibus plurimis summorum Pontificum, Regum Poloniæ diplomatibus, ex quibus Serenissimus olim ac Potentissimus Joannes III. Rex Poloniarum, in Literis suis ad Innocentium XI. conscriptis, id ipsum asserit & fatetur, prout ex sequentibus accipe.

Sanctissime ac Beatissime Pater. Post oscula pedum sanctitatis vestræ, & mei Regnorumque meorum, humillimam commendationem. Ante unum in circa mensem, factis functo, Reverendò olim Archiepiscopò Leopoliensi, Præpositò Generali Miechoviensi, & Frater Venerabilis Koryciński, à Serenissimo Antecessore meo nominatus, à Pientissimo Sanctitatis Vestræ antecedente, Clemente X. confirmatus Coadjutor, cum futura successione, nulla à me jam, ad dictam Præposituram, egeat præsentatione & recommendatione, nihilominus tamen, cum liquidum sit, Præpositum Miechoviensem, Ordinis Canonorum Sanctissimi Sepulchri Hierosolymitani, fuisse semper dicti Ordinis Generalē, tot publicis id testatibus monumētis, nec neralatus officium, fuisse alio tempore quodammodo alteratum, nisi eo, cum Divi Antecessores mei, ad eandem Præposituram, seculares Prælatos, per commendam tenendam, præsentaverint, ita cum idem Conventus Miechoviensis, obtigit Venerabili & Religioso Koryciński, ut claris Dominis sue natalibus, morum probitate, vitæ integritate conspicuo, ita Ordinis

dinis Canonici, Sanctissimi Sepulchri, actualiter Professo, ideo humiliter, Sanctitati vestræ supplico, quatenus idem Religiosus Venerabilis Præpositus, Sanctitatis vestræ, suprema Authoritate, in Generalem dicti Ordinis confirmatus, à duobus pene & amplius sæculis possessam, Sanctitatis vestræ, beneficiò, retineat dignitatem. Cedet & hoc inter singularissima Sanctitatis vestræ, Paterni affectus, erga me Regnūque meum documenta. Longævam interea Sanctitati vestræ, eamque firmam valetudinem, prosperum Orbis Christiani regimen, votivos eidem successus, animitus à Deo Ter Optimo Maximo exopto. Datum Varsoviæ, vigesimā mensis Februarii, Annò millesimò sexcentesimo septuagesimò septimò. Ejusdem Sanctitatis vestræ, obedientissimus Filius. Joannes Rex Poloniae.

A tergo. Sanctissimo ac Beatissimo in Christo Patri, Domino Domino Innocentio, Divinā Providentiā Papæ XI, sacrosanctæ Romanæ ac universalis Ecclesiæ Pontifici, Domino Domino Clementissimo.

Canonici autem hujus Ecclesiæ & Ordinis, utūtur Rochetis, Mantiletis, aliisque insignioribus ornamentis, eodem prorsus modo, quo cæteræ insigniores collegiatae, ac Cathedrales Regni Poloniae Ecclesiæ, & hoc ex antiquissima consuetudine, ex Hierosolymitana Ecclesia, in nostras oras introducta, & postea speciali privilegio, Leonis X. confirmata, de Data Romæ, apud Sanctum Petrum, Annò Incarnationis Dominicæ, millesimò quingentesimò vigesimò tertio nonas Octobris, Pontificatus sui Annò octavo, editā Bullā, quæ incipit: *Cum à nobis petitur, quod justum est.* Tum Decretò Sacræ Rituum Congregationis, de Die duodecima Martii, Annò Domini, millesimò sexcentesimo sexagesimò primo, pro Canonici nostris lato. Cujus ad extremum Ecclesiæ Canonici, Crucem duplicatam rubeam, aliqui filò sericeò, aliqui autem, idque congruentius magisque veteri instituto se conformantes, filò aureò circumductam, juxta antiquissimam praxim & consuetudinem, in Ordine Nostro usitatam, in pectore deferunt, uti attestatur liber intitulatus: *Columna militantis Ecclesiæ, sub Cyriaco Hierosolymorum Episcopo, tum Venceslaus Hagecius.*

Hanc igitur Ecclesiam Miechovientem, tot titulis honorificam, celeberrimam, ac per totam Europam celebratissimam, reparare, ornare Mathias noster aggressus. Ac imprimis, culmen Ecclesiæ seu faciatam, à parte conventus, quæ penitus à compage parietum avulsa, jam jam mole sua ruitura erat, damnumque ingens secum ferebat, demoliri, & novam, ferro bene compactam, non parvo sumptu erigi demandavit, fenestramque circularem, ex lecto lapide, quo majori lumine Ecclesia illustraretur, in eodem culmine fieri procuravit. Quid plura? videns pariter Capellam sub turri positam, quam Michaël ejus Nominis secundus, Præpositus Generalis, post conflagrationem totius Ecclesiæ Miechoviensis; deformatam, ad honorem Sancti Sepulchri, consecrari fecit, eandem Capellam, magna ex parte debilitatam, propriis impensis refecit, ipsamque turrin, Ecclesiæ Miechovi-

ensi annexam, in sua magnitudine, celsitudine, sat sublimem, magnò sumptu, quadro eoque secto lapide, eam circumcirca ambiente, stabilivit, finemque huic operi imposuit. Cujus operis exstat testimonium, marmore insculptum, atque eidem Turri insertum, in hæc verba. *Deo Optimo Maximo. Turrim hanc, vetusti operis de Cælo tactam, & vitium patientem, nova quam vides ex secto lapide, à fundamentis excitata substructione Mathias Lubieński, Generalis Præpositus Miechoviensis, cinxit, fulcivit, firmavitque, Annò Christi, millesimò sexcentesimo vigesimo.*

Firmata & reparata ab extra Miechoviensi Ecclesia, ad internum ejus decorem, totum se convertit: Hinc statim recenti Calce linita, & debito prius nitori restitutâ Ecclesiâ, hypogæum in ea novum, juxta vetus sepulchrum Præpositorum Generalium, ante majus altare exstrui fecit, mediam partem minoris Chori, quo ad majus altare fit ascensus, gradibus marmoreis sublimavit, & totam illam superficiem, è Regione majoris altaris, tabulis marmoreis, reliquas autem partes Ecclesiæ, novò pavimento lapideò, stravit & convestivit. Non remisit adhuc quidquâ, de cõsveto suo studio, in Ecclesia exornâda, idè pius Præsul, sed curritorium in Ecclesia, à parte parietis Ecclesiæ, quo cõmodè ex conventu in Sacristiam, hinc verò in Ecclesiam transitur, suis impensis affabre construi jussit; Armarium seu conservatorium amplum, pro casulis, pluvialibus, & reliquo ornatu Ecclesiæ, commodè asservando, in sacristia parari mandavit; Majus altare vetustate deformatum, aurò novisque coloribus, reformari fecit; Altare quoque sanctæ Annæ, partim Fraternitatis impensis, partim suis, in Ecclesia prædicta deauravit, postes marmoreos, quibus itur ex Ecclesia in sacristiam, erexit; & stemma ejus, ad futuram posterorum imitationem & memoriam, in marmore insculptum. Capitulum Miechoviense supra fores apposuit.

Reliquos pios ejus conatus, infausta pestis, à principio æstatis, in Annò millesimo sexcentesimo vigesimo quarto, Miechoviam invadens, impedivit; Siquidem tam atrox pestilentia, hanc Civitatem, à medio fere Julii invasit, ut cum per vulgaria primum Capita, vagari cæpisset, protinus etiam Canonicos nostros corripuit, & omnibus etiâ novitiis extinctis, duos tantum Canonicos, sic disponente Deo, in obsequium curæ animarum reliquit. Quid de Sacra suppellectili scribâ? Pluviale pretiosum, ex auroserico perlico, Ecclesiæ Miechoviensi donavit, peristromata sericea, ad vestiendos parietes Templi, tempore solennitatum eidem Ecclesiæ benignè contulit; sex candelabra argentea, justæ magnitudinis, cum insigniis tam suis, quàm ordinis, aliamque non ignobilem suppellectilem, pro eadem Ecclesia comparavit, tum insuper aliquot millia florenorum polonicalium, ad resarciendas sacras sacristiæ vestes, de suo erga sponsam amore & pietate, testamentò

in feri-

inscripsit & ordinavit, ac tandem eandem Ecclesiam, spirituali thesauro, impetratis apud Sanctam Sedem Apostolicam, plurimis maximis indulgentiis, tam pro Festo Tituli, quàm Dedicationis Ecclesiæ, ac aliquot altaria, privilegiò liberationis animæ ornavit, ditavit, ac decoravit.

Sed eheu! hæc antiquissima, ac in sua structura ac magnitudine, nobilissima Ecclesia, unâ cum suo Conventu, & tota Civitate Michovienſi, Annò Domini, millesimo septingentesimo quadragésimo quinto, Die decima nona Aprilis, orto incendiò ex Civitate, insolentia cujusdam Oppidani, circa horam secundam post meridiem, cum altaribus aurò superbè onustis, cum campanis prægrandibus, cum Turribus magnificentissimis, etiam ære tectis, cum marmoribus, Epitaphiis, ac aliis structuris pretiosissimis, cum stallis & organis, aurò & picturis elegantissimè ornatis, igne absumpta est; omnisque decor ejus & ornatus, unâ horâ periit, concussum laqueare totum; vastum hiatus, per totum templum aperuit, culmen Ecclesiæ, seu faciata cecidit, & mole sua, reliquos muros concussit. Heu! lachrymas quis nostrum continere poterit? dum sic periisse videt, excultam studio multo, longo partam ludore, nobilissimam præstantissimamq; Ecclesiam, olim tam celebrem, tam gloriosam, tam magnificam, pretiosissimis idquè insignioribus Sanctorum Reliquiis, de manibus Sancti Caroli Borromei, Archiepiscopi Mediolanensis receptis, & ejus manu munitis, Authenticòque firmatis, atque etiam ab ipsa Hierosolymitana Ecclesia, cum notabili vivificæ Crucis fragmento, ac spina Coronæ Christi, tum lapide sepulchri Domini advectis, imò totis sanctorum corporibus, uti Sancti Constantii Martyris, Indulgentiis præterea præmaximis, quod non cuilibet Ecclesiæ, etiam prærogativa Cathedrali eminenti, concessum videmus, exornatam & ditatam. Heu! relictis tantum his, Divinâ Providentiâ, pretiosissimis clenodiis, incensa igne omnia & suffossa! Heu! quàm obscuratum est aurum, mutatus est color optimus, & qui in dedicata Sanctissimo Sepulchro Ecclesia, quasi lapides Sanctuarii, contineri solebant, qui Christo, per horas diei ac noctis constituti, cantando & orando, famulabantur, dispersi sunt quasi vagabundi, in capite omnium platearum. Heu! non invenitur qui consoletur eam, ex omnibus charis Fundatoribus & Benefactoribus ejus.

Illud hic notandum observo, quòd dum tempore incendii, tota præfata Ecclesia combureretur, omnes ejus picturæ elegantissimæ, & inscriptiones variæ per flammās delerentur, sola inscriptio, supra Sepulchrum Christi, in pariete depictum; integra permanſit, nempe: *Et erit Sepulchrum ejus gloriosum*; ex qua inscriptione Sancti Sepulchri, à flammis intacta & inviolata, spes nostras erigimus, & firmissimam fiduciam, in misericordia & Providentiâ Divina, totaliter repo-

nimus, quòd etiam post tantas ruinas, cineres & favillas, in læpedita Ecclesia Sanctissimum Sepulchrum Christi erit gloriosum, & quòd operâ, curâ & impensis, moderni Reverendissimi Domini, Jacobi Radliński, universi Ordinis nostri Præpositi Generalis Infulati, gloriosius surget, Sepulchri Christi Ecclesia, & tanquam Phænix, triumphalius è cineribus suis asurget. Annuat Deus, annuant Sancti Patroni Ordinis, piissimis ejus conatibus.

Cæterum non solum hæc Miechoviensis Ecclesia, verùm etiam pleræquæ Ordinis Ecclesiæ, Mathiæ nostri jurisdictioni subjectæ, benignitatis ejus paternæ, hoc ipso tempore, quo Miechoviensis Ecclesia & postmodum successivè, non vulgaria argumenta, re ipsa expertæ sunt. Et primò, Ecclesia Sanctæ Hedvigis Cracoviæ, cum suo Conventu, Ordinis nostri, Mathiæ beneficentiæ, quoadusque perennabit, memor grataque semper erit, quæ per tot sæcula, ambiguos terminos fundi sui habens, Authoritatis ejus interventu, ac præsentis patrocinio, pacificata est, in circumscriptione metarum sui fundi, tam à parte Civitatis Casimiriensis, quàm à parte Urbis Cracoviensis. Cui etiam in supplementum, vicinam Curiam, quam ex antiquo, longa annorum serie, Nobiles possidebant, aliquot centenis pro ea enumeratis, Conventui Sanctæ Hedvigis, donavit, resignavitquæ; Et insuper multa alia Beneficia, ex innata sibi in piissimas causas liberalitate, & ex intimo erga Sacrum Ordinem nostrum amore, eidem Ecclesiæ ac Conventui Sanctæ Hedvigis fecit & præstitit, nihil aliud præmiû à Præpositis illius loci exposcens, præterquam nominis sui gratam recordationem, & in quotidianis sacrificiis jugem memoriam.

Id quoquæ beneficii, hic noster Mathias, omni ævo recolendus, Ecclesiæ Hospitali Siradiensi, Ordinis nostri ejusquæ Præposito, qui ibi de medio Canonicorum nostrorum electus, residere consuevit, præstitit, cum pro fundo villæ Garbow, ad dictam Ecclesiam olim spectantis, sed ab immemorabili tempore, ab ea alienatæ, & cujus agri ita antiquitate temporum, erant confusi, ut non facile constaret, quo loci consisterent, & quibus metis, hinc inde clauderentur, cum id inquam, plene difficultatis ac perplexitatis esset in recuperando tali fundo, singulari cum primis prudentia, cura ac industria sua, id fecit, ut hæredes de Kalinowa, penes quos talis fundus exstiterat, Mathiæ nostri arbitrio, se submittere non dubitarent, & summam certam, trium millium, cum censu annuo reemptionali, centum octoginta florenorum, Præposito illius Ecclesiæ, quotannis, de Bonis Kalinowa solvendam constituerent, facta ejus causæ recognitione, coram actis Conventionalibus Regni Generalibus, Varsaviæ feriâ tertiâ post Dominicam septuagesimæ proxima, Annò Domini, millesimo sexcentesimo decimo nono, Quam transactionem, idem Ma-

thias

thias noster, à Serenissimo Rege Sigismundo III. approbari & confirmari curavit, prout eandem confirmationem obtinuit, de Data Varaviae, Die quinta mensis Martij, Annò Domini, millesimo sexcentesimo decimo nono.

Neque Ecclesia Parochialis Vrociriensis, Ordinis nostri, frustrata est beneficiis & liberalitate Mathiae, illi enim & Parocho ejus, Alberto Jandulio, Canonico Ordinis nostri, ejusque successoribus, ex innata sibi benignitate, unum cum Capitulo Miechoviensi, medium lanenum agri desertum, Spodowski dictum, in Villa suae Praepositurae Wrociryz, in tribus campis, inter agros Cmetonales consistentem, ad promovendum ibidem cultum Divinum inscripsit, ac perpetuè incorporavit, dato super hoc speciali Privilegiò, de Data Miechoviae, Die vigesima quinta mensis Decembris, Annò Domini, millesimo sexcentesimo decimo octavo.

Tandem Ecclesia Hospitalis Sanctae Barbarae, Ordinis nostri, in Civitate Miechoviensi consistens, à Canonicis nostris fundata, & dotata, à Mathia nostro non mediocri provisione aucta fuit. Et imprimis, cum jam nominatus Episcopus Posnaniensis esset, antequam valedixisset Canonicis nostris, videns veterem Ecclesiam, vetustate consumptam esse, & volens adhuc in sua Miechovia, jam migraturus ad Posnaniensem Cathedram, perpetuum devoti sui in Deum, ejusque Divos Coelites relinquere monumentum, non minus alacriter, quam devotè, veterem Ecclesiam Sanctae Barbarae, demoliri aggressus est, & novam muratam ad honorem Dei Ter Optimi Maximi, & Sanctae Barbarae Virginis & Martyris, ad hospitale praefati Oppidi, de coëcto latere erigere coepit, Anno Domini, millesimo sexcentesimo vigesimo septimo, quam in suo opere cum Dei adjutorio, ex toto completam, posteritati reliquit. Antequam autem praedictam Ecclesiam Sanctae Barbarae, erigere coepisset, ut assidua pro se, suaque incolumitate, à pauperibus ad Deum oratio fieret, de sua innata benignitate, Cmetonem unum, Nomine Andream Jadamek, in Villa Wola Podmieyska dicta, cum agris, pratis, aliisque pertinentiis, ab antiquo ad dictum Cmetonem spectantibus, in culturam agrorum Ecclesiae Hospitalis praedictae, liberaliter contulit, tradens super hoc literas Authenticas, Praeposito Eiusdem Ecclesiae, de Data Miechoviae, Decima mensis Novembris, Annò Domini, millesimo sexcentesimo vigesimo primo.

Dum verò Annò Domini, millesimo sexcentesimo vigesimo tertio, & immediatè sequenti, per Tartaros in Russia, Canonicis nostris aliquibus caesis, & aliquibus in servitutem barbaricam abductis, templa Ordinis nostri, per eosdem Tartaros ibidem expilata, polluta, aedes tam sacrae quam profanae exustae, possessiones Ecclesiarum Ordinis, iteratis Tartarorum incurSIONIBUS accisae, & ad summam inopi-

am redactæ fuerunt, ex quibus Urzejovicensis cum Tuliglovienſi, ac tandem Gniewczynenſis & Giedlarovienſis, Parochiales Eccleſiæ omni ſuo ornatu ac ſupelleſtili argentea, ſpoliata ac expilata, Rudolovicenſis autem pariter ſpoliata, & ſuppoſito igne de toto combuſta erat. Mathias illis Eccleſiis, damna per has calamitates illata, reſarciebat, & quantum potuit auxiliante Deo compensabat.

Præter tot beneficia, Eccleſiis noſtris præſtita, Mathias nullis in Eccleſia Dei fractus laboribus, eaſdem, ubi neceſſitas poſtulabat, ſive altaria in iſdem contenta, conſecrabat, quod ipſum feciſſe conſtat, in Sileſia Charzoviæ, ubi à Joanne Bratkowski, Ordinis noſtri Canonico, Præpoſito illius loci, noviter exſtructam, non mediocri ſumptu ab ipſis fundamentis, penes Eccleſiam Charzovienſem, ſatis elegantem Capellam, ſub titulo & patrocinio Sancti Joannis Baptiſtæ, unâ cum reliquis altaribus, Annô Domini, milleſimo ſexcentelimo vigefimo quinto, cum eſſet Epiſcopus Chelmenſis, tum in Eccleſia Ordinis Noſtri Cracoviæ, & alibi quatuor altaria conſecravit, Annô Domini, milleſimo ſexcentefimo vigefimo tertio. Antequam autem Epiſcopus factus eſſet, earundem Eccleſiarum Ordinis noſtri, quæ conſecrandæ erant, conſecrationem procurabat, uti Eccleſiæ Parochialis Chodovienſis antiquæ, quam, in Anno milleſimo ſexcentefimo decimo nono, ſolenniter conſecrari curavit, & in ipſo actu conſecrationis fuit, plurimis aliis Prælatiſ invitatiſ.

Non ſatis adhuc habens Mathias Noſter, quòd dum eſſet Præpoſitus Generalis, tot ac tantis beneficiis, ut ſupra commemoratum eſt Eccleſias Ordinis noſtri cumulaverit, verum factus Epiſcopus Poſnaniſis, amplioribus hunc Ordinem gratiis exornare non deſtitit, cum unâ cum Fratre ſuo, Stanislao Lubieński, Epiſcopo Płocenſi, Viro, perpetuò præconiò, ob ipſius in Eccleſiam & Patriam, tum verò præcipue in Ordinem Noſtrum benemerita, celebrando, unâ igitur cum hoc clariffimo ſuo Fratre, Eccleſiam in fundo Wągezovienſi, Regaliſ jurisdiſctionis, in Palatinatu Siyadienſi, ab ipſa Civitate Siyadia, duobus milliaribus diſtante, ubi antiquitus Eccleſia Sancti Clementis Pontificis & Martyris, ſæcularem habens Parochum, ex ligno conſtructa habebatur, & in qua corpora, piè defunctorum majorum ſuorum, ſepulta quieſcunt, ac in ipſa, ſacro baptiſmate, (nam Parochialis eſt,) pientiffimi Fratres, abluti erant, priori diruto, ligneorum & diuturna carie corruptorum, jamque pene labentium parietum, vetuſti templi ædificiò, novam deinceps Eccleſiam, lateritio opère, muratam & conſecratoriam, in eodem loco, ab ipſiſ fundamentis, magnifico ſumptu exſtruxit, exornavit, altaribus ac picturiſ elegantibus condecoravit, liberaliter dotavit, Divinamque laudem amplificavit, additiſ ad eandem aliis percommodis, ex ſolido quoque muro ſtructuriſ & reſidenturiſ. Eam autem non cuiſpiam alteri, præterquam noſtriſ Canoniciſ,

niciis, ex intimo erga Ordinem affectu, ferventissimo zelo, & magna erga Ordinem nostrum propensione, regendam & gubernandam addixit.

Antequam autem, prædictam Ecclesiam, plene & in suo opere perfecto erexisset, prius ejusdem fundationis confirmationem, & juris patronatûs Ordini nostro cessionem, à Serenissimo Sigismundo III. Poloniae & Sveciae Rege, & à Regni Ordinibus, jure perpetuo impetravit: de Data Varaviae, in Conventione Regni Generali, Die prima mensis Martii, Anno Domini, millesimo sexcentesimo vigesimo quinto, tenoris sequentis: *Exempla etiam majorum nostrorum, Serenissimorum Regum Poloniae, qui ex Monasterio Miechoviensi, evocatos Religiosos, maxime ad curam animarum gerendam idoneos, re ipsa experti in compluribus Regni locis, Ecclesiarum Regimen illis demandarunt, secuti; hanc eorum Ecclesiae, in Villa nostra Wagczow, à fundamentis erectionem, Praepositurae & Presbyterorum fundationem ac dotationem, auctoritate nostra Regia confirmandam, ratificandam & approbandam, Jusque Patronatûs nostrum Regium, quod nobis in antiqua Ecclesia competeat, Praeposito Generali Miechoviensi, & Ordini ipsius, jure perpetuo attribuendum, uniendum & incorporandum duximus, prout praesentibus literis nostris, de omni meliori modo, forma, & jure confirmamus, ratificamus, approbamus, attribuimus, unimus, incorporamus, totumque jus nostrum, quod Divis majoribus nostris, Regibus Poloniae, ac nobis ipsis in dicta Ecclesia & Parochia competeat, ac Serenissimis quoque successoribus nostris, competere poterat, in praesatum Praepositum Miechoviensem, & Ordinem ipsius plene, totaliter & omnimode transferimus, perpetuo & in ævum.*

Cumque dos antiqua prædictae Ecclesiae, valde tenuis esset, Decimam manipulearem, quae à Colonis Villae Wagczow, ad mensam Archiepiscopalem exigebatur, à quodam, qui advitali jure eam possidebat, suâ pecuniâ redemptam, à piæ memoriæ Illustrissimo Laurentio Gembicki, Archiepiscopo Gnesnensi, consensum suum probente universali Capitulo Almae Ecclesiae Metropolitanae Gnesnensis, impetravit. Ut verò majoribus, hæc ipsa nova fundatio, deinceps niteretur adminiculis, & esset unde Collegium Canonorum nostri Ordinis, continuas Deo laudes persolventium, honestè ac decenter viveret, totam & integram villam Prochna, Ecclesiae Wagczoviensi contiguam, in terra & districtu Siradiensi consistentem, à Magnifico Adamo Wezyk, Thesaurario Siradiensi, more & consuetudine terrestri emptam, eidem Ecclesiae Wagczoviensi, jure perpetuae & irrevocabilis donationis & resignationis, pro fundo & dote consignavit & coram officio & actis Castrensibus Capitaneatus Varaviensis Anno millesimo sexcentesimo trigesimo secundo, feriâ tertiâ ante Festum Sanctae Elisabeth proxima, de actu in Curia Regia Varaviensi, eidem Ecclesiae & Conventui Canonorum Sancti Sepulchri

pulchri dedit, donavit & inscripsit. Ac insuper summam annuū censūs, septingentorum florenorum Polonicalium, pro summa decem millium florenorum Polonicalium, in certis bonis terrestribus hæreditariis, ab omni onere mundis & liberis, collocatam & inscriptam; eidem, & Conventui Canonorum nostrorum, adscripsit & incorporavit, relicta in Turri ejusdem Ecclesiæ ab extra, ad perpetuam memoriam, in tabula marmorea, sed magis in cedro & auro notanda inscriptione: *Tibi Domine, Matri Tuæ Reginae Cæli, cæterisque hujus loci & suis Patronis, Stanislaus Luceoriensis, Regni Vicecancellarius, Mathias Chelmensis, Præpositus Generalis Miechoviensis, Episcopi, Albertus, Gnesnensis & Cracoviensis Canonicus, Martinus Societatis JESU Presbyter, Sventosław Lubieski Pomianó, & Barbarâ de Zapolice Pobogiâ geniti, beneficiorum à te, qui eos omnes altari tuo addixisti, & à piis Parentibus pie educationis acceptæ memores, hanc ædem, in qua olim ex sacro fonte renati sunt, antea ligneam, cocto latere, à fundamentis excitatam, ornatam, dotatam, collocatâ in ea Canonicis Regularibus Sancti Sepulchri, dicarunt, Annò Domini, millesimo sexcentesimo vigesimo sexto.*

Taliter fundatam & dotatam Ecclesiam, atque Canonicis Nostris attributam, ipsemet Mathias, jam tunc Episcopus Posnaniensis, in magna frequentia hospitem, & præcipuè Cleri, octavò Idus Octobris, Annò Domini, millesimo sexcentesimo vigesimo nono, consecravit, & Sanctorum: Clementis Martyris, & Augustini Episcopi & Ecclesiæ Doctoris, honori dedicavit, erectionemque ejusdem, in pargameno, unâ cum Fratre suo Stanislao, Episcopo protunc Plocensi, eadem die, & sub eadem Data, in Villa sua hæreditaria Lubna, conscripsit & subscripsit, quam postea ab Archiepiscopo protunc Gnesnensi, Joanne Weżyk, de Data & actu Lovicii, die mercurii vigesima sexta Mensis Aprilis, Annò Domini, millesimo sexcentesimo trigesimo tertio, inò & à sede Apostolica, in constitutionibus Ordinis, à se universo Ordini suo, conscriptis, Capite septimo, approbari curavit & obtinuit. Auxit consequenti tempore, idem Mathias noster, hanc ipsam Wągezoviensem Ecclesiam, haud exiguis proventibus ac largitionibus, utpote censibus reemptionalibus, hortis & hortulanis, piscinis ac Decimis, & præcipuè dum esset Archiepiscopus Gnesnensis, donatione Decimarum manipularium, omnis grani & seminis, ad mensam suam pertinentium, videlicet villarum, & quidem Godynice Regalis, post omnes & singulos, tam antiquos quam de novo extirpatos agros Cmethonales, ac molendina singula, ad eandem hæreditatem pertinentia, & in novâ radice locata. Item Brząszowice, post omnes tam Prædiales, quam Cmethonales, itidem de novo extirpatos agros; Brudzowek, sub Wągezoviensi Parochia, villæ militaris post omnes & singulos Cmethonales agros, quam donationem, cum consensu Capituli, Almo Ecclesiæ Metropolitane Gnesnensis fecit,

fecit, Instrumentumque super eadem decimas, cum luce manûs & Capituli subscriptione, tum cum singulis, dedit, de Data in Opatowek, die decima sexta Mensis Septembris, Annô Domini, millesimo sexcētesimo quinquagesimo. Proestit tanti ejus beneficii inferere documētū

Mathias à Lubna Lubienſki, Dei & Apostolicæ Sedis gratiâ, Archiepiscopus Gnesnensis, Legatus, Natus, Regni Poloniae Primas primusque Princeps. Significamus præsentibus literis nostris, quorum interest universis. Quia nos Admodum Reverendi Maximiliani Jarochowski, Custodum Sanctissimi Sepulchri Hierosolymitani, Præpositi Wagczoviensis, studium, Zelum & pietatem, in exornanda Ecclesia Parochiali Wagczoviensi, augendoque Cultu Divino, promovere cupientes, eidem in subsidium ejusmodi necessitatum, Decimas manipulares, omnis grani & seminis, ad mensam nostram pertinentes, villarum, & quidem Godynic Regalis, post omnes & singulos, tam antiquos quam de novo extirpatos agros Cmethonales, ac molendina singula, ad eandem hæreditatem pertinentia, & in nova radice locata: Brąszowice, post omnes tam prædiales, quam Cmethonales, itidem de novo extirpatos agros, Brudzowek sub Wagczoviensi Parochia, Villarum militarium, post omnes & singulos agros Cmethonales, uti quidem easdem, quæ nec mensæ nostræ, nec cuiquam alteri extraduntur, dandas & conferendas esse duximus, prout damus & conferimus, futuris & perpetuis temporibus, sub ratihabitione tamen, Illustrum & Admodum Reverendorum, Prælatorum & Canonorum, totiusque Venerabilis Capituli, Almæ Ecclesiæ Metropolitanæ Gnesnensis, Fratrum nostrorum charissimorum, cum ea conditione, ut postquam Decimarum, liberè & pacificè adierit possessionem, extunc Præpositus, sit adstrictus, sive per se, sive per Vicarium suum, pro Defunctis Antecessoribus nostris, unum, pro nobis verò alterum sacrum absolvere. In quorum fidem, præsentem manu nostra subscribimus, Sigilloque nostrò communiri jussimus. / Datum in Opatowek, die decima sexta Septembris, Annô millesimo sexcentesimo quinquagesimo. Mathias Lubienſki Archiepiscopus Gnesnensis mpp. Locus † Sigilli Archiepiscopalis. Stanislaus Sławieński, Cancellarius Gnesnensis, mpp. Locus † Sigilli Capituli.

Auxit præterea & supellectili sacra, tam in argento, auro, quam in ornamentis & libris, ad cultum Divinum pertinentibus, & præcipuè aliquot paria Candelabrorum Argenteorum, pro usu Sacri Altaris, Casulas rubri coloris, ex tela auro intertexta, aulæa ex Damascena rubra & viridi, persicas duas, partem librorum notabilem, imagines insigniores, unâ cum aliis rebus minutioribus, necessariis tamen, & quibus ista Ecclesia, indiga fuit, eidem Ecclesiæ donavit, dedit & incorporavit. Vivet proinde in nostrorum Canonorum cordibus, in Ecclesiarum à se fundatarum monumentis, in annalibus, in fastis, nequè ulla ætas vel adeò immemor, vel adeò ingrata erit, quæ optimi Præsidis nomen, virtutes, res gestas, non suspiciat, non admiretur, non extollat, aut illius præconia, iusta prædicatione, celebrare aliquando conticeſcat.

CAPUT DUODECIMUM

De Zelo Mathiæ Jurium sui Ordinis.

ET si tot & tantas ingentes curas, labores, sudoresq; in exornando, promovendo, ampliandoque Ordine Canonico Sancti Sepulchri, impenderet Mathias noster, tamen adhuc majoribus illum beneficiis amplificare, jura vindicare, tuerique non desisteat, ingentique Zelò ejus immunitates, prærogativas defendebat: Et sic cum Annò Domini, millesimo sexcentesimo vigesimo, Diebus Februarii, celebrata fuisset Cracoviæ, ad ædes omnium Sanctorum, Diocesana Synodus, per Reverendissimum Dominum, Martinum Szyzowski, Episcopum Cracoviensem, in qua etsi pro augmento Cultus Divini, & reformatione Cleri, plurima sancita fuissent, quia tamè immunitatibus Regularium, derogare, illorumque statum, quodammodo opprimere videbantur, Abbates & aliorum Ordinum Regulares, qui præsentem Synodo affuerant, protestationibus interpositis graviter hujusmodi constitutionibus reclamant; Noster Mathias Præpositus Generalis, cum præsens Synodo ob discessum suum Varsoviæ, non adfuisset, posteaquam ex itinere rediisset, de his omnibus, quæ in hac Synodo acta sunt commonefactus, & aliorum Regularium exemplo permotus, contra hanc Synodum, solenniter protestatus est, quam suam protestationem, per manus Samuelis Nakielski, Sacræ Theologiæ Doctoris, Præpositi Conventus Cracoviensis Sanctæ Hedvigis, Canonici sui, Reverendissimo Loci ordinario detulit. Quod autem fecit Mathias contra Synodum Cracoviensem, Authoritate Martini Szyzowski, Episcopi Cracoviensis congregatam, id ipsum fusiùs in Synodo Provinciali Petricoviæ, Die decima nona Aprilis, ejusdem Anni congregata, ubi ex toto Regno, omnes fere Episcopi convenerant, fecit, gravissimisque verbis, immunitatem & prærogativas Ordinis sui, apud Synodum tutatus est & promovit.

Cùm verò Canonica Miechoviensis in Nostra Polonia, post extinctas Hierosolymas, sit Ordinis Canonico Sancti Sepulchri Caput, ubi Præpositi Generales Ordinis, sedem ordinariam habent, & ejus jurisdictioni, parebant Ecclesiæ, quæ sunt & fuerunt in Hungaria, in Silesia, in Bohemia, & posterius in Belgio, temporibus Petri Korycinski, Præpositi Generalis in Polonia, idcirco Mathias noster, illò qui sibi ex variis Privilegiis competeat, in variis rescriptis à se editis, utebatur titulò, nempe, *Mathias Lubieński, Divina vocatione Præpositus Generalis, totius Ordinis Canonico Regularium Sancti Sepulchri.* Ut autem res titulo corresponderet, curavit ex animo, Ecclesias & Conventus, quæ sunt in Silesia & Bohemia, sibi conjungere, curavit Canonicam Infulatam Nissensem, cum suis membris, quæ olim

Juris-

Jurisdictioni Præpositorum Miechoviensium parebat, illorumque obedientiam quondam agnoscebat, in pristinum statum, communemque statutorum Ordinis observantiam, reducere. Quare obtentis ea in re, à Serenissimo Sigismundo III. Poloniarum & Sveciæ Rege, ad Episcopum Vratislaviensem, (qui tunc erat, Carolus Episcopus Brixien-
ensis & Vratislaviensis, Archidux Austriæ, Dux Burgundiæ, Styriæ, Carinthiæ, Carniolæ, Vitembergæ, Comes Tyrolis) uti affinem suum suffraganeum (ut ajunt) literis, suis quoque ad eundem conscriptis, Samuelem Nakielski, Canonicum Ordinis sui, virum ad tractanda quævis maximi momenti negotia idoneum, ad id negotium conficiendum designavit, & adjuncto ei in socium Alexandrò Zbikowski, Canonicò nostrò, pro eo tempore Custode Miechoviensi, Nissam in Silesiam misit. Literas prædictas Serenissimi Poloniarum Regis, cum & originem Canonicorù Sancti Sepulchri Nissensium, & Matricitatem nostræ Miechoviensis Canonice, & Zelum nostri Mathiæ in vindicandis Juribus sui Ordinis, tum Patrocinium ipsius Regis, ad tuendum Jus nostri Mathiæ contineant, hic inserendas putavi.

*Serenissime Princeps, cognate & affinis noster, uti Fili Charissime. Ab annis propè Quingentis, deducta est in Regnum nostrum, ex Hierosolymitana Patriarchali Ecclesia, eorum Religiosorum Colonia, qui Divi Augustini Institutum professi, ac duplicata Cruce rubea insigniti, Custodes Sepulchri Domini dicuntur, sacre hujus Familiæ, summa cum potestate, præses est Præpositus Miechoviensis, summorum Pontificum Auctoritate constitutus, sparsasque per Regnum nostrum ac vicinas Hungariæ, Bobemiæ, & Silesiæ Societates & Conventus, ad suum jus pertinere, & primævis vetustæ foundationis diplomatibus, ex quibus apparet, reliqua Cænobia, ex Miechoviensis Instituti fontibus derivata esse, & usu legitimo continuatæ jurisdictionis liquidò comprobant. Tale est Monasterium Nissen-
se, quod deductis Miechoviâ Fratribus, à trecentis circiter Annis, liberalitate magnæ pietatis, Thomæ tunc Episcopi Vratislaviensis, dotatum & fundatum, semper & ortus sui initia, ad Monasteriū Miechoviense referebat, & Præpositum Miechoviensem, tanquam eum, ad cujus jurisdictionem pertinebat, & ex instituto Ordinis, & præscripto Fundatoris sui, veneratur. Intermissum hoc jus abusu quodam, repetit nunc Reverendus in Christo Pater Mathias Lubieński, Episcopus Chet-
mensis, & Præpositus Miechoviensis, ejusdem Ordinis Institutum professus, idque & nostra fretus Auctoritate, & juris sui prærogativa, se consecuturum confidit. Neque dubitat Serenitatem Vestram, causâ hâc, cui nos & favorem & patrocinium debemus, cognita, justis illius desideriis assensuram, maxime cum ille, nec suum ullum commodum, in eo quærat, nec quidquam alienum appetat, illud tantum urget, ut illi fortasse vel errore, vel oblivione sui Ordinis, ab obsequio & Societate propagatorum suorum, recesserunt, iterum eò, unde exciderunt, restituantur. Pertine-*

bit hoc ad eximiam Serenitatis Vestrae pietatem, & singulare cultus Divini propagandi studium si Serenitas Vestra ea in re voluntatem suam, nostro desiderio accommodaverit, causamque Praepositi Miechoviensis, suo favore & patrocínio promoverit. Quod nos majorem in modum, à Serenitate Vestra postulamus. Varaviae Die prima Januarii, Anno Domini millesimo sexcentesimo vigesimo quarto.

Pariter Mathias noster, ad eundem Episcopum Vratislaviensem, in hoc negotio scripsit, literasque per suos Legatos transmisit, in quibus talibus verbis in vindicanda suae jurisdictioni Canonica Nissensi, suum Zelum exposuit: Nissenſe Canonicoꝝ Regularium, Divi Augustini, qui sub Nomine Custodum Sepulchri Domini, duplici rubea Cruce, à cæteris distinguuntur, Collegium, ab ipsa fundatae ejus Ecclesiae Origine, deductis eò, ex Monasterio Miechoviensi viris Religiosis, ita constitutum est, ut qui isthic agerent, imperium, potestatemque Praepositi Miechoviensis agnoscerent, & sub ejus essent obedientia, à qua cum injuriâ temporum, vel recessissent, vel abstracti fuissent, & ad jus, officiumque meum pertineant, eorum salutis rationem habere, nec sinere, ut membra, à Capite avulsa, stationem religiosam deserant. Supplico Serenitati Vestrae, ut in asserendo jure meo, & ad obedientiam meam revocandis Nissenſis Monasterii Religiosis, mihi opem & auxilium ferre dignetur. Explicabit Serenitati Vestrae, Religiosus Samuel Nakielski, Canonicus Ecclesiae meae Miechoviensis, & Stradomiensis ad Cracoviam Praepositus, juris mei rationes, ostendetque Nissenſes Religiosos, & ab initio è Miechoviensi Monasterio, eò deductos, votoque obedientiae, Praeposito Miechoviensi obstrictos fuisse, & deinceps eidem paruisse, & nunc cum nemo alter sit, qui huic Ordini, Generali cum potestate praesit, Miechoviensi Praeposito, ad quem hoc munus, simul ac Ordo iste, ex Hierosolymitana Ecclesia, in istas partes deductus est, delatum fuit, huic uni parere debere. Non dubito Serenitatem Vestram, pro sua pietate, tam justae & pie petitioni meae favorem & patrocínio suum accommodaturam, maxime cum Serenissimus Rex noster, idem adeo obnixè à Serenitate Vestra contendat, suumque vicissim patrocínio, ad tuendum jus Ecclesiae meae, ultro mihi deferat. Deus Optimus Maximus, Serenitatem Vestram, diu Ecclesiae & Augustae Domui Austriacae, atque adeo Orbi Christiano servet incolumem.

Præter hos & alios labores, in vindicandis juribus Ordinis sui, à Mathia susceptos, alios ultra & ultra labores & sumptus adhibuit, dum Alexandrum Zbikowski, Canonicum Sancti Sepulchri, virum probum ac eruditum, protunc Custodem Miechoviensem, Anno Domini, millesimo sexcentesimo vigesimo quinto, Romam cum statu Dioecesis Chelmensis, & pro expediendis Ordinis Sancti Sepulchri negotiis, misit, expensam & sumptum, aliaque necessaria, pro tam longo itinere & mansione in Urbe, subministravit, per quem statuta & constitutiones Ordinis, à se cum consensu Capituli, Canonicorum Sancti

Sancti Sepulchri, sancitas, ab Urbano VIII. approbari curavit; & per breve suæ sanctitatis, de Data Romæ, Decimâ quartâ Januarii, Annò Domini, millesimo sexcentesimo vigesimo sexto, eandem approbationem obtinuit. Ut autem tutius juribus sui Ordinis, & totius Congregationis suæ Polonæ, Mathias noster consuleret, Samueli Nakielki, sui Ordinis Canonico, viro, ingenio, eruditione & doctrina præstantissimo, jura, privilegia, immunitates, exemptiones, beneficia, tum à summis Romanis Pontificibus, tum ab ipsis Hierosolymitanis Patriarchis, tum ab aliis Archiepiscopis, Episcopis, Regibus, Principibus, Dynastis, Baronibus ac plerisque Regni Poloniæ, utriusque status nobilibus, Ordini nostro, & universæ Congregationi Miechoviensi, grätiosè collata, Ecclesiarum nostri Ordinis foundationes, incrementa, in unum colligere, conscribere, & in volumen grande redigere, commendavit, super quo, typo imprimendo, sub titulo: *Miechovia sive Promptuarium antiquitatum, Monasterii Miechoviensis*, ad communem Ecclesiarum sui Ordinis ulum & defensionem, sumptum non exiguum, liberaliter Authori suppeditavit, per quod suum Zelum, in tutandis & manutenendis immunitatibus sui Ordinis, monstravit & declaravit.

CAPUT DECIMUM TERTIUM.

De gestis Mathiæ, in Episcopatu Chelmenfi.

Venit jam tempus illud & hora, quò eximia Mathiæ nostri virtus, ad altius & sanctius candelabrum evehitur, quò emeritum ejus in Ecclesia Caput, Episcopali bus Infulis coronatur, & Senatoria in Regno dignitate præmiatur; venit jam ad Mathiam, ille honor, & Episcopalis dignitas, quæ pridem dum adhuc nullæ spes essent, ante annos octodecem, Mathiæ nostro, à Pstrokonio Episcopo Præmisliensi, viro non minùs docto, quàm pio, prædicta, & spiritu Divino prophetata, ut Capite quarto innui; cum enim Annò Domini, millesimo sexcentesimo vigesimo, post obitum Georgii Zamoycki, de armis Jelita, ultimi & immediati Chelmenfis Episcopi, Cathedra Chelmenfis vacaret, Rex Sigismundus III. Princeps, nunquam in mandandis magistratibus, & decernendis honoribus, à scopo Reipublicæ dignitatis aberrans, & Mathiæ nostri, multifariam eruditionem, & in rebus gerendis prudentiam & dexteritatem, optimè perspectā habens, sed præcipue ejus in Ordine Canonorum sancti sepulchri contemptum sæculi, honorum & dignitatum, cultus Divini augendi & propagandi zelum, insigne pietatis studium, è longinquo, tanquam per speculam cernens, eundem Mathiam, ad Episcopatum Chelmensem, tempore Comitiorum Varsoviæ, tertio No-

nas Novembris, Anni ejusdem, millesimi sexcentissimi vigesimi, indictorum, nominavit ac designavit. Non mea hæc sunt verba, neque motiva hæc, promotionis Mathiæ ad Episcopatum, absque fundamento relata, sed Stephani Damalewicz, in Serie Archiepiscoporum Gnesnensium, oculatissimi Mathiæ testis, qui sic inquit: *Et tunc jam Mathias, in Aula Regis, vitæ Religiosæ studio illectus, Divi Augustini Hipponensis Episcopi, fuisset amplexus institutum, in illo cænobio, Canonorum Hierosolymitanorum, Custodum sepulchri Domini, certavit ita, cum ea moderatione animi, & sæculi contemptu, ut eum, ad Chelmensem Episcopatum Rex evexerit.* Hoc ipsum & Rex ipse testatur, in Epistola ad Paulum V, Pontificem Maximum, inferius in hoc Capite adducenda, his verbis: *Postquam curam Monasterii Miechoviensis (Mathias) suscepisset, ubi Religiosam vitæ institutionem, ad pristinam observantiam revocavit, universumque eum Ordinem, totum mandati sibi muneris, & suæ jurisdictioni subiectum, lustratâ Provinciâ, ad normam legitimam, primævo Instituto conformem, redegit.* Hic ejus cultûs Divini augendi & propagandi zelus, hoc tam insigne pietatis studium, me induxerunt, ut eum Episcopum Chelmensem designarem. Diceret aliquis: Mathiam nostrum, ad Episcopalem & Senatoriam in Regno dignitatem, evectum esse ex eo, quod fuerit nobilissimæ in Regno Familix? quod Promotores suos apud Regem habuerit? quod Regi placere & adulari studuerit? quod opes ad obtinendum Episcopatum profuderit? sed non ideo, verum ut gravissima, supra allegata evincunt testimonia, quod Mathias Ordinem Sancti Sepulchri ingressus, sæculum & ipsos honores, Infulasque contempserit, cultui & honori Divino, in Ordine Canonorum Sancti Sepulchri, pietatique ac aliis virtutibus, totum se dedicaverit.

Facta nominatione nostri Mathiæ, ad Episcopatum Chelmensem ejusdem nominationis, ad Canonicos Chelmeneses, hujusmodi Litteræ à Rege amandantur. *Venerabiles devotè nobis dilecti. Quantæ curæ nobis sit, ne Ecclesia Chelmenensis, defuncto Reverendò Dominò Georgio Zamoycki, Pastore ejus, detrimentum patiatur, ex eo Devotiones vestræ perspicere possunt, quod simul atque mors ejus nobis nuntiata fuit, alium qui ei succederet, nominandum duxerimus, Reverendum Mathiam Lubieniski, Præpositum Miechoviensem, Secretarium nostrum, virum ætate maturum, experientiâ probatum, pietate ac eruditione præstantem, & iis virtutibus, quæ eis, qui curæ animarum, Senatoriæ in Republica functioni conjunctæ, admovendi, sunt necessariæ, cinnulatè ornatum.* Quod nostrum de eo judicium, tanti Devotiones vestras habituras existimamus, ut continuò nominationem, designationemque nostram, pronis voluntatibus eas accepturas, eundemque Reverendum Mathiam Lubieniski, sibi in Pastorem & Episcopum, dari à sanctissimo Domino, consentientibus animis postulaturas, non dubitamus. Quod ut faciant, studiaque sua voluntati

luntati nostrae accommodent, Devotiones Vestras hortamur, quibus gratiam nostram deferimus, ac bene easdem valere cupimus. Datum Varsoviae Die sexta Februarii, Anno Domini, millesimo sexcentesimo vigesimo primo.

Accepto tali nuntio, à Regia Majestate Canonici Chelmentenses, notam habentes virtutem, aliasque animi nobilissimas dotes, nostri Mathiae, summo repleti gaudio, Sacrae Regiae Majestati, pro tam grata Persona, submissas persolverunt gratias, in hisce subsequentibus ad Regem conscriptis literis.

Serenissime Rex Sigismunde, Domine Domine Clementissime. Quod optatis Nostris, favor Sacrae Regiae Majestatis, Domini Nostri Clementissimi, responderit, est quod & nobis gaudeamus, & Illustrissimo & Reverendissimo Domino, Episcopo Nominato Chelmensi, gratulemur. Talem namque Pastorem, ad Ecclesiae vacantis gubernationem, Sacra Regia Majestas Vestra, admoveere dignata est, qui & Ecclesiae Dei, nobilissimis suis Episcopatu dignis virtutibus, lucem multam afferret, & Regno pro amplitudine Ordinis Senatorii, fide, consilio, dexteritate, nulla in re unquam deesset. Immortales gratias, Sacrae Regiae Majestati Vestrae, quanta possumus submissione agimus, quod dispositione Divina, tantae expectationis Virum & tam maturum ad Episcopatum Chelmensem, designatum esse voluerit, quem etiam & nos, Auctoritatem Sacrae Regiae Majestatis Vestrae secuti, concordibus sententiis, Episcopali Sede dignissimum judicavimus, & Sanctissimo Domino Nostro, Cathedrae haecenus vacanti, Auctoritate Apostolica praefici, supplices postulavimus. Quod superest, Sacram Regiam Majestatem Vestram, Dominum Nostrum Clementissimum, toto Orbe, omni genere laudum florentem, Regni hostibus invictum, diutissime vivere & valere cupimus. Datum Crasnostaviae, Die sexta mensis Martii, Anno Domini, millesimo sexcentesimo vigesimo primo.

Eadem sua desideria, tum gaudium universae Diocesis Chelmentensis, ex designatione Mathiae Nostri, ad Episcopatum praedictum, Canonici Chelmentenses, Gregorio XV. Pontifici Maximo, noviter protunc electo, in literis à se ad eundem Pontificem conscriptis, exposuerunt, & eundem Cathedrae suae praefici, supplicarunt, tenoris sequentis.

Beatissime Pater. Post oscula Beatorum pedum Sanctitatis Vestrae in publico totius Diocesis Nostrae gaudio, fateri non possumus, quin apud Te Pontifex Optime, Dei Maximi Vicarium, Principemque generis humani, testemur habitum hoc animi quoque nostri gaudium, profiteamur laetitiam, quod Serenissimus Rex Sigismundus, Dominus noster Clementissimus, aetatis maturitate vigentem, pietate ac eruditione praestantem, ceteris etiam sive Pontificis, sive Senatoris dotibus, nobilissime ornatum, Reverendissimum Dominum, Mathiam Lubieński, Praepositum Generalem Miechoviensem, Sacrae Regiae Majestatis Secretarium, Episcopatus Chelmentensis fastigium, dignum arbitratus, Collegio nostro Capitulari commendavit.

Judicium Sacrae Regiae Majestatis, Ecclesiae & Regno plurimum profuturum, cum cerneremus, libenter id secuti, designationem tanti in Polonia Viri, ratam habuimus, eumque unanimi consensu, Pastorem & Episcopum nostrum delegimus, atque à Sanctitate Vestra, vacanti hactenus Chelmensi Cathedrae, praefici postulare non dubitavimus: quod quemadmodum, consentientibus animis, cum facimus, ut supplicationi nostrae, pro suae Sanctitatis benignitate & gratia, annuere non dedignetur, submisseramus. Deum immortalem precabimur, ut Sanctitatis Vestrae felicia haec initia, prosperrimi in Ecclesia Dei, consequantur eventus, Sanctitatem Vestram diu, & feliciter totius Orbis Christiani & commodis & ornamentis, vivere & valere cupimus. Crasnostavice. Die octava mensis Martii, Anno Domini, millesimo sexcentesimo vigesimo primo.

Tandem ipse Rex Sigismundus III. hanc promotionem Mathiae, ad Episcopatum Chelmensem, Paulo V Pontifici Maximo, in sequentibus literis suis, summo opere commendat, in quibus & virtutes ejus enumerat, & insuper eundem, absque ulla labe vixisse fatetur, quarum Literarum fragmentum, ad perpetuam tanti Viri memoriam & commendationem, hic inferendum putavi: *Vita functo Reverendo Georgio Zamoycki, Episcopo Chelmensi, cum animadverterem Episcopatum illum, quod inter ceteros Russiae Episcopatus, minores redditus habet, eo ampliori egere subsidio, Reverendum Mathiam Lubiencki, Praepositum Miechoviensem, Ordinis Divi Augustini, Custodem Sepulchri Domini Generalem, & ejusdem Ordinis institutum, ante aliquot annos professum, Secretarium nostrum, ad eundem Episcopatum, promovendum suscepi, Virum hoc honore imprimis dignum, ob eruditionem, pietatem, & Sacerdotalis functionis, quam à viginti prope Annis, absque ulla labe sustinet, peritum. Crevit in Aula mea, gravissimis & difficillimis quibusque, functus magistratibus, in Ecclesiasticis vero functionibus, probavit operam & industriam suae summæ prudentiae Antistitibus, maxime posteaquam curam Monasterii Miechoviensis suscepisset, ubi religiosam vitae institutionem, ad pristinam observantiam revocavit, universumque eum Ordinem totum, demandati sibi muneris, & suae jurisdictioni subiectum, illustratâ Provinciâ, ad normam legitimam primævo instituto conformem, redegit. Hic ejus cultus Divini augendi & propagandi zelus, hoc tam insigne pietatis studium, præter obsequia, quæ mihi summa cum laude, præstitit, me induxerunt, ut eum Episcopum Chelmensem designarem, ac Sanctitati Vestrae commendarem, ab eaque magnopere peterem, ut reservata Praepositura Miechoviensi, in qua restauranda, multum operæ, non minus & sumptuum, ille hactenus impendit, & cujus proventus, militari licentia, satis accisi sunt, Episcopum Chelmensem Autoritate Apostolicâ, eum esse jubeat nominationemque & designationem ratam habeat &c.*

Cum autem brevi, sub initium Anni millesimi sexcentissimi vigesimi

simi primi, idem Pontifex Paulus V. ex humanis sublatuſ eſſet, & in locum ejus Die Nona Februarii, ejusdem Anni, Gregorius ejus Nominis XV. votis Cardinalium electuſ fuiſſet, ad eundem noviter electum Pontificem, idem Rex, Noſtrum Mathiam, pro obtinendo Episcopatu Chelmenſi, per literas recommendare & ejus virtutes deprædicare, non intermiſit, quarum Literarum fragmentum, quod magis ad rem noſtram faciat, hic pono: *Episcopum Chelmenſem, Reverendum Mathiam Lubieński, ita à Sanctitate Veſtra confirmatum, ut cum Episcopatu cujus tenues admodum rationes ſunt, Præpoſituram Miechoviensẽ, Canonicoꝝ Divi Auguſtini, Cuſtodum Sepulchri Domini Hieroſolymitani, quam hactenus, eandem Regulam Profeſſuſ, obtinuit, deinceps quoque Sanctitate Veſtra, ſacris legibꝯ illum ſolvente, obtineret, & ut in expediendis æſtimandisque Apoſtolicis diplomatibus, ratio ipſius haberetur. Merentur id præclaræ virtutes, ejusdem designati Episcopı, conſtans Ipſius de Eccleſia Dei, benemerendi ſtudium, & eximie animi & ingenii dotes, quibꝯ jam dudum, ut eum ſingulari beneficentia proſequerer effectum eſt &c.*

Hoc ipſum & ad Cardinalem Monte Altum, idem Rex Sigismundus ſcripſit, & Mathiam Noſtrum, in eodem negotio, tum virtutes ejus, cum ſummo elogio deprædicavit, in ſubſequenti Literarum fragmento, *Vacat nunc ea ſedes Reverendi olim Georgii Zamoyſki obitu, cui noſ promotione noſtra, Reverendum Mathiam Lubieński, Præpoſitum Miechoviensẽ, Ordiniſ Canonicoꝝ Divi Auguſtini, Cuſtodum Sepulchri Domini Generalem Profeſſum, ſubrogandum Sanctiſſimo Domino Noſtro proponimus. Commendamus diligenter Illuſtrati Veſtræ, hunc à nobis designatum Episcopum, Virum gravem, ætate maturum, diuturno rerum uſu, ad omnes Eccleſiaſticas functiones, ſumma cum laude ſuſtinentes formatum, de Eccleſia Catholica ac de nobis præclare meritum &c. Neque prætermittendas cenſui Literas, ejusdem Sereniſſimi Regis, ad Cardinalem Ludoviſium, in negotio promotionis Mathiæ, ad eundem Episcopatum, Reverendum Mathiam Lubieński, Præpoſitum Miechoviensẽ, Secretarium noſtrum, quem nominatione noſtra, Episcopum Chelmenſem designavimus, & Sanctiſſimo Domino Noſtro, renuntiando commendavimus, Illuſtrati Veſtræ magnopere commendamus. Eæ ſunt illius virtutes, id de Eccleſia Dei benemerendi ſtudium, ut dignus ſit omni favore. Tenues ſunt rationes, iſtius Episcopatus, acciſæ nimis facultates, inter Schiſmaticos illi agendum, & cum illis quotidie decertandum eſt. Quare petimus à Sanctiſſimo Domino Noſtro, ut Præpoſituram Miechoviensẽ, Canonicoꝝ Divi Auguſtini, Cuſtodum Sepulchri Domini, quã eandem Regulam profeſſuſ poſſidet, cum Episcopatu Chelmenſi, illi reſervet, & in ſua Sanctitate legibus Canoniciſ illum ſolvente, utrumquẽ hoc Sacerdotiam, licite retinere poſſit, Authoritate Apoſtolica jubeat &c.*

Hæc dum ita aguntur, Mathias Noſter functionis Episcopaliſ ma-

gnitudinem, & suas vires, diligenter expendendo, diu anxius & sollicitus de hac sua vocatione, ad Episcopatum fuit, nesciens rem magisne amplectendam, an omni conatu fugiendam. Multa occurrebant ei, quæ animum ejus, determinatum ad non acceptandum Episcopatum reddebant, nam veniebat in mentem ejus, gravissima functionis Episcopalis difficultas, ipsis etiam Angelicis humeris formidanda, dicebat sibi, & quæ ab Avunculo suo, Mathia Pstrokonio, in monitis domesticis audiebat, repetebat: Sanctissimos quoque Viros, tantopere delatum Episcopalem honorem, aspernatos fuisse, ut in speculuncis latere, vitæ quodvis periculum adire, patriâ extorres esse, & voluntarium pati exilium maluerint, quàm tanto oneri subicere cervicem. Exempla quoque ibi sibi data, ad memoriam reducebat: Sancti Nilamnonis, cujus Nomen fastis Ecclesiasticis ad diem octavam Idus Januarii adscriptum legimus, qui cum è solitudine, in qua Sanctissimè vixerat, per vim traheretur, Episcopus Geris in Ægypto renuntiandus, tanto pavore consternatus esse dicitur, ut inter trahentium magis, quàm deducentium manus, fufis ad Deum precibus, impetrato fine vitæ, mori potius, (quod & obtinuit,) maluerit, quàm discrimen salutis, ex suscepto Episcopatu adire. Pariter Chrysostomi, Ambrosii, Gregorii, & aliorum Sanctissimorum Virorum exempla; qui pari humilitate, delato honori Episcopali, se subducebant, sibi in memoriam revocabat. Memor insuper erat propositi & verbi, suæ Religionis dati, quòd ita officium Præposituræ Generalis sui Ordinis, obire constituerit, ut Instituti sui votis obstrictus, huic uni curæ vacare, in animo habuerit, ut literæ Regis testantur, sub Capite quinto relatæ.

In his aliisque existerat angustiis, donec precibus Diocesis Chelmenensis, desiderijs amicorum, persuasionibus ipsius Regis, ad extremum mandatis Papæ, (pro quibus impetrandis Rex, tum ad ipsum Pontificem Paulum V. tum ad Cardinalem Ludovisium, literas in hoc Capite superius insertas dedit, ut Mathiam Nostrium Episcopum Chelmensem esse, Authoritate Apostolica juberet,) convictus, nominationi & postulationi Regis, sed præcipuè vocationi Divinæ & mandatis Papæ, uti filius obedientissimus, paruit, & oblatum Episcopatum suscepit. Sed quia nimis angustæ fuerunt, Episcopatus Chelmenensis facultates, & præcipuè tunc, propter continuas Tartarorum incursiones; & ut facilius utriusque Sacerdotii curam sustinere posset, Præposituram Generalem Miechovientem reservavit sibi, eandemque reservationem à Sede Apostolica postulavit.

Interim Nostro Mathiæ, Nominato Episcopo Chelmenfi, ad capiendam ejus Sedis possessionem, Romæ procuratur Breve, paucis deinde interjectis diebus, diploma consecrationis, (Sacram vulgus appellat) à Sanctissimo Domino, Gregorio XV. per Achatium Grochowski, Secretarium Regium, (qui petita auxilia, contra Turcam, à Rege ad Roma-

Romanum Pontificem missus fuerat,) affertur, & consecrationis Dies, Dominica Vigesima secunda post Pentecosten, quæ fuit ultima octobris, Annò millesimo sexcentesimo vigesimo primo, assignatur. Adveniente itaque consecrationis die, consecratus fuit in Episcopum Chelmensem, à Martino Szyszkowski, Cracoviensi, cum Joanne Wężyk, Premisliensi & Thoma Oborski Laodicensi, Suffraganeo Cracoviensi, Episcopis, id potissimum muneris, in primaria Ecclesia Cathedrali Cracoviensi, perficientibus, assistentibus pro more ministris, quam plurimis, inter quos Samuel Nakielski, Ordinis Nostri Canonicus, à latere Mathiæ, propter insinuandos actus Cereémoniales, non discedebat. Solenni actu consecrationis, in Episcopum Chelmensem absoluto, Sanctissimo imprimis Pontifici, Gregorio XV. novus Præsul Mathias, pro sua promotione, per literas gratias egit, quas Literas, cum ex illis magna devotio, & demissio illius, erga Sanctam Sedem Apostolicam appareat, hic inferendas putavi:

Beatissime Pater. In mea ad Episcopatum Chelmensem promotione, agnosco & Dei me vocantis voluntatem, & Sanctitatis Vestræ de me iudicium, à Paterno profectum affectu, agnosco inquam, & tacita mentis cogitatione, mecum expendo, quid Deo imprimis, Bonorum omnium Authori, quid Sanctitati Vestræ, Summo Ecclesiæ militantis Præsidi, quid muneri, cui adjunctus sum debeam. Scio me imparem esse, tanto ferendo oneri, subjicio tamen humeros, huic functioni, non quòd præsumam me, meis Viribus, aliquid mea statione dignum effecturum, sed quòd confidam, in vinea Domini, aliquid pro gloria Dei conanti, ejus auxilium mihi non defuturum. Experietur Sanctitas Vestra, me si minus idoneum & utilem, ad Pastoralem functionem obeundam cooperatorem, promptum tamen ad parendum mandati, Sanctitatis Vestræ, cui secundum Deum, omne meum obsequium, ac me ipsum devoveo & consecro, humillimè Sanctitatis Vestræ pedes osculatus.

Hoc ipsum & ad Cardinalem Monte-Altum, per Literas subsequentes, Mathias significare voluit.

Illustrissime & Reverendissime Domine. Eximia Illustrissimæ Celsitudinis Vestræ, quam in mea ad Episcopatum Chelmensem promotione, testari voluit, benignitas, me ultro invitat, ut liberius Illustrissimam Celsitudinem Vestram compellem, cui imprimis humillimas ago gratias, quòd immeritum, tanta complecti me gratiâ, dignata sit. Admovit manum, & me humo sublatum, sublimis dignitatis functione ornatum, Illustrissima Celsitudo esse voluit. Deinde illud recipio, me si non consecuturum, conaturum certè, ut in munere hoc Pastoralis obeundo, expectationi Sanctissimi Domini Nostri, & Illustrissimæ Celsitudinis Vestræ, respondeam, & quacunque ratione aliquando potero, grati animi testificatione, Illustrissimam Celsitudinem Vestram demerear, eò certè voluntatem, viresque meas omnes conferam, in eam semper incumbam curam. Inte-

rim Pontificalis unctionis beneficium consecutus, juramentum quale ex præscripto literarum Apostolicarum debetur, continuò solenniter præstiti, quod manu mea subscriptum mitto Illustrissimæ Celsitudini Vestræ, cui præterea humillima mea obsequia defero &c.

Tandem Cardinali Ludovisio, memor beneficiorum ipsius, Mathias Noster, grati sui animi, in suis Literis reliquit testimonium.

Illustrissime & Reverendissime Domine, Quæ acceptis ingentibus beneficiis, à quibus ea profecta sunt Patronis debetur gratia, ejus ego promotione, Illustrissimæ Celsitudini Vestræ, à Sanctissimo Domino Nostro, renunciatus Episcopus Chelmensis, debitorem me esse profiteor. Facile quidem animadverto, me (licet omni conatu eò incumberem,) efficere non posse, ut vel minima ex parte, & meo testandi grati animi desiderio, & Illustrissimæ Celsitudinis Vestræ expectationi, respondeam, admittar tamen, ne unquam Illustrissimam Celsitudinem Vestram, eo erga me animo fuisse, pœniteat. Deumque precabor, ut Illustrissimam Celsitudinem Vestram, omnibus optatæ felicitatis incrementis, & ornamentis florentem, diu servet incolumem. Cui humillima mea obsequia defero &c.

Postquam verò consecratus in Episcopum fuisset Mathias, & præinfertas Literas, tum ad Pontificem Maximum, tum ad Cardinales dedisset, eademque expedivisset, statim ad diem duodecimam Novembris, Anni protunc currentis, millesimi sexcentissimi vigesimi primi, Miechoviâ ad Diocesim Chelmensem, Sedem dignitatis suæ proficiscitur, ingressum primum ad Ecclesiam, quæ Crasnostaviâ, tum fortè aut Chelmæ nulla exstabat, nisi apud Eremitas, Regulam Sancti Augustini profitentes, peragit, & possessionem realem, suæ jurisdictionis accepit, deducens illum, Charissimis suis Fratribus, Stanislaò protunc Abbate Tynecensi, Alberto Canonico Cracoviensi, & Martino Starczewski, Nepote eorum ex Sorore; adhibitis præterea in comitatum, duobus Nostri Canonis, nempe Stanislaò Coccinio Scaisoviensi Præposito, nuper Custode Miechoviensi, & Paulo Rybczyński ejusdem Reverendissimi Mathiæ Episcopi, Capellano. Venit jam Præsul noster Chelmam, ad ovile suum Pastor, ad Filios Pater, ad Sponsam Sponsus, ad Cathedram Episcopus, quam cum ingenti applausu, & congratulatione Optimatum terræ illius, totius Diocesis & Capituli Chelmensis, feliciter apprehendit, fuitque in Cathedra Chelmensi, hujus nominis secundus, in Ordine verò Episcoporum Chelmensium, vigesimus quartus. Hinc lætitia populi, aggratulationes Cleri, ubique personabant. Horum unus Laurentius Starnygiel, Decanus Zamoyscensis, Mathiam Nostrum tali salutavit oratione.

Gratulor primum virtuti, quæ identidem conquerebatur, sibi locum non esse, hæc in persona Illustrissimæ ac Reverendissimæ Dominationis Vestræ, valde honorata est, judicio Optimi ac prudentissimi Principis. Multos summa Nobilitas, nonnullos opes, alios alia, ad summos honores pro-

provehunt, sola virtus paucos extulit, inter quos jure optimo Illustrissima & Reverendissima Dominatio Vestra, censeri debet. Gratulor Patriae tot malis vexatae, tot calamitatibus afflictae, cujus commodis, Illustrissima & Reverendissima Dominatio Vestra, pro sua virtute, pietate, ac prudentia ita consulat, ut intermissa disciplina, projecta aequitas, oppressa veritas, afflicta Ecclesiae dignitas, adversus insolentium licentiam ac violentiam, tuta sit & secura. Gratulor Diœcesi Chelmenfi, quod in hoc valde necessario tempore, in his communibus miseriis & ærumnis in hac tanta rerum vastitate, in his depravatis moribus, Illustrissimam & Reverendissimam Dominationem Vestram, certum ac paratum habeat, calamitatum refugium, rerum agendarum regulam, morum ac vitae Directorem ac moderatorem. Gratulor & bonis omnibus, qui habent omnium actionum suarum testem, meritorum aestimatorem, virtutum laudatorem, innocentiae Patronum. Gratulor denique & Ecclesiae meae, quae quasi profana, sine consecratione hucusque permanet. Clerus sine Legibus, ac certa vitae Regula vivit, unusquisque voluntatem & arbitrium pro jure habens. Quod igitur à Deo Optimo Maximo, Jupples imploravi, ut nobis tandem, aliquod Sydus propitium affulgeat, quod istas tenebras confusionis perpetuae discutiat, lumenque optatum, desiderati Ordinis ac Regiminis boni exhibeat. Gloriosus sit Deus, quod Illustrissimam & Reverendissimam Dominationem Vestram, huic Provinciae praefecerit, animarumque nostrarum Praefecturam, adhibuerit, ut deinceps, nihil jam aliud sperandum nobis sit, ab Illustrissimae & Reverendissimae Dominationis Vestrae pietate, virtute ac eruditione, quibus luculenter Divina clementia, Illustrissimam & Reverendissimam Dominationem Vestram, cumulavit, nisi quod bonum, futurum sit & Nobis & Ecclesiae Dei. Haec vota identidem repeto, & oro Caeste Numen, ut det ac conferat, Illustrissimae Dominationi Vestrae omnia, quae ad hoc grave munus obeundum requiruntur, tribuatque aetatem quam meretur, conservetque animum, quem dedit.

Responsum Mathiae Episcopi, ad gratulationem, à Prælati Ecclesiae & Diœcesis Chelmenfis.

Posteaquam Divina Providentia, ita disponente, primò à Regia Majestate, Domino meo Clementissimo, designatus, postea à Sanctissimo Domino Nostro, confirmatus, ad hunc Episcopatum fui, multa sanè occurrebant, quae animum meum anxium & sollicitum, de hac mea vocatione reddebant; nam imprimis veniebat in mentem, gravissimae functionis Episcopalis difficultas, ipsis etiam Angelicis humeris formidanda, quam olim Viri illi Sanctissimi, & in omni Christianarum virtutum genere, exercitissimi, non tam ultro oblatam detrectabant, sed etiam ne inviti, eam assumere cogerentur, in speluncas & latebras, se abdebant. Occurrebat praeterea in oculos, non tam ex propria notitia, quàm ex fama & aliorum relatione, Diœcesis hujus, jam pridem multis haeresibus & Schi-

smatibus, deformatæ, & in varias partes discussæ, minùs gratus & jucundus aspectus, augebat insuper, hanc meam sollicitudinem, Ecclesiæ Cathedralis, tum ipsius structuræ, (injuriandè temporum, an Prædecessorum meorum negligentia, non judico,) deformitas & ruina, tum & Cleri multò minor, quàm in aliis hujus Regni Cathedralibus Ecclesiis, reperitur: numerus, ac proinde cooperariorum defectus. Hæc inquam erant, quæ mihi non parum sollicitudinis, in hac mea vocatione afferebant, sed tamen posteaquam, & jam antea, ex aliorum relatione intellexi, & nunc in hoc meo primo ad hanc Ecclesiam accessu, oculis ipsis intueor, Collegium hoc R.R. Dominationum Vestrarum, licet non adeo numerosum, vitæ tamen integritate, morum gravitate, prudentia & eruditione, cum aliis in hoc Regno amplissimis Collegiis, non immerito conferri posse. Resumpsi animum ad hanc Palstram, ad quam vocatus sum, alacriter ingredendam, & in ea, unà vobiscum, gratiâ Divinâ suffragante, fortiter & strenuè deceptandum. Neque enim dubito, quin R.R. Dominationes Vestræ, pro sua singulari providentia, me & in munere Episcopali recte obeundo, haud segniter sint adjuturæ, & in omnibus hujus Diæcesis, quæ ab unitate Ecclesiæ discesserunt, ad consensum Orthodoxæ fidei reducendis, singularem operam suam navaturæ, & denique ad templi hujus ruinas rescindendas, & ad Collegia Cleri cum occasione augenda, consilium suum præstituræ. Quemadmodum igitur R.R. Dominationes Vestræ, multis laudibus & encomiis, præter omne meritum meum, in me conjiciis, ex hoc meo primo in hanc Ecclesiam ingressu, magnam lætitiâ se cæpisse, luculenta oratione sunt testatæ, ita ego vicissim, posteaquam nunc nobilissimum cætum Vestrum contempxi, vehementer gavissus sum, eos mihi in hac Vineâ Domini, cooperatores obtigisse, quos maturo suo judicio, in omnibus hujus Ecclesiæ negotiis, præsto mihi semper adfuturos, operamque & studium suum, mihi utiliter navaturos, recto persuadeam. Quæ quidem in re; quo alacriores R.R. Dominationes Vestras, expertus fuero, eo etiam diligentius enitar, ut & huic tam amplæ, de me conceptæ expectationi Vestræ, respondere, & hoc munus laborum & periculorum plenum, pro virium mearum imbecillitate, ita obire possim, quatenus communicato vobiscum, in hac vinea Domini excolenda labore, diurnum illum denarium, in extremo Dei judicio, pro apportato fructu, omnes recipere mereamur. Quod ut nobis Divina cooperante gratia, contingat, Deo præpotenti, humillimè supplico, ejusque Paternæ directioni & protectioni, me & hanc universam Diæcesim meam, diligentissimè commendo, R.R. verò Dominationibus Vestris, non tantum paternam benevolentiam, sed etiam fraternum amorem meum, prolixè polliceor.

Finitis Ceremoniis, & munere Episcopali, Mathias in se assumpto, statim ad illud ritè gerendum, animum suum adjecit, & omnes diurnas nocturnasque horas, (ut testem se ejus studii dicit, Stanislaus Lubieński, in monitis domesticis) huic sollicitudini impendendas duxit.

Hinc

Hinc sine mora, Annò millesimo sexcentesimo vigesimo secundo, assumpto secum Samuele Nakielski, Sacræ Theologiæ Doctore, Canonico Nostri Ordinis, Virò gravi, docto, nulla turpis vitii vel avaritiæ suspiciòne notato, universam cœpit visitare, ac circumire Diocesim, quæ cum rara & sparsa admodum Templà habeat, ob idquæ accessus ad eam, è remotioribus locis difficilis, nullus tamen remotus locus, nullus adeò abstrusus angulus quem ille non adierit, quem non inspexerit, salutaribusquæ monitis, sanctis institutis, paternis deniquæ exhortationibus, tam Clerum, quam populum, non correxerit, & insuper Decreta peculiaria, juxta rei & personarum exigentiam, per totam Diocesim confecit, & exequenda Ecclesiarum Rectoribus reliquit; spargendo ubiquæ uberrimam sementem virtutum ac meritum. Quosdam ex Clero, in vita integerrima confirmavit, quosdam qui suæ vocationis obliti paulò licentius vivebant, condignâ animadversione ad tremendi ministerii propositum reduxit, hoc nempe unum agens, ut hi qui in sortem Domini, vocati sunt, & quibus Cælestium ministeriorum dispensatio, commissa est, providerent bona, non tantum coram Deo, sed etiam coram hominibus, ne per eos nomen Domini blasphemaretur, pro cujus gloria, lingua opere, & ipso sanguine decertare deberent.

In hac visitatione, in qua duos integros menses, Octobrem cum Novembre consumpsit, miserum erat videre Mathiæ, tot oppida, tot Villas, feritate Tartarorum, superiori Annò, ferro igneque depopulata, ubi nec Divorum Templis, barbaricus furor pepercit, sed Sacra suppellectili, eadem spoliavit, altaria evertit, plerasque Ecclesias, inter quas non postremam, cum oppido Potelicen Ecclesiam, in cineres redegit, ingentem prædam ex hominibus, in diram servitutem, ab illis fuisse abactam, multos ex populo conqueri audivit. Hinc in illa regione, cœperunt pullulare scelera, dum mariti, in locum amissarum uxorum, & uxores similiter, captis maritis, alios superinducere, & ad nova connubia convolare, nullâ certâ notitiâ, de morte captivorum habitâ, non vererentur. Quorum temeritati comprimendâ, necesse erat, Authoritatem Mathiæ Episcopi interponi, tales siquidem, qui proterva stoliditate Populum, copulati reperiabantur, excommunicationi subiiciendos, & à cætu fidelium sequestrandos, Mathias Noster censuit. Pariter & contra Judæos, præcipuò zelò investigabat Mathias, an jurisdictionem aliquam, in Christianos sibi vendicarent? an familiam Christianam, præsertim nutrices alerent? an inde scandala orirentur? an opprobrium aliquod, homini Christiano inferretur? an novas Synagogas ædificarent? in qua inquisitione, cum patuisset perfidos Judæos, aliqua ex his fecisse, miris modis eosdem puniebat, inhibebat, fautores eorum, suis Decretis excommunicationi subiciebat, & à Communione Christi fidelium arcebat. Tanta consci-

entiae teneritudine, & exacta Legum Ecclesiasticarum Observantia, Procere tractus illius, & totum Equestrem Ordinem, in sui amorem & observantiam traxit. Unde Thomas Zamoyſki, tunc Palatinus Kijoviensis, demum Supremus Regni Cancellarius, magnarum Possessionum, in illo tractu Hæres, tanti Mathiæ æstimavit integritatem, ut omni genere Officii, firmum stabilemque amicitiae nexum, cum eodem retinendum, servandumque censuerit, eundemque, actis publicis, & supremæ voluntatis tabulis, unico suo Filio Joanni, qui Palatinus Sandomiriensis obiit, tutorem inscripserit.

Cursu tandem Anni, millesimi sexcentissimi vigesimi secundi, ad finem vergente, Mathias Noster, etiam ordinariam visitationem Ecclesiarum, suæ Diocesis Chelmenſis, quæ in decem Decanatus antiquitus divisa, Ecclesias in se, circa septuaginta complectitur, Divina gratia cooperante finivit, in qua visitatione, in unaquaque Ecclesia, Sacramentum confirmationis, Christi fidelibus contulit, novas Ecclesias, altaria, campanas, sacra vasa, ubi necesse fuit, consecravit; imagines, apparamenta, in plerisque benedixit, & id, quod Episcopalis functionis, & Pastoralis sollicitudinis erat, diligenter administravit. Peracta visitatione, constituit in Dei nomine, Synodum Diocesanam, in Ecclesia Cathedrali Crasnostaviensi celebrandam, quantocyus indicere, sed quoniam id, propter præsentem tunc Regni statum perficere non potuit, in aliud tempus commodius, rem illius Diocesis valde salutarem, differre necesse habuit. Hæc & alia in illo Episcopatu, Mathiæ laudabilia gesta, Frater ejus germanus, Stanislaus Lubieſki, Płocensis Episcopus, in monitis, de rectè gerendo Episcopatu, commemorat, dum eum sic alloquitur. *Simul ac munus Episcopale suscepisti, ad illud rite gerendum, animum te adjecisse video, ut omnes nocturnas, diurnasque horas, ei sollicitudini, ducas impendendas. Testis ego sum studii tui, quod ne aliquos quidem latet, biennio isto, ex quo Episcopus factus es, universam lustrasti Diocesim, nullus remotus locus, nullus adeò abstrusus angulus, quem non inspexeris, salutaribusque monitis & institutis, non correxeris.* Hoc à fraterno calamo elogium, tanquam ex Jovis tabulis, vigilantiam Pastoralem, circa gregem illum, ejus curæ commissum, luculenter deprædicat.

Interim autem, totus se incremento honoris Divini, consecravit Mathias, videns enim lachrymabundus, Ecclesiam Cathedralem suæ Diocesis, sponsam suam, Crasnostaviam translata, nec procul Chelmâ distantem, tot variis bellis & incendiis, ex integro desolatam suis rudèribus ac cineribus sepultam, & omni decore & ornamento spoliata, & aliàs ab initio rudi opera constructam, idcirco ad eam fundandam, erigendam, ornandam, dotandam, totus se convertit. Ac imprimis eandem Ecclesiam, ab imo evectis ex lecto lapide, parietum & columnarum fundamentis, substruxit, fornicem imposuit, facel-

facella ad latera, & in frontispicio turrim adjecit, tectoque novo testamento contextit, ac intus & extra exornavit, ab angustis vindicavit, ex integro contextam, auctam, decoram & speciosam, Angeli potius virtute & celeritate, quam hominis activitate, reliquit, atque in Augustam magnitudinem, reliquis, splendore & capacitate, in Regno Cathedralis similem, ita erexit, sublimavit, ut novam pene fundasse, & erexisse censeretur. Ejus æviternæ gloriæ, in eadem Ecclesia, in Marmore inculptum, relictum est monumentum *Cernis Viator hanc Basilicam? olim jam incendiis deformata, & ab initio rudi opera structa, corruisset: nisi Mathias Lubienſki, Episcopus Chelmenſis, pene à fundamentis, parietibus columnisque structis, ac imposita fornice, sacellis ad latera, & in frontispicio turræ adjectis, latericiò tectò eam texisset, idque ad Majorem Dei Gloriam, & honorem omnium Sanctorum. Annò millesimo sexcentesimo vigesimo octavo.*

Taliter fundatam, & erectam à se Ecclesiam Cathedralis, ut etiam Mathias noster dotaret, Fratribusque suis, Prælati videlicet & Canonicis Chelmensibus, suam benevolentiam ac beneficentiam, actu & effectu relinqueret, consensum Regium, super incorporatione Venerabili Capitulo Chelmensi, Ecclesiæ Parochialis Grabovecensis obtinuit, ejus omnes & universos proventus, Capitulo Chelmensi incorporavit, & eosdem pro distributionibus quotidianis, inter residentes Canonicos ordinavit. Eandem suam benevolentiam, & Vicariis ejusdem Cathedralis Ecclesiæ monstravit, dum ipsis foundationem ampliavit, proventus auxit, redditus cumulavit.

Hæc dum perageret, Ecclesiamque Crasnostaviensem fundaret & dotaret, memor præterea & templi Dei, quod juxta Paulum dicentem sumus nos, idcirco ad renovationem illius internam & spiritualem, processit, dum Annò millesimo sexcentesimo vigesimo quarto, Die decima octava Mensis Junii, intra jam imminentes, & omnia ferro igneque, ac rabida rapidaque manu, devastantes Tartaros, qui tertio jam ausu, catervatim ex Valachia in Pokucie, & exinde in Russiam, infra ferias Sacratissimi Corporis Christi, prorumpentes, metuque hostili complentes omnia, ingens in ea Provincia damnum dederunt, facta excursionem, usque ad Sędziszów Oppidum, & innumrabilibus pagis & Oppidis, longè latèque vastatis, ac igne combustis, plusquam decem millia hominum, cum ingenti præda secum in Valachiam abduxerunt. Quot putas Matronæ, quot Virgines Christianæ & ingenuæ, nobilioraque Corpora, his belluis ludibrio facta, ubique luctus, ubique gemitus, lamenta & Clamor; abducta juvenus, cum qua pecus atque labor omnis interiit rusticorum, constupratæ in conspectu virorum matronæ, infantes jugulati, cæsæ anus, ante ora Patrum violatæ Virgines, cætera hominum turba, ab effera gente, vestitu nudata, ac durioribus corrigiis à tergo revincta, fla-

gris adhibitis, ante barbaros propellebatur. Hac igitur tempestate, cum non daretur aliud tempus, ob sæpius factam incurfionem Tartarorum, Mathias noster, intrepidè, convocato universo suæ Diœcesis Clero Crasnostaviam, Synodum inchoavit, in qua saluberrima quæque, & maximè scitu observatuque necessaria, statuit, salutaria documenta pronuntiavit, Decreta promulgavit, mores tum Cleri tum populi correxit, pulcherrimam Ordinis in administrandis Sacramentis, Divinisque obeundis officiis, Synthesim asseruit, confusiones instituta majorum perturbantes, proscripsit, actumque, Deo protegente feliciter absolvit, & quo majori diligentia & sedulitate, à Clero exerceri possint, scripto connotata, Typis Zamoyfcianis evulgari procuravit, impressamque Synodum, per Decanatus, indeque per singulas Parochias, transmisit. In his autem sacris ordinationibus, & in gubernanda sua Diœcesi, plurimum Samuelis Nakielski, Ordinis nostri Canonici, Viri aliàs gtavissimi, utebatur operâ, Hic enim per totum planè Episcopatus tempus, apud Mathiam manebat, cum Mathia conversabatur, cum Mathia Diœcesim universam peragrabat, in visitatione Diœcesis, Mathiæ Comes, viarum socius, & in arduis consultor.

Licet tamen universam, ita solidè, piè & exactè, Mathias noster gubernaret Diœcesim, nihil tamen eorum, quæ ad Præpositum Generalem sui Ordinis spectabant, intermisit, circa Ecclesiam Miechoviensem sui Ordinis, quantum tempus permittebat, residebat; pro solennioribus Festis, tum Ordinis sui, tum ipsius Ecclesiæ Miechoviensis, comparebat, nec facile absentabatur ab ea, nisi causâ legitimâ evocaretur.

Cum verò Annus Domini, millesimus sexcentessimus vigesimus septimus, venisset, & quinquenniò Ecclesiæ & Diœcesi Chelmenfi, universo autem Ordini, Canonorum Sancti Sepulchri, novem Annis, summa cum laude & utilitate præfuisset, plurimaque bona, tam Ordini suo, quàm Diœcesi Chelmenfi, ex innata sibi pietate fecisset, ad ampliorem Episcopatum Polnanientem, à Rege promotus fuit, successoremque ad locum suum, ad Episcopatum Chelmensem, Remigium Koniecpolski, de armis Pobog, jam antea Abbatia Andrejoviensi cumulatam, Atavis editum Heroibûs, Fratremque germanum, tot clarissimorum Virorum, Stanislai Castellani Cracoviensis, Supremi in Regno armorum Ducis, continua felicitate, & victoriis celebratissimi, Chrystophori, Belzensis, Joannis, Siradiensis, Palatinorum, voluntate Regia accepit, simulque tam Ordini suo, resignando Præposituram Generalem, quàm Diœcesi Chelmenfi valedixit. De quo Michaël Piechowski, in cornucopiis Insulæ Chelmenfis, post enumerationem meritorum ejus, in Diœcesi Chelmenfi, pro Coronide adnotavit sequentia: *Intra quinquennium, illudque turbulentissimam, tantum*
bonum

bonum Ecclesiis, Clero, populoque universo Mathias præstitit, quantum aliis intra, quinquaginta Annos, non, aut vix, in altissima licet pace, præstaret. Utinam tales frequentius, huic Diœcesi & Cathedræ, provideantur.

CAPUT DECIMUM QUARTUM

De Ereptione Suffraganeatus Chelmenfis, per Mathiam.

Cum in Diœcesi Chelmenfi, plurimi reperirentur tales, qui ab unione Sanctæ Romanæ Ecclesiæ, quæ est vinculum veritatis & charitatis, avulsi, Græcorum & Schismaticorum mores & ritus sequerentur, qui à fide & obsequio Sacrosanctæ Romanæ Ecclesiæ, abstracti, in ipsis ignorantia tenebris, versarentur, Mathias noster, tanta sollicitudine Pastoralis, in regenda illa Diœcesi Chelmenfi eluxit, tam ardentissimo Zelò, animarum Christi sanguine redemptarum, flagavit, ut continuo cogitaret, quibus mediis, qua arte, reducerentur ad rectam salutis viam. Invocatò itaque de Cælo auxiliò, duobus remediis, quæ multum valent, ad animas ab errore revocandas, & in debito officio retinendas, huic perniciæ occurrere statuit, vitæ videlicet probitate, & verbi Divini prædicatione; Viros itaque in scientia Dei exercitatissimos, conducere & adhibere cogitat, qui unâ secum, veram doctrinam, contumaci populo, in lenitate Spiritus, annuntiarent, & quanto in discrimine æterni interitus versarentur, explicarēt. Obtulit se occasio quòd Georgius Zamoycki, Episcopus Chelmenfis, & Mathiæ nostri in hac Cathedra, immediatus Antecessor, aliquot millia florenorum Polonicalium, omnemque vestem pretiosiore Sacram, Religioso Abrahamo Sladkowski, Ordinis Prædicatorum, Sacræ Theologiæ Licentiato, suo ex Sorore Nepoti, eximio Verbi Divini Prædicatori, moriens, ita testamento legaverat, si ille Suffraganeus Episcopi Chelmenfis, à Sancta Sede Apostolica renunciaretur. Accedit, quòd idem Abrahamus Sladkowski, non levibus ad eam rem, suffultus præsidis, nam præter avunculi sui legatum, etiam ex bonis Maternis hæreditariis, dotationem Suffraganeatus Chelmenfis, se procuraturum receperat, quare Mathias, suæ Diœcesi Chelmenfi, salubriter providere, Ecclesiam suam hac dignitatis accessione augere, ornare, & per hoc parem, aliis amplissimis in Regno Cathedris, Diœceses latè patentes habentibus, efficere, atque per hoc animarum saluti, accuratissime inservire cupiens, primis statim sui Episcopatus initiis, Annò videlicet, millesimo sexcentesimo vigesimo primo, in Episcopali functione Suffraganeum, in Diœcesi sacrorum munerum, cooperatorem assiduum, laborisque indefessi & meritorum, participem & locum, sibi eundem Abrahamum Sladkowski, Verbi Divini Præconem conspicuum,

à Sancta Sede Apostolica, creari & institui deposcit, & seriam ea de re, cogitationem suscipit. Quod ut facilius obtinere posset, intercessionem Sacrae Regiae Majestatis, Sigismundi III. ad Gregorium XV. Pontificem maximum, expostulat, quod in sequentibus literis obtinuit.

Beatissime Pater. Quod ab initio fundatæ in Regnis istis Religionis, amplæ satis & spaciøse Diteceses, Episcopis obtigissent, permisit Sedes Apostolica, ut iidem, Episcopos sibi titulares, in laboris sui societatem, adsciscere possint, ita ut fere omnes, tales jam Suffraganeos habeant, præter aliquot Russiæ Episcopos, qui ob tenuiores rationes, eo genere subsidii, sibi hætenus prospicere non potuerunt; sed percommode accidit, Ecclesiæ Chelmensi, quæ nuper pie vitæ functus Episcopus ejus Ecclesiæ Georgius Zamoycki, aliquot millia florenorum, Religioso Abrahamo Sladkowski, Divi Dominici Instituti, Sacrae Theologiæ Licentiatò, suo ex Sorore Nepoti, ita testamento legavit, si ille Suffraganeus, Episcopi Chelmensis à Sede Apostolica renuntiaretur. Amplectitur hanc occasionem, Reverendus Dominus, Mathias Lubieński, jam ut speramus à Sanctitate Vestra confirmatus Episcopus Chelmensis, tum quod hac dignitatis accessione, augeri Ecclesiam suam, magnoperè desiderat, tum quod præstantibus virtutibus, ejusdem Religiosi Viri, ex animo faveat; Est enim eruditus is imprimis, pietate conspicuus, in faciendis cum fructu, sacris ad populum Concionibus felix, & ad munus hoc sustinendum, maximè idoneus. Jam ipsa necessitas, idem postulat, ut ejusmodi laboris participem & socium, sibi Chelmensis Episcopus adsciscat, amplam enim, & per longam locorum Tartaricis latrociniiis obnoxiorum intercapedinem, diffusam habet Ditecesim, & cum angustæ satis ipsius facultates sint, ac ob eam causam, Sanctitas Vestra, Præposituram Miechoviensem, illi reservaverit, facilius utriusque Sacerdotii, curam sustinebit, in Episcopatu Chelmensi, talem habebit Vicarium, qui eo interdum absente, omnia Pastoralis officii munia, obibit. Quare peto à Sanctitate Vestra, ut hac in re, locum det petitioni Episcopi Chelmensis, Ecclesiamque illam, quæ magna Cleri infrequentia laborat, hac exornet novæ dignitatis accessione, ac præfatum Venerabilem ac Religiosum, Abrahamum Sladkowski, Authoritate Apostolica, Chelmensis Ecclesiæ Suffraganeum Episcopum, esse jubeat; ita ut deinceps ejus operâ, Episcopus Chelmensis uti possit, etsi hanc dignitatem vacare contigerit, alterius Sanctitas Vestra & Sancta Sedes Apostolica, præsentandi plenam habeat potestatem. Non dubito Sanctitatem Vestram, Clementer id, quod à nobis petitur, concessuram. Cui ego me Regnaque mea, diligenter commendo. &c.

Ejusdem Serenissimi Regis, in eadem materia Literas, ad Ludovicum Ludovicum, Sacrae Romanæ Ecclesiæ Cardinalem, summi Pontificis ex Fratre Nepotem procuravit Mathias.

Illustrissime ac Reverendissime in Christo Pater, Amice Noster Charissime & honorande. Ex literis quas ad Sanctissimum Dominum nostrum, in causa Ecclesiæ & Episcopi Chelmensis, damus, intelliget Illustritas

Illustritas Vestra, quid Reverendus Dominus, Mathias Lubienſki, Episcopus Chelmenſis, Noſtra fretus interceſſione, à Sanctiſſimo petat: nimirum, ut more aliarum Eccleſiarum Regni noſtri, quæ latepatentes Diœceſes habent, illi quoque Sanctiſſimo annuente, & Venerabilem Abrahamum Sladkowski, ex Familia Divi Dominici, actu Præſbyterum, & Sacræ Theologiæ Licentiatum, Episcopum Suffraganeum Chelmenſem renuntiantem, liceat talem Sacri muneris cooperatorem, ſibi adſciſcere. Conceſſuram id Sanctitatem ſuam, minimè ambigimus, accedente præſertim, *Illuſtritatis Vestræ* ſtudio & operâ, quam ut in aliis, ſic & in hac cauſa, nobis non defuturam certò pollicemur. Venerabilis Achatius Grochowski, noſter ad Sanctiſſimum Dominum Noſtrum, Nuntius, explicabit hoc negotium luculentiùs, *Illuſtritati Vestræ*, cauſasque exponet, cur & nos, & Episcopus Chelmenſis, deſiderat ea dignitate, ornari Eccleſiam ſuam. Quod reliquum eſt, *Illuſtritati Vestræ*, felicitatem omnem, & diuturnam valetudinem, à Deo exoptamus. &c.

Quod per Sereniſſimum Regem, à Sanctiſſimo & à Cardinali ſupraſcripto, Mathias Noſter poſtulabat, hoc demum & ipſe, per ſuas ſubſequentes Literas, ab eodem Cardinali obnixè precabatur.

Illuſtriſſime & Reverendiſſime Domine Domine & Patrone Colendiſſime. Cum Sacra Regia Majeſtas, Dominus meus Clementiſſimus, me Sanctiſſimo Domino Noſtro, licet tanto muneri minus idoneum, Episcopum Chelmenſem renuntiantum proponeret, ipſe mecum expendens, difficultates ejus functionis, maxime quòd ob Anguſtas illius Episcopatus rationes, non ſemper ibidem, degere mihi liceat, ne qua tamen in re, cura Paſtoralis negligatur, mihi imprimis proſpiciendum ſit. Dum mecum alias omnes rationes, rectè gerendi Episcopatus expendo, percommode accidit, quod is, qui ante me, eum Episcopatum geſſit, Reverendiſſimus Dominus, Georgius Zamoyſki, ſuo ex Sorore Nepoti, Reverendo ac Religioſo Patri, Abrahamo Sladkowski, actu Præſbytero, Ordinis Divi Dominici, Sacræ Theologiæ Licentiato, aliquot millia florenorum, teſtamento legaverit, ea conditione, ſi is Suffraganeus Episcopi Chelmenſis, Sanctiſſimi Domini Noſtri Authoritate Apoſtolica, Conſtitueretur. Amplexus ſum hanc occaſionem, ornandæ illius Eccleſiæ, mihi què in Episcopali functione, in tam vaſta, & ob frequentes Tartarorum Excuſiones, plena periculorum Provincia, adſciſcendi cooperatoris. Commendat hoc negotium, literis ſuis, Sacra Regia Majeſtas, & Sanctiſſimo Domino Noſtro, & *Illuſtriſſimæ Celſitudini Vestræ*, cui ego quoque ſupplico, ut Authoritate ſua, id efficere ac obtinere velit. Ornabit ea dignitate, ſua Sanctitas, eam Eccleſiam, ad quam regendam, ego me accingo. Præterea Virum hunc Religioſum, eruditum, & præſtantibus virtutibus excellentem, functioni Eccleſiaſticæ admovebit, nec patietur, præclaras illius animi & ingenii dotes, intra Monasterii Clauſtra deliteſcere, maxime cum ea ſubſidia, & ex legata ab avunculo pecunia, & ex liberalitate ma-

*tris suæ, ad fundandum hunc Suffraganeatum, secum adferat, quæ com-
modè, Suffraganeis Chelmensibus sustentandis, sufficere poterunt. Quid
quid curæ & sollicitudinis, novellæ huic plantationi, Illustrissima Celsi-
tudo Vestra, impenderit, id totum ornandæ Ecclesiæ Dei, promovendo
cultui Divino, se impensuram, certò sibi persvadeat. Humillima obsequia,
Illustrissimæ Celsitudini Vestræ defero, meque illius patrocínio & gra-
tiæ, diligentissimè commendo. Datum in Conventu meo Miechoviensi,
ultimâ Maji, Annò Domini, millesimo sexcentesimo vigesimo primo.*

Per has suas supplices literas, & per interpositam Sacræ Regiæ
Majestatis Authoritatem, effecit tantum Mathias, ut Sanctissimus, e-
idem Rei rescriberet, petitioni annueret, Ecclesiam Cathedralém
Chelmensém, nova & hæctenus nunquam usitata dignitate, ornaret,
& Abrahamum Sladkowski, Ecclesiæ Cathedralis Chelmensis Suffra-
neum Episcopum, constitueret. Sed præstat suæ Sanctitatis Episto-
lam, Serenissimo Sigismundo III. directam, ad futuram posterorum
memoriam, hic inferere.

Gregorius Papa XV. *Charissime in Christo Fili Noster, salutem. Satis
uberem virtutis suæ fructum, cæpit dilectus Filius Abrahamus Sladko-
wski, cui Majestas Tua, tam præclarum dat, literarum & pietatis testi-
monium. Nos ergo qui eorum promeritis, semper favebimus, quos Tuo
patrocínio, dignos nominas, eum ab Episcopo Chelmensi, Suffraganeum
adscisci, & Episcopalibus muneribus, in ea Ecclesia, fungi volumus, cum
id ejus Diæcesis rationibus, conducere Majestas Tua testificetur, & il-
lum non vereamur, quin eas laudes, quibus in Dominicanorum cænobiis
floruit, in hunc quoque Sacræ dignitatis gradum, translaturus sit. Da-
tum Romæ apud Sanctam Mariam, octavâ Augusti, millesimo sexcentesi-
mo vigesimo primo Annò.*

*A tergo verò Literarum. Charissimo in Christo Filio Nostro, Sigis-
mundo, Poloniae & Sveciæ Regi Illustri.*

Alias Literas, ex parte istius Suffraganei, à Ludovisio Cardinali,
ad Mathiam Nostrum, Episcopum Chelmensém missas, hic quoque
à nobis accipe.

*Perillustris & Reverendissime Domine. Antequam Reverendissimæ
Dominationis Vestræ Literas, acciperemus, benevolentiam ei meam de-
tuleram, quam me semper debere iis intelligo, qui pietatis studiò, & lite-
rarum laudibus præstantes, de Catholica Religione benemerentur. Tam
honorificum Reverendissimæ Dominationis Vestræ, virtutis ac merito-
rum testimonium, dederat Serenissimus Poloniae Rex, ut Sanctissimus
Dominus Noster, egregiè Chelmensi Episcopatu, consultum esse arbitra-
tus sit, cum eum Vestræ fidei credidit, quem nullis Tartarorum excursi-
onibus, aut Hæreticorum minis, de sententia tuendæ Ecclesiasticæ di-
gnitatis, depelli posse existimat. Tam præclaræ expectationi, non dubi-
to quin responsura cumulatè sit, Reverendissima Dominatio Vestra, cujus
Literis*

Literis mirificè delectatus sum, cum in iis, & Pastoralis sollicitudinis specimen sit, & singularem, quandam, erga me benevolentiam præferant. Proinde Vestræ petitioni, cui Regalis quoque commendatio Suffragatur, libenter annuit Sanctitas sua, ac Reverendum Patrem, Abrahamum Sladkowski, Vestri Episcopatus Suffraganeum, constituit. Quod verò ad me attinet, meam sibi voluntatem, arctissime devinxerit Reverendissima Dominatio Vestra, iis officiis, quibus pietatè sua rogente, Ecclesiæ istius dignitati, atque animarum saluti, accuratissime inservierit. Romæ, vigesima octava Augusti, millesimo sexcentesimo vigesimo primo. Reverendissimæ Dominationis Tuæ studiosissimus, Cardinalis Ludovisus.

Obtento taliter, ad postulationem, tam Sacræ Regiæ Majestatis, quàm etiam suam, à Gregorio XV. Pontifice Maximo, ad ejusmodi Suffraganeatus erectionem consensu, statim Mathias Noster, eundem Dominum Abrahamum Sladkowski, jam aliàs à se designatum Suffraganeum Chelmensem, Nuntio proutunc Apostolico, in Regno Poloniæ, per quam diligentissime commendavit, eique supplicavit, ut ea de re, processum formare, & in Urbem expedire dignaretur, quod ut factum, literæque necessariæ, ex Urbe transmitterentur, Mathias erectionem Suffraganeatus Chelmenfis factam, approbavit, prædictum Abrahamum Sladkowski, adhibitis aliis, ad hoc munus peragendum necessariis, in Episcopum Citrinensem consecravit, & eundem primum, hujus dignitatis, & novellæ plantationis Possessorem fecit; per quod numerum operariorum, in Ecclesia & in Diocesi Chelmenfi auxit, Ecclesiam & Diocesim, hac dignitate ornavit, sublimavit, gloriam & cultum Divinum, in dicta Ecclesia ampliavit, & propagavit.

CAPUT DECIMUM QUINTUM,

De gestis Mathiæ in Episcopatu Posnaniensi.

Ingentia merita in Ecclesia, labores non sine fructu, Nostri Mathiæ, pleræque in Regno, à longe aspiciebant Ecclesiæ, & æmula virtute, invidebant sibi Mathiam, zelo pio inardescences, suspirabant Mathiam in Pastorem, Mathiam in Episcopum, Mathiam in sponsum, sibi dari cupientes. Neque illarum desideria, in longum dilata sunt, nam brevè, Annò videlicet, millesimo sexcentesimo vigesimo sexto, cum indicta fuissent Torunii, Comitiam Generalia Regni, pro Die decima nona Novembris, ad quæ, cum in persona propria, Mathias Episcopus Chelmenfis, ac Præpositus Generalis Ordinis Nostri, uti Senator Regni, advenisset, pridie Comitiorum, die videlicet decimo octavo Novembris, instantibus comitiis, jubente & auxiliante Deo, Regia Sigismundi III. ad id præcipuè accedente voluntate, ob

præclara sua in Regiam Majestatem, atque adeò ipsam Rempublicam; Singularia merita, à minori hoc Chelmenfi Episcopatu, ad ampliorum Episcopatum Posnaniensem, post ascensum Joannis Weżyk, ad Archiepiscopatum Gnesnensem, renuntiatus est, sane rara felicitas Joanni Weżyk contigit, ut tam gratum moribusquē non dissimilem reliquerit successorem. Quare primò Regi in persona, pro sua promotione, solenni gratiarum actione facta, Serenissimæ verò Reginae, protunc absenti, per literas in hunc modum, gratias egit.

Serenissima Regina, Domina Domina mea Clementissima. Multa quidem Sacrae Regiae Majestatis Vestrae, gratiae ac patrocinii, in me servitorem suum humillimum, argumenta, toto hoc plane tempore, quo in obsequiis, Sacrae Regiae Majestatis, Domini mei Clementissimi versor, extiterunt, quibus, ad obsequia Sacrae Regiae Majestatis Vestrae, & ad omnem animi gratitudinem, plurimum me obstrictum ac obligatum agnosco. Hæc tamen recens, Sacrae Regiae Majestatis Vestrae, promotio, qua nuper à Sacra Regia Majestate, Domino meo Clementissimo, Episcopus Posnanienfis, sum renuntiatus, adeo me devinctum ac obligatum, Sacrae Regiae Majestati Vestrae, reddidit, ut non tantum obsequia mea humillima, sed & omnes fortunas, ac denique vitam ipsam, (si ita necessitas postulaverit,) me illi debere libenter profitear. Dabo omnem operam, ut Sacra Regia Majestas Vestra, me humillimum servitorem, ac Clientem Regiae Majestatis Vestrae non ingratum, neque omnino indignum, promotione ac patrocinio suo experiatur &c.

Facta tam Regi, quàm Reginae pro sua promotione ad Episcopatum Posnanientem, gratiarum actione, mox ad Capitulum Posnanienſe, Literas dedit, de hac sua promotione notificando, & suum affectum iisdem remonstrando.

Admodum Reverendi Domini, Fratres observandissimi. Quandoquidem, Divina sic disponente Providentia, proximè præteritis hisce diebus, Sacra Regia Majestas, Dominus meus Clementissimus, me tanto licet oneri imparem, Episcopum Posnaniensem renuntiavit, Vestraeque nobilissimæ Cathedræ, (quod nequē jam Admodum Reverendas Dominationes Vestras, latere Credo,) præesse voluit, mearum esse partium existimavi, non tam officii sui, Admodum Reverendas Dominationes Vestras, ex parte postulationis, a Sacra Regia Majestate, pro more solito, quantotius faciendæ, commonefacere, quàm potiùs, vel ex hac prima occasione, quidquid in me boni ac benevoli affectus esse potest, id totum, non tam verbis, quàm potiùs intimo cordis sensu, Vestris Admodum Reverendis Dominationibus offerre. Enitar Deo dante, ut quantum per exiguas vires, & facultates meas licuerit, non tantum pastorali, verum etiam paterno officio meo, Admodum Reverendis Dominationibus Vestris, satisfaciam. Certo vicissim persuasus, de illarum erga me studio, & fraterno amore, cui me interim quàm diligentissimè commendo. Thorunii &c.

Postquam

Postquam verò Capitulares Posnaienses, de sua ad prædictum Episcopatum nominatione, certiores faceret, illico Eundem, ad hunc Episcopatum, Prælati & Canonici, summa cum gratulatione, in Capitulo, Die Mercurii vigesima tertia Decembris, Annò supra specificato, millesimo sexcentesimo vigesimo sexto, elegerunt, & Sanctissimo protunc Ecclesiam universalem gubernanti, Urbano VIII. eundem sibi in Episcopum dari, postularunt. Quò factò, sollicitus jam de suo ovili Pastor, de sua Sponsa Sponsus Mathias, statim & simul, de facienda expeditione Romæ, & de restauratione, per incendium vastatæ Ecclesiæ Cathedralis Posnaniensis, seriò cogitare cœpit, Literasque Romam subsequentes, in utroque negotio, ad Cardinalem de Torres, Regni Poloniæ protectorem transmissit.

Illustrissime & Reverendissime Domine. Divinæ ita placitum voluntati, quòd non ita pridem, a Sacra Regia Majestate, Domino meo Clementissimo, Episcopus Posnaniensis renuntiatus, novam illamque longè graviores, laborum ac negotiorum molem, suscipiendam mihi esse intelligam, quam dum singulari favore, ac Patrocinio, Illustrissimæ Celsitudinis, toties jam mihi abundè centestato, magna ex parte, præsertim verò, in expediendo faciliore expeditionis, in Curia Romana negotio, sublevari cupio, atque eo nomine, Illustrissimæ Celsitudini Vestræ, humillimè supplico. Vereor ne dum tam crebro, Illustrissimam Celsitudinem Vestram, in negotiis meis appello, molestus ac importunus, suæ Illustrissimæ Celsitudini meritò esse videar. Quamvis dum altera ex parte, quanta sit suæ Illustrissimæ Celsitudinis, tum erga omnes, tum præcipuè Gentem Nostram, humanitas ac propensio considero, facile omnem, quæ hac in parte, menti meæ occurrere potest, depono dubitationem. Quocirca bonæ spei plenus, iterum atque iterum, Illustrissimæ Celsitudini Vestræ supplico, quatenus singulari favore ac patrocinio, Illustrissima Celsitudine Vestra intercedente, expeditio Illustrissimi Domini, Nominati Archiepiscopi Gnesnensis, Antecessoris mei, moram non patiat, hæc quoque mea immediate subsequi potest. Et quia Ecclesia Cathedralis Posnaniensis ante aliquot annos, miserabili incendio, vix non penitus vastata & deformata, ad sui restaurationem hæcenus intermissam, non mediocri indiget sumptu, proinde si quam, promotione Illustrissimæ Celsitudinis Vestræ, Curie Romanæ, in aliqua saltim pecuniæ, in expediendo Episcopatu isto dari solitæ, diminutionem & gratiam, experiri potero, non postremum certe, ad celeriore templi illius reparationem, adminiculum habiturus, totum id in acceptis referam, suæ Illustrissimæ Celsitudini, cui me & obsequia mea humillima defero.

Finitis Comitibus Romanam expeditionem expectaturus, & Cathedralis Chelmensis valedicturus, ad Diocesim Chelmensis, Mathias noster abscessit, ubi per aliquot menses, moram ducens, dispositionesque ultimarias faciens, tandem Cathedralis & Diocesi Chelmensi va-

ledixit, cum quanto autem dolore & Cruciatu, hanc valedictionem, Canonici & tota excepit Dioecesis, nemo est qui id ignoret. Immediato statim Annò, millesimo sexcentesimo vigesimo septimo, post Festa Sacratissimi Corporis Christi, Mathias noster venit Miechoviam, sedem suam & Canonicos nostros, valedicturus, Præposituramque Generalem Ordinis sui, resignaturus. Accepto tali nuntio, Ordinis nostri Canonici, tanquam lethali fauciati vulnere, graviter gemunt, quod Amantissimo Patre, zelozissimo Pastore, orbarentur, alii lachrymas, alii edebant gemitus, alii sicut Discipuli ad Martinum dicebant: *(ur nos Pater deseris, aut cui nos desolatos relinquis?* Aliqui tanquam Discipuli Pauli, procumbentes super pedes ejus, gemebundo suspirabant planctu: Utinam dedisset Deus, ut nos ad finem vitæ, quàm longissimæ, in manibus tuis gestasses, utinam tam diu nutritivisses, donec superi, post sera fata, Te ad Coronam vocassent. Pulchrum videre erat, pietatem & in Patre & in Filiis tantam, cui nullum verbum par, inveniri potest, dum illi Patrem, & Pater vicissim Filios, se se mutuo utrinque, & complectebantur, & iolabantur, & ad lachrymas provocabant, & Deo commendabant.

In hac valedictione Mathiæ, non est conceptus meus, sed quod ex oratione valedictoria, à Canonicis nostris ad Mathiam habita, tum ex variis Literis, à Canonicis nostris conscriptis, libare potui, posteritati connotavi. Sed præstat à Capitulo Nostro Miechoviensi, ad Serenissimum Sigismundum III. Regem Poloniae, in hac materia, adducere fragmentum Literarum. *Illustrissimus & Reverendissimus Dominus, Mathias Lubiencki, Episcopus Cbetmensis, Prælati noster, nusquam satis ab Ordine Nostro laudandus, cujus eximiae virtutes, præcipuè verò summus amplificandi cultus Divini, in Ecclesia Dei ardor, & singulare in restituenda regulari disciplina studium, omnium nostrum, erga se excitabant animos, ut pluribus Annis nobiscum, optatos duceret dies, (cui pro præclaris suis in Ordinem nostrum meritis, digna hinc & in futuro, contingant præmia,) per gratiam suæ Serenissimæ Majestatis, altiore dignitatis gradum conscenderit &c.* Aliæ pariter Literæ, à Nostro Capitulo Miechoviensi, ad Achatium Grochowski, Episcopum Luceorientem, de Data Miechoviæ, die sexta Septembris, Annò eodem, millesimo sexcentesimo vigesimo septimo, conscriptæ, id plane continent, amoremque summum, erga suum Mathiam testificantur, his verbis: *Illustrissimi & Reverendissimi Domini, Episcopi Posnaniensis, Mathiæ Lubiencki, præclarissima in Ordinem Nostrium merita maxime verò in propagando cultu Divino, & disciplina Regulari conservanda studium, aliæque præstantes Nobilissimo Pontifice dignæ virtutes, ingentes & penè mirabiles, in animis nostris, erga se excitabant amores &c.*

Interim dum in Conventu Nostro Miechoviensi, valedicens morabatur Mathias, expeditio Romana transmittitur, quæ recepta, & facta

et a valedictione, datoque osculò Sancto ab invicem, dispari tamen venerationis cultu, Præsul Capita Canonicorum, Canonici Præsulis manus, aliqui pedes osculati, ad altiorem Cathedram Posnaniensem, profectus, & possessionem ejusdem Episcopatus, die sabbathi, Decima nona Junii, Annò eodem, millesimo sexcentesimo vigesimo septimo, vigore brevis Apostolici, Urbani Papæ VIII, sub Datum Romæ, apud Sanctum Petrum, Die Decima septima Aprilis, Annò eodem, adeptus est,

Venit tandem Annus, millesimus sexcentessimus vigesimus octavus, cujus initio, ipsis Calendis Januarii, Mathias Noster, visitatis ædibus sacratissimi Corporis Christi, præcipuâ illius Provinciæ; stipatus nobilitate, in amplissima multorum Regni Procerum assistentiâ; cum summa tam Cleri, quàm populi aggratulatione & lætitia, Cathedram Posnaniensem feliciter ingreditur, gubernacula suscipit, eratque in Cathedra Posnaniensi, hujus nominis primus, in Ordine verò Episcoporum Posnaniensium, sexagesimus primus. Huc igitur jam erectus, & in tam sublimi Episcopalis, & Senatorii muneris, culmine collocatus, conditionis tamen suæ pristinae, & futuræ memor, cò flexit animum suum, ut reliquum quod supererat vitæ, Deo ejusdem vitæ auctori, devoveret, oves sibi commissas, verbo & exemplo instrueret, & si quid fortunarum accesserit, ad laudem & gloriam Divinam impenderet. Quare primò à se ipso exoritur, juxta illud Apostolicum monitum: *Attendite vobis & universo gregi, in quo vos Spiritus Sanctus, posuit Episcopos, regere Ecclesiam Dei, quam acquisivit sanguine suo;* diligenter cum rigida animadversione, in vitam mœursque suos inspexit, ut & Dominico gregi, speculum esset bonorum operum, & qui ex adverso sunt, nihil haberent, in quo Præsulem nostrum rependerent. Hinc ad exemplum Episcopi, erat videre tunc, Sacerdotum dignitatem florere, verèque vices mediatoris, inter Deum & homines obire, die ac nocte, in Divinis officiis decantandis versari, Deumque per frequentes Oblationes, interventu sacrificii placari. Habuit tunc sacra doctrina, ab ore docentium profluens, firmum fundamentum, vitæ sanctitatem, & ideo penetrabilior erat gladio ancipiti, pertingens usque ad divisionem animæ, amputans & refecans; quidquid erat animale, ab eo quod est Spirituale.

Postquam verò exemplo bono, cunctis ovibus suis præiret, Deum continuo, pro illarum salute deprecabatur, juxta illud Apostolicum monitum: *Omnis Pontifex, ad offerendum munera & bestias constituitur;* Et alibi, *Omnis Pontifex, ex hominibus assumptus, pro hominibus constituitur, ut offerat dona, & sacrificia pro peccatis;* tum missam, quâ intimè Deo conjungebatur, quotidie celebrando, tum alias preces, pro grege sibi subjecto fundendo, tum pio gemitu, & Religiosa supplicatione, Deum exorando, ut ablatis peccatorum nubibus, ro-

rem suæ Divinæ gratiæ & misericordiæ, in agrum Ecclesiæ suæ effunderet. Tanta autem efficaciâ, boni exempli, & assiduarum precum, ut plurimi tam fidelium, quàm aliqua hæresi infectorum, deponerent veterem hominem, qui secundum desideria carnis corrumpitur, & renovarentur Spiritu mentis suæ, induerentq; novum hominem, qui est secundum Deum.

Ut autem in spatioſo Ecclesiæ Agro, Diœcesi videlicet Poſnaniensi, ubique boni exempli, & Pastoralis zeli, sementem spargeret, & postea uberiores virtutum & meritorum fructum, colligeret, visitationem generalem, totius suæ Diœcesis Poſnaniensis, eodem ipso Anno millesimo sexcentesimo vigesimo octavo, tempore protunc satis calamitoso, & bellorum insultibus pleno, constituit, diem inchoationis ejusdem, decimam quintam Septembris, per literas innotescenciales, assignavit, in quibus, Ecclesias Diœcesis, si quæ non consecratæ extabant, altaria pariter & portatilia consecrare, campanas benedicere, Sacramentum Confirmationis, Christiano populo conferre, (ad quod rite suscipiendum, monuit Parochos, ut populum non confirmatum, doctrina salutari, & circa hoc Sacramentum necessaria, tempestive erudiant,) & cætera quæ sunt muneris Episcopalis, ministrare, pro suo propagandi cultûs Divini zelo, & Pastoralis diligentia, sese obtulit,

Adveniente itaque Visitationis Die, totus cœrus, cum Capitulo Cathedralis Poſnaniensis, solenniter ornatus, ad Curiam Pontificiam descendit, unde Præsulem Pontificaliter ornatum, ad Ecclesiam Cathedralis deduxit, & ibidem per unum ex Prælatibus, salutavit. Celebratâ itaque Missâ, de octava Nativitatis Virginis Beatissimæ pontificaliter, in assistentia primorum Cathedralis Prælatorum, eandem Cathedralis visitavit, quod corrigendum erat, correxit, ordinavit, Decreta conscripsit, promulgavit, & ea observari commendavit. Inde ad Collegium Vicariorum, Cathedralis Poſnaniensis processit, ubi Vicedecanum seniculum, Jacobum Paruszow, respiciendo illius ætatem, merita, labores & diligentiam, circa Ecclesiam Cathedralis, ab obeundis Vicedecani & Vicarii officiis, per Decretum suum liberum fecit, censuum tamen ac proventuum omnium, eundem concernentium, in toto participem esse, donec è vita hac excederet, misericordia & justitiâ motus, declaravit. Visitando Collegium Psalteristarum, illos ob paucitatem proventuum, ad minorem numerum reduxit, octo tantum debere esse, suo Decreto præscripsit, & Psalterium in Capella Corporis Christi, decantari solitum, pro toto Anno, exactissimè in horas decantandum disposuit.

Visitatis superscriptis sacris ædibûs, inde in totam Diœcesim Poſnaniensem, abscessit, ubi præter Decreta, Parochis & Ecclesiis opportunè præscripta, Ecclesias consecrabat, reconcilabat, aliaque munera Episcopalia exercebat; Consecravit Ecclesiam Parochialem Rad-

wankoviensem, in Archidiaconatu Varšaviensi sitam, & eidem, diem anniversariam consecrationis, Dominicam primam, post Festum Sancti Michæelis, assignavit, Ecclesiam Parochialem Paryszoviensem, ante Annos protunc viginti, ab Hærede magnificè exstructam, in honorem Dei Omnipotentis, & Sancti Stanislai Episcopi & Martyris, unà cum Altari Majori, atque alio altari, in Capella meridionali erecto, in maxima nobilium, populorumquè frequentia, cum tribus campanis, consecravit. Ecclesiam Parochialem Kufloviensem, per Generosam Oberlka exstructam, in honorem Dei Omnipotentis, & Sanctorum Patronorum, Stanislai, Nicolai, Martini & Sanctæ Mariæ Magdalænæ, consecravit. Ecclesiam Parochialem in Wierzbno, pariter in honorem Dei omnipotentis, & Sancti Petri Principis Apostolorum, consecravit. Ecclesiam Parochialem Cegloviensem, ad postulationem Capituli Varšaviensis, uti Patronorum Ecclesiæ, cum Altari majori, atq; tribus campanis, in honorem Dei Omnipotentis, Sancti Joannis Baptistæ & Sancti Andreæ, consecravit. Ecclesiam Parochialem in Wiskitki, post conflagrationem prioris, die Omnibus Sanctis Sacro, in honorem Dei Omnipotentis, & Sanctorum omnium, consecravit. In Ecclesia Parochiali Garvolinensi, Oratorium Sanctæ Annæ, non ita pridem protunc erectum, cum Altari majori, atque tribus campanis, in honorem Dei Omnipotentis, atque Sanctæ Annæ, consecravit. Ecclesiam Parochialem in Osieczna, quod per sepulturam hæreticorum corporum violata, ac contaminata fuerit, adhibitis ceremoniis, in Pontificali Romano præscriptis, præsentibus Christi Fidelibus, reconciliavit. Cæmeterium penes Ecclesiam Parochialem Kałuszynensem, violenta sanguinis effusione violatum, reconciliavit.

Nunc ad Altaria, campanas, imagines, aliaque muneris Episcopalis officia, descendamus; In Ecclesia Parochiali Kostentli, altare majus; in Ecclesia Parochiali Smiglensi, in magna hominum Christi Fidelium frequentia, inclusis Sanctis Antoninæ Virginis reliquiis, ad honorem Dei Omnipotentis, & memoriam assumptæ Beatissimæ Mariæ Virginis, ac Sancti Joannis Baptistæ, pariter Altare majus; in Ecclesia Parochiali Krzyvinensi, altare noviter erectum, & per Famatum Sigismundum Gierlachowski, Oppidanum Krzyvinensem, dotatum; in Ecclesia Parochiali Laskarsevienti, peracto solenni missæ Sacrificio, pariter altare Majus, consecravit ac dedicavit. Imagines, in Ecclesia Parochiali Sancti Joannis Baptistæ, Commendoratus Poseniensis, in Altari Majori Sancti Joannis Baptistæ, eleganter comparatam; in Ecclesia Parochiali Piasecnensi, pariter altaris majoris Imaginem, solenniter benedixit, & campanam majorem, nomini Sancti Stanislai Episcopi & Martyris, consecravit.

Præter tot & tantos labores, sub tempus visitationis Ecclesiarum peractos, etiam Sacramentum Confirmationis, in unaquaque Eccle-

sia, Christi Fidelibus, indefatigabilis Præsul conferebāt. In Ecclesia Parochiali Smiglenſi, ſexcentos circiter Chriſti Eideles, Sacro Chriſmate unxit; in Ecclesia Parochiali Borcenſi, quadringentis decem, utriusque ſexūs Chriſti Fidelibus, Sacramentum Confirmationis contulit; in Ecclesia Parochiali Dolicenſi, quadringentis; in Ecclesia Parochiali Sremenſi, Ducentis triginta; in Ecclesia Parochiali in Oſieczko, peracto ſolenni Miſſæ Sacrificiō, ſeptingentis; in Ecclesia Parochiali Paryſzoviенſi, perſonis nongentis triginta; in Ecclesia Parochiali in Stoczek, perſonis centum viginti; in Ecclesia Parochiali Latovicenſi, perſonis centum; in Ecclesia Parochiali Kuſloviенſi, perſonis centum quinquaginta; in Ecclesia Parochiali Grębkoviенſi, perſonis centum ſexaginta quinque; in Ecclesia Parochiali Livenſi, perſonis ſeptingentis octoginta; in Ecclesia Parochiali in Wierzbno, perſonis trecentis quadraginta; in Ecclesia Parochiali Kałuſzynenſi, perſonis ſexaginta ſeptem; in Ecclesia Parochiali Cegłoviенſi, perſonis ducentis; in Ecclesia Parochiali Miнſcenſi, perſonis ſeptingentis viginti quinque; in Ecclesia Parochiali in Villa Długa, perſonis ſeptuaginta; in Ecclesia Parochiali Zbikoviенſi, perſonis centum quinquaginta; in Ecclesia Parochiali Piaſcenſi, perſonis ſeptingentis octoginta ſex; in Ecclesia Parochiali Czernenſi, perſonis ducentis quinquaginta; in Ecclesia Parochiali Warecenſi, perſonis octingentis triginta quatuor; in Ecclesia Parochiali in Grodziec, perſonis quingentis ſexaginta ſeptem; in Ecclesia Parochiali Tarcinenſi, perſonis ſeptingentis quadraginta ſex; in Ecclesia Parochiali Nadarzynenſi, perſonis quingentis viginti quinque; in Ecclesia Parochiali Jamnenſi, perſonis quinquaginta; in Ecclesia Parochiali Gambinenſi, perſonis quingentis octoginta ſeptem; in Ecclesia Parochiali in Wiſkitki, perſonis nongentis & ultra, Chriſti Fidelibus utriusque ſexūs, Sacramentum confirmationis adminiſtravit, & plurimos ad ſolenne Miſſæ ſacrificium, ſacra Sinaxi refecit.

Sed id maximum & admirandum eſt: quod tunc, dum Noſter Mathias, Dioceſim Poſnanienſem viſitaſſet, & hocce Sacramentum Confirmationis, Chriſti Fidelibus adminiſtraſſet, ingens & atrox peſtis, per eandem Dioceſim graſſabatur, quare bonus Paſtor, ſalutem animarum, ſibi commiſſarum diligens, pro illis animam depondere, exemplo boni Paſtoris paratus, diſcrimen mortis adire non metuebat; & ſic in Ecclesia Parochiali Radvankoviенſi, in Archidiaconatu Varſavienſi ſita, ubi tunc atrox graſſabatur peſtis, ſemoto periculoſæ contagionis metu, utriusque ſexus Chriſti fidelibus, circiter octoginta, Sacramentum Confirmationis contulit, jam verò in Ecclesia Parochiali Garvolinenſi, idem Sacramentum Confirmationis, perſonis circiter mille trecentis, non ſine periculo maximo, peſtiferæ contagionis, quæ ſtatim ſequenti die, in apertum prodiit, & deinceps ſerpere cæpit, Mathias Noſter adminiſtravit.

Ultra

Ultra hos ingentes labores, à Mathia Nostro præstitos, alios & alios quærebat, inveniebat, tum Sacramentum extremæ Unctionis, in quacunque Ecclesia à se visitata, tum usum indulgentiarum, commendando, & easdem plenarias, interessentibus visitationi, è concessione Sanctæ Sedis Apostolicæ, Christi Fidelibus applicando. In aliquibus Ecclesiis, Confraternitates fundatas, ut majori devotioni, Christi fidelium consuleret, approbabat; quod eum fecisse constat, in Ecclesia Parochiali Koźminensi, ubi Confraternitatem Sanctissimi Rosarii; & in Ecclesia Parochiali Borcensi, ubi Confraternitatem Sancti Angeli Custodis, approbavit. In aliquibus, ubi advertit Parochianos paucissimos, ad audienda Divina congregari, monebat, & ad abolendum tantum in Parochianis scandalum, poenās statuebat, pro fabrica Ecclesiæ applicandas. In aliquibus autem, controversias inter Parochos & Parochianos, componebat, & sic eum fecisse constat Wschovæ, ubi cum privilegium erectionis, & Foundationis ejusdem Ecclesiæ deesset, cura tamen Parochorum effectum esset, ut Sacra Regia Majestas, Decreto Commissariorum approbato, tres mansos agri emensurare, duodecim macilla, domos certas restituere, molas ventiles, in fundo Ecclesiæ constitutas, deportare, Magistratui Wschovensium, injunxisset, eidem Decreto, in quibusdam punctis non satisfactum fuit, & ideo plurimis actionibus, Magistratum, tam ad Judicia Sacræ Regiæ Majestatis, quam Tribunalitia Regni, Parochi provocabant. Quare perpendens Mathias, cum majori commodo, non solum Ecclesiæ magnâ reparatione indigentis, sed etiam ipsarum partium fore, si intra privatos parietes, negotium & controversiæ omnes, amicabili modo definirentur, ideo duobus fere integris diebus, post peractum solenne ad hanc intensionem, missæ sacrificium, & invocato de Cælo auxilio, intensam navavit operam, ut modum constituendæ pacis, inter Magistratum & Parochum reperiret, prout Deo, Præsulem Nostrium adjuvante, reperiit, & præcipuis punctis determinatis, reliqua Commissariis suis lustrandâ, componenda & decidenda commisit, quam concordiam postea, actis suis ingrossare permisit.

Illud item notatu, & singulari animadversione dignum. Quod cum Ecclesiam Parochialem Czernensem, visitasset, & Magistratum Oppidi Czersko, continuis Divinæ indignationis, tum pestis, tum militum, tum incendiõrum, aliarumque poenarum, corripui flagellis intellexisset, interrogavit: num aliqua culpâ, quæ talem Divinam indignationem traheret, maculati non essent? & respondente Parocho, quod legata pia Ecclesiæ facta, non vindicarent, multa per ipsos recepta, detinerent; testamenta supprimerent; Auditis hæc Mathias Noster, Serio & graviter Magistratum, ut ad cor redirent, & revocarent quid Deo, quid Ecclesiæ Matri suæ, quid proximis mortuis, quid conscientiæ hoc in passu deberent, monuit, tale factum non nisi re-

stitutione præstita, expiari docuit, & aliter flagella Divina non cessatura, prædixit. Prospiciendo autem commoditati Ecclesiarum, quarum Erectiones, sive liber Beneficiorum, ante Annos protunc quadraginta, incuria quorundam interceptus erat; Igitur in hac Visitatione Diœcesis, seriò inquirebat & investigabat, Ecclesiarum dotationes, Proventus, foundationes, Erectiones, eo fine, ut librum Beneficiorum componeret, quod ipso facto explevit. Postquam verò hancce Visitationem finivisset, & decreta reformationis, oportuna locis singulis conscripsisset, Capitulares Posnanienses, in Capitulo Generali, post Festum Sancti Martini celebrato, Annò Domini millesimo sexcentesimo vigesimo octavo, quatenus Decreta Visitationis, quilibet pro viribus suis observaret, paternè admonuit, reliquum verò Clerum, ut eadem Decreta adimpleret, seriò requisivit & adstrinxit.

Quomodo autem, ex innata sibi liberali sui communicatione, totum se & omnia sua, cultui Divino in Ecclesiis amplificando, addixit Mathias? quomodo ornatiores & splendidiores, & novis foundationibus auctiores Ecclesias, reddidit? quomodo templis obscuratus decor, & ornatus neglectus, ejus munificentia accedente, restituebatur? aliqua tantùm beneficentiæ Mathiæ monumenta, ad immortalem memoriam erecta, commemorabo; nam alia etiam me tacente, omnium oculos incurrunt, & non alio conditore sui, quàm Mathia nostro gloriantur. Glorietur Posnaniensis Cathedra, quam, vivente Andrea Opaliński, Episcopo Posnaniensi, cui Joannes Węzyk successerat, horribili incendiò afflictam, deformatam, & penitus devastatam, invenit. Erat illa, ut ex traditione accepi, à Joanne Lubrański, notæ pietatis Antistite, æreïs cooperta laminis, quas vorax flamma, cum toto tecto absumperat, in Majori choro Ecclesiæ, testudo igne labefactata, tota corruerat, de illa restauranda & nitori pristino restituenda, Mathias noster seriò cogitavit, pro tecto novo tegendo, laminas cupreas cõemere, parareque cœpit, jam in parte idem tectum vestivit, sed ad regimen Ecclesiæ Vladislaviensis, suo Pastore orbata, brevi tempore designatus, cœptum opus ejusdem Basilicæ Posnaniensis, nitori & decori ulteriori restituendæ, duobus suis successoribus reliquit, nempe Adamo Nowodworiski, qui pariter magnam partem Ecclesiæ, æreïs convestivit laminis, tum Andreæ Szoldrski, qui basilico sumptu, operi inchoato, supremam manum apposuit. Glorietur eadem Posnaniensis, quod ejus Sacro Canonicorum Capitulo, villam Lechlino dictam, ad Episcopatum Posnaniensem spectantem, ab eodem Episcopatu, & à mensa sua separatam, cessit & donavit, ejusque Villæ proventus, pro Deputato Tribunalis Regni, ex Capitulo eligendo, quotannis solvendum assignavit, & insuper volendo majores proventus, ejusdem Capituli Posnaniensis augere, Canonicatum fundi Kurnik, ad postulationem ejusdem Capituli, eidem Capitulo incorporavit.

Glori-

Gloriatur: quod ejus decorem, & in ea continuam devotionem, etiam stante peste promovit, duos Capitulares, circa Ecclesiam Cathedralē, tempore pestis residere, assignata eisdem duplicata portione, cum anniversariis incidentibus, ordinavit; Vicariis autem quatuor, durante eadem peste, circa Ecclesiam Cathedralē mansuris, sufficientem provisionem, de mensa sua Episcopali, providit, indulgentiis præ maximis, præcipuè pro missis defunctorum, ad altare Sanctæ Crucis celebrandis, eandem Ecclesiam ditavit & ornavit.

Ut item majori prærogativa, hanc Ecclesiam condecoraret, & Suffraganeo Poseniensi, uti suo in Pontificalibus Vicesgerenti, de congrua dote & proventu provideret, super incorporatione, Archidiaconatus Poseniensis, eidem Suffraganeatui, & super decimis, eidem ex antiquo concessis, consensum Capituli postulavit. Quid plura de Mathia? Campanam Principem, ad Ecclesiam Cathedralē Poseniensem comparavit, Calicem aureum, impensis & operâ suâ confectum, eidem Ecclesiæ contulit. Baculum Pastoralem, nitidi operis, hætenus sine usu jacentem, & destructum, propriis sumptibus reparavit, & totum proventum, ex annuis redditibus Ecclesiæ, vix aliqua parte, suis usibus moderatis relicta, in sinum suæ Sponsæ, Cathedralis Poseniensis, & in egestatem pauperum sustentandam, effudit, moriens pariter, in subsidium sacræ suppellectilis, ejusdem Ecclesiæ Cathedralis Poseniensis, duo millia florenorum, in censum collocanda, denique aulæum, telæ damasceni operis rubræ & viridis, ornandis parietibus chori minoris, ultimò testamento legavit. Verè Sacerdos magnus, qui in diebus suis suffulsit domum, corroboravit templum, & memoria ejus cum laudibus.

Porro cum in Episcopatu Poseniensi, Clero & populo, summo cum profectu, præesset, Synodumque Diocesānam, convocare cogitasset, ibidem exactò tantum triennio, voluntate Regia, ad Episcopatum Vladislaviensem promotus. Cum autem prædicta promotio, Clero, Nobilitati Majoris Poloniæ, & universæ Poseniensi Diœcesi innotuisset, ipseque Matthias, Cathedralis Poseniensi valedixisset, promptitudinem suam, unicuique ex Capitularibus declaravisset, fabricam Ecclesiæ, etiamsi esset ad Episcopatum Vladislaviensem promotus, de sua munificentia, continuare promississet, omnem suppellectilem domesticam, in eo Ordine, quo sui Factores, in omnibus curiis & prædiis Episcopalibus receperant, tum hortos Italici operis, in Curiis, Poseniensi & Ciałzynensi, bene dispositos, se redditurum obligavisset, tandem in loco Capitulari, die decima quarta Maji, Annò millesimo sexcentesimo trigesimo primo, profusis lachrymis, summa cum animi demissione, singulos tam Prælatos quàm Canonicos conveniebat, obsecrando, ut veniam erratis darent, & si quem offenderit condonarent; quo facto valedicens omnibus, Prælati & Ca-

nonicis lachrymantibus, ex Capitulo, & brevi ex Diocesi Poseniensi eg-
gressus est, successoremque in Cathedra Poseniensi accepit, Adamum
Nowodwojski, Fasciam pro insigni gerentem, Nobilitas verò Majoris
Poloniæ, Proceres & Senatores illius terræ, Ordo Equestris, qui Mathiæ
spectatam vitæ integritatem, prisci moris candorem permagni æstima-
bant, Ecclesiæ, Reipublicæ commodis intentum suspiciebant, gravi do-
lore percussi, ex Comitibus Sredecensibus, ubi tunc temporis, status Eque-
stris, & tota Nobilitas Majoris Poloniæ, congregata fuerat, supplica-
runt Regi, nuntiosque ad Regem, eo fine miserunt, ut Mathiam Rex,
Cathedræ Poseniensi, & Majori Poloniæ non reciperet; cæterum fæ-
cunda Nostri Mathiæ virtus, in ampliorem Ecclesiæ agrum translata,
ampliores & uberiores produxit fructus, de quibus in reliquis Capituli-
bus, brevi annotatione procedam.

CAPUT DECIMUM SEXTUM.

De gestis Mathiæ in Episcopatu Vladislaviensi.

Postquam Cathedra, & universa Diocesis Vladislaviensis, suo Pa-
store & Episcopo vacasset, Andrea Lipski, de Armis Rastorum,
ejus Episcopo, ad Cracoviensem Episcopatum transmigrante,
rursus ob præclaras, in Episcopali dignitate functiones, & raram in
Senatore prudentiam, cecidit fors in Nostrium Mathiam, protunc E-
piscopum Poseniensem, qui ad eandem Cathedram Vladislaviensem,
Annò Domini, millesimo sexcentesimo trigesimo primo, non absque
gravi dolore, Nobilitatis Majoris Poloniæ, universæque Poseniensis
Diocesis, summo verò cum desiderio, Capituli Vladislaviensis, favo-
re ac voluntate Regis, Sigismundi III. translatus est, eandem trans-
lationem, ad Vladislaviensem Cathedram, Urbano VIII. approbante.
Quare capta illius Cathedræ possessione, die quarta Octobris, in ipso
Festo Sancti Francisci Seraphici, inventus est Mathias Noster, in Ca-
thedra Vladislaviensi, hujus Nominis quartus, in Ordine verò Episco-
porum Vladislaviensium, quinquagesimus septimus.

Hinc statim, amantissimus decoris, Domus Dei Præsul, ad repa-
randam Sponsam suam, Ecclesiam Cathedralē Vladislaviensem, se
contulit, & in ea, Aram Principem, olim eleganti structura & pictu-
ra, à Hieronymo Rozdrażewski, Episcopo Vladislaviensi, decoratam,
cæterum tamen ligneam, sustulit, & in locum ejus, nobiliorem, pul-
chriorem & pretiosorem, de tabulis, colossis, Statuis ac pyramidibus
marmoreis posuit, nimirum summam quinque millium, extruendæ
huic Aroe, Andreas Lipski, Antecessor Mathiæ Nostri, ultimò testamen-
tò consignavit, Mathias verò, majoribus impensis, eandem auxit, &
erexit in altari eodem tabulas æneas, non facile in ipso metallo, pri-
mo intuitu, parem à quovis æstimationem, suo valori & pretio habi-
turas,

turas, elaboratissimâ primarii pictoris industriâ, coloribûs exquisitissimis inumbratas. Tandem nova foramina, in eadem Ecclesia Cathedrali, pro novis fenestris faciendis, excindere mandavit, fenestras novâs perlucas comparavit, & per hoc devoto populo, tum Presbyteris Divinas laudes concinentibus, majorem commoditatem, sua ope suppeditavit; Campanam principalem, pro Divinis Officiis, festisque, & solennioribus Ecclesiæ actibus destinatam, festivamque celebritatem denuntiantem, suâ munificentia fieri procuravit, Horologium pariter, penes Ecclesiam Cathedralem, non parva liberalitate restauravit, ut suis horis, nocturnæ diurnæ ue horæ, in Ecclesia decantarentur. Quid de reliquis nobilissimis, Ecclesiæ Cathedralis Vladislaviensis ædificiis, magno Mathiæ Nostri sumptu excitatis, commemorare? nitorem & robur, labentibus parietibus Ecclesiæ, sua liberalitate dedit, Ecclesiam Cathedralem contexit, turresque Ecclesiæ, à latere Australi & Aquilonari, ad justam proportionem, sublimius & altius eduxit, & plumbeis stanneisque laminis, palmari ductu extensis, ævi proinde longioris, cœlique injuriis, pertinaciori firmitate obstituris, contectas, arcuatis fastigiis, pulcherrimâ structurâ, partiumque simmetriâ & æqualitate, in tholos & apices elegantiores, à rudibus redactos conis, eleganti artificis opera, sphaeris æneis inauratis, capacitate & amplitudine grandibûs, pinnisque & Crucibûs pariter æneis, aurò obductis, non mediocri magnitudine suspiciendis, heroica sua munificentia, insignes reddidit, exornavit, munivit, per quod Ecclesiam Cathedralem, undique magnificam effecit. Porro ut etiam thesaurum, Ecclesiæ Cathedralis Vladislaviensis ditaret, statuam Divi Mathiæ Apostoli, Patroni sui, cubito majorem, ex argento fusam, cum insigni martyrii Alciâ, Ecclesiæ Vladislaviensi donavit, & insuper moriturus, eidem Ecclesiæ casulam albam, ex tela auro intertexta factam, et pluviale telæ ejusdem, cum armis Zamoyscianis, & amplius aulæum, ex tela Damasceni operis, flavum & rubrum, ad ornandos parietes chori minoris, ultimò testamentò reliquit, eandemq; Ecclesiam, tum vivens tum moriens, multis vestibûs sacris pretiosissimis, & varia supellectili, tum aureâ, tum argentea locupletavit.

Anteaçtis temporibûs, Comes a Gorka, Episcopus Vladislaviensis, pro decantanda singulis diebus missa, de Annuntiatione Beatæ Mariæ Virginis, septem sacellanos, in censu annuo, pro dote eorundem comparando, fundavit, & Nicolaus Dzierzgowski, itidem Episcopus Vladislaviensis, octavum Sacellatum Presbyterum adjunxit, eisdemque octo sacellanis, Ecclesiam Parochialem in Byczyna, in eum finem incorporavit, ut perpetuis temporibûs, die ac nocte, quando ab officiis Divinis, Ecclesia Cathedralis vacabit, Psalterium decantarent. Cum verò in tantum redditus Parochiæ Byczynensis fuissent imminuti, ut tanto oneri, non viderentur sufficere, renuntiavit juri suo, ad

eam Parochiam, officiumque psallendi recusârunt, dicti sacellani. Porro Mathias, ut pulchrior, & decora magis, atque ut Castrorum acies ordinata, succedaneis Vigiliis, Gloriosissimæ Virginis Deiparæ honori, & patrocinio consecrata, Vladislaviensis Basilica, maxime insignium, Metropolitanæ Gnesnensis & Cracoviensis Ecclesiarum, æmulata institutum, tenebrosis ærearum potestatum turbinibus, formidine lucis perpetuæ, Divinas laudes accendentis, terribilior appareret, dictis sacellanis, antiquitus proveniente censu relicto, novos Sacerdotes & Adolescentes, ad Sacrificia incruenta in copia solenniori coelebranda, votivas absolvendas, Psalmos die nocteque decantandos, fundavit, habitationes & domicilia iisdem, penes Ecclesiam Sancti Stanislai assignavit, præventum iisdem auxit, summamque viginti quinque millium, in bonis Generosi Kadzidłowski, inscripsit, atque ita novos, diurnos & nocturnos custodes, intra muros Hierusalem, qui non tacerent laudare Nomen Domini, posuit, dum è Sacerdotibus, aliisque Ecclesiæ ministris, ad psallendum die nocteque Divinum Officium, perpetuos quasi Excubitores, Divinæ laudis statuit.

Exstruxerat tandem, olim Hieronymus Rozdrażewski, Episcopus Vladislaviensis, musicum instrumentum, in Cathedrali Ecclesia Vladislaviensi, organum vocari solitum, ad quod restaurandum, ut in aliis Rozdrażevianam æmulatus magnificentiam Mathias, non tantum liberales suppeditavit sumptus, verum etiam ipsos musicos instrumentales, pro Ecclesia Cathedrali Vladislaviensi fundavit, nimirum cum ad devotionem Christi Fidelium excitandam, non parum adfert momenti, & non postremum est Ecclesiæ ornamentum musica, ideo Mathias, Ecclesiam Cathedrali Vladislaviensem, aliis Ecclesiis insignioribus in Regno, nolens esse deteriorem, novam Coloniam suam Bischoffstalem, hac quoque inter alias conditione Venerabili Capitulo Vladislaviensi, attribuit, ut musicos instrumentales sustentarent & foverent, super quod fecit ordinationem, quæ habetur in Actis Ecclesiæ Vladislaviensis. Volens item splendidam Cathedrali Vladislaviensis lucem, gloria meritorum, morum Castimonia, & vitæ Virorum insignium integritate, extendere, Christophorum Charbicki, & hoc morte extincto, Venceslaum Paprocki, Nobilissima Sario- rum stirpe oriundum, Viros non minus pietate, quam doctrina insignes, ad dignitatem Episcopalem promovit, Suffraganeos ejusdem Ecclesiæ Cathedralis creavit, & strenuos laborum suorum, in Ecclesia, & in tota Diœcesi Vladislaviensi, cooperatores fecit.

Sciens autem Seminaria Diœcesum, esse pietatis, eruditionis & omnis Spiritualitatis fundamenta, ideo de Seminario, Diœcesis Vladislaviensis, & de altero seminario in illa parte Diœcesis, quæ Provinciam Pomeraniæ complectitur, sito, plurima salutaria constituit, & imprimis, quia Seminarium in Vico Szotlandt, in partibus Pomeraniæ

raniam situm, ob tenuem suam provisionem, multis laborabat defectibus, ideo Mathias, ipsius rationibus, consulere volendo, ad reliqua hujus Seminarii subsidia, in Synodo prima, per se in Diocesi Vladislaviensi celebrata, consignata, censum redemptionalem pro summa trium millium florenorum polonicalium, apud spectabilem Magistratum Gedanensem, per se comparatum, (quæ summa, pro exoneratione tractus Leoburgensis & Bitoviensis, a solutione Decimarum pecuniarium, ad Mathiam pervenerat,) in Seminarium perpetuo transtulit, & eidem Seminario, cum consensu Capituli Vladislaviensis, attribuit, & præterea eorundem Seminaristarum habitationem, in eodem Vico Szotlandt nuncupato, ad Civitatem Gedanensem sitam, olim per Paulum Wołucki, Episcopum Vladislaviensem comparatam, sed antiquitate temporis desolatam, reparavit, & hortum pro ipsorum majori commoditate, adjunxit, aliaque opportuna, ad augendam foundationem, ejusdem Seminarii, tum ex propriis impensis, tum ex Bonis mensæ Episcopalis, providit & supplevit. Quia verò idem Seminarium, in Vico Szotlandt dicto, erectum, à Patribus Societatis JESU, in pietate, bonis moribus & literis informabatur, pariter ut Seminarium Vladislaviense, penes Ecclesiam Cathedrali fundatum, eundem fructum & profectum haberet, nempe ut in eodem Clerici, in Ministerium Ecclesiæ Vladislaviensis, juxta dispositionem Sacri Concilii Tridentini, virtutibus & literis erudirentur, illis in Theologia Morali, quæ ad directionem & praxim, pœnitentiarum fori conducit, tum in Dialectica & computo instituendis, constituit Professore, Stephanum Damalewicz, Sacræ Theologiæ Doctorem, protunc Vladislaviensem Canonicum, qui in eodem contubernio, lectioni sacrarum literarum, annos prope quatuor impendit, Mathiæ Nostri, humanissima invitatione, ad id officium vocatus,

Non prætermisit tandem Mathias Noster, & senio confectos, laboribusque Ecclesiasticis tractos, Sacerdotes Diocesanos, circa ipsorum hospitale, præcipuam adhibendo Curam, cum enim exiguum videret illius subsidium, pro ejus solida, perpetua & inconcussa foundatione, sex millia florenorum Polonicalium exposuit, & pro eadem summa, censum redemptionalem, in Bonis Gluszyña comparatum, inscribi & assecurari, Authentica inscriptione curavit. Et insuper pro meliori sustentatione ejusdem hospitalis, ordinavit in Privilegio, annexionis & incorporationis, Venerabili Capitulo Vladislaviensi factæ Bonorum Bischoffstalsium, ad Gedanum noviter locatorum, sexcentos Florenos Polonicales, ex proventibus Bischoffstalsibus, à Domino Procuratore Mensæ Venerabilis Capituli Cathedralis Vladislaviensis, quolibet Anno, pro prædicto Hospitali sacerdotum solvendos; Deinde in loco, ubi Sancti Stanislai Martyris, & Episcopi Cracoviensis, honori fuit dicata ædes, pro iisdem senio confectis Presbyteris;

domicilia, claustrique Cubicula, destinavit & assignavit. Reliqua ejus sollicitudinis, & vigilantiae Pastoralis documenta, lapides de parietibus clamant, & saeculorum pii & probi Antistitis, deprædicant memoriam.

Ut autem suis successoribus, Episcopis Vladislaviensibus, suum testaretur affectum, gratamque sibi apud eosdem relinqueret memoriam, imprimis Bona Episcopatus Vladislaviensis, non parvos in illa erogando sumptus, reparavit & restauravit, postea Curiam Episcopalem, prope Cathedralam exædificavit, in quam impensas, ad aliquot millia florenorum ascendentes, erogavit, cujus ipsa commoditas, è propinquitate Cathedræ ex una, & amœnitate horti, ab altera parte, captata, gratissimam æstimationem, animis successorum, ad solitudinem post Curas gravissimas anhelantibus, ibidem ardorem Spiritus, dilatando zelo cultus Divini pernecessarium, (utpote loco, à strepitu temporalium negotiorum semotiore) concipientibus, ingenerabat. Pariter alteram curiam Smarzeviciis, supra fluvium Pilca, lateritiam, quam Andreas à Lipe, Episcopus Vladislaviensis exstruxit, Mathias Noster, formâ, proportionem, ædificiis, picturis, tum & aliam Niesulkoviensem Domum, auxit & exornavit, quin etiam è regione lapideæ Smarzeviciensis, novam Curiam, labore sumptuosissimo, partim latere cocto, partim lignis dolatis, amplissimam eduxit, erexit & excitavit. Cum verò majorem Bonorum, Episcopatus Vladislaviensis partem, extra Dioecesim suam, sitam haberet, & ibidem in illis, ob varias urgentes causas, tam ipse, quam sui Antecessores, residere etiam diuturno tempore cogerentur, igitur ut tutius conscientiae suæ, & Episcoporum Vladislaviensium successorum suorum, ad residendum intra Dioecesim suam adstrictorum, prospiceret, & præcipue, cum in recenti semper memoria, illam Proverbiorum sextò scripturam & monitum haberet: *Excubate in Custodia sanctuarii, & in ministerio altaris, ne oriatur indignatio super Filios Israel; Et alibi, Agnosce vultum pecoris tui, & greges tuos considera;* Illud tandem terribile, quod Dominus per Zachariam minatur, deferentibus gregem suum Pastoribus: *O! Pastor, O! idolum, relinquens gregem, gladius super brachium ejus, & super oculum dextrum ejus;* Territorium Ciechocinense, quod fuit jurisdictionis in Spiritualibus, Episcopi Plocensis, suæ Dioecesis Vladislaviensis fecit, de consensu Stanislai, Episcopi Plocensis, Fratris germani sui, & Capituli Cathedralis Plocensis, siquidem commodius ibi, quàm usquam aliàs, in vicinia suæ Cathedralis Ecclesiæ, Episcopus Vladislaviensis, potest commorari, super quo approbationem ab Urbano VIII. Summo Pontifice, per Mathæum Judycki, Archidiaconum Pomeraniæ, suum ad Urbem Nuntium, Annò Domini, millesimo sexcentesimo quadragesimo, impetravit & obtinuit, ibidemque tres Ecclesias Parochiales, videlicet Ciechoviensem, No-

grodiensem & Dobrzejovensem, unâ cum Zlotoriensi illis adjacente, Authoritate Synodi Vladislaviensis à se celebratæ, ad alias Ecclesias trans vistulam, in Terra Dobrzynensi existentes, adjunxit, & majoris Cleri commoditatis causâ, novum Decanatum Bobrovnicensem iis Ecclesiis, quæ cis vistulam sunt sitæ, penes Decanatum Nieszaviensem relictis, erexit & Decanum constituit.

Verum sicut gratam sui memoriam, apud successores suos Mathias noster relinquere studuit, ita neque Antecessorum suorum, Episcoporum Vladislaviensium, immemor, dum aliquibus Epitaphia, aliquibus monimenta, aliquorum imò omnium vitas, imprimi & exarari curavit; Ac imprimis Episcopis Crusviciensibus, marmoreum Epitaphium erexit, Mathiæ verò Pstrokonio, Episcopo Vladislaviensi, suo Avunculo, in Vladislaviensi Cathedra, in Capellâ Tarnoviana, monumentum, grati animi recordationem, fieri procuravit, Capellam ipsam, sub Titulo Sancti Mathiæ, Tutelaris sui, magnâ ex parte erexit, dotavit & Presbytero, qui ibi personaliter residens, Divina perageret, competentes redditus attribuit, Crates ferreas, eidem Sacello Tarnoviano, non mediocri sumptu, vel sola illum artificis, elaboratâ industria prodente, accommodavit, addita eidem inscriptione: *Ad honorem Dei Optimi Maximi, & memoriam Divi Tutelaris sui, Mathias Lubieński, ex armis Pomian, Vladislaviensis & Pomeraniæ Episcopus, Sacellum hoc, in fundamentis, antè per Decessorem suum, Reverendissimum olim Paulum Wolucki, ab imo erectis, superstruxit, & Presbytero, qui continuò personaliter residens, Divina peragat, competentes redditus attribuit, Annò à partu Virginis Immaculatæ, millesimo sexcentesimo quadragesimo.* Tandem omnium Prædecessorum suorum, Episcoporum Vladislaviensium, Vitas, tum facta, è tenebris oblivionis, in lucem publicam, conscribere mandavit, & Stephano Damalewicz, Sacræ Theologiæ Doctori, Vladislaviensi & Crusvicensi Canonico, ea disponenda commisit, quæ idem Typo impressit, Annò Domini, millesimo sexcentesimo quadragesimo secundo, ut amplissimis Prædecessorum suorum virtutibus, Mathias noster inflammaretur.

Quantum autem unicè in votis habuit, ut tum fideles omnes suæ Diœcesis, tum potissimum Clerici, ea Sanctimonia & morum integritate essent præditi, quæ decet eos, qui in sortem Domini vocati, & à Communi populo segregati, non gratis à Domino, sal terræ & lumen mundi, vocantur, ne dum aliis prædicaverint, ipsi reprobi efficerentur, inde colligi potest, quod omnes Ecclesias, Diœcesis Vladislaviensis, partim per se ipsum, partim per Archidiaconos suos visitaverit, totius Diœcesis Vladislaviensis, statum cognoverit, atque perspexerit. Ecclesiam, ubi reperit non consecratam, consecraverit, aut reconciliaverit, altaria dedicaverit, Sacramentum Confirmationis, ubique in qualibet Ecclesia, administraverit, ut vix aliquid temporis sive ab Episcopalibus, sive

à Senatoriis muniis obeundis, ipsi vacaverit.

Finitis tandem, non solum Sanctè, sed & utiliter Visitationibus, Synodos duabus vicibus, Vladislaviam convocavit, nempe primam, Annò Domini, millesimo sexcentesimo trigesimo quarto, feria tertia, post Dominicam quartam post Pascha, quæ fuit dies decima sexta Maji, alteram verò, Annò Domini, millesimo sexcentesimo quadragésimo primo, Die nona Mensis Junii. Deinde rationibus Ecclesiarum, ac Cleri Pomeraniæ, ob itineris longinquitatem consulendo, ne Vladislaviam venire teneretur, congregationem cum ipsis Subkoviæ habuit, cujus processus, in actis Ecclesiæ Vladislaviensis, ad longum habetur descriptus. In his Synodis, nihil eorum, Mathias noster prætermittere decrevit, quæ ad utramque Dioecesim, Vladislaviensem videlicet & Pomeraniæ, Spiritualibus Bonis augendis & amplificandis, Ecclesiasticæque disciplinæ conservandæ, juribus quoque Ecclesiarum tuendis, vindicandisque, de totius Cleri, unà cum Mathia, arbitrio & assensu, opportuna in Domino judicabat. Hinc Sanctissimas leges & Decreta, Clero suo præscripsit, de vita eorundem & honestate, plurima salutaria statuit, ebrietatem, Venationes, familiaritatem foeminarum prohibuit, interiorem ad Divina Dispositionem, tum exteriori, præcipuè in Ecclesiis munditiem, injunxit, frequentem Confessionem peccatorum præcepit, & quod laudabile est, prædicandum est, omnes Dioecesum suarum Presbyteros, ipse Mathias, Vigilia orationum, simplicitate exempli, Religionis amore, antecelluit, & omnibus præivit.

Statuit præterea optimus Pastor, in his Synodis plurima, ad bonum Ordinem, universæ suæ Dioecesis, tum Religionis incrementum spectantia, quæ postea, typo impressa Cracoviæ, publici Juris fecit, & potissimum ibidem, in obeundis Sacramentorum muniis abusus, sustulit, novas Agendas, quo ad ritum & Ceremonias, imprimi curavit, ut periclitantibus de vita, diligenter Parochi intenderent, ne videlicet defectu Baptismi, ac pænitentiae, animæ interirent, ne essent Sacramentorum Ministri quæstiosi, sed omnia facerent ex charitate, ut Pastores ovibus suis præstò aessent, ut Prædicatores essent, prudentes mysteriorum DEI dispensatores, nempe ut Concionator intentionis esset piissimæ, & ad unius Dei, gloriam extollendam erectæ, ut de Sacramenti pænitentiae necessitate & modo, populum instrueret, videlicet necessitatem, naturam, & effectus uniuscujusque Sacramenti, quàm efficacissimis rationibus demonstrando, quibus populus informaretur & inflammaretur, ut cultum & frequentationem, Sanctissimæ Eucharistiæ, & in ea Christi præsentiam sæpius edocerent, ut effectus Sacramentorum, maximè Confirmationis & Extremæ Unctionis, auditoribus inculcarent, ut Festa & jejunia observanda, promulgarent, ut de Sacramento Matrimonii edocerent, nimirum ut Sponsi jungendi Matrimonio, pro consequenda gratia, ac Sacramenti re-

verent-

verentia, Confessionem præmitterent, & decalogum ac alia fidæi rudimenta, propter posteritatem etiam instruendam scirent, ut observaretur, quæ ex Baptismo & Confirmatione, cognatio Spiritualis contrahitur, ut finita concione, Dominicis diebûs, decantaretur decalogus, rithmò polonicò usitatò, ut à prandiis, Dominicis ac festis diebûs, Catechismus fieret, quo aliàs deberent instrui rudiores, præsertim in Oppidis & pagis, ne quisquam Christianorum ignoraret ea, quæ de necessitate salutis, sciri debent, ut mortuorum cadavera, etiam pauperrimorum, cum decencia sepelirentur, sinè aliqua spe lucri temporalis, constituit, conscripsit, impressit, quod & observari voluit & mandavit. Quia verò prædicta omnia, difficulter observari poterant, ex eo, quod Parochi, ob tenues Ecclesiarum suarum redditus, libros necessarios, qui sparsim & prolixè, doctrinam de Cura animarum tradunt, difficulter comparare poterant, ideo Mathias, in subsidium eorum, Epistolam Pastoralem, Illustrissimi olim Bernardi Macieiowski Authoritate conscriptam, & à Sancta Sede Apostolica recognitam & approbatam, quasi quoddam promptuarium, pro curatis Sacerdotibus confectum, ad usum Diœcesis Vladislaviensis, Decretis suis Synodalibûs adjunxit, præcepitque omnibus, & singulis Parochis curam animarum exercentibus, & Sacramenta administrantibus, ut ipsius modum, & doctrinam compendiosè traditam, in omnibus sequerentur & exequerentur. Hanc utramque Diœcesanam Synodum, Pissimi Prædecessoris, Mathiæ, typis Varlavienfibûs reimpressit, Annò Domini, millesimo septingentesimo undecimo, Constantinus Felicianus Szaniawski, Episcopus protunc Vladislaviensis, & per Decanatus universos, unicuique, in pignus Paterni sui affectûs, viâ cursoriâ transmisit, & ut in Cordibus totius Vladislaviensis Diœcesani Cleri, per profectum Spiritualem renovaretur, Epistola Pastoralis commendavit.

Hæc cum ita Sanctè & exemplariter perageret, duodecemque Annis, æmulo conatu, Herculeis laboribus, in Diœcesi Vladislaviensi defudaret, jam in bona senectute existens, ad Archiepiscopatum Gnesensem, sedem in Regno Polonia primam & Primatiale, gradum dignitatis Celsissimum, promovetur à Rege. Accipit jam suorum meritorum Coronam, qua major in Regno, in Ordine Spiritualium dari nequit, futuram majorem expectaturus in Cælis, quo auditò Cathedra & universa Vladislaviensis Diœcesis, licet Mathiæ nostro, hanc dignitatem gratulari debuerat, cæterum graviter gemuit, quod illo orbaretur Episcopo, qui Ecclesiarum Fundator, Orphanorum Pater, & erat & dicebatur, pauperum & Viduarum, per totam Diœcesim Vladislaviensem, lugubres conquestiones exaudiebantur, ipsi Episcopalis agri vermiculi (colonos intelligo,) præ dolore, erumpentes lachrymas, continere non valentes, voce lamentabili, confitebantur, quod nullis exactionibûs gravarentur, insuper novò & insolitò beneficiò,

afficerentur, dum sibi omnia debita, à Mathia condonarentur, quæ illorum egestas, in laboribus antiquitus præstitis, contraxerat.

Postquam autem Mathias, ex Vladislaviensi Cathedra, ad Primatiale Sedem perrexisset, reliquit post se, in Vladislaviensi Pontificatu, Nicolaum Albertum ab Olexow Gniewosz, de Uršovitiarum gente, supremum Secretarium Regni, reliquit simul suarum virtutum exempla, in sera posteritate imitanda & prædicanda.

CAPUT DECIMUM SEPTIMUM

De gestis Mathiæ in Archiepiscopatu Gnesnensi.

Iam plurimæ in Regno Ecclesiæ, Mathiæ Nostri munificentiam, liberalitatem, aliasque eximias virtutes expertæ, adhuc Deus primam, Principemque in Regno Ecclesiæ, Sedem Primatiale & Archiepiscopalem, Basilicam Gnesnensem, Ecclesiarum in Regno Matrem tantis & tam sublimibus virtutibus, ornare voluit, & Mathiam nostrum minimè cogitantem, atque intra terminos & limites, sui Episcopatus Vladislaviensis Deo servientem, negotiumque animarum, strenuè promoventem, & supremum agonem, (jam enim septuagenarius erat,) prætolantem, eidem præficere. Illam inquam Ecclesiæ, quæ in suis Prælati & Canonicis, Supremo Tribunali Regni præsidet; Sacra Lipsana, Magni Regni Nostri Apostoli, Martyris & Patroni Sancti Adalberti, custodit; quæ plurimis gratiis, privilegiis, indultis, Serenissimorum Regum Poloniae, summorumque Pontificum, gaudet; Quæ recentissimè à summo Pontifice Clemente XII. Cruce aurea Tetragona, cum radiis & globulis aureis, & in medio Crucis cum imagine Sancti Adalberti, Archiepiscopi Gnesnensis & Martyris ex una parte, ex altera verò, cum aquila alba, & cum insigniis Magni Ducatus Lithvaniæ, sibi liberalissimè concessa, suos Prælatos & Canonicos exornavit. Sed juvat præter alia multa privilegia, eidem Ecclesiæ antiquitus concessa, jam ab aliis Authoribus impressa, idem privilegium recens, ad majorem ejusdem Basilicæ splendorem, hic inserere.

Clemens Episcopus Servus servorum Dei. Ad perpetuam rei memoriam, Insignes Ecclesias, quas beneficiis amplioribus Divina cumulavit clementia, nec temporalis modò honoris, sed religionis quoque & Divini cultus splendore, voluit eminere, par est, ut Apostolica etiam Romani Pontificis liberalitas, præcipuis favoribus & Privilegiis ornaret & augeat, atque Ecclesiis ipsis, in earum Ecclesiasticis personis, laudabilem exhibentibus Altissimo famulatum, per triumphale præsertim Dominicæ Crucis Insigne, insignitatis tribuat incrementum. Cum itaque sicut accepimus, Civitas Gnesnensis, Regni Poloniae Metropolis & Primaria ac amplissima existat, illiusque Metropolitana Ecclesia, Archiepiscopali & Primatiali

tiali dignitate præfulgens, cæteras tum Metropolitanas, tum Cathedrales Ecclesias, dicti Regni, antiquitate & dignitate præcellat, nec non ob magnificam & elegantissimam illius structuram, ac illustrem & copiosum, Ecclesiasticarum Personarum inibi Altissimo famulantium cætum, primodiætæque Metropolitanæ Ecclesiæ, infrascriptas dignitates, nec non infrascriptos Canonicatus & Præbendas obtinentium, Prænobile Capitulum, dicti Regni ac Magni Ducatus Lithvaniae, caput constituens, ex quo Præsidentes Tribunalium, in perpetuum constituuntur, quorum auctoritate, doctrina & zelo, plurimum Catholicae fidei roboris & praesidii, nec minus langvoris & detrimenti, haereticæ pravitati, in illis partibus afferre dignoscitur, præcipuum ejusdem Regni decus, & honorificentia existat; in ea quippe septem. Præpositura videlicet post Pontificalem major, Decanatus, Archidiaconatus, Primiceriatus seu Cantoria, Scholasteria, Custodia & Cancellariatus respectivè dignitates, nec non viginti tres Canonicatus, totidemque Præbendæ, jam diu erectæ, annuïsque redditibus, satis congruè dotatae, ac erecti & dotati reperiuntur, interquos duo in Theologia Magistri, totidemque utriusque Juris, ac unus Medicinæ Doctores, nec non quatuor Pœnitentiarii adesse consueverunt; Et sicut exhibita nobis, nuper pro parte Dilectorum Filiorum modernorum, Præpositi, Decani, Archidiaconi, Primicerii seu Cantoris, Scholastici, Custodis, & Cancellarii, nec non Canonici, primodiætæ Metropolitanæ Ecclesiæ, petitio continebat, licet ex præmissis, primodiætæ Metropolitana Ecclesia, insignis & eximia esse noscatur, nihilominus, si dignitates in ea nunc & pro tempore obtinentibus, ac illius Canonicis, etiam nunc & pro tempore existentibus, ut ipsi eorumque in dignitatibus & Canonicatibus ac Præbendis hujusmodi, Successores, infrascriptam Crucem auream, ut infra efformatam, & specialî indulgentiæ thesaurò etiam ut infra ditatam, ab eis pariter ut infra deferendam, gestare valerent, à Nobis ut infra benignè concederetur & indulgeretur, ex concessione & Indulto hujusmodi, Divini servitii decor, illud in primodiætæ Metropolitana Ecclesia, susciperet incrementum, quod præfatæ Civitatis exigit perspicuitas, primodiætæque Metropolitanæ Ecclesiæ, promeretur insignitas piumque Personarum Ecclesiasticarum præfatarum inibi famulantium, appetit desiderium, ac bonæ memoriæ Theodori Potocki, dum viveret, primodiætæ Ecclesiæ Metropolitanæ Gnesnensis Archiepiscopi, dictique Regni Poloniae Primatis, enixè nobis porrectæ preces, expostulârunt. Nos igitur, ad præclaras ejusdem primodiætæ Metropolitanæ Ecclesiæ dotes, animum nostrum advertentes, & gerentes in desideriis, ut salutare Redemptionis nostræ signum, undique gloriosum effulgeat, ac primodiætæ Metropolitanæ Ecclesiæ decori, & Divini cultûs in ea propagandi & conservandi incremento, opportunè consulere volentes, ac Præpositum, Decanum, Archidiaconum, Primicerium Cantorem, Scholasticum, Custodem & Cancellarium, nec non Canonicos præfatos specialis gratiæ

favore prosequi volentes, eosque & eorum singulas personas, à quibusvis Excommunicationis, suspensionis & Interdicti, aliisque Ecclesiasticis sententiis, censuris & pœnis, si quibûs quomodolibet innodatae existunt, ad effectum præsentium tantum consequendum, harum serie absolventes, & absolutos fore censentes, supplicationibûs nobis, pro parte Præpositi, Decani, Archidiaconi, Primicerii Cantoris, Scholastici, Custodis & Cancellarii, nec non Canonorum præfatorum, super hoc humiliter porrectis, benignè inclinati, eisdem modernis Præposito, Decano, Archidiacono, Primicerio Cantori, Scholastico, Custodi & Cancellario, nec non Canonis præfatis, eorumque in Dignitatibus & Canonicatibus & Præbendis, respectivè successoribus, pro tempore existentibus, ut ipsi de cætero, perpetuis futuris temporibûs, postquam tamen Dignitatum & Canonicatum & Præbendarum præfatarum, realem & actualem possessionem assecuti fuerint, ac Fidei professionem & Juramentum, de observandis statutis & consuetudinibus, primodiçtæ Metropolitanæ Ecclesiæ emiserint, & non antea, Crucem auream Tetragonam, cum ejus radiis & globulis etiam aureis, in cujus recto, & in ejus medio, Imago Sancti Adalberti, primi Archiepiscopi Gnesnensi & Martyris, Anaglypha, vulgò di Bassorilieno supra fundum album, in inverso verò Crucis hujusmodi & ejus medio, aquila alba cum alis extensis, etiam Anaglypha, in cujus pectore Insignia Magni Ducatus Lithvaniæ sculpta sint, ac alius juxta primodiçtæ Crucis formam, in pede præsentium delineatam, eamque catenâ aureâ, seu amantò coloris rubei, alligatam, de pectore pendentem quocunque tempore, & ubique, tam in primodiçtâ Metropolitana Ecclesia, quam alibi & extra eam, etiam in processionibus publicis & funeralibus, aliisque actibus particularibus, & functionibus publicis & privatis, etiam in Synodalibus, Provincialibusque, universalibus & Generalibus Conciliis, ac etiam in præsentia Sanctæ Romanæ Ecclesiæ Cardinalium, etiam de Latere Legatorum, Archiepiscoporum, Episcoporum, & Ordinarii etiam proprii, & aliorum quorumcunque, etiam in aliis Diœcesibus, quibûsvis anni temporibûs, tam unitim quàm separatim, deferre & gestare, nec non cum primodiçtâ Cruce, ipsi tantum in mortis articulo constituti, benedictionem ac plenariam omnium peccatorum suorum indulgentiam, consequi libere & licitè, possint & valeant, Apostolica Auctoritate earundem tenore præsentium, perpetuò concedimus & indulgemus, necnon easdem præsentem, ex quocunque capite, quantumvis Juridico & legitimo, de subreptionis vel obreptionis, seu nullitatis vitio, aut intentionis nostræ, vel quopiam alio defectu, notari vel impugnari nunquam posse, sed eas semper & perpetuò validas, firmas & efficaces fore & esse, suosque plenarios & integros effectus, sortiri & obtinere, nec illas sub quibus is similitum vel dissimilium gratiarum, revocationibus, suspensionibus, limitationibus, derogationibus, aut aliis contrariis dispositionibus, per quasunque literas, & constitutiones Apostolicas comprehensas, sed semper ab illis exceptas esse

esse & fore, eisdemque Praeposito, Decano, Archidiacono, Primicerio Cantori, Scholastico, Custodi & Cancellario, necnon Canonicis praefatis, eorumque in Dignitatibus & Canonicatibus & Praebendis huiusmodi respective Successoribus, pro tempore existentibus praefatis, perpetuo suffragari, sicque & non alias per quoscunque Iudices Ordinarios vel Delegatos, etiam Causarum Palatii Apostolici Auditores, ac ejusdem Sanctae Romanae Ecclesiae Cardinales, etiam de Latere Legatos, Vicelegatos, & Sedis Apostolicae Nuntios, judicari & definiri debere, & si secus super his, à quoquam, quavis Auctoritate, scienter vel ignoranter, contigerit attentari, irritum & inane decernimus; non obstantibus quibuscunque, etiam in Synodalibus, Provincialibus, Generalibusque Conciliis, editis vel edendis specialibus constitutionibus, & ordinationibus Apostolicis, ac quatenus opus sit, primodictae Metropolitanae Ecclesiae, etiam Juramento, confirmatione Apostolica, vel quavis firmitate alia roboratis, statutis, Privilegiis quoque indultis & literis Apostolicis, eidem primodictae Metropolitanae Ecclesiae, illiusque Capitulo & Canonicis, ac aliis quibuscunque Superioribus & Personis, in contrarium praemissorum quomodolibet forsitan concessis, approbatis & innovatis, quibus omnibus & singulis, etiam si de illis, eorumque totis tenoribus, specialis specifica, expressa & individua mentio facienda, aut aliqua alia exquisita forma, ad hoc servanda foret, eorum tenores, pro plenè & sufficienter expressis & insertis habentes, illis aliis in suo robore permansuris, plenissimè ac specialiter & expresse, nec non opportunè & validè hac vice duntaxat, harum serie derogamus, ceterisque contrariis quibuscunque. Nulli ergo omnino hominum, liceat hanc paginam, nostrae absolutionis, concessionis, Indulti Decreti & derogationis infringere, vel ei ausu temerario contraire, si quis autem hoc attentare praesumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursurum, Datum Romae, apud Sanctam Mariam Majorem, Anno Incarnationis Dominicae Millesimo septingentesimo trigesimo octavo. Sexto decimo Kalendas Januarii, Pontificatus Nostri, Anno nono. Loco † Plumbi.

Ad hanc igitur nobilissimam Ecclesiam, tot privilegiis & praerogativis fulgentem, post vitam laudabiliter peractam, & beato fine terminatam, Joannis Węzyk, Archiepiscopi Gnesnensis, à Vladislao IV Poloniarum Rege, promovebatur Jacobus Zadzik, Episcopus Cracoviensis, sed hic ob ætatem ad senium vergentem, tum ob alias rationes, gratiam Regiam, Nominationemque non acceptavit, svasit tamen potenter Regi, deditque Commendatitias, ut Mathias Lubieński, ætate & charactere consecrationis, in Collegio Episcoporum primus, ad Metropolitanam promoveretur Cathedram. Ipse item Stanislaus Lubieński, Episcopus Plocensis, Frater Nostri Mathiae, Episcoporum Cujaviensium praerogativam, de ascensu ad Archiepiscopatum, tot annorum decursu praescriptam, servari cupiebat, quam etiam

Hieronymus Rozdrażewski, Episcopus Cujaviensis, & Prædecessor Mathiæ, in Urbe firmari urgebat. Verùm in tanta horum Episcoporum commendatione Mathiæ, prævaluit protunc, Reginae Cecilie Renatæ promotio, quæ Joannem Lipki, pro insigni soleam, cruce eminente, in campo cæruleo ferentem, ex Culmensi Episcopatu, in Metropolitana sede posuit, qui pallium, Annò millesimo sexcentesimo trigesimo nono, ab Urbano VIII. impetratum, per nostrum Mathiam, Episcopum tunc Vladislaviensem, ritu solenni recepit. Sed brevis Pontificatus, & præmaturum Joannis Lipki fatum, Mathiam non ambientem, hujus prærogativæ, monstravit successorem. Cùm enim idem Joannes Lipki, Annò Domini, millesimo sexcentesimo quadragesimo primo, die undecima Mensis Maji, dolore viscerum extinctus esset, summaque hæc in Regno dignitas, per obitum ejus vacasset, Vladislaus IV. Rex Poloniæ, anteaclarum commendationum Mathiæ memor, ipsemet insuper, ejus circa bonum Reipublice vigilantiam, uti Senatoris, inter omnes maximè veterani & emeriti, considerans, longo usu probata merita expendens, assiduam in Senatu frequentiam, Patrie amorem, consiliorum soliditatem, multis annis exercitatum perspicuens, ultio fastigium, summæ in Republica dignitatis, ad eundem, jam septuagenarium detulit, ad Archiepiscopatum Gnesnensem, Primum Principem Regni & Primatem extulit, & literis suis Regiis, apud Sedem Apostolicam, ex amplissima virtutum serie, sat superque prudenter commendavit, Annò eodem, millesimo sexcentesimo quadragesimo primo.

Regem Poloniæ, secutus est summus Orbis Christiani Pontifex, Urbanus VIII, qui Mathiam, in hoc Celsissimo Primatialis dignitatis fastigio votis Regalibus annuendo, Annò sequenti, millesimo sexcentesimo quadragesimo secundo, approbavit, & eidem, anno eodem, pallium, ornamentum primum Pontificis Maximi, deinde Patriarcharum, Primatum & Archiepiscoporum, ac nonnullorum Episcoporum, quibus Privilegium utendi à Sede Apostolica datum est, (ut illud habet noster Episcopus Cracoviensis,) laneum more Sacerdotalis stolæ, humeros pectusque ambiens, ante pectus pendens, Cruces nigras intextas habens, alia omnia Sacra ornamenta tegens, ob virtutem toties Apostolicæ Sedi prædicatam, libentissime largitus est. Approbatione & diplomate translationis, ab Urbe recepto, Archiepiscopatus possessionem iniit, postea Lovicium ingressum absolvit, moxque ibidem, in Insigni Collegiata Ecclesia, Pallium Metropolitanæ dignitatis Insigne, Andreas Szoldrski, Episcopus Posnaniensis, in eodem Anno, millesimo sexcentesimo quadragesimo secundo, eidem imposuit.

Postquam verò dies translationis Sancti Adalberti Archiepiscopi Gnesnensis & Martyris, Poloniarum Apostoli, in Anno eodem millesimo

lesimo sexcentesimo Quadragesimo secundo dicata, nempe vigesima Octobris venit, Mathias Nolter, licet quidem quo ad se modesto decentique comitatu, oræ tamen Siradiensis effusæ, comitatu splendissimo, Majorum Polonorum catervis rutilantibus, & curribus frequentissimis obviam prodeuntibus, maximo Regni applausu, festiva animorum suorum testificatione, Basilicam Primatiale & Archiepiscopalem adiit, possessionem accepit, fuitque in Cathedra Metropolitana Gnesnensi, hujus nominis secundus, in Ordine verò Archiepiscoporum Gnesnensium sexagesimus. Aderant tunc *Proceres* Regni præsentés, ad hunc primum ad Cathedram Metropolitanam ingressum, Andreas Szoldrski, Episcopus Posnaniensis, Petrus Gebicki, Premisliensis Episcopus, Nominatus Cracoviensis Supremus Regni Cancellarius, Hieronymus Radomicki, Palatinus Inovladislaviensis & alii. Nomine Sacri Metropolitanæ Collegii salutatus fuit, ab Alberto Grabowski, Gnesnensi & Posnaniensi Canonico, qui postea Venceslai, Comitis de Leszno, Archiepiscopi Gnesnensis Cancellarius, & in Annò millesimo sexcentesimo sexagesimo, Episcopus Ennensis & Suffraganeus Posnaniensis fuit. Lyszkovicis inter vivos agere desuit, Prælatu spectatæ prudentiæ & probitatis.

Porro ad Mathiam Noltrum revertamur. Hic ut aquila renovans plumas ad volatum, ita ad munia Ecclesiastica & Officia spiritualia obeunda, Divina gratia seniles vires ejus confirmante, gratiosus re-floruit, ut omnes Officii sui partes impleret, bonique Pastoris munus exequeretur. Quare imprimis suscepti Regiminis Annò primo, Visitationem generalem, Ecclesiæ Metropolitanæ Gnesnensis instituit, in qua ad examinandos Ministrorum & Sacerdotum, qui in decantandis Dei laudibus, assidue versabantur proventus, beneficiorumque fructus & redditus se contulit; quos, præsertim verò Vicariorum, cum tenues esse comperisset, ejusmodi ineundum esse modum censuit, quo tenuitatem eorum, crescente maxime in dies, tam valore quam pretio annonæ, sublevaret, eosque ad cultum Divinum sedulo peragendum invitaret. Finita visitatione Metropolitanæ Ecclesiæ, statim lustravit per se, majorem amplissimæ Archidiæcesis Gnesnensis partem, reliquam sollicitudini diligenti, vigilantia Archidiaconorum commendavit, & per eosdem expedivit, ut perspecto Ecclesiarum omnium statu, occurrentibus incommodis, juxta uniuscujusque necessitatem, quam optime mederi posset.

Et licet in pluribus Gnesnensis Archidiæcesis Ecclesiis, illuxit cura & sollicitudo nostri Mathiæ, potissimum tamen, in Archidiaconatu Camenensi, quem ut præsidio salutari magis, inter hæreticorum fraudes & versutias indigentem, & longius dissitum ac remotum, magna itineris incommoditate, & posthabita valetitudinis curâ, senectuti & gravioribus itineribus non parcendo, Annò ætatis septua-

gesimo sexto, visitandum ipse suscepit, magnum credo habuit solatium, Archidiaconatus ille, inter tot circumquaque positus Hæreticos, dum illi affulsit vultus, pii probique Pastoris, quem à multis retroactis annis, in illis terris videre desiderabat, non tamen aut vix, ut ex majorum constat traditione contingebat. Imprimis itaque Clerum illius Archidiaconatus, qui per quatuor Decanatus, animarum curæ attendit, Camenum convocavit, & Synodum particularem, cum Ecclesia Camenensi, XII. Calendas Septembris, Anno millesimo sexcentesimo quadagesimo septimo, celebravit, in qua multa monita & instituta, locis illis peropportuna, ad honestam eorum inter hæreticos conversationem sancivit, ordinavit, ac definivit. Præter tantos autem labores, stante hac visitatione, in una quaque Ecclesia, & præcipuè in Ecclesia Camenensi, bis mille amplius hominibus, Sacramentum Confirmationis contulit, novas Ecclesias dedicavit, Altaria & Sacra vasa consecravit, Campanas, Cæmeteria, imagines benedixit, ac tandem ad ultimum Archidiocesis suæ Regnique terminum, Sluchovum usque perrexit, atque ibi Ecclesiam Sluchoviensem, à Jacobo Weychero, Palatino Mariæburgensi, latere cocto eleganter ædificatam, & altaribus sanctè pictis ornatam, Sacris autem vestibulis, aliisque paramentis, tum tota suppellectili Sacra, ab Anna Inclytæ ac Generosissimæ stirpis, Comitum Schaffgoc, Palatina Mariæburgensi, pia liberalitate dotatam feriâ secundâ post Festum Sancti Bartholomæi Apostoli, consecravit, sub quod tempus, confirmationis charactere, Filiam Palatini, & plurimos utriusque sexus Christi Fideles insignivit. Tucholiam pariter, vicinum Oppidum venit, ibidemque, Ecclesiam Parochialem visitando, Ludi literarii Magistrum, cui censum salariumque, Bartholomæus Nowodworki, Eques Melitensis inscripserat, ut in eo loco naviter se gereret, juventutemque probis moribus, pietate ac literis erudiret, monuit. Provisores item Nosocomiorum, ut fideliter seduloque, pauperibus necessaria providerent, commonefecit, si a Christo sibi ministerium pauperibus exhibitum, optarent imputari. Ecclesiam Zadermi, qui Pagus hæreditarius fuit, Alexandri de Otok Zaleski, Supremi Regni Referendarii, ab eodem muro structam dotatamque, sub titulo Sancti Venceslai Martyris, consecravit; aliaque plurima Ecclesiis & locis opportuna, fecit & ordinavit.

Dum autem visitaret Ecclesias, & latissimæ suæ Archidiocesis partes lustraret, factum ubique sive aliquam suspensionem superbiæ, sive in privato sive in publico vitabat, omnibus affabilem, & comem se præstabat & ostendebat, nemo ejus aditu arcebatur, nemo post fores stabat, nemo audientiam cum tædio expectabat. Ut autem reliquis laboribus, in tam ampla Archidiocesi Gnesnensi, Adjutorem

jutorem haberet, citiusque & exactius, tam circa Personarum, quam rerum ad cultum Divinum destinatarum unctiōem & Consecrationem, unicuique satisfaceret, officiumque suum & munus Pastorale impleret, Adrianum Grodecki Gente Jastrzembecium, doctrinā insignem, probitate clarum, judiciō gravem & aliis eximiis virtutibus ornatum, in partem laboris sui assumpsit, & eundem in Episcopum Theodosiensem consecravat, ac Suffraganeum Gnesnensem creavit.

Enitis visitationibus totius Archidiececesis, Synodum Archidiececesanam indixit Uniejoviam, Civitatem Archiepiscopalem, ad septimum Idus Julii, in Annō millesimo sexcentesimo quadragesimo tertio, convocavit Clerum; in qua plures abusus morum refecit, multa præclare circa Missarum celebrationem, & Sacramentorum Administrationem, ordinavit, reliqua statuta Ecclesiasticæ disciplinæ retinendæ opportuna, in ea condidit. Exstat eidem Synodo annexus sermo, Sebastiani Victor, Canonici Loviciensis, de dignitate & perfectione Sacerdotali habitus, qui lectione & alta consideratione dignus. Peracta ea Synodo Archidiececesana Mathias, Provincialis congregandæ, agitabat consilia, quam sine ulteriori cunctatione, Annō eodem, pro die octava Mensis Novembris, indixit Varsoviæ, denuntiavitque comprovincialibus Episcopis. Porro cum Synodo, designata supervenisset dies, Episcopi ad illud nationale concilium, frequentes convenerant, excepto Stanislao Grochowski Archiepiscopo Leopoliensi, qui suum miserat Procuratorem & Nuntium. Aderant huic sacræ consultationi, Petrus Gembicki Cracoviensis, Nicolaus Albertus Gniewosz Vladislaviensis, Andreas Szoldrski Posnaniensis, Andreas Gembicki Luceoriensis, Alexander Trzebiński Premisliensis, Supremus Vicecancellarius Regni, Georgius Tyfzkiewicz Samogitiæ, Paulus Piaſecki Chełmensis, Alexander Sokółowski Pomianus Kioviensis, Administrator Abbatiae Trzemesznenſis; qui potentissimis rationibus, sanum consilium Mathiæ Noſtri, contra omnes alios defendebat, Andreas Leszczyński Camenecensis, Nicolaus Krośnowski Vendenſis, Administrator Abbatiae Czerwenensis; alii Nuntios miserunt, tum primaria Pontificalium Ecclesiarum Collegia, Abbates plurimi, quorum nomina in acta Synodi relata, ad hanc Synodum convenerant, quæ in Insigni Collegiata Ecclesia Varsoviensi, Sancti Joannis, peracta est & celebrata. In hac Synodo, multa salutaria constituit, Decreta promulgavit, Sanctissima statuta ordinavit, quæ postea Varsoviæ, Annō millesimo sexcentesimo quadragesimo sexto, typo impressit, & luci publicæ dedicavit, in contravenientes illis, pœnas tales statuit, quæ & contravenientibus essent salutares, & proximis proficuæ, & suæ charitati, quam habuit erga proximum satisfactoriæ.

Ardebat Archipræsul præcipua charitate erga proximum, timebat ne Christiani, in potestatem infidelium devenientes, in misera servitute, à Religione deficerent, ideo in contravenientes, Constitutionibus iisdem pœnas crumenales statuit, pro redemptione captivorum ab Infidelibus, applicandas. Sciens autem, quod ad Archiepiscopum pertineat, Concilii Tridentini dispositione, in celebrandis Divinis Officiis, & psallendis, cogere Suffraganeos, ut se mori Metropolitano accommodent, quod non coactione sed benevola invitatione, & Ritualis Libri, ad Romanum morem reductione, præstitit egregiè Joannes Wężyk, datò privilegiò, Typographo Cracoviensi, Andreae Petricovio, ut libròs ad usum Officiorum Divinorum, suo sumptu imprimeret; Mathias igitur, in eodem Concilio nationali, idem privilegium, Heredibus ejusdem Andreae Petricovii, Confirmavit, ut Polonæ Ecclesiæ, more unanimi, Romano mori conformi, in celebrando & psallendo Divino Officio, in posterum Deum laudaturæ uterentur.

Sed quia parum profunt leges, si non servantur, idcirco Mathias Noster, ut observarentur gratiaque Divina cooperante implerentur, sæpiùs ad Deum preces & orationes fundebat, ex quibus unam, aureo stylò notandam in præfatione ejusdem Synodi, typo impressit, suumque Zelum animarum, Christi sanguine redemptarum, testatus est, his verbis; *Te Pastorum Princeps Christe Jesu, supplices oramus, ut conatus hos nostros, prosperare digneris & corda Nostra, cælesti charitate inflammes, quatenus Tui, veri Pastoris imitatores effecti, ita munus nostrum impleamus, ut supremam rationem, factorum nostrorum, & commissarum nobis animarum, Tibi reddituri, verè dicere possimus: quos dedisti mihi, non perdidisti ex eis quemquam;* Et insuper eandem Synodum, Authoritate Apostolica, approbari curavit, ab Innocentio X. super qua re, literas ad Sanctissimum protunc, ante Innocentium X. Ecclesiam gubernantem, Urbanum VIII. scripsit, quas per Joannem Mathæum Judycki, Canonicum Gnesnensem & Archidiaconum Pomeraniæ, Romam misit, pro obtinenda approbatione hujusmodi Synodi.

Verùm acriter & diu admodum, a nonnullis oppugnata fuit hæc Synodus, in quibus confutandis multum tuit, tum laboris tum temporis consumendum. Cæterum postea, ad ingentissimam supplicationem Archipræsulis, eandem approbavit Innocentius X. per speciale Breve de Data Romæ, apud Sanctum Petrum, sub annulo Piscatoris, Die decima octava Decembris, Annò Domini, millesimo sexcentesimo quadragesimo quinto, Pontificatùs sui Annò secundo ex voto Sanctæ Congregationis Sacri Concilii Tridentini, in quo Brevi, idem Pontifex, Mathiæ Nostri pietatem laudat, tum Catholicæ Religionis zelum, ac in Sanctam Sedem devotionem. Scripserat ad eundem, & Eminentissimus Cardi-

Cardinalis Caraffa, Sacri Concilii Interpretum Præfectus, de data Romæ, die vigesima quarta Februarii, Annò Domini, millesimo sexcentesimo quadagesimò sexto, in quibus literis, hanc Synodum Provinciale, uti opus ad populi salutem, Cleri reformationem summè necessarium, multis vigiliis, multisque laboribùs, inceptum & continuatum, summis laudibùs attollit.

Quia verò illa Regina & Mater omnium Ecclesiarum Regni, Basilica Primatialis Gnesnensis, temporibùs & sub regimine, Alberti Baranowski Archiepiscopi Gnesnensis, Annò Domini, millesimo sexcentesimo decimo tertio, gravi incendiò conflagraverat, nec erat qui finem ruinis imponeret, & licet primam curam eidem Metropolitanæ Ecclesiæ restituendæ, adhibuerat idem Albertus Baranowski, qui solida campaigne connexis trabibùs, posuit tectò fulcra, morte tamen interceptus, vestiendæ ære bracteato, reliquit suis Successoribus. Post hunc Laurentius Gembicki, Archiepiscopus Gnesnensis, ejusdem Ecclesiæ reparationem, satis strenuè & liberaliter adorsus, sed pariter, ab eadem inimica votis hominum morte præpeditus, non perfecit, continuandam reliquit Capitulo Gnesnensi, Clave Grzegorzewiensi in sumptus destinata. Excepit adhuc hanc post Decessores Provinciam, exornandi sponsam suam, Joannes Węzyk Archiepiscopus Gnesnensis, qui postquam superioris partis tectò, ultimam appoluit manum, Sacristiam deinde & Gazophilacium, fenestris altè latèque patentibùs, & ferreis cratibùs egregiè munitis, è tenebroso squallore vindicavit.

Coronà tamen coronidis imponendæ, Mathiæ Nostro, Divina Providentia ita diponente reservabatur, qui ab ingressu statim Metropolitanæ Ecclesiæ, alacre studium, ad restaurandam eandem Ecclesiam, & ad decorem promovendum Sponsæ suæ vertit, & magno sumptu, à Gazophilaciò incipiendo, omnia ex Ordine Sacella Basilicæ, & Capellas, (exceptà Baranovianâ, quæ sumptu Fundatoris, æneis tecta laminis, fabricæ & marmoris elegantia eminet,) à diuturno squallore & ruina vindicavit, quasdam ex fundamento pene crexit, alias verò restauravit, & in meliorem formam redegit, omnes incrustatione, plerasque concameratione adornavit, tum omnes & singulas bracteato ære, obduxit & operuit.

Ut autem prædicta Ecclesia Metropolitana Gnesnensis, quasi Luna plena in diebus suis existeret, pulchrior magnificentiorque appareret, eandem novo, pleno decoris ditavit splendore, dum turrim australem, videlicet ad partem dextram Ecclesiæ, cum per aliquot sæcula stetisset informis, media sui parte minor, & patentibùs ab incendio rimis, ad horrorem prætereuntium hians, ex ipsis fundamentis, sexdecem ulnas profundius, quàm vetera fuerunt, muratis hinc inde fulcris ferramentisque compactam, solidè, in parem alteri

superstiti verticem, sumptu propè incredibili, (lapidum currus quatuor millia, fossam sub fundamentis antiquis egestam impleverunt, exceptis lateribus,) eduxit, atque elegantiore decoratam apice, laminis æneis contexit, frontispicium seu faciatam Ecclesiæ, magnis impensis, (lapides de pariete clamant,) construxit, per quod Augustiorem & Magnificentiorem, eandem Ecclesiam Metropolitanam, reddidit.

Hæc tam ingens circa sponsam suam sollicitudo, abundè patet, ex ejus ad Capitulum Metropolitanum Gnesnense, pro Festo Sancti Adalberti, in Annò millesimo sexcentesimo quadragesimo quarto, celebratum, conscriptis punctis, in quibus, & summam ad restaurandas Basilicæ ruinas, applicationem declarat, & nullis pro ejus ornamento sumptibus, se parcere fatetur; Præstat fragmentum, eorundem punctorum, ad majorem commendationem, tanti Ecclesiarum Benefactoris, hic inferere: *Quàm bene huic vetustissimæ, ac Principi Basilicæ cupiam, eamque ornare & debito nitore restituere contendam, hoc ipsum Argumento esse potest, quod statim à meo ad illam aditu, ad ruinas ejus restaurandas, me applicuerim, hætenusque ea in re, nullis sumptibus parcam.*

Ad hæc, ut ampliorem & præcipuum, erga prædictam Ecclesiam sponsam suam, bonus Archiepiscopus, ostenderet amorem, tum ut pietatis suæ, ad promovendum Cultum Divinum, augendaque hujus Basilicæ decora & ornamenta, perpetuum in ea relinqueret documentum, Capellam imprimis Hebदारum, Gentilium suorum, Stemmatibus Pomian dictam, nobilissimè à fundamentis restauravit, eandem que, per adjunctionem Capellæ Kricianæ, de consensu Capituli Gnesnensis, dilatavit, elegantissimis picturis, alteri totaliter inaurato, in quo imago, oblationem pueri Jesu, per Virginem Matrem, in Templo Hierosolymitano, cum assistentiâ piorum, consolationem Israël expectantium, exacto artificio repræsentans cernitur, decoravit, marmoribus pretiosis, postes utrosque Capellæ magnificè, tum ipsum pavimentum Capellæ expolivit & exornavit, ac sub titulo Purificationis Beatissimæ Mariæ Virginis, erexit & fundavit.

Erecta taliter & exornata Capellâ, mox in ea Officium parvum Beatissimæ Virginis Mariæ, singulis diebus cantandum, cum Missa vulgo Matura dicta, de eadem Beatissima Virgine de tempore, per decem Presbyteros pariter cantanda, undecimo eam celebrante, ac duodecimo sive Presbytero sive Laico, organum positivum tangente; primò ex Collegio Vicariorum assumendos, & in defectu eorum, ex aliis Collegiis, ac tandem ex Sacerdotibus extraneis, in Cantu figurali exercitatis, supplendos, vita sua durante, pro peccatis suis, post decessum verò suum, pro anima sua fundavit, quibus intuitu laboris, summam viginti millium Polonicalium, in Bonis Szczytniki, Choyno, Glow-

Głowczyn, Korzekwin, & Kuczwola, coram Actis Minoribus, Metrices Regni Varaviae, Feriâ sextâ post Dominicam *Cantate* proximâ, Annô millesimo sexcentesimo quadragesimo septimo, inscripsit, censum à prædicta summa, per Procuratorem Capituli Gnesnensis recipiendum, & inter prædictos Vicarios distribuendum, ordinavit. Insuper alias necessitates, ejusdem Capellæ providendo, aliam summam, tredecim millium, & trecentorum florenorum polonica-
lium, in Bonis Charlupia major, Drzazny, Rowy & Proedio Jedynakowskie dicto, in Palatinatu Siradiensi sitis, coram Actis iisdem Minoribus, Metrices Regni Varaviae, pariter Feriâ sextâ post Dominicam *Cantate*, Annô Domini, millesimo sexcentesimo quadragesimo septimo inscripsit, censum à prædicta summa, similiter per Procuratorem Capituli Gnesnensis, recipiendum, & in necessitates ejusdem Capellæ, secundum dispositionem & ordinationem suam, in erectione ejusdem Capellæ contentam, expendendum ordinavit.

Ut autem prædictum Officium, Beatissimæ Mariæ Virginis, cum Missa, in prædicta Capella, rite & concinnè expediretur, essetque & haberetur, qui ejusmodi Officio attenderet, & Presbyteris prædictis, in expediendo prædicto Officio præesset, Capellæ quoque istius Lubienianæ, curam haberet, ordinationes & dispositiones Fundatoris, ad effectum deduceret, & observaret, ultra prædictos Presbyteros, etiam Præpositum, (qui eo titulo gaudere, & eo Nomine vocari, stallumque inter Canonicos Cathedrales Gnesnenses in Ecclesia, ad quod libere prædictum Capitulum Gnesnense consensit, habere deberet,) fundavit & instituit, eidemque pro fundo & dote, Villam Bliżyce, in Palatinatu Posnaniensi sitam, per se ad eum effectum emptam, & à desolatione vindicatam, attribuit & appropriavit, Jure patronatûs sibi quo ad vitam, post decessum verò suum, Domui suæ Lubienianæ, qui ex ea major dignitate Ecclesiastica sive sæculari, vel demum ætate & Catholicus fuerit, relicto, præsentandi Præpositum, prædictæ Capellæ Lubienianæ, semper de Familia Lubienſiorum, prout erectio ejusdem Capellæ, fusiùs de omnibus edocet, Annô millesimo sexcentesimo quadragesimo septimo, per Nostrum Mathiam facta, in pargameno conscripta, & in loco Capitulari, Ecclesiæ Metropolitanæ Gnesnensis, conservata. Hujus ad præsens Capellæ, existit Præpositus, Familioe Lubienſcianæ præcipuum decus, exterarum nationum, (quas in juventute lustravit,) delicioe, Literatorum, edito magno Volumine Princeps, Mathioe Nostri virtutum Hæres & Imitator, Vladislavus Lubienſki, Decanus Metropolitanus Gnesnensis, Supremus Regni Notarius, & brevi, annuat Deus, in Regno Episcopus & Senator, Ordinisque mei, virtute Domui suæ innata, singularis Patronus.

Porro Mathias Noster, sicut prædictam Capellam, in vivis existens dotavit & exornavit, ita & post mortem suam, eandem ditare

voluit, & factò ultimò testamentò, multis mobilibùs pretiosis eidem legatis, ditavit, ac imprimis eidem Capellæ suæ, legavit duo paria Candelabrorum Argenteorum, unà cum Cruce, qua circa missarum solennia utebatur. Reliquiarium magnum, instar Altaris factum, Reliquiarum aliud argenteum magnum, unà cum elegantissima imagine, depositionis Salvatoris Nostri de Cruce, pluteum Argenteum, pelvim argenteam deauratam parvam, qua apud Altare ad lavandas manus utebatur; pelvim argenteam minimam, cum duabus ampullis parvis & tertia paulo majori, campanulas argenteas deauratas duas, aulea Hollandica, tapetia persica sex, tapetem magnum in gradibus altaris ponendum, aulea scorteæ, missalia nova duo, Sabana præstantiora, sellas duas sericeas coloris cerulei & alia minutiora eidem Capellæ servientia, legavit. Et quia in prædicta Capella, Sacrosancta Missæ Sacrificia & Officia Divina, in perpetuum celebrari voluit, ad hæc commodiùs peragenda, apparatus suos Ecclesiasticos, in Italia, Annò Domini, millesimo sexcentesimo quadragesimo primo, comparatos, Album, Violaceum, Rubrum, & rursus casulam novam albam pretiosam, Ecclesiæ & Sacristiæ Gnesnensi legavit, partemque censùs, à summa quinque millium florenorum, in Bonis Lipicze, per Stanislaum Kobierzycki, Castellatum Krzywiniensem, in Actis Castrensibus Siradiensibus inscriptorum, provenientis, quotannis assignavit, ut apparatus omnis generis, ad peragenda Sacrosancta Missæ Sacrificia, unà cum cera & vino, in perpetuum ad Capellam prædictam, pro Officiis Divinis compararentur.

Neque voluit præterea, jam in declivio vitæ suæ, jamque moribundus existens, Ecclesiam Metropolitanam Gnesnensem, cum suis ulterioribus beneficiis præterire, sed quidquid habuit, quidquid per totam vitam suam collegit & acquisivit, in pecunia parata, auro, argento, frumento, frugibus, bobus, pecoribus, navibus ad devehendum frumentum Gedanum, vinis in cellario, debitis apud quascunque personas existentibus, vestibus, peristromatibus, tapetis ac quibuscunque aliis rebus & omni sua supellectili, eidem Ecclesiæ Metropolitanæ, donavit, legavit, eandem prætermisiss suis, rarò & vix auditò exemplò, omnibùs consanguineis, omnium suorum Bonorum mobilium, per ultimum testamentum, Hæredem fecit & instituit, & insuper totam illam & omnem partem proventuum quæ ei tempore mortis, nomine Anni gratiæ, ex Archiepiscopatu Gnesnensi, à Successore debebatur, Ecclesiæ suæ Gnesnensi, pro continuanda fabrica Ecclesiæ, sive interiori, sive exteriori, donavit.

Legavit præterea Mathias Noster, eidem Ecclesiæ Metropolitanæ Gnesnensi, anulum majorem cum Saphiro, pro usu Successorum suorum Archiepiscoporum & Suffraganeorum Gnesnensium

fiunt, quotiescunque in eadem Ecclesia Gnesnensi, Sacris operabuntur, aulæum novum, ex tela Damasceni operis flava & rubraliori confectum, ad ornandos parietes circa Majus Altare, unâ cum sella holosericea, qua in Senatu utebatur, & fellis duabus holosericeis rubeis; Mitras item omnes, chirothecas sericeas, Opertoria faldistorii varii coloris, Missalia, gremialia, & cætera quævis, ad ornandum Episcopum sacris operaturum pertinentiâ, testamentò donavit & legavit. Denique, in signum propensæ suæ in Ecclesiam Metropolitanam voluntatis, ei ornandæ & debito splendori restituendæ, totum & omne, quidquid ultra onera variarum à se factarum foundationum superfuerat, dedit, donavit & reliquit, sperans, quòd Capitulum Gnesnense gratum se ostendet, Mathiæque Nostri foundationes factas, fovabit & promovebit. Hanc igitur piissimi Archipræsulis munificentiam heroicam, grati animi testificatione, profecutum Capitulum Metropolitanum Gnesnense, Caput Bisontis aurò nitidum, Gentilitium Insigne Mathiæ, tum supra valvas australes, tum in ipsa faciata Ecclesiæ Metropolitanæ Gnesnensis, ad occidentem, tum intra, in ipsa Ecclesia supra postes marmoreos Capitulares, sumptu Mathiæ Nostri erectos, affigendum ordinavit, & memoriam ad imitationem posterorum, tam magni Ecclesiæ Metropolitanæ Benefactoris, in fronte omnium prætereuntium, posuit & collocavit.

Sic dotata & in suo statu perfectò, relictâ Ecclesiâ Metropolitana Gnesnensi, ut etiam suis Successoribus, Archiepiscopis Gnesnensibus, suam relinqueret memoriam & testaretur affectum, ad reparanda palatia, Arces & Mansiones, Mathias Noster se convertit; & imprimis arcem Archiepiscopalem Lovicii, juxta paludes sitam, ad quam ducit pons sublicius longo trabium ordine, in sui que medio, arcet hostiles impetus valvis pensilibus, quæ attractæ, pontem interfecant, ita ut accessus ad alteram partem pontis non pateat, palude obstante profunda; hanc clivosæ Valles, impensis Stannislai Karnkowski ad munimentum egestæ, ambiunt, quas Mathias Noster refecit, & ad propugnandam arcem, non parvo sumptu accommodavit utiliùs. Volendo autem ibidem, ulteriorem suæ liberalitatis relinquere memoriam, habitationem in porta horti, exquisitis herbis exornati, quam Joannes Wężyk Archiepiscopus Gnesnensis ædificavit, Mathias autem eandem commodiùs ampliavit, sèpimentis hortum munivit, stagnum amplissimum fovendis piscibus aptissimum, Pomian dictum, magnò impendio effodi curavit, Gimnasium Loviciensè pariter restauravit, & portam Civitatensem Lovicii, Patres Bernardinos versus, de cocto latere posuit, cujus munificentiam stemma Lubienianum, positum in hac porta ostendit.

Quia verò Archiepiscopi Gnesnenses, propter latissimos amplissimæ suæ Archidiæcesis fines, nunc in hoc, nunc in alio loco resident,

idcirco Mathias Noster, alteram arcem Uniejoviensem, per Jarosla-
um de Skotniki ædificatam, & per Joannem Wężyk Archiepiscopum
Gnesnensem, à parte Aquilonari instauratam, in reliquis partibus per-
fecit & exornavit, aulam sive solarium arcis istius, Itemmatibus Ar-
chiepiscoporum decoravit, turrim altiùs eduxit, fastigium imposuit
laminis ferreis, stannò illitis obduxit, horologiò decoravit, quo so-
nante, quot horas populus Uniejoviensis numerat, tot vota nuncu-
pat, pro salute animæ, pii & liberalis Principis, Deiparam Virginem
ad sonum, more majorum salutans. Cernebatur supra Uniejovien-
sem portam, restorationis istius memoria, inscriptione tali compre-
hensa: *Restauracionem arcis hujus, à Joanne Wężyk Archiepiscopo Gne-
snensi captam, sed post restauracionem, meridionalem partem morte inter-
missam, secundus ab eo Successor, Mathias Lubieński Archiepiscopus Gne-
snensis, resumpsit, & occidentali aquilonarique parte refecta, & turri e-
ducta, suæ Successorumque commoditati continuavit, Annò Domini mille-
simo sexcentesimo quadragésimo quinto* Quid plura de Nostro Mathia
scribam? Arcem Opatovecensem, in majorem habitandi commodi-
tatem restituit; Gnesnensem ultra Prælatorum & Canonicorum cu-
rias, ad lacum dictum Jeleń sitam, ampliavit; Curiam Campinen-
sem, & Chroslinii Domum, speculatrici solitudini accommodatam,
prope vivarium ferarum exœdificavit; Liskoviciensia ædificia refecit, &
facellum elegans, palatio per Antecessorem Joannem Lipski extru-
cto, adjunxit, & Successoribus suis, commodas habitationes, & gra-
tam sui memoriam reliquit.

Neque Antecessorum suorum, Archiepiscoporum Gnesnensium
immemor, dum eorundem gloriosa facta, ex oblivione in memori-
am, è tenebris in lucem, de latebris ad solem publicum eduxit, vitas
eorundem videlicet, Stephano Damalewicz, Canonicorum Latera-
nensium, ad Sanctum Nicolaum Calissii Præposito, quondam suo
Theologo, conscribere mandavit, & pro impressione typo, sumptum
liberaliter suppeditavit. Reliqua quæ noster Mathias, in vita integer-
rima gessit, & quæ decem Annis, Ecclesiam Metropolitanam & uni-
versam Archidiæcesim Gnesnensem, sanctissimè regendo fecit, ne far-
ragine, gloriosa illius involvamus facta, Sanctissimas confundamus Vir-
tutes & merita, in reliquis idque, ulterio ribus, describemus capitibus.

CAPUT DECIMUM OCTAVUM.

De Fundatione Ecclesiarum variarum per Mathiam in Polonia.

Latissimum denuo ingredimur campum, in quo quot Ecclesias, tem-
pla & Sanctuaria, per Mathiam Nostrum fundata, restaurata & dota-
ta, tot trophæa nobilissima, tot monumenta magnifica, Deo totique Cælo
acce-

ptissima, admirabimur. Numeravimus Ecclesias, Ordinis Canonico-
rum Sancti Sepulchri, sub toto Capite undecimo, per eundem fun-
datas vel restauratas, conspeximus Cathedras & celeberrimas Basili-
cas, quarum Mathias Noster, Præsul & Episcopus erat, ab illo sive e-
rectas sive dotatas & ornatas, nunc iterum, quæ ejus summa in De-
um liberalitas, pietas, & ad prodigium munificentia, alibi operata sit,
admiremur.

Occasionem autem, fundandarum & dotandarum Ecclesiarum,
Mathias Noster hinc accepit; cum Mathias Piłkoński, Episcopus
protunc Premisliensis, Diocesim suam visitasset, Mathiamque No-
strum, Socium visitationis & laborum suorum, secum habuisset, in
Pagum Cracovecium, ditionis protunc Alexandri, Ducis in Ostrog,
ad visitandam ibidem Ecclesiam pervenerunt, ubi templum erat an-
tiquitus Catholicum, quod, idem Dux Græco Schismati addictus, in
Ruthenum ritum transtulerat, sed eo vitâ functo, Uxor illius fœmina
religiosissima, iterum illud Catholicis restituerat, Romanæ Religionis
dato Sacerdote. Is omnium rerum egens, cum quibus illud tem-
plum recenter restitutum, indigeret, Episcopo explicasset, ille non
subducta ratione pecuniæ, quantam tunc haberet, jubet numerare
centum florenos, in subsidium Ecclesiæ impendendos, dissuadebat pro-
tunc Mathias, eo tempore Gnesnensis Canonicus, qui privatas ejus ra-
tiones tractabat, ostendebatque, quantum adhuc in perlustranda Di-
æcesi itineris & sumptuum faciendum esset, & quàm exigua summa
pecuniæ, (quadringenti erant circiter floreni) Episcopo superesset, ac
proinde differri oportere petitionem Parochi, dum Domum Epi-
scopus rediret. Assensit Episcopus quidem, idque ægre, cæterum
comminatus est, brevi eventurum, ut illum ipsum sui Consilii pani-
teret. Dicto eventus respondit: nam sequenti nocte, arculam in
qua & Episcopi & Mathiæ pecunia erat, fur abstulit, quod ut intel-
lexit Episcopus, ne minimum quidem jacturâ rei permotus, nimiam
tantum erogandi in Ecclesiam parsimoniam, eo furto castigatam
est professus, ut quam primum domo, pecunia in subsidium Eccle-
siæ promissa, mitteretur, mandavit, & Mathiam, subtrahendos suis
usibus proventus, & in rationem Ecclesiarum impendendos, debere
esse, hoc exemplo monuit. Præcautus tali exemplo & monitione
Mathias, in illo statu, quo sibi proventus ampliores augebantur, cò
magis Ecclesiæ & Monasteria liberaliorem expertæ, ita ut suis usibus
moderatis, totum in Ecclesiarum fundationes, dotationes, effunde-
ret.

Et primò Insignis & prærogativis & structura, Collegiata Eccle-
sia Lovicii, Civitate Archiepiscopali, liberalissimum exper-
ta est Fundatorem, quam Mathias, in hanc Augustam formam,
quæ nunc cernitur erexit, binas turres adjecit, ærea laminâ textit; Et

quia mors, finire hoc opus, stante vita ejus impedivit, ideo pro eadem perficienda, omnem sumptum, penes Executores testamenti sui reliquit, & insuper eam, aulæis ad ornandos parietes Ecclesiæ tum variis Sacris vestibûs, pro usu Sacristiæ condecoravit. Exstat Lovicii, in Facie Ecclesiæ, à parte Occidentali supra fores, ubi & stemma Pomian Mathiæ Nostri cernitur, tanti operis memoria. *D. O. M. Qui Basilicæ hujus, augustam spectas celsitudinem, ea est, cultûs præcipui erga Deiparam Virginem Monumentum, Mathiæ Pomian Lubieński, Archiepiscopi Gnesnensis, perpetui Clientis Mariani, Qui cum ejus honori, plures vivens instaurasset & ornasset Ecclesias, hanc octogenariû Major, vetustam demolitus, trophæum in Cælos assumptæ Triumphanti, à fundamentis postquam inchoasset, moriens, perficiendæ curam, supremis tabulis credidit Executoribus suis, Annò Domini, millesimo sexcentesimo Quinquagesimo secundo.* Superest & alia in eadem Ecclesia, Mathiæ Nostri memoria, nimirum in ipsa Ecclesia Collegiata, exstant stemmata ejus ab Executoribus & Capitulo Loviciensî posita, & primo in Majori choro, in arcu Ecclesiæ, in ære sculptum sive excusum, in Capellis autem ex utraque parte majoris chori, pariter in arcu Capellarum, gypso impressa & elaborata, ostendunt ejus pietatem Deo & Cælo gratissimam, dignamque munificentiam.

Jam ad Uniejoviensem Collegiatam Ecclesiam descendamus, quam in honorem Virginis Beatissimæ, pariter Mathias Noster, à ruinis magno vindicavit sumptu, in ampliorem & Augustiorem formam redegit, dilatavit, fenestris illustravit, concameratione murata ac latericiis imbricibûs textit, aulæis pretiosis ornavit, & undique illustriorem fecit. Nondum Loviciensî & Uniejoviensem Collegiatas Ecclesias, in suo perfecto opere finivit, sumptum tantum pro iisdem perficiendis sufficientissimum, penes Executores suos reliquit, & jam tertiam Camenensem Ecclesiam ex Parochiali in Collegiatam. Annò Domini, millesimo sexcentesimo Quadragesimo octavo, in Archidiaçcesi Gnesnensi erexit, illiusque Præposito, in subsidium dotis Canonicatum Gnesnensem, Doctoribus conferri solitum, incorporavit, primumque ejusdem Ecclesiæ jam Collegiatæ Præpositum, Matthæum Joannem Judicki, Sacræ Theologiæ & utriusque Juris Doctorem, Archidiaconum Pomeraniæ & Canonicum Gnesnensem instituit. Non sufficiebat illi prædictam Ecclesiam in Collegiatam erigere, verum eandem, tum Prælatorum & Canonicorum numerò, tum seminariò penes eam fundatò, adornavit. Numeravit Mathias Noster, eidem Ecclesiæ Collegiatæ & Seminario ibidem à se erecto, quinque millia, in Bonis Lipicze, Stanislaw Kobierzycki Castellani Krzywiniensis, primò inscripta, & postea in Bona sua Zelaskowo, per eundem translata, à qua summa Censum tum Canonico Camenensi, qui lectiones prælegeret Seminaristis, tum pro

pro sustentatione quatuor Seminaristarum, Germanicæ lingvæ gnarorum exposuit; certa legumina ex Prædio Camenensi, leorsivo privilegio suo, sub ratihabitatione Capituli Gnesnensis, iisdem Seminaristis concessit, & eisdem curæ & jurisdictioni, Canonici Gnesnensis fundi Jezierzány, tanquam Præpositi Nati Ecclesiæ Camenensis, unâ cum Archidiacono Ecclesiæ ejusdem subjecit. Exemplò Mathiæ motus, nunquam sinè honore nominandus Heros, Albertus Stanislaus Radziwiłł, Olycæ & Nieświesz Princeps, Magni Ducatus Litvaniæ Supremus Cancellarius, qui unum in eadem Ecclesia Canonicatum erexit, summam notabilem, aliquot millium florenorum donavit & inscripsit, aliqui etiam Parochi, ære collatio, Præbendas seu Canonicatus in eadem Ecclesia fundarunt, verum illæ summæ in bonis primis debitis oneratis locatæ, magna ex parte interierunt, non absque enormi illius Ecclesiæ damno & injuria.

Enarratis Collegiatis Ecclesiis, à Nostro Mathia fundatis & erectis, jam ad Parochialem in Belchow, ab eodem à fundamentis erectam, descendamus, ibidemque occasionem fundandæ istius Ecclesiæ, & apparitionem stupendam, temporibus Nostri Mathiæ in Archiepiscopatu factam, à Thoma Janczyński Societatis Jesu in suis manuscriptis connotatam, & ex ore Mathiæ, per eundem Thomam Janczyński acceptam, admiremur. Antecessor Nostri Mathiæ in Archiepiscopatu, adjecerat animum ad ædificationem templi Belchoviæ, (est autem Belchovo Villa, inter Lovicium & Squiernievicos intermedia,) jamque arbores comparatæ & ex amussi conformatæ erant; sed quod est aulicorum ingenium, persvaserunt Archiepiscopo, ut mutato consilio, ex iis arboribus Liskoviciis uno milliari distantibus Loviciò, Aulam sibi exædificari curaret; secutus consilium impiorum aulicorum, fecit quod illi persvasum fuit; interim promissione facta, Belchoviæ ædificii templi, moritur. Accipit Archiepiscopatum Mathias Noster, jamque alterum Annum cum præesset Gnesnensi Ecclesiæ, hæc accidisse intelligit. Vesperî nocte tenebrosissima mundo incumbente, venerunt in Liskovice currus sexigis vecti, tam structores mensæ quàm coquos invehentes, sit strepitus ingens & cursitatio, Illustrissimum Archiepiscopum venire affirmant, gallos gallinaceos, anseres, vitulos, arietes jugulant, mensa struitur, omnia pro Majestate fiunt. Tum scriba prædii illius sive Dispensator abripitur, vestibulis exuitur, veru alligatur, & igni applicatur. Dum hæc fiunt, cum comitatu aulicorum, venit Archiepiscopus valde tristis, mensæ paratæ & instructæ cum Prælatis & aulicis assedit, in qua silentium altissimum fuit, Archiepiscopo ingemiscente; Tandem cum una & altera hora exacta fuisset, circumspexit ædificium, & validissimè mensam manu feriens dixit, O! Belchoviense Templum! o Belchoviense Templum, subito cum omnibus disparuit. Factore attonito,

qui à longe & quasi de occulto spectabat omnia, cùmque rediisset factor ad focum culinarium, reperit scribam aulæ, alligatum veru & semiustum, qui testis erat illius apparitionis, ostentans ambustiones suas.

His intellectis, & sumpta hinc occasione, Mathias Noster Ecclesiam in eadem Villa Belchow, à fundamentis crexit, sub titulo Sancti Mathiæ Patroni sui dedicavit, Parochum in ea locavit, de Bonis mensæ Archiepiscopalis, cum consensu Capituli Gnesnensis, tribus nempe mansis in ipsa Villa Belchow, tum Decimis granariis de Villa Sirakowice, in clave Sqviernievicensi sita, & ex aliis Villis Krępa & Guźnia, in Clave Chroslinensi collocatis, ad quæ per commisionem exequenda, Capitulum Metropolitanum Gnesnense, Adrianum Grodecki & Matthæum Judicki, Canonicos Metropolitanos Gnesnenses, deputaverat, dotavit; paramentis ac Sacra supellectili etiam argentea, nec non altarium picturis eleganter ornavit, & tandem, quia intra limites Ecclesiæ Sqviernievicensis structa est, tanquam Matri Filiam univit & incorporavit. Pariter in altero Pago Archiepiscopali, Woykow nuncupato, Ecclesiam erexit & dote sua ampliavit.

Postquam ita supra recensitas erexisset & dotasset Ecclesias, etiam Regularium Magnifico sumptu, (priscos illos æmulatus Fundatores,) exstruebat Sacraria. Mathiæ Nostri celebrabit Nomen, Sanctuarium Beatissimæ Virginis Mariæ, in Ecclesia Clari Montis Czystochoviensis, Ordinis Sancti Pauli primi Eremitæ, ab eo fundatum, quod toto orbe celeberrimum habetur, ob imaginem intermeratæ Virginis, novis in dies miraculis coruscantem; ubi ultra trium sæculorum spatium, Imago Virginis Deiparæ, celebre ejus loci ac Regni depositum, non habebat conveniens Majestati & honori suo Sacellum, sed potius cernebatur angustum, fenestras ad aquilonem habens, & luce sufficienti carens, unde Regnis, & populis, prædictum Sanctum locum visitantibus, deerat commoditas copiosi & sereni luminis. Hoc ergo Mathias, protunc Primas Regni, triennio vix exacto, postquam prædictum Sanctuarium, Sanctissimæ Virgini Mariæ, de novo exstruere statuisset, protinus ab ipsis fundamentis, erectis affabre in altum parietibus, ac supernè circumjectis peristiliis, adeò superbè ad formam augustiorem & persimilem Basilicæ, sumptu liberali & planè Regio perfecit, ut pariter augustæ venerationi, toties commemorandæ Imaginis, atque ipsius raræ omnino ardentique, in decrepita præsertim ætate, in Virginem Sanctissimam pietati, è diametro responderet.

Stetit itaque tantum & insigne opus, (nimirum munificentia Mathiæ Nostri, æternum mansurum monumentum,) in omni illo suo decore, quem grato totius Regni oculorum gustu libando spectamus,

etamus, ex asse politum, ex arte perfectum, & undique propter populum, tum ipsius Regni Poloniae, tum Regnorum vicinorum, ad Maternae protectionis gremium confluentem, ex angusto Augustum, ad finem Mensis Martii, Anni millesimi sexcentissimi quadragesimi quarti, quantum loci & temporis angustiae permiserunt, satis splendide, ut aspici à quoquam etiam magnificentissimo oculo, minime dedignetur. Cernuntur ibidem, à summo etsi illo non admodum elato fornice, (qui totus aurò pictoriò stellatim coruscat,) circumcirca imagines, pleraque mysteria, tum Deiparae, tum aliorum loci Patronorum, eruditi cujusdam pictoris manu, vivis epressa coloribus; visuntur ibidem intimius, ferreae quidem ast formae praestantiâ inusitata, partim quadrangularis, partim adinstar cochlidis contortae, utraque ex parte conspicuae; beneque limatae, (ac quod caput est,) encausticè ad ignem picturatae, atque per intervalla spatiorum, hic & ibi capitellorum locò, aurichalcò fusili superindutae crates, quibus Mathias Noster, (ut & securè & decorè, sacrum hoc Regni depositum, Imago videlicet miraculosissima clauderetur,) domicilium istud munivit. Ubi nec illud admiratione caret, summum apicem eorundem clathrorum, septem distincta candelabra, cum suis hastulis, unum altero eminentius, venustè satis coronant. Et denique qui volet singula rigidiori oculorum censura rimari, per justa locorum spatia ejusdem cratis, rarâ artis fabrilis industriâ, terruminata tam lilia quàm rosas pandiculariter deflexas, varioque Cylindrò ludentes, cum suis suffraenationibus videre inibi non sine voluptate sua, Mathiae verò Nostri, non sine pietate poterit.

Ad Augustal Virginis, ducunt postes marmorei, statuè è niveo formatis alabastro substrati, quibus impendet Lubieſciana Domus Gentile decus; Hujus & tantae munificentiae, Mathiae Nostro, in analecta elogiorum, Joannes Dionysius Lobzyński, Ordinis Sancti Pauli primi Eremitae, reliquit perennitatem, dum scripsit. *Perenne grati animi monumentum minimus Ordo Protodereiniticus, munificentissimo Marianae in Claro monte Basilicae Conditore, Sarmatico Patriarchae, Seni Abrahamico, Sacerdoti Principi, Majoribus Nobilissimis moribus antiquissimis, Heroi clarissimo, qui in Sacerdotalibus opibus, nihil aequè suum duxit, quàm ut omnia sua, in ornamentum Ecclesiarum effunderet. Effudit & in Claromontanam Divam, hoc excitato ejus ad honorem Sanctuario, quo augustius Augusta Caelorum Regina, suae Amplitudinis fidelissima Patrona, cum sua Sacratissima Imagine commoretur. O grata Deo Divaeque liberalitas! diu perenna.*

A Sacello Virginis, ad Collegium Califfiense Societatis JESU convertamur. Hoc Stanislaus Karnkowski, Archiepiscopus Gnesnensis, sumptu maximo, simmetriâ elegantissimâ, capacitate amplissima, ad stuporem eduxit, relictis etiam, testamentò, ad imponendam

nendam scholis coronidem, quinque millibus florenorum, In duabus tamen prædictæ scholæ continuandæ partibus, solis donatæ fundamentis, expectabant, opem Mathiæ Nostri liberalem, qui cum in Archiepiscopatu, Stanislaus Karnkowski octavus Successor esset, imperfectam hanc Collegii Calissiensis & scholarum partem, feliciter suscepit, continuare proposuit, summam eo nomine decem millium florenorum Polonicalium, pro finienda fabrica numeravit, reliquam & ulteriorem expensam, quantum ad perficiendum opus fuerit, etiam testamentò firmatam, vigore cujus, undecem millia, pro continuandis iisdem scholis, duo autem millia, pro Ecclesiâ Calissiensis Societatis JESU enumerata, usque ad finem operis determinavit, & insuper pro conservanda deinceps generali ejusdem Collegii fabrica, quinque millia florenorum, in censum perpetuum collocanda, de peculio suo assignavit. Cujus munificentia memores Patres Collegii Calissiensis Societatis JESU, ejus Imaginem, in habitu Archiepiscopali depictam, unâ cum Cruce rubea duplicata, Insigni Ordinis Nostri in pectore, inter præcipuos suos Fundatores & Benefactores, in Collegio Calissiensis posuerunt.

Quid de aliis Sacris ædibus, tam Regularium quàm aliorum Spiritualium scribam? quibus Mathias Noster, tum Ecclesias restaurabat, tum Monasteria reparabat, tum cor & paternum affectum demonstrabat. Testis est Ecclesia Varsaviensis, Ordinis Carmelitarum Discalceatorum, pro qua ædificanda, eisdem magno sumptu juvit; Testis Ecclesia Parochialis Dobrovensis, Beati Bogumili Archiepiscopi Gnesnensis reliquiis decorata, penes quam, domum capacem exstruxit, eamque Præposito Sancti Nicolai Uniejoviensis, Ordinis Sancti Benedicti addixit, pro fovendis aliquot Personis Religiosis, dote copiosa ditandam, & insuper ad ornandum locum, & Ecclesiam eandem amplificandam, duo millia florenorum Polonicalium, ultimo testamentò reliquit; Testis Ecclesia Parochialis in Kalinova, in Archidiecepsi Gnesnensi sita, cui casulam albam, ex tela auro intertexta & auleorum breviorum, tum Imaginum insigniorum medietatem donavit, & supremis tabulis inscripsit.

Hæc sunt in Archiepiscopatu existentis Mathiæ Nostri, pietatis in Deum & amoris Divini, descripta argumenta. In Episcopatu verò Posnaniensi existens, præter Cathedralē Ecclesiam ut suo locò scripsimus, Ecclesiis Parochialibus plurimum incrementi dedit. Donavit decimas de angulis novalium, inter Villas Janowka & Wyględowo, Ecclesiæ Parochiali in Wierzbno, pro additamento dotis Ecclesiasticæ, & super hoc Privilegium confecit, Ecclesiæ verò Parochiali Jamnensi, Juris Patronatûs Episcopi Posnaniensis, in auctionem proventuum, omnes decimas mensæ suæ, de villis ad prædictam Parochiam pertinentibus, ad beneplacitum suum concessit. In aliis autem Ecclesiis, dum visitasset easdem, cum

eum comperisset Parochum, ex tenuitate sua, perditos census, Decimas, sive reliqua Ecclesiarum jura, insufficientem ad vindicandum fuisse, ipse Mathias, opem suam & auxilium porrigebat & afferebat.

Cum verò Episcopus Vladislaviensis esset, Ecclesiæ Raciążnensi, quam suus Prædecessor Avunculus, Mathias Pstrokoński Episcopus Vladislaviensis, magno fervore cæperat, & quam Laurentius Gembicki, altaribus, tabulatō, picturis, imaginibus, & pavimentō instruxit, ipse verò insigne ornamentum addidit, turri in sublime educta, cujus à Conditore inchoati muri, annis quadraginta, injuriis Cæli expositi fatiscebant. In Smarżewicensi fundo, Paulus Wołucki Episcopus Vladislaviensis, ligneam amplæ capacitatis, in honorem Sanctæ Annæ ædificavit Ecclesiam, ad quam magno concursu, fidelis populus, Divina beneficia sibi per merita Genitricis Deiparæ petiturus, aliquoties in Anno ventitare usitatum habuit. Devotionem in ea studiosè promovit Archipræsul Noster, qui eam Religiosis Divi Francisci, quos Conventuales vocant, dote congrua provisam, Annō Domini, millesimo sexcentesimo quadragesimo secundo, Dominicā secundā post Epiphaniam, in celebri Nobilium plebisque concursu, solenniter addixit. Idem fecit Bełchatoviæ, ubi pariter eosdem Religiosos, Ordinis Sancti Francisci Conventualium, facta fundatione posuit & collocavit.

Sicut autem ipse Mathias Noster, Ecclesias fundabat & restaurabat, ita & quosvis Patronos Ecclesiarum & Collatores, ad reædificationes desolataram Ecclesiarum obligabat, & ut gratitudinem erga suum Creatorem & Redemptorem, in reædificandis & augendis Ecclesiis Majorum suorum exemplō ostenderent, admonerat, justissimam illis Divinæ Majestatis indignationem, quam olim Aggæus Propheta, illis verbis comminatus est: *Dicit Dominus Exercituum, quia Domus mea deserta est, & vos festinatis unusquisque ad Domum suam, propter hoc super vos prohibiti sunt cæli ne darent rorem, & terra prohibita est ne daret germen suum*, remonstrabat, & id ipsum in concionibus inculcare mandabat. In usurpatores, Detentores Bonorum Ecclesiasticorum, qui cæca cupiditate, dotes Ecclesiarum, conventuum & Monasteriorum, tum quorumcunque Beneficiorum Ecclesiasticorum, illicitè occupabant, nec eas restituere curabant, quinimo repetita malitiā, sub aliquibus prætextuosis rationibus, licere sibi eandem usurpationem existimabant, nè errore tam damnabili detinerentur, & ut aliquando reipiscerent, eaque omnia, quæ olim Deo omnium Bonorum datori, & Ecclesiæ ipsius, Sacrosanctè dicata fuerunt, contra severissimum Concilii Tridentini edictum, usurpata & detenta, plene restituerent, statuit in Synodo Vladislaviensi, Annō Domini, millesimo sexcen-

tesimo trigesimo quarto, convocata, ut hoc idem Concilii Tridentini edictum, quod Sess: 22. c. II. habetur, quater in Anno, Dominicis immediate Quatuor Anni tempora sequentibus, necnon quories populus, præcipuè Nobilitas Regni, causa Indulgentiarum, Dedicationum, Conventuum particularium, Electionum, Judiciorum & aliorum Actuum publicorum, frequentior ad Ecclesias convenire solebat, pro admonendis ejusmodi Detentoribus, usurpatoribus, spoliatoribus, post Concionem publice ex Ambona, in vernaculam linguam fideliter translatum, prælegeretur & publicaretur. Præter pænas in Sacris Apostolicis Sanctionibus, contra ejusmodi Detentores latas, etiam ad defendendas earundem Ecclesiarum, dotes, sive ad vindicandas de manibus usurpatorum, Advocatum peritum, qui pauperum Parochorum & quorumvis Sacerdotum causas, in Judiciis Tribunalitiis, quando illuc per appellationem devolverentur, promoveret, sufficienter providebat, negligentes verò Parochos, in dote & proventibus recuperandis, seriò pro arbitrio suo puniebat.

Reliquas Mathiæ Nostri foundationes, erectas Ecclesias, restaurata Sanctuaria, dotatas ædes Sacras & Monasteria, aureo & argenteo apparatu instructa, per quæ seipsum in omnem æram posteritatem exhibuit admirandum, Author Panegyris: *Certamen votorum inter Diæceseos*, Academicæ Cracoviensis Professor, volens ad laudem præteritorum, admirationem præsentium, imitationem posterorum, singularissima laude prosequi, victus multitudine, eas generalibus comprehendit terminis, & compendiose tetigit, in hæc verba: *Mathias Lubieński fere quadraginta templa Divorum, vel ædificavit vel reædificavit ac dotavit.* Licet autem tot & tantas fundasset Ecclesias, quæ tum hic, tum in aliis Cepitibus descriptæ reperiuntur, & quarum numerus & notitia, ob latissimum Poloniarum Regnum, haberi non potest, tamen DEUS fortunas ejus, ita mirabiliter ac extraordinarie augebat, ut de seipso in testamento à se condito fateretur, mirabilique Providentiæ Divinæ adscriberet, quod Deus ejus fortunas, pro infinita sua bonitate & misericordia, mirifice auxerit & cumulaverit, ac tandem licet tot Ecclesiarum Fundator esset, Domino tamen Authori & Conditori suo, quidquid id erat, quod ipsi largitus erat, offerebat & dicebat; *Suscipe Deus, de manibus meis, hoc Sacrificium optimæ voluntatis meæ, qua nihil mihi inanis laudis arrogo, tibi soli placere, tuum Sanctum nomen laudari & benedici exopto.* Hoc præmium, hæc merces, hæc Corona Mathiæ Nostro, major exinde laus Divina.

CAPUT

CAPUT DECIMUM NONUM.

De extirpatione Hæresum per Mathiam.

NEcdum Mathias Noster in Virum perfectum crevit, necdum Epipali & Senatoria, tum ipsa Primatiali dignitate ornatus fuit, & jam pro Immunitate Sanctæ Catholicæ Ecclesiæ, strenuus Defensor, Jurium ejus Custos, & hæresum quarumvis in Polonia exortarum Domitor. Plane Mathias Noster, à Materno utero, à Cunis & fasciis ad defendendam Ecclesiā, eliminandam de Patria Hæresim, à Deo vocatus fuit; natus enim ex utraque Domo tali, Paterna videlicet & Materna, quæ nulla à sui principio adusque, aliqua hæresis labe infecta, ipsas hæreses, ceu quædam monstra, generoso animò premebat & calcabat. Non mea hæc sunt verba, sed Stephani Damalewicz, Sacræ Theologiæ Doctoris testimonia, qui de Domo Paterna Nostri Mathiæ, in Serie Archiepiscoporum Gnelnensium, adnotavit sequentia: *Incontaminata Fidei Divinæ Virgo, Domus Lubienſciana, nullis monstrorum sedem Apostolicam oppugnantium technis, aut Machinationibus perculsa vel exterrita, in solida basi, verbò Christi firmatæ petræ semel ubi consistit, nunquam nutavit, semper à Sede Petri promulgatæ doctrinæ ac præscriptis consuetudinibus, constans adhæsit.* Pariter Domum Maternam Nostri Mathiæ Zapolsiorum, Simon Okolſki, in libro: *Orbis Polonus*, semper inimicam hæresi collaudat: *Hujus familiæ Candor in omnes, fides in Deum, Amor in Patriam, in amicos observantia, summas totius gentis laudes sibi vendicant, & nullum ejus Prosapiæ reperimus, hæretica labe unquam fuisse infectum.*

In tali igitur utraque Domo natus, dignè vocanti Deo respondēbat, cum enim uno jam protunc sæculo, ita Hæresis in Polonia invaluerat, ut Senatūs quidem major pars, ex Hereticis constaret, iidem inter Equestrem Ordinem, non quidem numero, sed ad quasvis functiones obeundas dexteritate eminerent, primasque & in privatis & in publicis Consiliis ac Conventibus, sibi partes vendicarent, villas, Oppida, & Civitates & in illis Magistratus implerent, fana erigerent, Mathias igitur de reducendis errantibus ad Christi ovile ovibus, continuò satagebat & conabatur. Cum verò Episcopus Chelmenſis & Regni Senator factus esset, Authoritatemque in Regno & in Senatu haberet, omnes vires, modos, industrias & preces, in id adhibuit, singularem operam suam navavit, ut eos, vel ad Consensum Orthodoxæ fidei reduceret, vel ne malo eorum exemplò alii destruerentur, eliminaret.

Scripterat protunc, ad Nostrum Mathiam Episcopum Chelmenſem,

mentem, Archiepiscopus Adrianopolitanus, protunc in Regno Polonice Nuntius Apostolicus, significans eidem, Gregorium XV. Pontificem Maximum, Congregationem Cardinalium & aliquorum Prælatorum, super negotio propagandæ fidei renovavisse, sub cujus protectione, Collegium Virorum, virtutibus & doctrina insignium, qui ad Hæreticos & Schismaticos ad fidem Catholicam convertendos, mittendi erunt fundavisse. Accepto tali Nuntio, lætabundus imprimis Divinæ Majestati, quod talem Ecclesiæ Catholice summum dederit Pontificem, cujus omnes curæ, ad propagandam Catholicam fidem referuntur, gratias persolvit, tum qua via, qua arte, in sua Diœcesi fides Catholica, maxima incrementa sumeret, consuluit, & se pro virili tam Sancto & Apostolico muneri, cooperaturum proposuit. Sed præstat ad Nostrum Mathiam, ejusdem Nuntii Apostolici, in eodem negotio inferere literas.

Illustrissime & Reverendissime Domine. Cum Apostolici muneris sit, non solum Catholicos, in firmitate fidei conservare, verum etiam schismaticos, Hæreticos, cæterosque à veritatis via aberrantes, ad rectum salutis tramitem reducere, nonnulli ex summis Pontificibus, prout temporum conditiones expostulârunt, ad fidem Catholicam propagandam, viros virtutibus & doctrina conspicuos, in diversas regiones miserunt, ad eundemque effectum, Seminaria & Collegia, tam Romæ quam alibi, erexerunt. Hujusmodi pio ac Sancto desiderio, motus Sanctissimus Dominus Noster, Gregorius XV, Congregationem nonnullorum Cardinalium & aliquorum Prælatorum, super negotio propagandæ fidei, aliàs ceptam variisque de causis omissam renovavit, sub cujus protectione, Collegium certis redditibus dotandum, Romæ fundabitur, in quo omnia necessaria subministrabuntur, non solum viris probis & doctis, qui ad Hæreticos ad fidem Catholicam convertendos, mittendi erunt, Verum etiam schismaticis, Hæreticis & aliis quibuscunque, qui relictis infidelitatis tenebris, ut veram Christi fidem sequantur, patriam, parentes, bonaque sua relinquent. Horum autem ad hoc munus Apostolicum exercendum, per præfatam congregationem mittendorum, partes erunt: Hæreticos & Schismaticos, fidem Catholicam docere, eorum errores disputando confutare, eorundemque conversioni, lachrymis, precibus, hortationibus, orationibus, jeuniis, ac disciplinis, in Christiana suavitate, totis viribus incumbere, eisque Sacramenta ministrare. Verum licet hic unus sit Sanctitatis suæ scopus, non deficient tamen aliqui, qui (ut facilius tam boni operis executio impediatur,) Principibus ac populis, à fide Catholica alienis, suadere conabuntur, hos viros probos, pro animarum conversione, huc & illuc mittendos, huic negotio, non solum prædictis piis suavisque modis, operam suam daturus, verum etiam rixas, confederationes, rebellionesque esse suscitaturus, ut inde facilius possint à Principibus Catholicis armis adjuvari, quod quàm à veritate

ritate alienum sit, experientia ipsa docebit. Nam isti, qui ad laudem & gloriam Omnipotentis Dei, huic Sancto & Apostolico exercitio, se dicabunt, spretis Principum, populorumque hæreticorum minis, ac etiam mortis periculis, Martyrii coronam undequaque quæritabunt. Cum igitur Sanctissimus Dominus Noster, speret: Episcopos, cæterosque Ecclesie Sanctæ Prælatos, memores se in Ecclesia Dei, in locum Sanctorum Apostolorum Successisse, promptè tam Sancto & Apostolico muneri cooperaturos, voluit: ut omnes de prædictæ Congregationis fundatione, per Apostolicæ Sedis Ministros, particularibus literis certiores reddantur, ab iisdemque, exacta Provinciarum Diocesumque suarum notitia, circa fidei Catholicæ statum requiratur, videlicet an ad populos eorum Pastorali curæ commissos, fuerint aliqui ad eundem effectum mittendi? an æque impedimenta habuerint essent ve habituri? si aliqui cum necessitas postularet, à Congregatione mitterentur, quis fructus sperari posset, de prædictis similibusquæ fidei Catholicæ propagationem concernentibus? Idem Sanctissimus, omnes & singulos Episcopos hortatur, ut secundum cujuslibet eorum Diæcesis necessitates, vel Sanctitatem suam, vel Illustrissimum & Reverendissimum Dominum Cardinalem Ludovisum Sacri Cardinalium Collegii Decanum, ac dictæ Congregationis antiquiorem, seu me, uti Sedis Apostolicæ Nuntium, quàm diligentissimè vellent certiorare. Cui Apostolicæ hortationi, preces meas addendas esse non censeo, cum Illustrissimæ & Reverendissimæ Dominationis Vestræ pietas & Religio, jam mihi ita perspecta est, ut de illius diligentia, animique promptitudine, in exequenda hac Sanctitatis suæ, pia & Apostolica voluntate, dubitari non possit. Non prætermittam tamen Illustrissimam & Reverendissimam Dominationem Vestræ, ut literis meis responsum dare velit instanter rogare, ut Illustrissimæ & Reverendissimæ Dominationis Vestræ, in Sanctis operibus alacritas & erga Sanctam Sedem Apostolicam observantia, Sanctissimo Domino Nostro magis innotescat. Et ut melius, Sanctissimi Domini Nostri mentem, Illustrissima & Reverendissima Dominatio Vestra intelligat, copiam literarum Illustrissimi & Reverendissimi Domini, Cardinalis Ludovisii, de ejusdem Sanctissimi mandato, ad me scriptarum, Dominationi Vestræ Illustrissimæ & Reverendissimæ mitto. Datum Varavia, vigesima quinta Aprilis, Anno millesimo sexcentesimo vigesimo secundo,

Receptis literis, nimia consolatione repletus, ad munus disseminandi Verbi DEI, in sua Diœcesi Episcopos Ruthenos Romanæ Ecclesie unitos, commendat, Seminaria pro crudienda Ruthena juventute excitanda svadet, magnos fructus exinde Religionis Catholicæ promittit, hoc unicè dolet, quod hic & nunc, in propaganda Religione Catholica, Religiosis Viris Adjutoribus careat; sed melius ex iplo responso Mathiæ Nostri, intelligi potest illius zelus pro-

pagandæ fidei, quod hic inferendum putavi.

Illustrissime & Reverendissime Domine, Domine Fautor Colendissime. Est quod Divinæ Majestati gratias agamus, quod eum Orbi Christiano, summum sacrorum dederit Præsidem, cujus omnes curæ & cogitationes, ad publicam salutem & propagandam Religionem Christianam, referuntur & in ea consumuntur. Præclarum hoc institutum disseminandi verbi Dei, destinandorumque ejus rei causâ hominum, qui & doctrina & vitæ Sanctitate illustres, se sponte devovent, vel cum ipso vitæ discrimine, ad prædicandum Evangelium illis, qui vel in Hæresim & schisma lapsi sunt, vel nondum Religionis Christianæ Sacris imbuti, in ipsis adhuc ignorantia tenebris versantur, nemo est qui non tanto Pontifice maxime dignum, qui præsentî universi orbis statui valde necessarium, non existimet. Major pars Europæ, à fide & obsequio Sacrosanctæ Romanæ Ecclesiæ recessit, tot tam ampla & illustria Regna, vel infecta hæresi, vel planè ab ea absorpta sunt, quidquid in Asia & Affrica continetur, aut Schismatici sunt, aut turpi Machometanæ sectæ dediti; Atque hujus ingentis molis & sollicitudinis, solam ejus, qui Divinitus summæ rei præest mentem capacem, ut Deus ipse, cujus ipse in terris vicarium munus obit, suâ illustret gratiâ, ego ab illius Majestate supplicibus votis exposcere non desinam. Ad me Diocesimque meam, cujus curam, nuper sua Sanctitate mandante suscepi, quod attinet; quantum quidem paucis istis mensibus, dum eam perlustro, explorare potui, magnis illa Hæresum sentibus plena, & tota ferè Schismatica est, nec sincera eorum, qui uniti esse dicuntur ad Romanam Ecclesiam conversio, licet in erudiendis Græco Schismati addictis, Unitorum Episcoporum desudet industria, agreste hoc genus hominum, ita discordiæ venenò sathanas imbuit, ut nulla re magis, quàm consortio Catholicorum offendatur. Si qui ab Urbe huc mitterentur, ut id quod sentio fatear, minori fortassis cum fructu, munus suum obire possent, ac ne tutò quidem inter homines suspicionibus variis obnoxios, & juratos Romanæ Ecclesiæ hostes, versari, censerem ego iisdem Episcopis Ruthenis, qui abjurato schismate Sanctam Unionem promovent, hoc negotium demandandum curarent illi ne ulla in re muneri suo deessent. Egent quidem hi ad promovendos tam pios conatus, idoneis cooperatoribus, sed si ad excitanda Ruthenæ juventutis Seminaria, sumptus suppeterent, confido brevè futurum, ut sua Sanctitas, magnos inde fructus, maxima Religionis Catholicæ in his partibus incrementa suspiceret. Nos alii pro virili enitimur & deinceps enitemur, ut nostri officii partes impleamus, quanquam aliquot, qui in Russia sumus Catholici Episcopi, non tantum quantum alii efficere possumus, accisæ & tenues opes nostræ sunt, Canonici Ecclesiæ meæ, exiguos & penè nullos redditus annuos habent, sparsi per Diocesim, Ecclesiarum Parochialium fructibus aluntur, Au-
thoritas

thoritas nostra vilescit, opportuni sumus potentiorum injuriis, pauci sunt, qui nos in promovendo cultu Divino, & in propaganda Religione Catholica juvare possent, raræ admodum Religiosorum Sodalitates in Diæcesi mea, nullum Societatis JESU Collegium extat, quod quidem me magnopere angit, cum non ignorem, quanto cum fructu Societas hæc, alibi in vinea, piis sudoribus, diurnum denarium mereatur, & quod me magis sollicitum habet, ita istis adjutoribus careo, ut nec ratio ulla appareat me aliquando eos habiturum, &c. Hæc ad Illustrissimæ Celsitudinis Vestræ literas, seriùs hoc est tertio postquam scriptæ erant mense, mihi nuper redditas respondendum putavi. Interim commendo me & humillima obsequia mea. Datum vigesima tertia Julii, Millesimo sexcentesimo vigesimo secundo.

Ex quibus literis cura ingens, vigilantia continua, studium assiduum, dolor de perditis, gaudium de reductis ad viam salutis, ad ovile Christi & Ecclesiam Catholicam ovibus, Nostri Mathiæ manifeste patet & ostenditur. Prævidit hanc ejus de ovibus extra ovile Christi errantibus sollicitudinem, Sigismundus III. Rex Poloniæ, & eundem, ad Cardinalem Ludovisium, in suis literis commendavit, dum scripsit, *Inter schismaticos agendum illi, & cum illis quotidie decertandum est.*

Postquam verò ex Cathedra Chelmenfi, ad Episcopatum Posnaniensem promotus esset, & ibi Herculem se contra hanc hydram, hæresim videlicet monstravit, dum Hæreticis ostium, ad Magistratum Posnaniensem clausit, Privilegium à pientissimo Rege Sigismundo III. eam in rem obtinuit, quò à consulatûs Posnaniensis fascibus gerendis, Hæreticos arcuit & impedivit, seu à Religiosissimo prædicto Rege Sigismundo III. mandati, interdicti, seu Privilegii à Sigismundo Augusto, de Anno millesimo quingentesimo quinquagesimo quarto, Die undecima Januari, Magistratui & toti Civitati Posnaniensi dati, novam Confirmationem, de Anno millesimo sexcentesimo vigesimo octavo, Die decima quinta Julii, obtinuit, quâ Confirmatione, fana Hæreticorum & conventicula sustulit, jurisdictioni Spirituali ad exequendum subjecit, ex Albo Civium eosdem Hæreticos deleri constituit, ad Sodalitates, Confraternitates, contubernia, tam mercatorum, quàm quorumvis artificium, sive ad eorum officia, Magistratus, Præfecturas admitti sub pæna Crumenali inhibuit & interdixit. Quod in sede suæ dignitatis Episcopalis Civitate scilicet Posnaniensi, id & in aliis locis, nempe in Oborniki & Sveciechov Civitatibus, & in tota Diæcesi Posnaniensi, cum Hæreticis fecit, nam visitando eandem, in illis locis, ubi Hæretici sua dogmata spargebant, ne jus Civitatis iisdem concederetur inhibuit, Catholicos, ne filios & filias suas, servitio Hæreticorum adjicere præsumerent induxit, gravitatem periculi exinde promanantis, sæpiùs

explicavit, Magistratus Civitatum seriò admonuit, & hoc ipsum Parochis explicare mandavit.

Episcopus Vladislaviensis & Pomeraniæ factus, unica mens illi & cogitatio erat, ut Ecclesiæ, quas lues Hæretica pervasit, pristino suo statui restituerentur, & ipsæ oves miserabiliter errantes, ad evidentissimum Christi ovile redirent. Neque frustratus fuit spe sua & maximo labore Mathias Noster, cum Divina favente gratia, in utraque Diœcesi, nempe Vladislaviensi & Pomeraniæ, non paucas Ecclesias, è captivitate Hæretica vindicavit, & plurima salubria, circa easdem Ecclesias constituit. Obtulit se ei occasio, quod Georgius & Barnevinus Fratres, ultimi in linea mascula, Domûs Boguslai Stetinenfis, Pomeraniæ Ducis hæredes fati concesserint, Annò Virginei Partûs millesimo sexcentesimo trigésimo octavo, hinc ad directum Dominium Sacræ Regiæ Majestatis, Capitaneatus Leoburgensis & Biloviensis, in quibus Ecclesiæ hæresi contaminatæ erant redierunt; Habita hac occasione Mathias, Ecclesias illas ad jurisdictionem Episcopi Vladislaviensis, postliminio revocavit, duobus Decanatibus nempe Leoburgensi & Biloviensi distinxit, ad vineam operarios, quam singularis-ferus depastus est, & vulpes demolitæ sunt, excollendam misit, Sacerdotes, qui lingvæ peritiâ, doctrinæ sinceritate & conversationis exemplò, plebem hæreticis seductam dogmatibus, in viam veritatis reducere satagerent, & nutantes in fide Neophitos confirmarent, atque pascua sana gregi Dominico famescenti, per Sacramentorum Administrationem, & Verbi DEI prædicationem subministrarent, deputavit, & omnia, quæ hac in re, pro munere, officio, cura & providentia, vigilantissimi Præsulis desiderabantur, implevit.

Post mortem Sigismundi III. Regis Poloniæ, sub interregno, Annò millesimo sexcentesimo trigésimo secundo, quo Noster Mathias, Episcopus Vladislaviensis erat, in convocatione generali, exorta fuit ex parte Dissidentium in Religione, gravis controversia, Dissidentes enim, quandam Confederationem suam, in summum præjudicium Orthodoxæ fidei Sanctæ Romanæ Catholicæ factam, Ordinum approbationibus firmare cupiebant, in qua volebant in omnibus Civitatibus Regni, æque Nobilibus atque plebeis, publicum usum hæreseon quraumcunque, nullâ exceptâ concedi, Principum mandata ac Iudicum Dacreta, Actaque publica, tali exercitio contraria rescindi, pœnas severiores, contra violatores eorum libertatis interponi, ad Magistratus in Civitatibus Regiis, æque Hæreticos atque Catholicos assumi, in Aula Regia, certa officia, quæ nonnisi aliquis ex Religione ipsorum habere posset, institui, eaque omnia, (in eorum libello tunc publice præsentato, Viginti Articulis comprehensa) circa inaugurationem novi Regis, lege publica stabili-

stabiliri, Hæc omnia extorquebant & minis, quæ sub illud tempus, Dissidentium in Germania fædere, ac Gustavo Rege Sveco, prope fines Poloniæ, in Pomerania, Marchia, Silesia, Victrices exercitus tenente, tuto contemni non posse videbantur, Mathias Noster, in hac Convocatione præsens, protunc Episcopus Vladislaviensis, Regni Senator pro fide zelosissimus, post multos in hoc negotio labores, cum aliis Regni Episcopis, tum ex Equestri Ordine Catholicis, convocationem nullatenus subscribere voluit, nisi sub conditione (*Excepta hac Confæderatione*) adhibita. Sed cum majores à Dissidentibus exortæ essent controversiæ & comminationes, concessum fuit, ut omissa illa exceptione, subscriberent Catholici, adjuncto: *Salvis juribus Ecclesiæ Catholicæ Romanæ*. Itaque Mathias Noster, tam prædictam convocationem, quam pacta conventa, inter Regem electum Vladislaum IV. & Rempublicam Polonam, iterata vice loco illius exceptionis; *excepta Confæderatione*, subscripsit: *juribus Ecclesiæ Catholicæ Romanæ salvis*; quod idem est plane, ac si subscripsisset: *excepta Confæderatione*, quia prædictam Confæderationem, quo ad articulum de Dissidentibus, tollit immediate subsequens salva: *salvis juribus Ecclesiæ Romanæ Catholicæ*; & penes hanc salvationem, & integritatem jurium Ecclesiæ Romanæ Catholicæ, articulus de Dissidentibus, debet omnino vacillare, convelli, pessumdari, & labefactari. De hoc si quis plenius edoceri cupit, legat librum Polonico idiomate scriptum, duobus gladiis, ad defendendam scilicet Ecclesiam, & ad excindendam è Regno hæresim armatum & initiatum, Josephi Andreæ Comitæ in Załuskie Załuski, Sacræ Theologiæ & Juris utriusq; Doctoris, Supremi Regni Poloniæ Referendarii, in quo, quot literæ, tot in coronam Ecclesiæ militantis, & fidei Orthodoxæ gemmæ, quot periodi, tot de hoste ejusdem fidei orthodoxæ triumphus.

Pariter, Annò millesimo sexcentesimo quadragesimo octavo, dum jam Mathias Noster, Archiepiscopus Gnesnensis & Regni Primas esset, mors Vladislai IV. Regis Poloniæ, novis moliminibus Dissidentium, aperuit campum, voluerant enim omnino, dissolutæ sub interregno disciplinæ domesticæ, occasione uti, & penes violentam illo Annò rebellionem Cosacorum, in turbido piscari; Igitur hanc suam superius descriptam Confæderationem, firmare & approbare, sibi autem favorabilem, elucidare, meliorare & ampliare articulum, simulque Decretum Comitiorum Regni, de everfione Fani Vilnensis irritare conabantur, promovente hoc negotium ipsorum fortiter, Janusio Radziwił Capitaneo Samogitiæ, Supremo Duce Campestri Exercituum Magni Ducatus Litvaniæ, cujus tunc temporis auxilium & fidelitas, summe erat necessaria, ad tollendam rebellionem Cosacorum; Pariter Gerardus Denhoff Palatinus Pomæranæ, Sbigneus Gorayski Castellanus Chelmenfis, Dissidentium à fide, causæ Suffragabantur.

tur. Iphis igitur promoventibus, articulus Confœderationis, Anni millesimi sexcentefimi trigefimi secundi, Dissidentibus favorabilis, in hanc Confœderationem Generalem, Anni millesimi sexcentefimi quadragesimi octavi, ingrossatus est.

Quod cum ita factum, Mathias Noster, protunc Archiepiscopus Gnesnensis, pro fide Orthodoxa, zelo ingenti fulminabat, non deerant ex sacro & politico Procerum Ordine, qui impetus illos Hæreticorum, simul cum Nostro Mathia retundebant, & Catholicæ fidei, grandævæ in hoc Regno Matrifamilias, ab hac adventitia & cum aliis mercibus importata fiducula, nullum debere fieri præjudicium, zelo laudabili evincebant. Eminebat inter alios, Georgius Ossoliński, Supremus Regni Cancellarius, qui nervoso & ad omnem elegantiam formato sermone, Janussio Radziwiłł, ultra civilem modum pro sectariis agenti silentium imposuit, ac tandem quievit ardor ille prava volentium, fidesque Orthodoxa Romana constabilita, & à Mathia una cum omnibus Regni Episcopis, aliisque Senatoribus, tum Equestri Ordinis Proceribus, Terrarum Nuntiis, sub tempus hujus convocationis Varsoviensis, Anno supra recensito, millesimo sexcentefimo quadragesimo octavo, die decima sexta Julii expedita, solita pro juribus & immunitatibus Ecclesiæ Catholicæ Romanæ, præcautio facta, Confœderatioque non aliter subscripta est, nisi *salvis juribus Ecclesiæ Romanæ Catholicæ*.

Justam adhuc habendo reflexionem, ne alii Hæretici, prout Ariani, Anabaptistæ, Sabatistæ, & alii his similes Hæretici, prædictum articulum pacis & securitatis Dissidentium, in suum favorem, unâ cum Lutheranis & Calvinistis amplificarent, solennem cum octo Episcopis & multis Senatoribus & Ministris Regni, in Castro Varsoviensi, eodem Anno millesimo sexcentefimo quadragesimo octavo, Die prima Septembris, protestationem fecit. Postquam verò subsecuta sunt Pacta conventa, inter Joannem Casimirum, noviter electum Regem, & Rempublicam Polonam, in quibus prædictus Articulus, pro parte Dissidentium, cum aliquibus additamentis, descriptus & ingrossatus erat, & hoc ob respectum, supradicti Principis Janussii Radziwiłł, Ducis Campestris Exercituum Magni Ducatus Litvaniæ, à quo, illo tempore, pendebat omnis securitas Patriæ, penes emergentia Cosacorum prælia, Mathias Archiepiscopus & Primas Regni, eadem Pacta conventa, cum solita salva, jurium Sanctæ Romanæ Ecclesiæ, idque exclusiva quarumvis Prætensionum Dissidentium, subscripsit his terminis: *Mathias Lubieński Primas, in sola Pacta Regis Vladislai IV. subscribo, Ecclesiæ Catholicæ Romanæ, juribus per omnia salvis.*

Non eo solo contentus Bonus Pastor, quod libertates Hæreticorum tollere, usum Hæreseos proscribere, à dignitatibus eos & Officiis in Regno arcere, desideraret & vellet, & continuis suspiriis, supplicibusque

busque votis ac precibus, Deum exorabat continuo, ut Poloniam ab Hæresi tunc infestante liberaret, Hæreticosque ad veram fidem converteret. Illius in Synodo Provinciali impressa Verba, sed magis cedrò auròque notanda, in cordibusque omnium Civium exaranda existunt: *Profectò non possum absque dolore intueri diram Hæresim, uno jam sæculo oves nostras in hoc Regno infestantem, fera ista pessima, tot filios devoravit, quorum interitum & jacturam quotidie deplorat Mater Ecclesia;* Quo fine in Synodo Provinciali Varsaviae, Annò Domini millesimo sexcentesimo quadragesimo tertio, Die undecima Novembris & sequentibus diebus, à se convocata: *Colloquium charitativum cum Dissidentibus ab Ecclesia Catholica Romana, in Regno Poloniae & annexis eidem Provinciis existentibus,* inire statuit, & ejus colloquii tempus, diem decimam octobris, in Anno millesimo sexcentesimo quadragesimo quarto, locum verò Thorunium Civitatem Regiam assignavit. Insuper edidit Encyclicam ut vocant Epistolam, ad omnes Dissidentes in rebus fidei ab Ecclesia Catholica Romana, in Regno Poloniae & Magno Ducatu Litvaniae existentes, quos per eandem Epistolam, ad amicum congressum & fraternam reconciliationem, ad locum & tempus designatum invitavit. Cujus Epistolæ & zeli Pastoralis, hinc à nobis exemplum accipe.

Mathias Lubieński, DEI & Apostolicæ Sedis gratiæ Archiepiscopus Gnesnensis, Legatus Natus, Regni Poloniae Primas Primusque Princeps, cæterique Regni, & Magni Litvaniae Ducatus Episcopi, Varsaviae, in Synodo Provinciali legitime Congregati. Illustrissimis, Illustribus, Magnificis, Generosis, Nobilibus, Clarissimis, Spectabilibus & Eruditis Viris, necnon universis & singulis cujusque status & Ordinis, tam sæcularibus quàm Ecclesiasticis, ab Ecclesia Catholica Romana Dissidentibus, in Regno Poloniae & annexis eidem Provinciis existentibus, salutem animarum & prosperitatem. Illustrissimi, Illustres, Magnifici, Generosi, Nobiles, Clarissimi, Spectabiles & Eruditi Viri. Triste Religionis dissidium, quod hoc Regnum annexasque illi Provincias uno jam sæculo fatigat, non potuit Christiani Fraternelique amoris necessitudinem, quam nobiscum, tanquam unius Regni Cives, constitutam habemus dissolvere: neque Pastoralem de vobis sollicitudinem, ex animis nostris, quos Spiritus Sanctus posuit Episcopos, regere Ecclesiam DEI, quam acquisivit sanguine suo, unquam eximere. Qua urgente in hac Sacra Provinciali Varsaviensi Synodo, de eo imprimis deliberavimus, quomodo Vobis, in unius Religionis nomen, doctrinaeque normam concedendi, quàm accommodatissimum & gratissimum remedium proponeremus. Igitur ubi hoc unum non inusitatum elegimus, fraternam nimirum colloquutionem, seu colloquium charitativum, visum est Vos Illustrissimi, Illustres, Magnifici, Generosi, Nobiles, Clarissimi, Spectabiles, Eruditi & Vestris titulis

honoratissimi, quicumque in hoc Inclyto Regno Poloniae, eique unitis Provinciis, communi jure legibus Politicis estis consentientes, sed doctrinâ fidei dissentientes, ad illud Thorunium, Regiam Civitatem, ad diem decimam Octobris, in Anno Styli Gregoriani, millesimo sexcentesimo quadragesimo quarto, peramanter invitare. Neque verò necessarium existimamus, multis id vobis suadere, quibus studium hoc Nostrum, Optime ut speramus interpretaturis, propensa nostra voluntas, consiliumque placebit, & præterea concordis Religionis commoda non ignota, discordis contra, damna sunt Manifesta. Illud unum profiteri, pollicerique vobis suffecerit, initam à nobis augendi honoris Dei, juvandarum animarum, stabiliendæ pacis publicæ rationem, nemini ferè præjudiciosam, Vestrisque consuetudinibus, immunitatibus, Privilegiis, minimè exitiosam. Aderunt insuper opportunè, quibus liber et tutus ultro citroque com meatus patebit, Diplomata Serenissimi Regis & Domini Nostri Clementissimi, qui ut bello inclytus, ita pietatis laude insignis, in ætatum posterorumque omnium memoriam ibit, quod armata in suum exitium, potissimum ex causa dissonæ Religionis, belloque ardente universa Christianitate, ille foris immota undique pace constituta, ad restituendam Regno, Dominiisque suis Religionis tranquillitatem, cum ipse Regias flexit curas, tum nos ad easdem agendas incitavit. Aderit etiam Nomine Nostro, ad præfinitam diem, locumque, Illustrissimus & Reverendissimus Dominus, Georgius Tyszkiewicz, Episcopus Samogitiæ, ingenii suavissimi & propagandi honoris Divini studiosissimus, unâ cum duodecim aliis viris, doctrinâ modestiâque conspicuis, à nobis destinatis, qui singulari animi mansuetudine in Spiritu lenitatis, sine clamorosis disputationibus, prætermisissis aculeis, etiam qualibet offensione, hos salutare vobiscum habebunt sermones. Quodsi vos (uti quidem obnixè rogamus) tales quoque deligetis, qui candido pacisque Ecclesiasticæ cupido animo, huic interveniant colloquio, profecto quandoquidem vobis, in multis fidei Capitibus cum Ecclesia Catholica videtur convenire, ubi insuper certa pro certis utrinque statuentur, ambigua liquidabuntur, verè controversa, Scripturarum & primitivæ Ecclesiæ, aliisque testimoniis comprobabuntur, baud difficile erit, Catholicam veritatem, omnibus quibus ejus fulgor hætenus obscurari videbatur, depulsis, & quàm inania sint, quæ parti huic imputantur, liquidò perspicere, pariterque vobis & cunctis judicare, jurene præsens secessio, & olim facta sit, & nunc continuetur. Si unquam fuit resumendæ pacis Ecclesiasticæ tempus opportunius, hoc certe est, tot annorum pace felicissimum, scilicet ut in hac placidissima temporalis felicitatis malacia, tranquillis animis, omnes despiciant dulcedinem pacis Religionis, atque alteram ex altera quærere & firmare condiscant. Utimini igitur hoc bono, Illustrissimi, Illustres, Magnifici, Generosi, Nobiles, Clarissimi, Spectabiles & Eruditi Viri, ut Vota nostra vertantur in gaudia, non Poloniae modò & Septemtrionis nostri,

Nostri, sed Cæli universi, sed nationum omnium, apud quas pulchrum erit, funestam Religionis discordiam, alibi prius cæpisse, hic prius desisse. Valet, acceptate, adeste in Domino. Varsaviæ in Synodo Provinciali, Duodecima Novembris, Anno Domini millesimo sexcentesimo quadragesimo tertio L. † S. Mathias Lubieński, Archiepiscopus Gnesnensis suo & totius Synodi Nomine, manu propria.

Ad tam pium & salutare opus, Mathias Nolter, Serenissimum tunc Vladislauum IV. Poloniarum Regem movit, ut & ille præcipuo zelò promovendæ fidei Catholicæ flagrans, verè Constantinus Sarmaticus, præclarissimum hoc ac saluberrimum pietatis Christianæ remedium, ad optatum effectum perducere, tali consilio & ratione, cives suos ad optatæ pacis ac unitatis vinculum, reducere desideraret, & id animi sui regalis desiderium, per literas suas ad omnes Dissidentes in Regnò patefaceret. Unâ igitur cum pientissimo Rege, tanto se Mathias consecravat oneri, & ad id charitativum colloquium, ex sacro Episcoporum Collegio, Georgium Tyfzkiewicz, Episcopum Mednicensem seu Samogitiæ, qui post è vivis abiit Episcopus Vilnensis, sacris literis eruditissimum, ingenii lvavissimi & propagandi honoris Divini studiosissimum, unâ cum duodecim aliis viris, doctrinâ, modestiâque conspicuis, ad præsidendum iisdem, Authoritate Synodi destinavit, ut cum Dissidentibus, singulari animi mansuetudine, in Spiritu lenitatis, sine clamorosis disputationibus, prætermis- sis aculeis, etiam qualibet offensione, salutares haberent sermones, ut certa pro certis statuerent, ambigua liquidarent, verè controversa, scripturarum primitivæ Ecclesiæ aliusque testimoniis comprobarent.

Statuit, præterea, ut bini Theologi Nostri, ex majoribus Diocæsis & Academia Cracoviensi, ex minoribus autem singuli, Thorunium mitterentur, ad conferendum cum adversariis Religionis Catholicæ. Verùm hæc res tam Sancta, in longius tempus, nempe in Annum proximè futurum millesimum sexcentessimum quadragesimum quintum, ad mensem Augustum dilata, pro quo tempore, iterum ArchiPræsul Noster, per literas suo Nomine, de Data Lovicii sexta Mensis Julii, Anno eodem, millesimo sexcentesimo quadragesimo quinto expeditas, Theologos ex variis Diocæsis Regni, tum ex Clero sæculari, tum ex variis Religionibus sacris, destinavit, destinatos declaravit, quos binis vicibus Thorunium, ubi locus prædicti colloquii destinatus erat, direxit, ac plerosque propriis sumptibus liberaliter sustentavit, quatenus nimirum oves, quæ perierant Domus Israel, Bonus Pastor, in caulas Domini revocaret.

Fuit igitur hoc colloquium charitativum Thorunii, cum Augustanis & Reformatis, prout se vocari volebant, inchoatum Feriâ secunda, post Dominicam duodecimam post Pentecosten, die Divinissimo Augustino, Ecclesiæ Doctore Sacro, ad quod comparuerant,

Uu

Dux

Dux Georgius Ossoliński Supremus Cancellarius Regni, cui præter avitam natalium claritudinem, aderat svada ad omnem elegantiam exulta. Joannes Leszczyński Castellanus Gnesnensis, qui Palatinus Lanciciensis, Posnaniensis, Supremus Regni Cancellarius, tandem cedens tantis Magistratibus, Palatinus Cracoviensis vivere desiit, Civilis prudentiæ, summæ integritatis magnum exemplar, verèque Cato Polonus. Legati Regii, Georgius Tyszkiewicz, Episcopus Samogitiæ, ex Synodo Deputatus; Ex Capitulo verò Metropolitano Gnesnensi, Joannes Baykowski Canonicus Metropolitanus Gnesnensis, Suffraganeus Posnaniensis, cui præsentiam Capitularem cum refecti-
onibus, Capitulum Metropolitanum concessit, & cum hæc faciendo sumptui nullatenus sufficere poterant, Mathias Noster eundem decenti subsidio, ut in causa universalis Ecclesiæ laborantem, insigniter juvit, & multi alii Catholici Theologi, inter quos tres Theologi ex Archidiocesi à Nostro Mathia missi, Stephanus Damalewicz Sacræ Theologiae Doctor, Canonicus Regularis Lateranensis, Nedalius Ordinis S. Benedicti, Benedictus Bułakowski strictioris observantiæ S. Francisci, primus hujus observantiæ in Polonia Fundator. Ex parte verò Dissidentium Zbigneus Gorayski Castellanus Chelmenensis dempta Religione, literatura elegantiori & Civiliori apprime excultus. Sigismundus Guldenstem, Capitaneus Stumenensis, qui obiit Castellanus Gedanensis, Lutheranorum Præses, & plurimi alii Lutherani, Calvini, etiam ex Germania Dogmatistæ, qui excludebant à suo consortio Arrianos & Anabaptistas.

In primo igitur confesso, Supremus Cancellarius Regni, digna cedro locutus, enumeratis Vladislai IV. Poloniarum Regis, Heroicis factis & virtutibus, dignis in templo sculpi æternitatis, hanc Supremam virtutem, quæ & Constantini Magni Imperatoris, gloriosos coronavit triumphos, nempe fidei Christianæ propagandæ, discordesque de ea opiniones, conciliandi studium, Magnificis ut par erat elogiis extollendo, hortabatur: ut pio illius desiderio, reducendi ad concordiam, divisas de doctrinis fidei Christianæ sententias, ad quod hic Conventus indictus, æqualibus animis, suspicionibus semotis, obsecundarent. Sed toto tempore, sessiones illæ, in quibus præsidebat Cancellarius, & post discessum ejus, non nisi in solis ambagibus, circa introductiones propositionum, variis ambiguitatibus à Dissidentibus injectis, usque ad medium Novembrem, sine fructu protrahebantur. Quamobrem Georgius Tyszkiewicz, Episcopus Samogitiæ, uti Catholicorum Præsidens cum aliis Deputatis, hætenus nullam causam moræ, ex sua causa intercessisse, sed à sola Dissidentium parte, quæ pium Sacræ Regiæ Majestatis, tum ipsius Archiepiscopi & Primatis Regni & Sacræ Synodi desiderium differret, aliquoties protestatus est. Nostri tamen Mathiæ Archiepi-
scopi

scopi, gloriosus conatus & sumptus, non erat inanis, neque privandus præmio, mens enim boni desiderii ac pii voti, etiamli fructum non invenerit coepta operis, habet præmium voluntatis.

Licet autem prædictum Thorunense colloquium, per sacram Synodum Decretum, finem suum & fructum, ex parte Dissidentium non acceperit, multa tamen in prædicta Synodo, ad extirpandam Hæresim, Mathias Noster salutaria statuit, & ad effectum deduxit; ac imprimis, antiqua Provincialia statuta, de non imprimendis absque revisione & approbatione libris, ac revidendis ad minus semel in Anno, Bibliothecis, Bibliopolisque; suspectos & Hæreticos libros, vendentibus, renovavit. Unionem Ruthenorum Schismaticorum, promovendam constituit, curam Ministrorum, hæresim ejurantium singularem decrevit, & ut eos ad conversionem proclives, & ad Matris Ecclesie gremium alliceret & impelleret, maximè cum multi non contumacia voluntatis, sed famis & inopie metu, in errore dicantur persistere, putenturque non difficile Hæresim detestaturi, si suis vitæ & victus rationibus, ab Ecclesia prospectum esse viderent, iisdem Ministris, ad Ecclesiam Catholicam redeuntibus, sustentationem in Synodo Provinciali providit, & præcipue ex residuo relictæ hæreditatis, Jacobi Zadzik Episcopi Cracoviensis, (quam ille vir propagandi honoris Divini studiosissimus, in pios usus & pauperum subsidium, effundi voluit,) Mathias Noster, uti primarius ejus testamenti Executor, centum millia Florenorum Polonicalium, in censum reemptionalem, in Bonis terrestribus locavit, & ut census proveniens, primò & præcipue inter Ministros hæresim ejurantes, tum etiam inter alios, qui relictæ errore, ad Ecclesiam Catholicam redibunt, quotannis distribueretur, mandavit, cujus rei curam & censum prædictum distribuendum, Capitulo Ecclesie Cathedralis Cracoviensis, commisit. Quo exemplo, idem Noster Archiepiscopus, & alios movit Regni Episcopos, ad similem in suis Dioecesibus, reconciliatorum faciendam sustentationem, ut facerent secundum exemplar, quod ipsis monstratum erat, quatenus Catholicæ Religionis, & perditarum animarum quærendarum zelo, charitatisque proximi ardore, in sua quisque Dioecesi, de congrua & convenienti, reconciliatorum Ecclesie Romanæ Ministrorum sustentatione, pro statu suo & conditione providerent.

Nondum finivit suum zelum Mathias, sed quousque vixit, quærebat modos, inveniebat media, nec se dilatare hæresi permittebat, nunc precibus, nunc prædicatione Verbi Divini, nunc ad Deum suspiriis & multis sudoribus laboravit, ut Hæresim relegaret è Polonia. Unum adhuc inter alia idque millena exemplum, de Nostro Mathia adferam, pro memoria & imitatione notandum: Choyniciis Ecclesiam, Parochialem visitans, in eadem Ecclesia die Sancto Bartholomæo dicata,

solennem Missam Pontificalem, ad Aram Principem celebravit, ad quam magna Dissidentium à Religione, confluxerat turba, illecta studio videndi, Romanarum Ceremoniarum gravitatem, & Pontificis celebrantis, nunquam in eo loco visum Sanctiorem apparatus. Igitur in tanto eorundem Dissidentium concursu, oves illas erraticas, Hæreticorum imposturis delusas, ad unitatem Christi ovilis, & Ecclesiæ Romanæ Apostolicæ concordiam, à qua frustra desciverant majorum suorum degeneres posteri, tum per Thelogum suum, ex suggestu, ferventer invitavit, tum & ipse easdem, ac Magistratum Civitatis potissimum, ad avitum Religionis cultum, pie ac studiosè cohortatus est. Non tamen absque fructu & profectu Spirituali, labores isti Nostri Mathiæ habebantur, nam insignem cætus Calvinistici Antesignanum, Bartholomæum Nigrinum, Ecclesiæ Romanæ, opera Georgii de Tęczyn Ossoliński, Supremi Regni Cancellarii, ad viam veritatis adductum, reconciliavit: plurimos Judæos, multos Arrianos, non paucos scythas, sacro Baptismate initiavit, & ovili Christi aggregavit. Quare tum fulmen Hæreticorum, passim dicebatur Mathias, tum à plurimis Viris doctis & eruditis, inter Sanctissimos Fidei Defensores, adusque numerabatur. Præstat unius hoc sæculo Literatorum Primatis, in quo omnes Thesauri Polonæ Historiæ, Josephi Andreæ Comitis de Załuskie Załuski, Supremi Referendarii Regni, Nostro Mathiæ adscriptum, in libro Polonico: *Duo gladii dicto, adferre elogium: Possem hinc latissimè dicere, de gloriosa orthodoxæ Religionis defensione, piissimorum & penes fidem zelosisimorum Episcoporum Poloniæ, sed scientibus loquor, satis est illorum adducere nomina, quæ scripta sunt in libro vitæ. Et imprimis in Cathedra Metropolitana Gnesnensi Beati Radzini seu Gaudentii, Sancti Adalberti Fratris, Beati Bogumili, Joannis Łaski, Stanisłai Kårnkowski, Bernardi Cardinalis Maciejowski, & Mathiæ Lubieński &c.* Quod autem hic præclarissimus tot voluminum, à se conscriptorum Author, & Regni Minister, Mathiæ Nostro præstitit, hoc & alii, fecerunt, dum summis laudibus, condignis præconiis, ejus desiderium curam & zelum extirpandæ de Polonia Hæresis celebrarunt, celebrabuntque continuo, & nulla filebit ætas, & illa quæ ventura sunt depredicabunt sæcula.

CAPUT VIGESIMUM.

De affectu & favore Mathiæ, erga Sacros Ordines Regularium.

Sacri Regularium Ordines, in militante Ecclesia, fortissima contra exorientes hæreses castra, invictissimi, contra hostes Ecclesiæ & Religionis Athletæ, laboriosissimi in Vineâ Domini operarii, sive Coadjuto-

Coadjutores, peccatorum extirpatores, virtutum plantatores, Sanctitate vitæ, virtute & doctrina, mirificè Ecclesiam exornantes; aliqui enim illorum oves Domini, pabulò doctrinæ salutaris pascunt, aliqui sacras exedras implent, alii Confessionalia, alii Cathedras Doctorales occupant, alii scholas ad erudiendam juventutem, alii nosocomia ad ditandam paupertatem regunt, alii Orbem libris à se conscriptis erudiunt, alii eundem cum Evangelio ad convertendas gentes peragrant, aliqui autem propriæ curam habentes salutis, solitariam vitam cum odore boni exempli agunt. Horum cernens Supremus Ecclesiæ Pontifex, Clemens VIII., integritatem vitæ, & prædictos in Ecclesia sudores, indeque fructum animarum copiosissimum, eosdem in sua Constitutione, de largitione munerum, Annò Domini, millesimo quingentesimo nonagesimo quarto, Decimo tertio Kalendas Julii edita, multa complexus est laude, ubi sic inquit: *Religiosæ Congregationes, ab insigni Sanctitate Viris, Spiritûs Sancti afflatu institutæ, tantas in Ecclesia Dei utilitates, omni tempore attulerunt, ut ad eas conservandas & instaurandas, Romani Pontifices, Prædecessores Nostri, magnam jure optimo diligentiam, semper adhibuerint.* Eodem encomio, & Pius V. in Constitutione quæ incipit: *Et si* Annò millesimo quingentesimo sexagesimo secundo, Decimo septimo Kalend: Junii, Pontificatûs sui Annò secundo, à se edita, Sacros Regularium exornavit Ordines, in qua sic de iisdem Regularibus dicit: *Qui sedulum in vinea Domini, quotidie exhibere non cessant famulatum.* Et paulò post inferiùs *Ac exinde, pro suis Sanctis studiis, honestisque laboribus, proque salute animarum, ab Apostolica sede, cujus continuè pacem & dignitatem, Ordines ipsi tutati sunt, tam Spiritualia quàm temporalia subsidia, ornamentaque acceperint & accipiant.* Tandem inferiùs: Eosdem Ordines, *tanquam fructiferos in Agro Domini palmites* appellat, & post subjungit: *Qui onus diei & æstûs, tam in prædicationibus, quàm cæteris Spiritualibus muneribus, quotidie sustinent.* Et ne mei obliviscar Ordinis, qui pari cum aliis Sacris Ordinibus, in Vineâ Domini certans labore & studio, à Supremo Ecclesiæ Capite, Clemente IV, in Constitutione quæ incipit: *Terra Sancta*, Quinto Idus Novembris, Pontificatûs sui Annò VIII. edita, summa coronatur laude, dum idem Pontifex, deplorans amissionem Terræ Sanctæ, & in Sanctissimum Salvatoris Nostri Sepulchrum, manûs sacrilegæ injectionem, constituenq; Procuratores & Nuntios, ad colligendas Eleemosynas, Ordinem meum, seu potius Personas Ordinis mei, veros Divinæ fidei ac culturæ Christianitatis Athletas, probavit, dum sic ibidem scripsit: *Ad hæc itaque feliciter exequenda, veros Divinæ fidei ac culturæ Christianitatis Athletas, Priorem & Fratres, Domûs Dominici Sepulchri Hierosolymitani, Ordinis Sancti Augustini, elegimus Procuratores & Nuntios.* &c. Supremum Ecclesiæ Caput securus Mathias Noster,

& erga omnes Sacros Regularium Ordines, præcipuo ferebatur affectu, eosdem singulari & eximio prolequebatur amore, illos sibi in quavis Diœcesi sua, habere optabat, non posse habere dolebat. Hunc suum, ex non habitis in Diœcesi sua Chelmensi, Regularium Familiis, in literis ad Nuntium protunc in Polonia, directis, in Superiori Capite recensitis, expressit dolorem dum sic scripsit, *Pauci sunt, qui nos in promovendo Cultu Divino, & in propaganda Religione Catholica juvare possent, raræ admodum Religiosorum Sodalitates in Diœcesi mea &c. & quod me magis sollicitum habet, ita istis adjutoribus careo, ut nec ratio ulla appareat, me aliquando eos habiturum.*

Ac imprimis, Sacrum Canonicorum Sancti Sepulchri Ordinem, quem Noster Mathias professus erat, præterquam, quod eundem voluerat habere ordinatissimum, & perquam florentissimum, præterquam, quod eidem usque ad tempus mortis, summe addictus esset, etiam eundem, ubivis locorum, summis laudibus ac præconiis extollebat. Illius de prædicto Ordine, quoties se obtulit occasio, verba, etiam in Ereptione Ecclesiæ Wągeczoviensis, dum Episcopus Polnaniensis fuit, expressa: *Scio Alumnos Miechoviensis Domûs, ad curam animarum ordinari, & ab ipsis teneris formari ungviculis, plurimos ex hac institutione, prodiisse & quotidie prodire Viros, qui non magis doctrinâ, quàm pietate excellant, qui magna cum laude, & utilitate Ecclesiæ Catholice, incrementoque Divinæ gloriæ, munus Pastoralis officii exequantur, hanc igitur ex omnibus, elegimus & præelegimus.* Dum verò Episcopus Chelmensis, & Præpositus Generalis Ordinis esset, continuo de prisca Institutione Canonicorum Nostrorum, Nominis & Originis splendore, pristinæ luci restituendo, cogitabat, illorum præclarissimas Res gestas, vetera instituta, prima incunabula, vocationis excellentiam, ipsam denique Ordinis Antiquitatem, ab Apostolis recta linea promanatam, referri sibi postulabat. Nec satiari potuit, Arctioribus aliorum, qui de hoc Ordine scripserunt Commentariis, verum Samueli Nakielski, Ordinis Nostri Canonico, in utraque Historia, tam Ecclesiastica quàm Politica instructissimo, commisit, (prout ipsemet in præfatione testatur,) ut Ordinis Nostri initia, probatissimorum Authorum scriptis, ac certissimis Ordinis instrumentis, ad pingviorem Minervam reduceret, & ab oblivione hominum vindicaret; Quare Mathiæ Nostri Voluntati morem gerendo, librum de sacra Antiquitate Ordinis conscripsit, & illum luci publicæ consecravit.

Post Sacrum Canonicorum Sancti Sepulchri Ordinem, succedit immediate Sacra Canonicorum Lateranensium Religio, quæ sicut Antiquitate, alias Regularium Congregationes excellit, aliisque prærogativis adæquat, ita ab Ordine Canonicorum S. Sepulchri, in nullo differt, attestante, præter Gabrielem Pennotum lib: 2. cap. 68. per totum, & præter alios multos, Joanne Antonio Zungo, Canonico Regula-

Regulari Lateranensi, Viro in Historia, de Sacro Canonico-
regularium Ordine inæstimabili, ac nunquam præsentis chartæ angu-
stis deprædicando. Qui Vir Celeberrimus, Ordinem Canonico-
rum Sancti Sepulchri, ab Ordine Canonico-regularium Lateranensium, in
sua Historia Generali & Speciali, tomò secundo foliò 193. indistin-
ctum asserit, dum sic inquit: *Quo ad Canonicos verò Sacri Sepulchri
pro Aris & focis certamus, ut jure ac in re inter Nostros, tanquam
legitimos ac genuinos Confratres computemus, utpote quos & instituti
identitas, & Nominis æqualitas, & Vestis li eæ ratio, veros Canoni-
cos facit, atque decernit.* Proinde quidquid de una Religione ex his
dicitur, altera hoc sibi justè vindicare potest. Hanc pariter Ma-
thias Noster, cordi habebat, in pietate aliisque Religiosis virtutibus
confirmabat, eorum Monasteria in Archidiœcesi Gnesnensi consisten-
tia, quæ Sedis Apostolicæ, à Congregatione Sacrosancti Concilii Tri-
dentini Delegatus, visitando & ordinationes salutares, eisdem præ-
scribendo.

Exstant in Archidiœcesi Gnesnensi eorundem Canonico-regularium La-
teranensium, insignes Præposituræ & Ecclesiæ, Calissiensis ad San-
ctum Nicolaum, Mstovien- & Kłodavien- & Kłodavien- & Kłodavien- & Kłodavien-
titulò Collegiatarum con-
decoratæ, tum & Abbatia cum suo Monasterio & cum suis mem-
bris, Trzemesznensis, ac tandem Præpositura Krzepicensis cum Mo-
nasterio, eleganti structura condito. Quare Mathias Noster, tunc
Archiepiscopus, easdem Authoritate delegata visitando, Sanctissimas
Ordinationes iisdem ad servandum in posterum, de data Squiernie-
viciis, in Palatio suo, Annò Domini, millesimo sexcentesimo quin-
quagesimo secundo, VI. Idus Martii, proposuit, exhibuit & præscri-
psit. Et quidem primò, quandoquidem tunc exactè servatur
regula, cum se ipsum, vivum illius exemplar, exhibet Superior, et tum
speratur profectus in cæteris membris, cum caput in ea, sanctitatis
evibrat radios, totumque Corpus, casta et integra conversatione ve-
getat, idcirco circa Præpositum, salutaria ordinavit statuta, ut mores
Religiosos, ad normam Regulæ à Sancto Augustino, Canonico-regularium
Legislatore, præscriptæ, ipse quàm studiosissimè com-
poneret, ne cæteri Canonici, ullam haberent conquerendi occasio-
nem. Tandem cæteris Canonici circa essentialia vota, & imprimis
proprietas abnegationem, circa obedientiam & reverentiam Supe-
rioribus, circa castitatem, circa cultum Divinum, & Administrationem
Sacramentorum, circa gubernationem Domus, circa mensam, & hoc
in fundamento Sacræ Regulæ & Sacri Concilii Tridentini, Sacras Con-
stitutiones ordinavit, quæ ut diligenter executioni demandarentur,
Præpositum Calissiensis ad Sanctum Nicolaum, eorundem Cano-
nico-regularium, protunc Stephanum Damalewicz Sacræ Theologiæ Do-
ctorem

ctorem, per Archidiœcesim Gnesnensem, Ordinarium Librorum Censorem, & Archidiœcesanum Examinatorem, aliosque Domorum eorundem Canonorum Præpositos, tum & ipsum Abbatem Trzemesnensem in Domino hortatus est; cæterosque illis subjectos Canonicos, paternè requisivit, ut omnia hujus ordinationis puncta, observare satagerent, gratiam pacem & beatitudinem Supremam, à Deo Ter Optimo Maximo, pro hac observantia consecuturi.

Videns autem Mathias Noster, quòd eidem Canonorum Lateranensium Ordini, magis utile & proficuum foret, si ab uno Capite, cætera membra dependerent, idcirco, primo se jurisdictione & Autoritate, super Domos Canonorum Lateranensium, in Religiosa observantia visitanda & corrigenda, perpetuis temporibus exiit, eandem in Abbatem Canonicæ Trzemesznensis transtulit, solo jure suo & Successorum suorum, circa curam animarum, iisdem Canonicis annexam, salvo. Sed præstat ad perpetuam ejus rei memoriam, ipsum hîc Privilegium adducere.

Mathias Lubieński, DEI & Apostolicæ Sedis gratiâ Archiepiscopus Gnesnensis, Legatus Natus, Regni Poloniae Primas, Primusque Princeps. Dignum & congruum est, ut Monasteriis à nobis dependentibus, nostram impendamus sollicitudinem, ut juxta monitionem Sacrosancti Concilii Tridentini, Superiores, ea, quæ ad substantiam votorum Regularium pertinent, diligenter observari curent. Proinde cum ex frequentibus visitationibus & controversiis, id comperissemus, magisque expedire, ut Conventus Canonorum Regularium, Congregationis Lateranensis, Domus Calissiensis, cum connexa sibi Krzepicensi & Kłodaviensi, ad observantiam Regularem instaurandam, in disciplina Religiosa & visitatione, Abbati Trzemesznensi & ejus Canobio, subjiciantur & incorporentur, facultate illis ad professionem Fratres colligendi & admittendi adempta, per Antecessores Nostros, illis olim collata, conditione autem hac, in Abbatem Trzemesznensem translata, ut mittat dignos ad regimen Animarum Sacerdotes, Domus Trzemesznensis Professos, bene in novitiatu probatos & exercitados, quot Loci Ordinarius pro tempore judicaverit, & ordinaverit, ita ut in substantialibus, Religiosa vota, quàm congruentissimè impleantur ab omnibus. Itaque totam nostram jurisdictionem & Autoritatem, super his tribus prædictis Conventibus, in Abbatem Trzemesznensem pro tempore existentem, perpetuis temporibus, in Religiosa observantia visitanda & corrigenda, transfundimus per præsentem, in DEI Nomine, hortantes ipsum Dominum Abbatem, pro tempore existentem, quatenus ordinationes nostras, in prædictis Domibus, juxta reformationem Regularium à Sancta Tridentina Synodo præscriptam, concinnatas, ad executionem deduci, exactè ac fideliter, ab omnibus observari curet, salvo jure Nostro & Successorum, circa curam animarum, cui ex Officio Pastoralis, tenemur attendere.

In casu

In casu vacationis Præpositurarum, in memoratis Domibus, pro singulis earum, duo eligentur in Cenobio Trzemesznenſi Capitulariter, vocatis aliis Præpositis prædictorum Cenobiorum, juxta præscriptum Concilii Tridentini, secreto scrutinio, ex pluralitate suffragiorum, à nobis & Successoribus per concursum examinandi, & dignior instituendus. In quorum fidem præſentes, Sigillò Nostro communitas, manu propria subscripsimus. In Arcè Loviciensi, Die quinta Julii, Anno millesimo sexcentesimo quinquagesimo secundo. Mathias Lubieński, Archiepiscopus Gnesnensis. Locus Sigilli.

Pariter sacro Præmonſtratenſium Ordini, Mathias Noster summe affectus fuit, dum regularis disciplinæ observantissimum, Albertum Tulibowski, Ordinis ejusdem Commissarium, Suffraganeum & Vicarium Generalem Płocensem, ad Præposituram Sanctimonialium, Divi Norberti Ordinem professarum, Conventus Płocensis, ob maturas ejus virtutes, promovit & commendavit.

Sacram Societatis Jesu Religionem, quanto respectu æstimabat Mathias Noster, quisque facile intelligere potest, ex dato illi in suo testamento elogio. Moriturus hic & testamentum conditurus, cum imperfectum Calissiente Collegium finire & ad perfectum statum, etiam post mortem suam reducere cogitaret, hæc de eadem Societate Jesu, jam jam moriturus, ubi jam ab omni suspitione falsi, longe alienus erat, pro veritate protulit, & in testamento suo in scriptis contestandi animi sui erga eandem Societatem reliquit: *Societatis Jesu Religionem, semper unice dilexi, non ideo tantum, quod olim in ejus Scholis studuerim, atque Fratrem germanum in ea habeam, sed præterea, quod videam eam, augendæ gloriæ Divinæ, juvandisque animabus sanguine Christi redemptis, totam se consecrâsse, hæc duo, totis viribus, ubique terrarum promovere.*

Inter Ordinem Seraphicum, cum quædam quæstiones & difficultates exortæ essent, sopirique absque Sede Apostolica, tum Cardinali Protectore Ordinis, tum ipso Generali Ordinis Seraphici, non possent, Mathias Noster protunc Episcopus Chelmenſis, ut supra hunc Ordinem protectionem suam & affectum monstraret, ad Summum Pontificem Gregorium XV: tum ad Cardinalem Protectorem Ordinis, & ipsum Generalem ejusdem Ordinis, literas & suam commendationem dedit, summisque laudibus & encomiis, Ordinem Seraphicum & præcipue eos, quos hic Bernardinos vocamus, tam ad summum Pontificem, quam Cardinalem Protectorem extulit, tenor autem literarum sequitur.

Ad Summum Pontificem GREGORIUM XV.

Sanctissime ac Beatissime in Christo Pater, Domine Domine Clementissime. Agnoscit hoc libenter, universa hujus Regni Provincia, Religio-

ligiosos Divi Francisci, quos à Divo Bernardino, ad strictiorem primi Instituti Observantiam traductos, vulgò hic Bernardinos vocamus, ea hætenus pietate in Ecclesia Dei floruisse & florere, ut nihil in istis Religiosis Viris, desiderare posse videatur eorum, quæ à primo Authore Instituti hujus, jussa ac præscripta sunt. Superiori etiam tempore nutantibus aliis, in hoc Regno Religiosis familiis, hæc una stetit inconcussa, & Sanctitatis opinione, & eruditionis præstantiâ, adversus exorientes hæreses munita. Ea de re edocti, Sanctissimi Sanctitatis Vestræ Decessores, cum petentibus iis, qui nuper in aliis Provinciis, novam formam huic Instituto Bernardinorum dederunt, ut illis quoque Monasteria, fundare permitterent, responderunt sibi placere, ne quid in Polonia innovetur. Ejus sententiæ fuit, Divinæ memoriæ Clemens Octavus, Pontifex Maximus, qui coram se, dum in Polonia, Sedis Apostolicæ legatione fungeretur, vidit exploratamque habuit, pietatem & Religiosi Instituti arctiorem accuratioremque Observantiam, Bernardinorum Nostrorum. Nunc iterum hoc idem urgent quidam, qui nuper ad hos Reformatos se transtulerunt. Ego certe faveo ex animo omnibus Religiosorum incrementis, sed enim vereor, ne ea res detrimentum huic Religioni potius adferat, quàm aliquod pietatis augmentum, nam & isti, qui hætenus in possessione continua, pristini & primævi sui Instituti fuerunt, perturbantur, & hi qui aliquid novi adferre videntur, non ita facile, ut in aliis Provinciis, emergere poterint, cum non exigua appareant impedimenta, quominus id, quod animo destinarent, consequantur. Cæterum totum id constet, arbitrio Sanctitatis Vestræ, mihi uni ex minimis, ad aures Sanctitatis Vestræ deferre suffecerit, quid non solum Religiosis, sed Ecclesiæ ipsi expedire judicem. Humillima obsequia Sanctitati Vestræ defero, ejusque Sanctissimos pedes demissè exosculor. Datum Cumoviæ, quarta Decembris, Annò Domini, millesimo sexcentesimo vigesimo primo.

Ad Cardinalem Protectorem ejusdem Ordinis.

Non alia re ii, qui ex Familia Sancti Francisci orti, Bernardini apud nos vocantur, non vulgarem sibi favorem nomenque præclarum, in ista Provincia conciliaverunt, nisi quod constanti tempore, præscriptam sibi à primis Authoribus, Sacri Instituti vivendi normam, semper observarunt, multosque Viros Illustres, Sanctitatis opinione claros, produxerunt. Hos, qui nunc introductis iis, qui in aliis Provinciis Reformati vocantur, distrabere velit, nihil aliud egerit, nisi ut observato Bernardinorum Nomine, utrisque, ac imprimis Ecclesiæ Dei, in hac Provincia, non rectè consuluerit. Quare supplico Illustrissimæ Celsitudini Vestræ, ut eos Nostros Bernardinos, patrocínio suo tueatur, expendendumque & inspiciendum diligenter existimet, an expediat permittere, nova ista recentium Reformatorum introductione, antiquissimam Religionem, præclare de Ecclesia Dei meritam, tot Sanctorum Virorum Matrem & Altri-

Altricem, in discrimen innocuè adducere; cum eadem, pristini Instituti, in hac Provincia semper tenax fuerit, & nunc si quid ex antiquo vigore deesse videatur, ultro recipere & reassumere parata sit. Plura hac de re alii, mihi satis visum paucis innuere, quid hac de re sentiam. Humillima obsequia mea, Illustrissimæ Celsitudini Vestræ defero &c.

Ad Generalem Ordinis Seraphici.

Reverendissime in Christo Pater, Amice Observandissime. Inter multos, qui optimè cupiunt Familiæ Divi Francisci, à Divo Bernardino, jam dudum ad Pristinum primi Authoris Institutum reductæ, ego me esse profiteor, merentur id illi eximia pietate, qua semper in Ecclesiâ Dei floruerunt, sed potissimum in hac Provincia, in qua continuo tenore, vixit semper in hac Familia, accurata Observantia regularis Instituti. Hinc magis doleo, hunc Religiosum Cætum turbari, paucorum quorundam importuna affectatione, qui prætextu usurpatæ in aliis Provinciis reformationis, nova hic ejusdem Instituti Monasteria, condere volunt. Faverem ego illorum desiderio, nisi viderem, eo rem tendere, ut & hi, qui hactenus non opinione modò Sanctitatis, sed etiam tot productis sui Instituti Viris, qui miraculis, vitæ Sanctitatem comprobarunt, claruerunt, ea æstimatione spolientur; & isti, qui novum quoddam affectant, suum non obtineant finem. Quod ne eveniat, & nobis, qui horum Patrum, in functionibus Ecclesiasticis operâ utimur, & Reverendissimæ Paternitati Vestræ, sub cujus Regimine militamus, prospicere incumbit. Potius veteres nostros Bernardinos, si quod est, in quo illi à primo Instituto recessisse existimantur, eo revocandos censerem, quàm minùs necessaria partitione, discindendam unitatem, & conformem vitæ rationem distrabendam. Qua in re, ut Reverendissima Paternitas Vestra, suam voluntatem, Nostro desiderio accommodet, si-bique imprimis persuadeat, nos id velle, quod & Religioni & Ecclesiæ expediat, amanter ab ea postulo. Cui mea studia, officiaquè defero. Cumoviæ Nona Decembris, millesimo sexcentesimo vigesimo primo.

Eundem & Sacræ Scholarum Piarum Religioni, Mathias Noster jam Archiepiscopus, affectum præstitit, cum eandem ad Innocentium X. Pontificem Maximum, unà cum aliis Episcopis Regni, summopere non solum commendavit, verùm etiam, enarratis ejus laudibus & encomiis, veræ virtutis & Religionis virtutem, in illa delineatam, Orbis Capiti deprædicavit, & in sequentibus Literis transmisit.

Beatissime Pater. DEI nos causam agere existimamus, cum Religiosum Scholarum Piarum Institutum, Nostrarum apud Sanctitatem Vestram literarum commendatione, sustentamus. Efficit hoc, illustribus in Orbe Sarmatico, constans illius pietas, propagata documentis, ut tantùm perturbatis sacri hujus cætus rebus, vel immunitatis vitæ rationibus indoleamus, quantum integerrimo vigore, & florentibus inter

serpentes hæresum vepres, favimus incrementis. Experti sane sumus, solidam & expressam in religiosa hac familia, veræ virtutis, germanæque Religionis effigiem, quam eo firmiori stare vestigio, ac propensiore Sanctitatis Vestræ niti patrocínio, magnopere desideramus, quo fructuosiores illius, in Ecclesiam Dei meritorum, brevi hoc, quo Polonia inclavarunt spatio, accessiones perspeximus. Commune igitur nostrum, in eo genere negotii votum, & humillimas conjuncto literarum officio, preces, apud Sanctitatem Vestram interponimus, ut firmum, fixum sacri hujus Cætûs in Polonia statum, Paternæ Authoritatis favore, fovere tuerique velit. Pertinebit id, ad insigne, tum Reipublicæ, tum Ecclesiæ Dei, quam adulta erroribus petit hæresis, emolumentum, dum eosdem Religiosos, Sanctitas Vestra, firmissimo patrocínio cumulabit. Cæterum sacros Sanctitatis Vestræ pedes exosculantes reverenter, Illius Sanctissimæ benedictioni, nos diligentissimè commendamus. Datum Varsaviæ, millesimo sexcentesimo quadragesimo septimo. Die vigesima quinta Maji.

Religioni Ordinis Sancti Basilii Magni, quantum Consilii, favoris, gratiæ à tanto eoque optimo Pastore, sufficienter impertitum fuit, nemo dubitat, cum enim sub felicissimam olim, Vladislai IV. Regis Poloniæ Coronationem, Comitibus Cracoviæ celebratis interfederet, utramque Græcæ fidei partem, paterno affectu se iò cohortatus: illam ut antiquæ Religionis Ritus, pridem à se receptum, firmiter observaret, hanc, ne Romanæ in unione Ecclesiæ primatum & Caput summum, pervicaciter alienaret; & cum ambæ secum Capitali odio diffiderent, benignè coæquabat, ne exhinc bivium in fide iter, per mutuas dissensiones, ad confusum chaos devergeret, ac ne tanti mali semina nascerentur pejora, neve demum hydrarum monstra, centum Caput magis informia gignerentur, plurimum & proprio & communi consilio, Mathias Noster laborabat.

Quo prædictos sacros Ordines, eo omnes alios prosequeretur amore, Præsul Noster, aliquorum Monasteria fundando, aliorum templa erigendo, collapsa restituendo, de novo surgentia, non vulgari summa pecuniæ attollendo, alios ære notabili ditando, alios censibus & provisionibus sublevando, & ubique evidentissima signa munificentiae suæ relinquendo, ita, ut universalis Pater, omnium Religionum, & esset & diceretur. Suspiciebant gratissimè, Sancta diversarum Religionum Cænobia, Patronum laudatissimum, venerabantur eorundem Monasteria, Benefactorem amplissimum, observabant quævis claustra & Asceteriæ Pastorem vigilantissimum, & omnes Regularium Ordines, unanimi mente, Mathiam Nostrum prædicabant, prædicantes honorabant, honorantes in amoribus suis intimis conservabant. Quare piis Religiosorum precibus & suspiriis, hanc quæ illius meritis debebatur, Coronam adeptus

adeptus, ibidemque à Sanctis Religioforum Fundatoribus & Patriarchis, piè creditur salutatus, *Hic est Fratrum Nostrorum amator, hic est, qui multùm orat pro populo.*

CAPUT VIGESIMUM PRIMUM.

De gestis Mathiæ Regnum Poloniæ concernentibus

HActenus Mathias Noster, quæ Ecclesias, Religionem & Clerum concernebant, gloriøsè & summa cum laude gessit, nunc qualiter alteram Episcopalis in Polonia Officii partem, nimirum Senatorium Munus, implevit, & præcipuè, quæ Archiepiscopo & Primati, primoque Principi Regni incumbunt, describenda occurrunt. In hoc igitur existens munere, quidquid viderat salubrius Patriæ, quidquid summus illi erga Patriam, imperabat amor, illud, excelsi ingenii Senator, admirandæ prudentiæ Primas gerebat, & ad omnia clarissima, suas dotes applicabat. Felicem Patriam tanto Filio, feliciorum tanto Senatore, Primate, Vicerege & simul Patre. Prima documenta charitatis ejus, experta Siradiensis terra, in qua vetustate consumpta Acta terrestria Siradiensia & Szadkoviensia protunc Episcopus Vladislaviensis existens, sumptu composito cum Fratre suo, Stanislao Episcopo Plocensi, noviter describi & renovari mandavit, & ut pro Authenticis habeantur, eadem in Comitibus Coronationis, Vladislai IV. Regis Poloniæ, Annò Domini, millesimo sexcentesimo trigesimo tertio, celebratis, per constitutionem eorundem Comitum, approbari procuravit.

Hæc initia amoris Mathiæ erga Patriam, majora documenta dedit, dum quidquid viderat utilius Patriæ, illud ore & calamo promebat, urgebat & promovebat; frequentiora tunc temporis fuerunt Regni Comitia, ad hæc semper tempestive venire, in persona comparere, prima etiam initia non negligere curabat, & juxta dictamen conscientiæ, vota in senatu enuntiabat. Unde in electione Vladislai IV. Poloniarum Regis, Varsaviæ, ubi Principes Poloniæ, Casimirum Joannem, Albertum, Carolum, Alexandrum, Nomine Senatûs & omnium Procerum Regni, honoris ac officii causâ, ab arce ad Comitia deduxit, tum in Coronatione ejusdem, Cracoviæ Annò Domini, millesimo sexcentesimo trigesimo tertio, simulque in funere ibidem, Sigismundi III. Regis Poloniarum, ubi pompam funebralem, unâ cum aliis Episcopis Regni deduxit, Mathias Noster Episcopus Vladislaviensis, præsens fuit, negotia Ecclesiarum & Regni promovit, & communi salutis Patriæ consuluit.

Neque publicorum negotiorum, & quorumvis munerum obendorum in Regno, impar erat; Ille enim virtute duce, communi-

que omnium plausu, in Comitibus duarum Septimanarum Thorunen-
sibus, in Anno Domini, millesimo sexcentesimo vigesimo sexto, tem-
poribus Sigismundi III. Poloniarum Regis, cum nominatus Episco-
pus Posnaniensis esset, ad inveniendos novos modos subsidiorum,
pro exercitu Regni designatus commissarius, & ut pro die decima
quinta Mensis Martii, Anno protunc proxime futuro, millesimo
sexcentesimo vigesimo septimo, Varsaviae, una cum aliis Commis-
sariis compareret, ibidem praedictos novos modos subsidiorum sup-
peditaturus & consulturus. Ille in Comitibus Generalibus Regni Var-
saviae, regnante eodem Rege, Anno Domini, millesimo sexcentesi-
mo trigesimo primo, protunc Episcopus Vladislaviensis, Authori-
tate Comitiorum Generalium Regni, ad residendum penes Regem
destinatus. Ille Episcopus Vladislaviensis existens, in Comitibus Ge-
neralibus Regni, duarum septimanarum, Anno Domini, mille-
simo sexcentesimo trigesimo quarto, regnante Vladislao IV. stante
bello Polonorum cum Turca, (quo tempore varia interveniebant
negotia, quae ex consilio Ordinum, expediri debebant) tam ad la-
tus Regis quam ad Supremos Exercituum Regni Duces, ex Senatu
designatus Commissarius. Cum autem jus maris Baltici & vecti-
galis marini, ad Regem & Rempublicam Polonam, intuitu suorum
portuum & littorum spectans, ad defensionem Dominiorum suo-
rum, quae instar antemuralis omnis Christianitatis, ex omni parte
barbarorum impetus, in se & in exercitu suo sustinent & propul-
sant, vellet Respublica conservare in integro, & ad effectum de-
ducere, Mathias protunc Vladislaviensis Episcopus, Authoritate Co-
mitiorum Generalium Regni Varsaviensis, Anno Domini, mille-
simo sexcentesimo trigesimo octavo, regnante eodem Rege, ad re-
videndum praedictum vectigal, ex Senatu designatus Commissari-
us, quo facto, pro die decima quinta Mensis Julii, ad Regem, ubi
tunc cum curia sua commorabatur, condescensurus, & praevio ju-
ramento cum aliis Concommissariis, secundum instructionem in Co-
mitibus Generalibus, Authoritate publica datam, modum exigendi
praedictum vectigal, in portibus Reipublicae adinventurus.

Quia verò cum Pomeraniae Episcopatu, Dantiscanam teneret
Provinciam, & illius tempore, Gedanenses fidem Regi ac Reipubli-
cae Polonae, frangere meditarentur, ideo ille, literis à se ad Geda-
nenses conscriptis & ablegatis, eosdem prout rebelles, providè &
circumspectè commonefaciebat, ut supplices, Serenissimum Regem,
de venia sibi concedenda, ob fidem per se fractam, humillimè ex-
peterent, & submissis animis, eundem deprecarentur, nam indignum
iis fuisse ratus, contra vires totius Regni insurgere, & velut musca
elephanti, Potentissimo Regi, unicam Civitatem, eamque perpetuò
subditam obsistere voluisse. Illius hic fuit & pacis amans animus,
qui

qui cum impares contra universum Regnum, erigere conati fuissent vires, inanes excitare belli Machinationes, frustraneas in cladem Poloniam facere conjurationes, toto Capite disvadebat, ut potius cernuam illorummet subjectionem, & Sacrae Regiae Majestatis, justam deprecationem persvasisset.

Ille jam Archiepiscopus & Regni Primas existens, Annò Domini, millesimo sexcentesimo quadragesimo quarto, post Festum Annuntiationis Beatissimæ Mariæ Virginis, in Claromonte Czeszochoviensi, ubi Sacram Imaginem ejusdem Virginis, ad novum Sanctuarium à se erectum, introducturus morabatur, accepto de tristi obitu, Serenissimæ Reginae Poloniae, Cæcilie Renatae, infausto Nuntio, quæ eodem Anno, IX. Calendis Aprilis obierat; Princeps ob insignes virtutes, longissimâ vitâ digna, & cui meretur adscribi Velleianum illud: potentiam ejus nemo sensit, nisi aut levatione periculi, aut accessione dignitatis; eidem ibidem omni postposita mora, mausolæum, quantum per temporis angustias licuit, aliquot à terra cubitis educere, cum suis gradibus, per intervalla eminens erigere, circumcirca candelabris argenteis plurimis, lucernis ex virgine cera, & Imagine desuper pectore tenus ex argento puro fusa, (Sacrum Anathema id fuit, ejusdem Serenissimæ Reginae,) unâ cum Regali Corona, supra tumbam adornare, quantocyus mandavit, & ipse sacras exequias, pro magna illa anima, & sacrosanctum missæ sacrificium, Pontificaliter, ad altare privilegiatum preegit, & quo animo esset erga Reges, ostendit. Ille Annò Domini, millesimo sexcentesimo quadragesimo sexto, die decima quinta Mensis Julii, quæ fuit Dominica octava post Pentecosten, ipso Festo Divisionis Sanctorum Apostolorum, Ludovicam Mariam, Caroli Gonzagæ Mantuæ in Italia, & Nivernicæ in Gallia Ducis filiam, per Oratores Gerardum Denhoff Palatinum Pomeraniæ, Venceslaum Leszczyński Episcopum Varmiensensem, & Christophorum Opaliński, Palatinum Poseniensem, splendido comitatu advectam, Invictissimo Poloniarum Regi, Vladislao IV. post mortem prioris desponsatam, Solennissimo ritu ac consuetis ceremoniis, in Ecclesia Cathedrali Cracoviensi, assistente sibi magna caterva Dynastarum ac Senatorum, Nobilitatisque Polonæ, Regali Diademate coronavit ac insignivit.

Porro Anno vertente, millesimo sexcentesimo quadragesimo octavo Vladislaus Rex, abiverat in magnum Ducatum Lithvaniæ, quo sæpius venationum gratiâ & severiorum curarum laxamentum quærendo, solebat excurrere, Grodnæ substiterat, & circa medium Quadragesimæ, Vilnam cum Regina profectus, eandemque festo apparatu & pompa, cum Regina ingressus, à Proceribus Magni Ducatus Lithvaniæ, præcipuè Principibus Radzivilis, Sapiehis, magnificè exceptus, reliquum Quadragesimæ, & festivitatem ibidem exegit Pa-

schalem. Interim ultimis diebus Aprilis, Vilnâ Rex movit, & in aliquibus locis vacans, Merecium pervenit, Oppidum ad confluentes duos fluvios amæno loco situm. Ibi Suprema Regem fatigabat ægritudo, calculi acrior dolor, & febrilis accensio vehementior, quam imperiti medici, propinatione Antimonii malè præparati auxerunt. Cumque Crisis superari non poterat, ad Supremi Judicis Tribunal, cum serâ vitæ antea actæ deploratione, dispositus, conscientiae nexibus exsolutus, è vita & è Regno cessit, ibidem Merecii, in galli cantu, XIII. Calendas Junii, quinquagesimo tertio ætatis suæ, Regni decimo quinto, magno cum omnium dolore ac ingenti imminentium adversitatum metu. Protunc igitur gravissima moles curarum Patriæ, senilibus humeris, Mathiæ Nostrî uti Primatis & Viceregis, post mortem ejusdem Regis, qui cum sibi Atlas Herculem tempestivè providit, incubuit; Quare in tam horridis motibus, dum omnes vel amisso Principe dolent, vel ingruentibus periculis percelluntur, demandata per literas omni decentiâ, penes corpus piè defuncti Regis, ac sacris expiatis, pro anima defuncti, eodem ipso Anno, cum Senatoribus, qui apud ipsum aderant, seu ex vicinia ad tam tristem famam, Lovicium confluxerant, deliberatione instituta, de providenda securitate interregni, sub Nominis sui titulo, mortem Regis, ac triste & lamentabile interregnum, universæ Poloniæ, per edictum publicum & literas universales, de Data Lovicii, Die vigesima sexta Mensis Maji, denuntiat, Conventus terrarum & Palatinatum, pro die vigesima quinta Junii, ejusdem Anni convocat, tempus Convocationis Generalis, omnium Ordinum Regni & Magni Ducatus Lithvaniæ, diem decimam sextam Julii, Varsaviæ, in Anno eodem assignat, Regalia exercet, ac Caput publicorum Consiliorum habetur. Ubi verò de intermittendis fori muniis, Lublinum dederat literas, confestum apertò conclavi lectis, Tribunalis Judices, suspendunt Sacrosanctæ justitiæ stateram; simulque per Provincias, omnis minorum subselliorum jurisdictio cessat, ac si sublato cum Rege Capite, in membris quoque sua virtus emoreretur. Necdum verò tempus Convocationis, ab Archiepiscopo indictæ advenerat, nihilominus tam ingens adversorum moles, quæ Rempublicam premebat aut perimebat, promptum expeditumque requirebat Consilium, ideo quantocyus, post promulgatam Regis mortem, venerat ArchiPræsul Varsaviam, in tam flagranti Reipublicæ discrimine, consulturus cum Proceribus Regni, qui ibidem morabantur, de publica Patriæ salute conservanda. Interim dum Varsaviæ, consulturus de Patria moraretur, & diem Convocationis Generalis præstolaretur, Corpus exanime Vladislai Regis, cum decenti comitatu, ex Lithuania devectum Varsaviam, Pragæ ad Vistulam substiterat, cumque trajectò per Vistulam deduceretur, Mathias cum aliis Proceribus Regni, obviam

obviam corpori ivit, & illud Pontificali Ornatu solenniter, cum pompa funebris decenti, ad arcem deduxit.

Adveniente brevi, Convocationis Ordinum generalis tempore, nempe die decima sexta Julii, ac pro more, solenni sacrificio, pro invocatione gratiæ Sancti Spiritûs peracto, publicum illud consilium, ita moderabatur Mathias, ut illam malorum turbam, quæ jam sub illo interregno texebatur, à Patria averteret, & tantis calamitatibus subveniret; nec aliud efficacius censebat remedium, nisi ut quàmprimum sub unius capitis regimen, Regni dissipatæ colligerentur vires. Quare absque mora, communi, consensu omnium, diem sextam Octobris ejusdem Anni, electioni novi Regis, Primas Noster designat, ipse interim oratione gravi ac pathetica, Ordines ad concordiam, in expediendis ejusdem convocationis consiliis, hortatur, totam Diocesim, ad supplicandum ferventer summo Numini, excitat, nullis etiam maximis sumptibus, ad tuendam Viceregis Authoritatem, & Patriæ incolumitati consulendum parcit.

Cum verò plurima pericula, in isto interregno instarent, dum contra Rempublicam Polonam, funestum incendium, rebellionis Cosacorum, Antesignanus Bogdanus Chmielnicius, cum Hano Tartarorum, copiis conjunctis, Orbem Rege affligeret, effusæ longè latequæ legiones, omnem Russiæ Regionem, versus Leopolum, Zamoscium, Crasnostaviam, Brestiam, Premisliam, & Jaroslaviam, prædis maximis abactis, ac cædibûs nulla ætatis, sexûs, conditionis & Religionis habita ratione, perpetratis atrocibûs, miserabilem in modum vastarent, templa spoliarent, tremenda Mysteria conculcarent, sacra suppellectili profanè ac turpiter abusi essent, in extracta denique è sepulchris cadavera, crudelissimè sævirent; objecit tunc, sollicitum & facundum consiliis Caput, tot amoliendis à Patria horrendis periculis, vigilantissimus Regni Primas & Vicerex Mathias, certum conscripsit exercitum, in defensionem Patriæ, stipendium illis, nomine Rempublicæ declaravit, militem novum, ad augendum exercitum Regni conduxit, quorum unus Palatinus Volhyniæ, habuit mille sexcentos, nimirum hastatos ducentos, Cosacos mille quadringentos, sub regimine Adami de Brusielow Kisiel, Palatini protunc Bracławiensis, postea Kijoviensis. Hunc itaque ad compescendam rebellionem Cosacorum dirigit, copias ex prælio ad Pilawce, infelici eventu gesto dilapsas, ex Senatûs Consilio, sub pæna amissionis honoris & bonorum, edicto colligit, desertores in Castra urget, & in reliquis, ita Viceregis dignitatem & Authoritatem gerit, ut Divina dispositione, difficillimis in Republica temporibus, reservatus fuisse protunc videretur. Præterea Hieremiæ Michaeli Duci Wiśniowiecki Russiæ, Janusio Tyskiewicz Kijoviensi Palatinis, Heroibus à prima pueritia bellis innutritis, aliquam manum auxiliarem, nempe legi-

onem prætoria pedestrem defuncti Regis, cuius ductor fuerat, Samuel Osiński, Castrorum in Magno Ducatu Lithvaniæ Profectus, adjunxit. Misit insuper Lestiquanum, cum aliquibus Raitarorum cohortibus, quæ fuerant Vladislai Regis, verum hic seriùs pervenit, Dux verò Wiśniowiecki & Tyskiewicz, & cum illis Osiński, apud Constantinovum, illam hostium colluviem, non infeliciter aggressi, etiam vincere potuissent, si fuissent fortioribus suffulti auxiliis, nemine interim succurrente ad tutiora se receperunt.

Adveniente autem electionis Novi Regis tempore, nempe die sexta Octobris, & celebrato in ipso exordio diei illius, solenni Missæ Sacrificio, pro impetrando auxilio Sancti Spiritûs, in templo majori Varsaviensi, confert se ad campum electoralem Noster Primas, ubi ut Ordines, in tanta calamitate ad electionem maturarent, illos amore Patriæ obtestabatur, sperans: quòd electio Regis, unicum tantorum malorum, quæ premebant Rempublicam sustendorum, esset medium. Cum verò uterque Poloniæ Princeps, Joannes Casimirus, qui à morte Vladislai IV. titulum Regis Suetiæ assumpserat, & Carolus Ferdinandus, Plocensis & Vratislaviensis Episcopatus Administrator, Vidui Sceptri, Candidatos se profiterentur, neque deerant ambobus, Senatorii & Equestris Ordinis præcipua Capita, quæ spem assequendi Throni non dubiam pollicebantur: dies igitur designatus, audiendis Candidatorum Legatis, ac iis primùm, qui à Rege Sveciæ Joanne Casimiro mittebantur: inter eos eminebat Georgius Tyskiewicz, Episcopus Samogitiæ, pietate, doctrinâ præclarus. Alterius Principis, nempe Caroli Ferdinandi, Legatorum Caput erat, Stanislaus de Kalinova Zaremba, Episcopus Kijoviensis, Abbatia Sulejoviensis Administrator, propria majorumque virtute insignis. Cumque ambo, suorum Principum, egregium de Republica benemerendi studium, deprædicassent, primùm Archiepiscopus Mathias, iis respondit nomine Senatûs, postea ab Ordine Equestri conventûs illius, Mareschalcus Philippus Obuchowski Tribunus Møzyrensis, qui post fatis cessit Palatinus Smolenscensis; Responsum ab Archiepiscopo & Mareschalco, in eum sensum, connotavit Joachimus Pastorius, in Historia Polona pleniori, sceptrum Poloniæ, post Deum à liberis Civium Suffragiis dependere, brevique ex consensu Ordinum clarum fore, cui id, Divinæ voluntatis destinaverit nutus. Tandem præmissa utriusque Principis eximia laude, & testificata erga Domum Jagiellonicam summa veneratione, cum Joannis Casimiri partes prævalerent, quibus suam commodabat operam, Georgius Osiński, Supremus Regni Cancellarius, & cum Mathia Archiepiscopo consilia communicabat; aliqui Senatorum effecerunt, ut Carolus Ferdinandus, Optimus piissimusque Princeps, viva Patris Sigismundi effigies, ad viduum Poloniæ sceptrum, concursui renuntiaret, & postquam

postquam Clientum suorum, rebusque suis, certis cautionibus, prospexisset, preces etiam suas, pro Joanne Casimiro, per literas ad Ordines Regni interposuit. Sic igitur obice remoto, factaque inter Fratres compositione, utriusque Gentis Suffragiis, electus Joannes Casimirus. Ille inquam Joannes Casimirus, qui Anno millesimo sexcentesimo quadragesimo tertio, agitabat consilia, de Vita Sanctiori, in Umbra Religiosa ineunda, ideo in Italiam, eodem Anno flexit vela, & Laureti Religiosam Societatis Jesu induit vestem, Romamque ad explendum tyrocinium profectus, Urbem admiratione implevit, quod Princeps ille, Regum & Imperatorum sanguis, eligeret esse abjectus in Domino DEI, Regiamque purpuram, cum humili Religiosa permutaret tunica. Vivebat tunc & Navem Petri gubernabat, Urbanus VIII. de commutato vitæ genere illius, Vladislao Regi Poloniarum, adhuc eo Anno viventi, quasi gratulabundus scripsit: *quod Princeps ille, (verba sunt Epistolæ) Societati Jesu Nomen dederit, gloriosumque & quavis præstantiorem victoria, de se retulerit triumphum.* Ad quam Epistolam, non absque dolore respondit Vladislaus. (verba sunt Epistolæ:) *Non quod existimem, vile obscurumve genus aliquod vitæ, Joannem Casimirum arripuisse, sed quia altum Regum Sanguinem, claustris privatis minimè conveniat includi, imò verò publicæ populorum utilitati præluce, longe sit gloriosus.* Etiam adjunxit querelam, contra Præpositum Generalem Societatis Jesu, quod Regum & Imperatorum Fratri, Filio, Nepoti, se incio & inconsulto, patefaceret fores Romani Collegii. Inde aliqua indignatio, contra Societatem Jesu efferbuerat; Nec satis erat Regi Vladislao, cum Summo Pontifice, super hoc facto Principis exposulare, verum in eodem negotio, & Synodum Provinciale, quæ eo ipso Anno, in Polonia, à Mathia Nostro, uti Archiepiscopo convocata fuerat, per Alexandrum Trzebiński Episcopum Premisliensem, Supremum Vicecancellarium Regni, requisivit, ut de tam insperata ad Familiam Societatis Jesu admissione, lenimentum aliquod solatiumque, Synodus illa, Religio cordi provideret. Igitur Mathias, unà cum tota Provinciali Synodo, id negotium assumpsit, ad Cardinalem Savellum, tum Regni Poloniæ Protectorem scripsit, & ut suam interponeret Auctoritatem, ne Vota Professionis Societas Jesu acceleraret, sed ordinario modo, ad biennium tyrocinium protraheretur, commendavit. Quod cum jam decurreret, Innocentius X. qui Urbano Octavo rebus humanis exempto successit, Vota profiteri nullatenus permisit, utque speciosiori titulo, illud commutaret propositum, eundem Joannem Casimirum, in Anno millesimo sexcentesimo quadragesimo sexto, Cardinalem Romanæ Ecclesiæ renuntiavit. In brevi tamen, nec Jesuita nec Cardinalis, verum electione & suffragio Polonorum, Rex Poloniæ ad magnas calamitates, cladesque reservatus.

lutis itaque, in eundem Joannem Casimirum suffragiis, die vigesima Novembris ejusdem Anni, exurgit Noster Primas, ac multa Canitie Venerabile Caput detegens, imperatō per Mareschalcos silentiō, electum Joannem Casimirum, in Regem Poloniæ ac Magnum Ducem Lithvaniæ, nominat, promulgatque solenniter, ut quam longissimè ac diutissimè regnet ac vivat, nominationi vota subjungens.

Excipiunt vocem vivat, quot quot aderant in circo Electores, de hinc extra vallum vocali applausu perlato, cum publica omnium lætitia, toto it clamor cælo. Regem Senatorio Vico, in Arcem Varfaviensem digredientem, illinc in Sancti Joannis Basilicam, Præsules immediate præcedebant, Carolo Principe, ac Sedis Apostolicæ Nuntiō, utrumque latus stipantibûs. Postea die Præsentationi Beatæ Mariæ Virginis Sacra, in Basilica Sancti Joannis Varfaviensi, Rege in Solio recumbente, Pontificalibus indutus Primas, solenne orditur Sacrificium, ubi ex rostris facundissimo perorabat ore, Joannes Stephanus Wyzga, tum Abbatia Sieciechoviensis Administrator, deinde ad Luceorensem primò, mox ad Varmiensem Infulam, demum ad Supremam in Regno promotus, Metropolitanam Cathedram, & dum fit salvificæ Hostiæ, in verum Christi Corpus transubstantiatio, commovet se throno, temporalis potestas, ac cernuus poplite ad scabellum Aræ Rex, agnoscit Factorem suum, recipitque de manibus ArchiPræsulis, in Sacra synaxi eum, qui habet tenetque omnia. Peractō Sacrō, Archiepiscopus pauca præfatus, tradidit Regi Authenticum electionis diploma, in charta pargamena conscriptum, Procerum Equitumque subscriptionibûs firmatum. Finiente verò Archiepiscopo, Philippus Obuchowski, Ordinis Equestris Mareschalcus, prolixiori cultu & eleganti sermone, Regem allocutus, circa ejusdem Decreti traditionem; & Primati quidem Regia brevitate, per se respondit, prolixius Ordinibus, delati sceptri gratam mentem aperuit, Vicario sermone usus, Boguslai Leszczynii, Majoris Poloniæ Generalis, Cancellario Supremo, ob malam valetudinem absente.

Dies qui sequebantur, variis insumpti consultationibus; porro illud erat præcipuum, ut defuncto Regi, justis persolvendis, & inaugurationi noviter electi Regis, designaretur dies, quod cum factum, & Defuncti Regis Exequiis, dies decima quinta Januarii, inaugurationi verò & Coronationi Regis, dies decima septima ejusdem Mensis, in Anno proxime futuro, millesimo sexcentesimo quadragesimo nono, destinata fuisset, nullâ interpositâ quietis morâ, pro præfixo tempore Cracoviam, Metropolim Regni, iter maturavit Primas Noster. Interim Corpus Defuncti Regis, Varfaviâ deportatur Cracoviam, quo cum pervenisset, & ad Basilicam Cathedralē deductum fuisset, illud excepit Archiepiscopus, Petro Gembicki Cracoviensi, Nicolao Alberto Gniewoſz Vladislaviensi, Episcopis associatus.

Piaculare

sacrum solenni ritu & Catholico more, pro Rege defuncto celebravit ArchiPræsul, Epitaphium sermonem dixit, Andreas Szoldrski, Posnanienſis Episcopus. Illuſcente tandem die, Regiæ inaugurationi designata, Rex è conclavi ſuo Arcis Cracoviensis, ad Basilicam descendit Cathedralē, ubi ſolenne ſacrificium ArchiPræsul Noster celebravit, ex manibus ſuis, ſacratiffima Eucharistiā, Sereniſſimum noviter electum Regem, Joannem Caſimirum refecit, & ab eodem ibidem ante Altare majus, ex concepta formula, de ſervandis & manutenendis juribus, privilegiis, libertatibus Eccleſiaſticis & ſecularibus, tam Regni quàm Magni Ducatûs Lithvaniæ, & annexarum Provinciarum, juramentum recepit, eundemque Sacrò Oleò unxit, & Regio diademate, ritu Catholico Romano, Aſſiſtente Nuntio Apoſtolico, adſtante Senatu tam ſacro quàm Politico, Terrarumque Nuntiis, inſignivit & coronavit, qui ut vivat & regnet diutiſſimè ac feliciffimè, devotè Supremo Numini ſupplicavit. Poſt biduum coronationis, Conventus Generalis inchoatus, in quo poſt electionem Mareſchalci Franciſci Dubrawſki Succamerarii Premisliensis, Viri bellicis & Civilibus artibus inſtructi, tum poſt propoſitionem à Georgio Oſſoliński, Supremo Regni Cancellario factam, quæ fuit argumentum futurarum deliberationum, Archiepiſcopus Noster, omnia interregni recensuit acta, totumque ſtatum Regni, durante illo triſti interlunio explicavit, nec Cracoviā abſceſſit, ſed ad exitum Conventûs illius generalis, prope arcem Regalem, in Domo Canonicali, quæ Gorcana appellabatur, hoſpitatus manſit.

Digreſſus poſtea Cracoviā Czeſtochoviam Mathias, ibidemque recta proſectus, ubi Pontificali ſolennitate ſacris operatus, gratias egit Supremo Numini, pro felici electione & Coronatione Regis, atque ut coronatum à ſe Regem, quàm feliciffimè ſoſpitet, cum frequenti Senatu, & numeroſa populi multitudine precatus eſt, ſimulque donarium aureum, memoriam diei & actûs Coronationis continens, ad Aram Miraculoſiſſimæ Beatæ Mariæ Virginis, cujus auſpiciis Electus & Coronatus fuit Joannes Caſimirus, in pretioſum Anathema poſuit & appendit. Insuper ſolennem hanc Coronationem, ut quàm diutiſſimè, in hominum memoria perennaret, in Eccleſia Metropolitana Gneſneſi, in Capella ſua Lubieniana, coloribus exprimi ac depingi curavit, addita ſequenti inſcriptione: *Mathias Lubienſki Archiepiſcopus Gneſneſis, Legatus Natus, Regni Poloniæ Primas Primusque Princeps, cum Sereniſſimum Joannem Caſimirum, Hæreditarium Regem Svetiæ, ab Ordinibus Regni Varſaviæ, die vigesima menſis Novembris, Anno milleſimo ſexcenteſimo quadrageſimo octavo, electum Regem Poloniæ Nominâſſet, poſtmodum Cracoviæ, Die decima ſeptima Januarii, Anno milleſimo ſexcenteſimo quadrageſimo nono, feliciter inauguratum & unctum, Diademate Regio inſignivit.*

Interim eodem suæ inaugurationis Anno, Rex de Connubio cum Proceribus Regni consultabat, fere omnium fuerat sensus, excepto Paulô Piaſecki, Episcopo Premisliensi, ut Maria Ludovica Vladislai relicta vidua, Salva Sanctæ Sedis Apostolicæ dispensatione, Joanni Casimiro, conubio jungeretur, quare ad Urbem mittitur, dispensatio procuratur, à Pontifice id negotium Nuntio Apostolico committitur, & nuptiæ celebrantur. Aderat Mathias veneratque Varſaviam, ad eum Nuptialem actum, qui in dubiis & creperis Poloniae rebus, non magno splenduit apparatu. Hoc vix peracto, ad publicas deventum consultationes, quarum sermo erat, ut in tam flagranti discrimine servilis belli, à Bogdano Chmielnicio concitati, totamq; Russiam tam horribili depascente incendio, seu armis seu consilio periclitanti toti Reipublicæ possit succurri. Verùm hæc à limationibus connotata calamis, arido ac jejunò connotare stylò prætermittito, sufficit innuere, Mathiam Archiepiscopum, in tam atrocissimis Reipublicæ negotiis, Cosacorum in Patriam incursionibus, & Regni vastationibus, Regi Consilio, Patriæ auxilio, Exercitui Polono nervò belli, ad juvandam ejusdem Patriæ gementis necessitatem, succurrisse. Hinc cum pacificatio rebellionis Cosacorum, & Ordinatio Exercitus Zaporowſkie dicti, absque dilatione, expeditione indigerent, Mathias Archiepiscopus, Authoritate Comitiorum Coronationis Regis, ex Senatu cum aliis plurimis Senatoribus, ad latus Regium, pro residentia Deputatus fuit, cum plenissima potestate, decernendi id, quidquid ipsi cum aliis Senatoribus, aliisque ad latus Regis residentibus, utilius ac commodius Patriæ videretur, illudque tantam Authoritatem ac valorem haberet, acsi in Comitibus generalibus Constitutum foret.

Quia vero Archiepiscopi Gnesnenses, juxta statuta Regni, tempore expeditionis generalis, penes Reginam, cum certa cohorte militum suorum residere teneantur, Archiepiscopus Mathias, tempore hujus expeditionis generalis, contra Cosacos, in Comitibus generalibus decretæ, in securitatem Curia Serenissimæ Reginae, plus & ultra, sumptu, proprio, centum Equites levis armaturæ & centum pedites, conservare ultro se obtulit & declaravit, & insuper populum, tanquam leo Vigil, in tota Provincia Gnesnensi, ad placandum iratum Numen, continuò excitabat, supplicationes ad avertendam eam tempestatem, quæ toti Regno ultimum minabatur exitium, indicebat, ipseque præter multas preces, lachrymas ad DEum & suspiria, pro impetranda Joanni Casimiro Regi Victoria, voto obstrictus, Divæ Virgini Victoriæ, devotus fuit. Exstat ejusdem voti, per Nostrum Mathiam facti, in Ecclesia Collegiata Loviciensi, aureis literis, in marmore, supra Capellam Sanctæ Victoriæ, exarata memoria, in hæc verba: *D. O. M. Capellam hanc Uchanianam, temporis injuriâ fatiscen-*

tem

tem & imbris perviam, Mathias Lubieński Archiepiscopus Gnesnensis, ex voto, pro obtinenda per Serenissimum Regem Joannem Casimirum, de rebellibus Cosacis & Tartaris victoria, extra, bracteato aere textit, intra, nitori quem vides restituit, & Divae Virgini Martyri Victoriae, boni omnis ergo adscripsit, Anno Domini, millesimo sexcentesimo quinquagesimo primo.

Quantæ autem Authoritatis Mathias in Regno fuerit? constat ex eo: quod cum Archiepiscopatus Gnesnensis fasces teneret, Joannem Casimirum tunc Cardinalem, qui Rex Poloniae ab eodem Mathia nunc coronatus, cum elevata Cruce visitaverit, Legationis Natae munus, jurisdictionem & prærogativam ab Henrico Kietlicz, apud Innocentium III, pro se duntaxat, à Joanne Łaski, pro se ac successoribus suis, in perpetuum apud Leonem X. obtentam & impetratam, exemplo Eboracensis, Cantuariensis, Rhemensis, Pisani, Strigonien-
sis, Archiepiscoporum, in usu habuerit, eandemque jurisdictionem & prærogativam Legati Nati, dignitati Metropolitanæ affixam, post reditum in Urbem Marii Philonardi, Archiepiscopi Avenionensis, donec ad nuptias Serenissimi Vladislai IV, Poloniarum Regis, cum Ludovica Maria Gonzaga, Ducissa de Mantua, benedicendas, cum facultatibus Legati de latere, Joannes de Torres Romanus, Archiepiscopus Adrianopolitanus, ab Innocentio X., missus venisset, exercuerit.

Hanc Authoritatem & Prærogativam, modernus Serenissimi Augusti III. Solio Prorex; Romanæ Ecclesiæ, Legatus Natus, inter Regni Principes, Primus Princeps; inter Senatûs Procures, Senatûs Caput; inter Præsules Polonos, ArchiPræsul; ac demum Regni Nostri Primas, ADAMUS IGNATIUS de Liptow & Orava KOMOROWSKI, Archiepiscopus Gnesnensis, perennaturis sæculis ampliorem reddit, dum à Sanctissimo Domino Nostro, BENEDICTO XIV. Sanctæ Romanæ Ecclesiæ Pontifice Supremo, Purpuram seu habitum purpurei coloris, adinstar Sanctæ Romanæ Ecclesiæ Cardinalium, pro se & suis Successoribus, in perpetuum impetravit & obtinuit. De Data Romæ apud Sanctam Mariam Majorem, Annò Incarnationis Dominicæ, millesimo septingentesimo quadragésimo nono, decimo Kalendas Octobris, Pontificatûs Sanctissimi Benedicti XIV. Anno decimo: Utinam hic Clementissimus Princeps, cum nullum intra Patriam Solum, quo virtus Ejus ascendere deberet, habeat, ad majorem decorem Regni Nostri, ad solatium Celsissimæ Domûs suæ, ad protegendos magis ac amplius, suos coram Deo Oratores, in Univesali & Catholica Ecclesia, Titulis Eminentissimis coronetur, sed præstat tantæ & tam celebris pro Regno Nostro Prærogativæ, exemplar hic inferere.

BENEDICTUS Episcopus Servus Servorum Dei. Ad perpetu-

am Rei memoriam: Ad decorem Ecclesiae Sponsae Dei, cujus Regimini summi Magistri dignatione praesidemus, nonnulla aliquando, quae iuclyta ac praeclara generis nobilitate, peculiaribusque animi dotibus, pol- lentes Praesules, nec non Catholici Regalesque, & de Catholica Ecclesia optimè meriti Principes promerentur, Apostolica dignatione elargimur, ut & ipsi Praesules Catholicique Principes, in suis precibus de nostra satis liberalitate probati, erga Nos & Sedem Apostolicam amantes red- dantur & benevoli. Sanè pro parte Charissimi in Christo Filii Nstri, Augusti, Poloniae Regis Illustris, nobis nuper exhibita petitio contine- bat, quòd cum Ecclesia Archiepiscopalis & Primatialis Gnesnensis, quae de Jure Patronatus, praefati Augusti & pro tempore existentis Polo- niae Regis, & privilegio Apostolico, cui non est haecenus in aliquo dero- gatum fore dignoscitur celebris & magni Nominis existat, illiusque pro tempore existens Archiepiscopus & Primas, in Generalibus totius Regni Poloniae Comitibus, Primatum habeat, ac prima post Regalem fulciri digno- scatur dignitate, ipsumque pro tempore existentem Archiepiscopum & Primatem, singuli cujusvis generis Regni praefati homines, magna aesti- matione prosequantur, parique veneratione intueantur; idcirco Ecclesia Gnesnensis, illiusque pro tempore existens Archiepiscopus & Primas praefati, digni videntur, ut infrascriptis Privilegiis decorentur: Si igitur, sicut eadem petitio subjungebat, praefatis, quibus Ecclesia ipsa Gne- snensis, ejusque pro tempore existens Archiepiscopus & Primas praefati, gaudent praerogativis, illud etiam accederet, ut praefatus pro tempo- re existens, ejusdem Ecclesiae Gnesnensis Archiepiscopus & Primas, Ha- bitus Rubri seu purpurei coloris, eisdem modò & formà, quo Sanctae Ro- manae Ecclesiae Cardinales, ad praesens gestant & gestare solent, aliorum- que infrascriptorum usu, per Nos & Sedem Apostolicam, ut infra per- petuò decoraretur, ex hoc profectò, ejusdem Ecclesiae Gnesnensis Archie- piscopalis & Primatialis dignitas, tam in Spiritualibus, quàm in tem- poralibus, non modicum susciperet incrementum. Quare pro parte di- cti Augusti Regis, nobis fuit humiliter supplicatum, quatenus Privile- giis & Praerogativis, Archiepiscopalis & Primatialis Dignitatis hu- jusmodi, nova gratiarum ac largitionum specimina cumulare, ac Dilecto Filio Adamo Komorowski Presbytero, in Archiepiscopum & Primatem Gnesnensem Electo, ut infra indulgeri de benignitate Apostolica digna- renur. Nos igitur eidem Adamo Electo, specialem gratiam facere vo- lentes, ipsumque Adamum Electum, à quibusvis excommunicationis, su- spensionis & interdicti, aliisque Ecclesiasticis sententiis, censuris & pae- nis, à Jure vel ab homine, quavis occasione vel causa latis, si quibus quomodolibet innodatus existit, ad effectum praesentium tantum conse- quendum, harum serie absolventes, & absolutum fore censentes, hujusmo- di supplicationibus benignè inclinati, Eidem Adamo Electo, ejusque in Archiepiscopatu & Primatu Gnesnensi Successoribus, pro tempore exi- stentibus,

stentibus, ut Ipsi quibusvis Anni temporibus & diebus, ubique locorum, & in omnibus & singulis functionibus, Habitum Rubri seu purpurei coloris, adinstar praefatae Sanctae Romanae Ecclesiae Cardinalium, nempe Collare, subtanam, cingulum, mantelettam, mozzettam, caligas, Birrectum, Berettam, aliudque Capitis tegumentum nuncupatum Berrettone, hyemali tempore in Regno Poloniae adhiberi solitum, excepto tamen pileo, rubri seu purpurei coloris, cujus usus Eidem Adamo Electo, Ejusque in Archiepiscopatu & Primatu hujusmodi Successoribus praefatis, nunquam concessus, quinimò expressè prohibitus sit, & esse intelligatur, utpotè distinctivus ejusdem Sanctae Romanae Ecclesiae Cardinalium, deferre & gestare; necnon cum Cruce Archiepiscopali, ante se erecta, in omnibus & singulis locis, ac etiam in aedibus & mansionibus seu cubiculis, dilecti etiam Filii, moderni & pro tempore existentis, Nostri & Sedis Apostolicae Nuntii, in praefato Regno Poloniae Commorantis, non secus ac cum Cruce erecta, hujusmodi ipse pro tempore existens, ejusdem Ecclesiae Gnesnensis Archiepiscopus & Primas incedit, usque ad mansiones Regalis Palatii, semper incedere, respectivè possint & valeant, & quilibet eorum possit & valeat; cum hoc tamen, quod per gratiam praesentis concessionis Habitùs rubri seu purpurei coloris hujusmodi, & per incessum cum Cruce semper erecta, ubique locorum, illius vigore, ut praefertur habendum, dictus Adamus Electus, Ejusque in Archiepiscopatu & Primatu hujusmodi Successores, pro tempore existentes praefati, acquirant duntaxat merum majoris honorificentiae signum, pro sublimi eorum dignitate, non autem majorem jurisdictionem, nec ulum majus Jus in Nuntiatura Apostolica, aut in quovis alio loco. Unde idem modernus, & pro tempore existens noster & Sedis Apostolicae praefatae Nuntius, semper & quandocunque, primum habeat & habere debeat locum, & praecedat ac praecedere debeat, & manu dextera semper gaudeat, ac etiam gaudere debeat, respectu ejusdem Ecclesiae Gnesnensis Archiepiscoporum & Primatum, quatenus tamen isti Cardinalitia dignitate non praefulgeant, ubique locorum, praeterquam in propriis dicti Nuntii aedibus, & non aliàs, aliter, nec alio modo, Apostolica Auctoritate, tenore praesentium perpetuò concedimus & indulgemus, ac licentiam & facultatem desuper impertimur. Nec non Eundem Adamum Electum, Ejusque in Archiepiscopatu & Primatu hujusmodi Successores, pro tempore existentes praefatos, desuper à quoquam, quavis Auctoritate molestari, inquietari, ac perturbari, nullatenus unquam posse, neque debere, ac easdem praesentes ex quocunque Capite quantumvis juridico & legitimo, de subreptionis vel obreptionis seu nullitatis vitio, aut intentionis Nostrae, vel quopiam alio defectu, notari vel inapugnari nunquam posse, sed eas semper & perpetuò validas & efficaces fore & esse, suosque plenarios & integros effectus sortiri & obtinere; nec eas sub quibusvis similium vel dissimilium gratiarum revocationibus, suspensionibus, limita-

tionibus, derogationibus, modificationibus, aut aliis contrariis dispositionibus comprehensas, sed semper ab illis exceptas esse & fore, ac Adamo Electo, Illiusque Successoribus, dictæ Ecclesiæ Gnesnensis Archiepiscopis & Primatibus, pro tempore existentibus præfatis, perpetuò suffragari, sicque & non aliàs per quoscunque Iudices Ordinarios vel Delegatos, quavis Auctoritate fungentes, etiam causarum Palatii Apostolici Auditores, ac præfatæ Sanctæ Romanæ Ecclesiæ Cardinales, etiam de latere Legatos, Vicelegatos, dictumque & alios præfatæ Sedis Nuntios præfatos, judicari & definiri debere, & quidquid secus super his, à quoquam, quavis Auctoritate, scienter vel ignoranter, contigerit attentari, irritum & inane decernimus. Non obstante Nostra & Cancellariæ Nostræ Apostolicæ regula, de Gratiis non concedendis, adinstar, & quibusvis etiam in Synodalibus, Provincialibus, Generalibus, Universalibusque Conciliis, editis vel edendis, specialibus vel generalibus constitutionibus, & Ordinationibus Apostolicis & quatenus opus sit, dictæ Ecclesiæ Gnesnensis, etiam Juramento, confirmatione Apostolica, vel quavis firmitate alia roboratis, statutis & Consuetudinibus, Privilegiis quoque Indultis & Literis Apostolicis, quibusvis personis, in genere vel in specie, in contrarium præmissorum forsitan quomodolibet concessis, approbatis, & innovatis, quibus omnibus & singulis, etiamsi pro illorum sufficienti derogatione, aliàs de illis, eorumque totis tenoribus, specialis, specifica, expressa & individua, non autem per clausulas generales, idem importantes, mentio seu quævis alia expressio habenda, aut aliqua alia etiam exquisita forma, ad hoc servanda foret, tenores hujusmodi, acsi de verbo ad verbum, nihil penitus omissis, & forma in illis tradita observata, & inserti forent, eisdem præsentibus pro plenè & sufficienter expressis habentes, illis alias in suo robore permansuris, latissimè & plenissimè hac vice duntaxat, specialiter & expresse, harum quoque serie derogamus, cæterisque contrariis quibuscunque. Nulli ergo omninò hominum, liceat hanc paginam, nostræ absolutionis, Concessionis, indulti, licentiæ & facultatis, impertitionis Decreti & derogationis, infringere, vel ei ausu temerario contraire, si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum Ejus, se noverit incursum. Datum Romæ, apud Sanctam Mariam Majorem, Annò Incarnationis Dominicæ, millesimo septingentesimo quadragésimo nono. Decimo Calendas Octobris, Pontificatús nostri, Annò decimò Loco ✠ Plumbi.

Sed redeundo ad Nostrum Mathiam à quo digressi sumus: Regem aliquoties ille monuit, cum enim Vladislaus IV. Rex Poloniæ, bellum in Turcas, inconsultâ Republicâ, magno apparatu agitare, exercitumque noviter conscriberet ac conduceret, Ivasoribus Legatis externis, qui generosum hunc ausum, in effectum deduci probabant, & præcipuè Joanne Tiepolio Legato Veneto, cui à Republica
sua

sua bello cum Turcis implicata, datum erat negotium, ut Regem, ad arma contra Orientem expedienda, omni conatu impelleret; multi tamen Proceres, præcipuè verò Petrus Gembicki Episcopus Cracoviensis, Stanislaus Lubomirski, Palatinus Cracoviensis, ille sacræ potestatis eminens Infulâ, hic magnis Sagi Togæque ornamentis decorus, Mathiam Archiepiscopum compellavêre, ut iret obviam nocivis consiliis, Primatiali jure, tanquam Custos Legum & libertatum Patriæ; Itaque Mathias muneri suo non defuit, & Primatialis Auctoritatis prærogativam, cui Reges monere, prisco more usitatum erat, egregiè tunc exercuit, scripsitque Regi literas, jura Regni sancita, firmataque commemorans, quibus cautum est, ne inscia Republica, Rex vel Bellum susciperet, vel militem colligeret. Monuit præterea Regem, ut Comitia Generalia indiceret, cum Republica, de ratione belli consultaret, qua consentiente, felicius bellica hæc meditata processura, renitente verò, magis Patriæ, quàm cuivis hosti periculosa evasura. Tandem in Conventu Generali Varsoviæ, diebus Octobris indicto, eundem Potentissimum Regem, Ordinum precibus decenter movit, pervasitque, ut à cœpto molimine desisteret, Exercitumque ex Germanis, pace Imperii tunc stabilita conscriptum, exauktoraret; Igitur Rex Vladislaus, licet belli magis, quàm pacis studiosior, salutari Primatis Nostri admonitione flexus, totam belli cogitationem, animo penitus ejecit, & omnem triumphorum gloriam, mente agitatam, in æternum pacis trophæum suspendit, & quod maximè miratur posteritas! Potentissimus ac Invictissimus ille Rex, atque Orbi Christiano, tot victoriis celebratus, Archipræsuli suo, mentem manusque victas dedit. Tandem Commissarii, Auctoritate Comitiorum generalium, ad dissolvendum prædictum Exercitum destinati, mandatumque est, ut intra duas septimanas, prædictus Exercitus dissolveretur, militia nuper collecta dimitteretur, & à servitio quocunque liberaretur, atque ita classicum belli, contra Orientem accensi conquievit. Licet autem aliquoties, hac & alia occasione, monuisset Serenissimum Vladislaum Regem, ita dicta moderabatur, ut non offenderet in Verbo, quod gratissimum fuit, (ut scribit Janczyński in manuscriptis,) Serenissimo Vladislao.

Si quis autem Procerum Regni, gravem offensionem perhorrescebat Regis, ad Mathiam Nostrum, protunc Primatem recurrebat, qui sua interventione, gravem Regis leniebat iram. Sic Joannis Casimiri Regis, in Lubomirscios indignatio, taliter per Nostrum Primatem, extincta fuit: indignationis verò ejusdem causa, ex possessione fodinæ Salinariæ, Cunegunda dictæ, exorta, cui dirimendæ, dati Arbitri, inter quos Instigator Regni Tyskiewicz, segniùs quàm par erat, tractatur, inde acrior in Georgium Lubomirski, Supremum Regni Mareschalcum offensa, velut facti Authorem, ideo Lublini, læsa

Regis gratia, Lubomirskiis reparatur eo modo: Vacabat Rex devotioni, in æde primaria: cum peractis Sacris, Proceres latus prope accedunt, is officia venerantium præstolari ratus, recipit subinde literas à Primate Lubienio, quibus, post vota impertiendæ de Cælo Victoriæ, deprecabatur Lubomirskiis, ex malè tractata commissione noxam. Pariter pro Hieronymo Radziejowski, ad eundem Regem intercessor fuit, & gratiam Lubomirskiis, nam posterior è Regno celeriter excefferat, impetravit.

Præter has supralcriptas prærogativas in Regno, alias adhuc, apud Clementissimos Reges & Senatum, propter gravitatem morum, probitatem vitæ, affecutus Mathias Noster. Ille in distribuendis Regni Ministeriis, apud Reges in pretio, cum enim post mortem Trzebicki, Sigillum Regni vacaret, nulli concessum à Rege, inconsulto Mathia Primate Regni. Illum sub Interregno, dum exerceret Regalia, Palatini nonnulli, Serenissimum inscribere, in usu habebant, cuius documentum apud Olszowski, de Principatu Archiepiscopi Gnesnensis, exstat: Literæ Adami Kisiel Palatini Kijoviæ, Senatoris olim Clarissimi, ad eundem Mathiam Primatem Regni datæ. In reliquis pariter, ita Principis Primatisque Regni, Auctoritatem tuebatur ut dignitas hæc, illi protunc uni, convenire videretur. Quotiescunque Mathias Noster, in Senatu tulit sententiam, omnes ab ore dicentis, pendere videbantur, plena enim erat, notitiâ antiquitatis istius senis oratio, ita, ut unus protunc & legum Nostrarum, patriorumque institutorum, Origines scire, & fœdera cum externis Principibus, & tuendæ salutis communis, conservandique præsentis statûs rationes, optimè perspectas habere, crederetur. His rebûs tantam sibi paravit Auctoritatem, ut omnibus fuerit Venerabilis, ut ad conspectum ejus, Ofores Ecclesiæ jurium, nec hîscere quidem auderent, & quod maximum, unica Sanctitatis & pietatis opinione, ita gratus & amabilis omnibus erat, ut nemo esset, qui non eximia animi ejus excellentiâ permotus, eundem in pretio, in admiratione & in amore non haberet.

Aulam præterea conservabat modestam, in qua pietas principatum tenuit, Religio cuncta gubernabat, fides, justitia, candor, concordia, cæteræque virtutes, ex ipsius Palatio, veluti ex quodam sacrario, mirifice relucebant, in qua inter alios erat, Andreas Trzebicki, Curiae Primatialis Cancellarius, post hunc Andreas Olszowski, Ecclesiæ Metropolitanæ Gnesnensis Canonicus, à Mathia Nostro ad Cancellariatum Archiepiscopatus assumptus, Consiliorum publicorum, & rerum sub interregno periculossimo gestarum, conscius & oculatus testis. Ambo in Aula Mathiæ, ad futuras easque Supremas, in Ecclesia & Regno dignitates, educati, Prior enim Episcopus Cracoyiensis, Dux Severiæ & Regni Senator factus, alter

Archic.

Archiepiscopus Gnesnensis, Regni Primas Primusq; Princeps; Tertius in Aula Primatiali Mathiæ, Authoritate & prudentia omnibus affabilis, Nicolaus Łayszczewski, Castellanus Sochaczewiensis, Curia Primatialis, tum apud Joannem Węzyk, tum apud Nostrium Mathiam Mareschalcus, Vir amænitate ingenii, functionibus variis in Regno, memorabilis.

Enarratis quæ Regnum & Senatum Polonum concernunt, iis præclarissimis gestis Mathiæ, quorum notitia, variis in documentis existat, prætermisiss autem tot aliis nobilissimis ejus actis, in antiquitate sepultis, ad alia, videlicet ad enarrandas & describendas virtutes ejus, properamus.

CAPUT VIGESIMUM SECUNDUM

De Devotione Mathiæ, ad Christum & Virginem Beatissimam.

Licet Mathias Noster, ab ineunte ætate, qua rationis usu & officio fungi cæpit, cultus Divini studium, summo opere complexus esset, licet devotionem & pietatem in Deum, cum lacte ab uberibus piæ Matris suæ, exsuxisset, hæc tamen maxime in ulterioribus ejus annis ita eluxit, ut Spiritu in cælo, (ubi continuæ Divinæ laudes solvuntur,) versari videretur. Hinc illam Curiam Episcopalem Pstroconii, Aulam Regiam, Religiosum in Nostro Ordine Domiciliū, & denique Episcopalia Palatia, ubi per totum vitæ suæ tractum, Mathias Noster morabatur, ardore Dei inflammatus, in Templis & Orationis Dornos, convertebat & commutabat; Præcipue tamen ad Christum flagellatum & Crucifixum, devotionis ferebatur affectu, ad quem vota dirigebat sua, & ardentissima suspiria emittebat. Exstant hucusque me observante, aliquot Imagines Mathiæ Nostri antiquæ, in quibus pingitur, ante Christum columnæ alligatum. Sicut verò ipse, singularissimo erga Christum ferebatur amore, ita voluit totum eodem amore Christi, inflammare Orbem, quo fine tum Nostros Canonicos, Crucifixi effigiem, in quovis Cubiculo, habere obligabat, tum in Visitationibus Diœcesum, Parochos, ad habendam Crucifixi figuram admonebat.

Erga Christum in Sepulchro depositum, & erga ipsum Sanctissimum Sepulchrum ejus, pari & speciali pietate ardebat, sciebat enim, quod Isaias Propheta prædixerit, Sanctissimum Sepulchrum Christi, gloriosum fore, & quod fuerit, ara Christi Sepulti, Scala ad Regnum Cæleste, instrumentum liberationis Nostre, inferebatque sibi: si ergo dignum fuit, scabellum pedum ejus, ut adoretur, si arca testamenti, tanto cultu & veneratione honorata fuit, quanto magis Sanctissimum Sepulchrum Christi, ejus sanguine purpuratum, per quod Deus, usque ad hanc diem, tanta miracula patrare non desinit.

Igitur ad idem Sepulchrum Christi devotissimus, præter hoc, quod ad idem festum Sanctissimi Sepulchri, strictissima observaret jejunia, præter hoc, quod ad idem Festum, in Constitutionibus Ordinis, jejunium Ordinaret, Confraternitatem Sanctissimi Sepulchri, in Ecclesia Miechoviensi, magnis Urbani Octavi Pontificis Maximi, decoratam gratiis, promovit, Breve super hoc apud eundem Pontificem, indulgentiasque perpetuas, per Alexandrum Zbikowski Corabitam, Ordinis Nostri Canonicum, Sacræ Theologiæ Doctorem Romanum, de Data Romæ, apud Sanctum Petrum, sub Annulo piscatoris, Die decima quarta Februarii, millesimo sexcentesimo vigesimo sexto, obtinuit, eodemque thesauro, Ecclesiam Miechoviensem Matricem & Caput Ordinis Nostri, ditavit & decoravit. Porro sicut ipsum Sanctissimum Sepulchrum Christi, summè venerabatur Mathias, eodem devotissimo cultu & veneratione, alias reliquias, instrumenta Passionis Christi, Redemptoris Nostri, prosequabatur. Exstat in Capella mercatorum, supra Sacristiam Ecclesiæ Collegiatæ Posnaniensis, inter alias insignes reliquias & præcipua clenodia, spina Coronæ Christi, in Monstrantia deaurata, Christi fidelibus, ad osculandum exponenda, quæ cum debitam non habuisset reverentiam, Mathias in Episcopatu Posnaniensi existens, visitatâ illâ Capellâ, seriò inhibuit, pœnam excommunicationis decrevit, ne amplius ex theca, per quempiam eximeretur, & ad usus indebitos applicaretur.

Christi item Eucharistici, præcipuus Cultor & Adorator fuit, quærebat modos, inveniebat media, ut eundem Sanctiori titulo, profundiore reverentia, adoraret, Mathiæ Nostri in Christum Eucharisticum, ardentissimæ Devotionis documenta: quod primò, dum esset Præpositus Generalis Ordinis, resideretque in sedè dignitatis suæ Miechoviæ, quodocunque Presbyter, deferebat hoc Divinissimum Sacramentum ad infirmos, duobus Scholaribus suo peculio, tum solvebat, ut cum luminibus accensis, inter eundem & redeundum, idem Divinissimum Sacramentum, cantu devoto prolequerentur, tum curabat, ut frequens populus, Christum Eucharisticum comitaretur. Factus tandem Episcopus, in Visitationibus suarum Diocesium, ubique cultum, ubiq; reverentiam, ubivis devotionem, ad hocce Divinissimum Sacramentum promovebat. Comperit in Ecclesia Parochiali Dolscensi, Diocesis Posnaniensis, Confraternitatem Sanctissimi Corporis Christi, antiquitus fundatam, penitus negligi, devotionem intermitteri, ideò cupiens tam laudabile institutum, in usum revocare, & in populo fervorem & devotionem, erga Sanctissimum Eucharistiæ Sacramentum excitare, Mansionariis illius Ecclesiæ injunxit, ut qualibet feria quinta, Missa de Corpore Christi: cum processionibus solitis, juxta Breve Apostolicum, celebraretur & absolveretur, devotioque in populo, erga Christum Eucharisticum,

inno-

innovaretur. Comperit pariter in Ecclesia Hospitali Costensi, ejusdem Diœcesis, sub titulo Corporis Christi erecta, frequentiam die dedicationis, ejusdem Ecclesiæ congregari, igitur ad excitandam majorem devotionem Christi fidelium, censuit, ut quovis Anno anniversaria dedicationis die, Sanctissima Eucharistia, publicè exponeretur, & Processio solennis in utrisque Vesperis, & in Missa sub baldachino expediretur; omnibus verò huic solennitati assistentibus, quadraginta dierum indulgentias, Auctoritate ordinaria, perpetuis temporibus concessit. Comperit tandem aliquam saltim minutam indecentiam, circa hoc idem Divinissimum Sacramentum, in Ecclesiis suæ Diœcesis fieri, hinc statim, ardentissimò inflammatus zelò, tum lucernas ante Divinissimam Eucharistiam, comparari, tum eandem ad infirmos, præcedente lampade, & cantu duorum puerorum deferri, tum indulgentias eo fine ex ambona, è concessione Sanctæ Sedis Apostolicæ publicari, ut populus ad comitandum Sanctissimum Eucharistiæ Sacramentum, induceretur, mandabat & præscribebat.

Cum autem Episcopus Vladislaviensis esset, provida sua liberalitate, Sancivit, ut in Ecclesia Cathedrali Vladislaviensi, essent nocturni diurnique Excubitores, Presbyteri & Clerici, qui cessante in choro officio, ante Sanctissimi Sacramenti Tabernaculum, nocte dieque continuè, sonora voce, Psalmos concinerent, indeque retinerent, Psalteristarum appellationem. Ad hoc munus, destinati sunt Ministri octo, inter quos Sacerdotes quatuor, qui distributo inter se censu, viginti quinque millibus, per Nostrum Mathiam empto, juxta proportionem, sufficienti stipendio, providentur. In Synodo Vladislaviensi, Annò millesimo sexcentesimo trigésimo quarto, celebrata in sua Ecclesia Cathedrali, ut eximia pietate, in Civitatibus & Oppidis, erga hoc Divinissimum Sacramentum, populus accenderetur, & in majori frequentia, idem Sanctissimum Eucharistiæ Sacramentum, ad infirmos deferendum comitaretur, signum per Campanam parvam, in medio templi affixam, dandum constituit, per quod Christi fideles, ad illud comitandum, vel si occupati fuerint, saltim ad adorandum, invitare voluit; quo fine, omnibus hunc cultum, Sacratissimo Sacramento exhibentibus, quadraginta dierum indulgentias, quas à Sancta Sede Apostolica, in eum finem concessas habebat, in omnibus Ecclesiis Parochialibus, & in tota Diœcesi Vladislaviensi, concessit, & hoc ipsum ex ambonis, publicari præcepit. Pariter in altera Synodo Vladislaviensi, Annò millesimo sexcentesimo quadregésimo primo, celebrata, modum asservandæ Divinissimæ Eucharistiæ, & tractandæ præscripsit: nempe ut cum magna reverentia, tum exponeretur, tum in Processionibus, sive ad infirmos portaretur, Ta-

bernaculumquè, asservandæ Sanctissimæ Eucharistiæ, adornaretur. Ornabat insuper & ditabat aurò, aliisque pretiosissimis lapidibùs, in variis Regni Ecclesiis, Sacratissimam Eucharistiam, ostendens: quod supra omne pretium, æstimandus DEus, corque suum amore Divino plenum, quovis pretiosius metallo, instar Melchisedech, Sacratissimæ Hostiæ supponebat. Episcopatum Vladislaviensem regendo, pro Divinissima Eucharistia, adorationi populi, publicè proponenda, ferculum seu monstratorium, ex Auro puro, eximiâ artificis operâ, elaborari, & Saphiris insignioribùs, adamantibùsque distingvi, ad Cathedralam Vladislaviensem, non exiguo sumptu fecit. Similem ad Ecclesiam Metropolitanam Gnesnensem, Archiepiscopus Gnesnensis factus, de auro puro, ad Ecclesiam verò Belchoviensem, in Archidiocesi existentem, novissime à se fundatam, argenteum ferculum deauratum, seu monstratorium, pro Sanctissima Eucharistia exponenda, comparavit.

Post Deum, nihil magis amavit in terra Dei Matre, in festo Purificationis Mariæ, accepit suæ Nativitatis primam lucem, cum luce omnia, hinc ultiores vitæ suæ annos, misteriis Mariæ computabat; diem Nativitatis, accepit à Maria, hinc omnes vitæ suæ dies, Marianos, id est Mariæ devotos duxit; nullus erat apud Mathiam dies, quo honori Mariæ non viveret, Mariam non spiraret, quem Electa ut Sol Maria, non illustraret. Crederet Mathias Noster, diem illam tetram fuisse noctem, si Electæ ut Soli Mariæ, pio affectu, votivis precibus non sacrificaret. Quare plurimas eidem Sanctissimæ Virgini, ingenti zelo, erexit Ecclesias, fundavit Capellas, ædificavit Altaria, quæ pretiosis ornamentis ditavit, aurò & argentò superbè oneravit, ejusdemque Sanctissimæ Virginis honori, dedicavit & patrocinio subjecit. Præter hanc in Mariam, effusam liberalitatem, in variis foundationibus suis, quæ Crebrœ in Polonia exstant, officium de eadem Sanctissima Virgine, & Missas cantandas constituit, devotionem promovit, Cultum ejusdem ampliavit, omnia refundens in Mariam, quæ accepit à Maria. Et sic inter alia, pietatis in Virginem Beatissimam, Mathiæ Nostri argumenta, sparsim in hoc libro conscripta, dum esset Posnaniensis Episcopus, in Ecclesia Collegiata Beatæ Mariæ Virginis, in Summo Posnaniensi, tempore suæ Visitationis, quatuor Presbyteros, pro decantando Cursu Beatæ Mariæ Virginis, quod Canonici, ejusdem Collegiatæ Ecclesiæ, ex erectione decantandum habebant, constituit, quibus pro salario quartam partem Proventuum, eorundem Canoniorum, ordinavit & per Decretum constituit. Quia verò hæc quarta pars, pro salario eorundem Presbyterorum, sufficere non poterat, ideo pro singulari, erga Deiparam pietate, ejusque conservando & propagando cultu, flores centum annui redditus, se provisurum, & in Bonis aliquibus, perpe-

perpetuò assecuraturum recepit, quod antequam factò præstaret, ex parata pecunia, singulis annis, ab Oecono^mo Clavis Po^snanien^sis, realiter & in effectu, ad manus Provisoris eorundem Presbyterorum, numerandos fore permisit, & postea summam mille sexcentorum florenorum, in Bonis Łeki, eo fine inscribat & locavit. Hoc ipsum in Ecclesia Parochiali Tarcinensi, Diocesis Po^snanien^sis fecit, ubi pecuniam, post intestatum Parochum Jakuboviensem, relictam, Cursui Beatissimæ Virginis Mariæ, qui in Ecclesia Tarcinensi, ob tenuitatem foundationis, decantari desuit, adjudicavit. Hoc idem & in Ecclesia Parochiali Rydzinensi, ejusdem Diocesis ordinavit, dum in sua Visitatione, ejusdem Ecclesiæ, ut Cursus Beatæ Mariæ Virginis, noviter institutus, cum ea qua par est devotione expediretur, ordinavit, & ut consensus Collatorum, Altaris Siedlickich, à suis Fundatoribus dotati, super incorporatione, ejusdem Altaris, Cursui Beatæ Virginis Mariæ, pro meliori sustentatione decantantium, superscriptum Officium Beatæ Mariæ Virginis, procuraretur, Parochum illius Ecclesiæ obligavit. Id ipsum, Regimen Diocesis Vledislavien^sis gerendo, in Visitationibus ejusdem Diocesis constituebat, & foundationes ejusdem Officii Beatæ M. Virginis, quas in nonnullis Ecclesiis, nondum ad effectum, ob negligentiam eorum, quorum intererat, deductas esse comperit, ut intra semestre deducerentur tempus, serio demandabat.

Præcipue tamen, erga Sanctissimam Matrem, in Claro Monte Cze^stochoviensi miraculosissimam, devotione & amore arsit; cum enim, Anno millesimo sexcentesimo quadragésimo quarto, introductio solennis, Sacræ Imaginis Cze^stochoviensis, ad novum Sanctuarium, à se novissime tunc fundatum, & per se, Deo & Beatissimæ Mariæ, dedicatum ac consecratum instaret, nulli vehementius, uti & par fuit, quam Mathiæ Nostri, ea res menti adhæsit. Protinus omni postposita mora, potissimum per Principem Archidiocesis, intimari mandavit, pluribus aliis, hoc ipso de negotio, ad varios Regni Proceres, conscriptis literis: nimirum, solennitatem deductionis Sacræ Imaginis, non amplius nisi ad quartam diem Mensis Aprilis, eodem ipso Anno, (in quem diem, & salutata ejusdem ab Angelo Virginis, memoria inciderat,) differendam. Et sanè tam piis ArchiPræfulis desideris, Divinum quoque adfuit Numen; Quod enim credi futurum non poterat, ob acriter desœvientia frigora, niviumque creberrimè decidentium, quasi continuas tempestates, tamen faventibus primùm Superis, tum postea nubibùs, accidit, ut biduo antequam triumphus supervenisset, àëris summa malatia annuisse, imò arrisisse eidem, vel maximè visa fuerat.

Venit tandem dies, à Mathia Nostro pridem desiderata, & ardentissimo exoptata votò, venit & Mathias Archiepiscopus, velut

Ecc

Para-

Paranympus Czeſtochoviam, Divini Verbi Sponſam, in thalamum auguſtum deducturus; Dominica tunc in Albis fuerat, qua Domi-
nam ſuam, puriſſimo Candore plenam, & ipſe ætate & virtute ni-
veus, in Claro Monte ſalutavit & adoravit: ſed quo affectu & amo-
re? ex ſequentibus accipe: De ejus adventu certior factus Mons Cla-
rus, igitur Petrus Gembicki Epicoſopus Cracoviensis Dux Severiæ,
(pro tunc jam in Claro Monte præſens, triumphum expectaturus
Marianum,) protinus cum frequentiſſimo ſuo, & nobiliſſimorum
quorumque Hoſpitum Comitatu, Religioſiſſimo Sancti Pauli primi
Eremitæ, ampliſſimo Ordine, obviam ei extra portas, ſui Mariani
Cænobii ac munitiſſimi Fortalitii Regni, proceſſit, ubi ad primum
eorundem congreſſum, poſtquam tormenta bellica, magno frago-
re, circumcirca perſonare inſtituiſſent, huculque necdum detonare de-
ſierunt, quouſq; Primas Regni & Archiepiſcopus Mathias, inter feſtivarum
tubarum & tympanorum concentum, ad templum perveniſſet.
Quo in loco, Pater Generalis totius Ordinis Sancti Pauli Pri-
mi Eremitæ, (qui pro eodem actu ex Hungaria advenerat,)
brevis aſt facunda Oratione, Mathiam Fundatorem Mariani San-
ctuarii, excepit, quæ ipſius & totius Lubieſcianæ Familiæ, pro adeo
munifico, erga Sanctiſſimam Virginem Czeſtochoviensem, præſtito
opere, nunquam intermorituram gratitudinem, in cordibus Fra-
trum ſuorum & totius ſui Ordinis declaravit.

Dictu difficile, quibus hic cum affectibus, erga Virginem San-
ctiſſimam, Mathias Noſter ſe prodidit! Joannes Dionyſius Lobzyń-
ski, Ordinis Sancti Pauli primi Eremitæ, quos tunc cordis affectus,
quæ profunda ad Virginem Sanctiſſimam ſuſpiria, ex ore ejus audi-
vit, illa prius memoriæ, poſtea calamo, in Triumpho Divæ Czeſto-
choviensis credidit & exaravit. *Utinam* (inquit Mathias Noſter:)
Maxima Cælorum Regina, hoc exile penſi debitum, gratans à me excipi-
at! Saltim tantillus ego, liberalitate cum Maria certare nollem, ſit ſa-
tis reſuſciſſe in Mariam, quod accepi à Maria. Cæterum ipſa, qua Cle-
mens eſt, faciat mecum, quod bonum ipſi, in Chriſto, ſuo Dilecto Nato
videbitur. Poſt quem ſolum & unicum mediatorem, illa ſola prima &
unica mea fiducia. Quibûs dictis, ad Aram Virginalem ivit, ubi
prono corpore ac ſupplicibus votis, Virginem Sanctiſſimam ſalutavit.

Non hic finem, ſuæ ardentiffimæ devotionis, erga Deiparam
Sanctiſſimam, quod eandem ſalutâſſet & adorâſſet, impoluit Ma-
thias Noſter, verum adveniente craſtino die, Feſto videlicet Annun-
tiate Virginis, penes numeroſiſſimam tum Procerum, tum Nobili-
tatis, tum populi multitudinem, cupidine videndi, imminentem
pompe actum congregatam, (quam nec utriusque templi, nec mu-
rorum ambitus, perampla capedine claudere potuit, & ſub aperto
Cælo, tota nocte, artefactis ignibus collucente, imminentis diei

trium;

triumphum fecit præstolari,) pius Præsul, humeris suis, hanc piam vectationem, quantum per ætatem & valetudinem fas erat, perficere ardentissimè flagrabat. Interea ad sacrum Sacrificium Missæ, se componebat, mox & paramentis, per suos Prælatos pretiosissimis indutus, si quando speciosior apparuit, tunc certè, quando & augustior visebatur sponsa ejus Maria, ad suæ Primatialis liberalitatis thalamum, jam jam deducenda. O quis tunc populi, totiusq; gentis sensus! quæ devotio? quantus fervor charitatis in Deum, & amor in Pretiosissimam & Immaculatam Virginem? Cæterum si sensum, devotionem & affectum spectemus, Archipræsulis Mathiæ, sine dubio maximus ille & ardentissimus fuit, nam Mariani Sanctuarii Fundator amplissimus, Supremam & maximam voluptatem, ex imminente gloriosissimo triumpho percipiebat; In hoc enim felicissimam sortem, sibi oblatam existimabat, quòd adversa valetudo, (quam ipsa provecta ætas, in summis quibusvis, pro Ecclesia & Republica susceptis laboribus, attrita pariebat,) eum non impediret, in portanda suis humeris tam Pretiosa Virginis Imagine. Postquam itaque prodiit in publicum, in pretiosis apparamentis, longo & pulchro Ordine, Sanctioris Cleri, Prælatorumque frequentia; postquam amplissimorum Senatorum & Ministrorum Regni, ac Nobilissimi Ordinis Equestris, affulsit Majestas; postquam multarum Religionum, & signanter Sancti Pauli Primi Eremitæ, illuxit sacrata, candida & numerosissima cohors; postquam variarum Confraternitatum præivere insignia, radiantibus lucernis & facibus, candelabris aureis, acerris fumantibus, pretiosis odoramentis exornata; & tandem postquam ad Altare Majus, (unde pompa duci debuerat,) advenissent, non potuit se diutius continere Mathias, quin prius ad Imaginem Sponsæ suæ accurreret, & eandem ex arte, multis pretiosissimis clenodiis, torquibusque aureis & gemmeis onustam, reverenter asurgens, manibus cupientissimis, firmissimè ex una parte, ex altera parte, Petrus Gembicki Episcopus Cracoviensis Dux Severiæ, apprehenderit, & tanquam olim duo Cherubini, circa Arcam, ad latus Miraculosissimæ Imaginis adhæserint.

Vidisses procul dubio, quisquis hæc mente amica perlegis, (quod plerique fide digni adverterunt, quod & Joannes Dionysius Lobzyński, in Triumpho Divæ Czesztochoviensis adnotavit,) quàm grata Virgo Beatissima, liberalitatis & ardentissimæ devotionis, Mathiæ Nostri fuerit! quomodo illo ipso momento temporis, quo sacra Imago, à Nostro Mathia apprehensa, facies Sacræ Imaginis, præter solitum, acsi viva fuisset, suaviter arridens refulserit, & ad summam amænitatem vernaverit! quàm tota erecta, tota heroica, tota Divina visa! Præter Consuetudinem, pulchritudo vultus suavior collucebat, ut etiamsi quis, ægros pro eo momento oculos attulisset,

set, protinus Beatissimæ Mariæ, illa in Imaginē genæ, oculique smāragdorum more, quos quasi in ambitum, serene circumducere videbatur, mirum in modum, ipsos reficere, atque omni perturbatorum motu, liberum pectus recreare suffecissent. Gustum credo ac voluptatem, quam ex ea, nimirum ad Primatiale Mathiæ Nostri Sanctuarium, desiderata deductione capiebat, illa subitanea vultus sui mutatione, significabat, & quos gereret Spiritus, erga devotum Fundatorem & Introductorem suum, facie præferebat.

Interim dum Imago Sacra, ab illis Sacris Portatoribus, in suum illud Sacrarium, per publicas atrii & Coenobii portas inferebatur, jucundum illud videre fuit: quod licet armati pedites, confer-tam plebem submovere conarentur, populus tamen pro ea, qua ardebat erga Virginem Beatissimam devotione, lachrymis ora perfusus, calcandos se per planum, ultro citroque passim ponebat, Mathiam Nostrom, Mariani sacrarii Fundatorem benedicendo, & in has & similes voces prorumpendo: *O DEUS! O Christe! tuearis hunc tuum tam pium desponsatum, qui Matri Tuæ, sacrum hoc struxit Domicilium! Tuus sit ille, tuus o Maria! Cælo æternum pro hoc Sanctuario redonandus!*

Postquam verò intulerunt Sacerdotes Arcam fœderis Domini in locum suum, in Oraculum Templi, in Sanctum Sanctorum, Imaginem videlicet Virginis Sanctissimæ, protinus hæc sacra Imago, in Altari, à Mathia Nostro reposita & collocata, quantos tunc exprimebat affectus! quomodo se illa tunc spectantium, ingerebat oculis? innatæ suæ Clementiæ, quasi Cælo relicto, omnem Majestatem submittens. Spectarunt eam talem, amorem nimirum toto pectore spirantem, quotquot eam è proximo conspexerunt. Spectavit eam præ cæteris dulcius, ArchiPræsul noster, & felicia lucra, profusarum suarum impensarum, tacito quodam & sensibili proventu, secum recogitabat. Interim post hunc solennem actum, ne tantillum relevato corpore Mathias, Pontificaliter in Ara Virginali Missam fecit, atque sic tandem re Divina, ritu solenni facta, ac benedictione Pontificali, in Populum promulgata, templo excessit, docuitque quàm gloriosissimè Divinissima Virgo, hæreditaria Regni Nostri Domina & Regina, simulque Patrona, in Miraculosissima sua imagine, pompam suam egit, lætabunda triumphavit, quàm profundissimè à se & à Christi fidelibus, culta & honorata fuit.

Hoc gloriosissimè peracto Mariano triumpho, cum iterum, Annò Domini, millesimo sexcentesimo quinquagesimo, Georgius Ossoliński, Supremus Cancellarius Regni, novum in eodem Primatiali sacrario, Virgini Thaumaturgæ, non exiguo sumptu crexisset Altare, ideoque Imago Sacratissima, ex antiquo Altari & statione sua, moveri debuit, tantisper alibi collocanda, & postea ad novum
Altare,

Altare, potius Thronum transferenda; iterum devotissimus Sacræ Virgini Primas, Mathias Noster, eodem Anno, in Claro Monte, cum eo quo in Dei Matrem arsit affectu, comparuit, iterum Sacræ Imagini, quam animitus in pectore gestabat, unâ cum Episcopo Cracoviensi & Duce Severiæ, ArchiPræsuleos armos, devotissimè submisit, & inter Sacerdotum choros, penes innumerabilem, variæ conditionis hominum multitudinem, & magnificentissimum triumphum, manibûs & humeris suis, Atlas Cæli Reginam, ad Regiam & Thronum novum transportavit. His necdum contentus, necdum satis amoris ejus, in Czeſtochoviensem Mariam, sed dum vixit, non parcendo etiam senili ætati, & laboribûs in Ecclesia continuis attritæ senectuti, quotannis eandem Sacratissimam Imaginem, devotè visitavit, promissa implevit, vota solvit; nullus effluebat Annus, quo non ad illum locum, devotionem, cultumque testaturus excurreret, ad ejus honorem omnia dirigeret, & ad eam in necessitatibus, non confugeret.

Quem Virgini Sanctissimæ, in Claro Monte Czeſtochoviensi triumphanti, affectum præstitit, eundem, & in aliis Sacris Imaginibus, Virgini Beatissimæ, variis modis perhibebat, miracula ipsius approbando, gratias intercessione ejus obtentas publicando, & devotionem Christi fidelium, ad eandem Divinam Matrem, variis in locis augendo. Sic in Włoszczow Oppido, quatuordecem milliaribus à Cracovia distante, in tractu Petricoviensi, tunc dum idem Oppidum, a bominabili hæresi, à Dominis suis hæreditariis, Szafrancis dictis, ædificato Fano, infectum erat; in quadam Domo desolata, per merita Sanctissimæ Virginis Mariæ, magna & multa miracula & gratias, patrabat Deus. Mathias protunc Archiepiscopus Gnesnensis, dum de illis rescivisset, in Anno, millesimo sexcentesimo quadragesimo tertio, illicò Commissarios, ad prædictum Oppidum destinavit & ablegavit, qui re per juramenta & per inquisitiones probata, Domunculam illam, Auctoritate ab Archiepiscopo habita, benedixerunt, sacrosanctum Missæ sacrificium, penes ingentem populi concursum, ibidem celebrarunt, & hymnum Ambrosianum, præ magno gaudio fletum elicientem, decantaverunt. Brevi postea, in isto loco ædificata Ecclesia, ubi devotio, gratiæ & miracula Virginis Beatissimæ, hucusque florent.

Pariter in Curia Domini Widadzki, cum Imago Virginis Beatissimæ, miraculis & gratiis clarescere cœpisset, Mathias tunc Archiepiscopus, re cognita, statim super iisdem miraculis, inquisitionem decrevit, simulque facultatem dedit, ad Ecclesiam Mstovientem Canonorum Regularium Lateranensium, duobus miliaribus à Czeſtochovia distantem Sacram Imaginem introducendi. Quare cum solenni pompa & triumpho, omnium Christi fidelium applausu, Annò Domini, millesimo sexcentesimo quadragesimo septimo, Sacra Imago introducta, brevi ipsa Imago, lapidibûs pretiosis, Altare autem totum, numerosis

& ponderosis votis, adornatum fuit. Cum verò Episcopatus Poseniensis gereret fascis, & Diocesim illam visitasset, in Ecclesia Zdzieszewiensis, ad Oppidum Borek, in Majori Polonia sita, ad Imaginem Virginis Sanctissimæ miraculosam, absoluto solenni Missæ Sacrificiò, constituit, ut beneficia, quæ Christi fideles ad eum locum confugientes, intercedente Beata Virgine Maria recipiunt, libro ad eum usum destinato, infererentur, & super eò seriò Parochum admonuit. Idem in Ecclesia Parochiali Steszewiensis fecit, atque Capellam, in qua Imago Beatæ Mariæ Virginis, celebri fidelium devotione visitabatur, & miraculis clarescere incipiebat, diligenti curæ Præpositi illius loci commendavit, & ut ad propagandum Deiparæ Virginis cultum, Christi fidelibus omni pietatis Officiò præiret, obligavit. Crescente verò Sacræ Imaginis, Virginis Beatissimæ, in Ecclesia Zdzieszewiensis supra nominata ad Oppidum Borek, miraculorum fama, ab eaque, liberatione à periculo contagiosissimæ pestis, sui suorumq; familiarium impetrata, eandem Sacram Imaginem, Episcopus & Senator Regni existens, pedestri itinere visitavit, & Anathema Argentum, in vim perpetuæ gratitudinis, pro eadem liberatione appendit, in illoque sequentem inscriptionem exaravit: *D. O. M. Divæque Matri Virgini, Ecclesiæ Borcensis Tutelari, sui suorumque familiarium, in maximis & præsentissimis contagiosæ mortalitatis, variisque ejus Anni casibus & periculis, Liberatrici, Illustrissimus & Reverendissimus Dominus, D. Mathias Lubieński, Dei gratiâ Episcopus Poseniensis, Vladislaviensi & Pomeraniæ Nominatus, conservatæ salutis & singularis patrocinii, beneficium acceptum fert, votumque perpetuæ gratitudinis coram rependit. Anno Domini, millesimo sexcentesimo trigesimo. Sexto Calendæ Januarii.*

Quantum autem Immaculata Conceptio, Augustissimæ Dei Matris, devotissimo cordi ejus adhæsit? exinde disce: quod secutus exempla & vestigia Sanctorum suorum Patrum, sui Ordinis & Ecclesiæ Hierosolymitanæ Episcoporum & Patronorum, qui à Jacobo Minore Apostolo, Primo Episcopo Hierosolymitano, continua serie succedentes, ingenti zelo & labore, Spiritu Jacobi Apostoli, expresso toties in ejus Liturgia, Immaculatam Conceptionem Virginis Mariæ, defendebant, librosque hoc fine, defendendo ejus integritatem, conscribebant; ipse itaque Mathias, Festum hoc Immaculatæ Conceptionis, Virginis Sanctissimæ, statutis observandum decrevit, approbationibus firmavit. Cum enim esset Vladislaviensis Episcopus, erga Sanctissimam Matrem, & ejus Immaculatam Conceptionem, piè in Domino æmulans, pro studiorum suorum, erga eandem Patronam suam Clementissimam, contestatione, Festum Immaculatæ Conceptionis, amplius honorandum, cum octava videlicet censuit, idque observari per utramque Diocesim Vladislavientem

&

& Pomeraniæ, Authōritate Synodi demandavit. Pariter dum ad Archiepiscopatum Gnesnensem ascendit, in Synodo Provinciali Regni, Annō Domini, millesimo sexcentesimo Quadagesimo tertio, convocata Varfaviæ, universos Episcopos, totumque Regni Clerum, commovit & constituit, ut Festum Immaculatæ Conceptionis, Beatissimæ Virginis, per totam Poloniam celebraretur cum octava.

Nunc ad privatas, easque ardentissimas Mathiæ Nostri devotiones, salutationes Angelicas, Rosaria, Coronas Marianas, aliaque exquisitissima cultus Deiparæ Virginis, descendamus officia: Invaluerat simul cum Evangelio, in partes nostras; cultus erga Deiparam & pia devotionis consuetudo, Angelicas salutationes, ad numerum Annorum, quibus in terris morata est, replicandi, eamque sexagesies & ter salutandi, singulis salutationum decadibus, Dominica Oratione adjuncta, qui mos orandi, à Sancto quodam Eremita, ipsa Deipara eundem edocente, (ut fidei majorum traditione accepimus,) profluxit. Hunc supplicandi ritum, Advocatæ nostræ, nunquam intermisit Mathias, cujus devotionis evidens argumentum est, tum lapideus globus grandior, (quales Eremitæ, ac Nostri Peregrini, plerumque gestare solent,) in Eremitorio Sancti Bogumili, inter quatuor quercus, tempore Archiepiscopatus, Mathiæ Nostri inventus, ab eodem Mathia, inter alios Rosarii, & Coronæ Marianæ globulos, magni muneris loco, ob cultum Deiparæ eximium deportatus, tum libellus Sacratissimi Rosarii, à suo Authore compositus, & à Mathia gratissimè receptus & acceptatus.

Scapulare Divinæ Matris, præcipuum fuit ornamentum Mathiæ, quod neque in vita, neque post mortem deponere, imò & sepeliri in illo corpus suum voluit, spem ponens post Deum in Maria, quod hac veste nuptiali indutus, ad cælestes epulas invitabitur. Quam grata hæc fuit cælo, ad Mariam Mathiæ Nostri Devotio, constat ex eo: cum prædictum Scapulare sacrum, è collo Corporis Mathiæ, in urna pendens, uno jam sæculo, absque ulla sui corruptione in Sepulchro, (quod ego vidi & observavi,) conservetur illæsum. Hactenus devotio Mathiæ ad Mariam: reliqua ejus vota, & erga Christum, tum Dei Matrem pietatis opéra, cultum profundissimum, quo Mariam firmo animo colebat; amorem Mariæ, quo eam diligebat plus quam se ipsum, animumque suum ab aliquibus defectibus, quæ Mariæ displicent, prorsus avertebat; deprecationes assiduas, tantæ Patronæ prorsus lacrymis, præsentiam Mariæ, quam omni studio in corde custodiebat, ut nunquam ab ejus cogitatu excederet; aliaque erga Divinam Matrem devotionis monumenta, nobis licet occulta, ipsa Divina Mater, in æternitate notavit, sacrumque Heroem suum, beata immortalitate, per suam intercessionem donavit & præmiavit.

CAPUT VIGESIMUM TERTIUM.

De Devotione Mathiæ, erga Sanctos Patronos.

SCiens Mathias Noster, Sanctos cum Christo regnantes, tanquam DEI amicos, Coeli Principes, jamque in æterna illa collocatos gloria, à Sanctis Angelis, ipsaque Sanctissima Trinitate, cujus beatissima visione perfruuntur, honorari, sciens item eosdem Sanctos, maxima sibi & innumera beneficia, à Deo impetrare posse; perpendens pariter Sanctorum labores, quos in hoc mundo pro Christo Domino, assidue pertulerunt, ipsorum fidem, spem, charitatem, aliasque innumerabiles virtutes, denique & mortem ipsam; quæ quidem omnia, admirabilis consecuta est beatitudo & gloria, nullis Annorum Myriadibus terminanda, ideo intra seipsum erubescibat & confundebatur, comparando ipsorum vitam cum sua; excitabat se ad amorem Dei, qui Auctor fuit & principium, omnis Sanctorum virtutis & Sanctitatis, ac per consequens gloriæ cœlestis, quæ eam Sanctitatem excepit; Excitabat se denique, ad eorum Religiosum cultum, ad intercessionem impetrandam, sæpissimè cum Paulo, Apostolo ad eosdem ingeminabat, eorum protectionem & intercessionem, apud Deum poscebat: *Obsecro vos, ut adjuvetis me in orationibus, pro me apud Deum*, reliquias eorum, religiosissima veneratione colendo, & singulari in æstimatione habendo.

Ac imprimis Beato Bogumilo Polono, summè addictus fuit, considerans enim: quòd Beatus Bogumilus, susceptum Archiepiscopatum Gnesnensem, amore solitudinis & studio vitæ contemplativæ, resignasset, ad cremumque Dobrovensi Pago vicinam, in ditione Bonorum Archiepiscopatus Gnesnensis, Tractus Uniejoviensis, ad Vartam fluvium sitam, perrexisset, ac in Insulam Opacam, inter densas quercus, flumine Varta circumfluas, secedere consuevisset, ut eo faciliùs, Cœlestibus exercitiis vacare potuisset, ibidemque per Annos duodecim, in summa vitæ austeritate, laboribus, inedia, orationibus, aliisque pietatis operibus, incumberet, & tandem circa Annum Domini, millesimum centesimum octogesimum secundum, Sanctè defunctus esset, in assistentia Deiparæ Virginis Jesum puerum gestantis, Sactorum Angelorum, necnon Divorum Regni Tutelarium, præsertim Sancti Adalberti, & quinque Fratrum Eremitarum Polonorum; hæc inquam omnia, considerans Mathias, protunc Archiepiscopus Gnesnensis, à Beato Bogumilo quadragesimus sextus successor, ad ejus virtutes imitandas, cultumque ipsius promovendum, fortissimè exarsit. Conquisito itaque diligenter locò, in quo idem Beatus Bogumilus, sua exercitia spiritalia, perficere solebat, eundem

eundem Imagine Christi Patientis, signare mandavit; postea videns, parietes Ecclesiæ Parochialis Dobrovensis, (ubi Beatus Bogumilus, habitu Pontificali, cum annulo & lamina inscripta conditus,) Cereis affigi, in honorem Beati Bogumili solitis, ambustos; audiens insuper, multa de miraculis Beati Bogumili testimonia, ejusdem sacrata ossa & Reliquias, de pulveribus levavit, urnâ stanneâ, Annô Domini, millesimo sexcentesimo Quadragesimo quarto, Archiepiscopatus sui Annô secundo, inclusit & publicæ venerationi, solenniter, in maximo populi concursu & frequentia, exposuit. Processum, super observantia Decretorum, Sacræ Congregationis Sancti Officii, in materia cultûs & venerationis, & denique super virtute, Sanctitate & miraculis, præfati Beati Bogumili, confecit, & ad eum effectum, super articulis, testes admisit, illosque prævio juramento examinavit, inscribique nomen ejus, Cathalogo Sanctorum, Ecclesiæ decretô & Sedis Apostolicæ oraculô, diligentissimè laboravit, Sacro Collegio protunc Sedis Metropolitanæ, pios conatus ipsius adjuvante. Quia verò ob imminentem Mathiæ Nostri mortem, processus hic, effectum non accepit, ideo Sanctæ memoriæ Christophorus Antonius in Słupow Szembek, Archiepiscopus Gnesnensis, eundem continuare voluit, sed pariter morte præventus, alium promotorem expectabit liberalem.

Porro Mathias, cum ex gravissimis illustrium Virorum relationibus, Officiosè juramentô confirmatis, intellexisset, quòd Vincentius Cokus, Archiepiscopus Gnesnensis, Annô Domini, millesimo quadringentesimo tertio, demandaret, ut Albertus Parochus in Turek, diligenter & fideliter, signa & miracula, quæ per merita Sancti Bogumili fiebant, conscriberet, liber autem hic, in quo fuerant conscripta interiret, igitur præfatus Archipræsul, dictum librum summâ diligentia conquisivit, (magna enim & plurima, ibi fuisse descripta inaudierat,) volens eundem typis imprimere, ad notitiam totius Orbis Christiani.

Quem Cultum & Venerationem, exhibuerat Beato Bogumilo Mathias Noster, eundem & Divæ Victoriæ Virgini & Martyri præstitit, cui & marmoreum Altare, in Ecclesia Collegiata Loviciensis, in Capella Uchanska, ab Archiepiscopo Uchański sic dicta, construxit, & Reliquias ejusdem, in Argentea Urna condidit. Exstat Lovicii, in eadem Ecclesia, hujus pietatis Mathiæ Nostri, in Divam Martyrem, à parte Altaris, aureis literis, in marmore exarata memoria, his verbis: *Mathias Lubieński, Archiepiscopus Gnesnensis, hoc Sepulchro à se erecto, Reliquias Sanctæ Victoriæ, Virginis & Martyris, argenteæ tumbæ inclusas, condidit, Die Vigesima sexta mensis Novembris, Annô Domini, millesimo sexcentesimo quinquagesimo primo.* Ante omnia autem, curæ erat Mathiæ, ut in Ecclesia Metropolitata Gnesnensi, quæ Sacris Reliquiis, Incliti sui Patroni, Divinissimi Adalberti, Archiepiscopi Gnesnensis

& Martyris clarescit, Sepulchrum ejus protunc informe, tristis & rudis antiquitatis opus, demoliretur, & egregium aliud opus, formam monumenti præsentans, erigeretur, elegantiusque Mausoleum, ad sæculi illius splendorem, strueretur, adornaretur, ad cum nempe finem, ut & devotio Polonorum, erga suum Archiepiscopum, & nunc in Cælis Patronum pateret, & Sepulchrum ejus, præter miraculorum gloriam, etiam opere eximio ac nobilissimo, gloriosissimum appareret, sed successores sui Prædecessoris Joannis Lipski, ad mentem tabularum ultimæ ejusdem voluntatis, intercesserunt, ne illis præriperetur palma, sed fuerunt verbis magnifici, rerum vacui. Cupiens adhuc ArchiPræsul Noster, Sanctorum Dei honori, quorum memoria, cultus & Veneratio, in partibus hæretica pravitate corruptis, abolita est, consulere, ideo in Synodo Vladislaviensi, Annò millesimo sexcentesimo quadragesimo primo, Die nona mensis Junii, celebrata, Officia Patronorum Regni Sveciæ, pro Ordinariis Officiis admisit, eorundemque Sanctorum memorias, rubricis protunc Diocesis suæ Vladislaviensis, inseri ordinavit.

Sciens item, quòd Sanctus Jacobus Minor Apostolus, primus Episcopus Hierosolymitanus, Clericos Regulariter viventes, in Hierosolymitana Ecclesia, qui nunc Canonici Regulares Ecclesiæ Hierosolymitanæ, seu Sanctissimi Sepulchri vocantur, instituisset, locasset & ordinasset, prout multi Auctores & communis omnium doctrina testatur, ideo ejus Festum in Ordine suo promovit, Officium Festi ejus & Cathedræ ejus, in Officia Sanctorum Patronorum Ordinis, ingrossari mandavit, indulgentias plenarias, quæ non tantum Miechoviensi Ecclesiæ, verum etiam aliis non nullis insignioribus, ad Miechoviensem pertinentibus inserviebant, procuravit, & insuper jejunium ad Festum ejus, in Constitutionibus Ordinis, à Sancta Sede Apostolica approbatis, in Ordine suo constituit, quod ipse strictissime unà cum Canonicis Nostri observavit. Sanctorum item Mathiæ Apostoli, cujus Nomen à Sacro fonte portaverat; Augustini, Magni Ecclesiæ Doctoris, cujus Institutum in Ordine Nostro, professus fuerat; Adalberti Archiepiscopi & Martyris, cujus Sedis, in Cathedra Metropolitana Gnesnensi, Successor erat; Stanislai Episcopi Cracoviensis & Martyris, & aliorum Sanctorum honori, devotissimus vixerat, ita, ut eorum Festa solennissime obiret, Vigilias & consveta jejunia etiam in decrepita ætate strictissime observaret, sub eorum Patrocinio & vivere & mori Sanctè desideraret, & eorum preces & intercessionem in ultimo testamento à se condito ardentè exposceret.

Neque frustratus est eorum protectione & patrocínio, nam cum Annò millesimo sexcentesimo vigesimo quinto, Regiminis Proposituræ Generalis Ordinis, Annò octavò, adversa valetudine, videlicet febri maligna, maximè laborasset: indeque Cononicis no-

stris,

stris, grandem tristitiam attulisset; Sanctorum Patronorum suorum Patrocinio, ad quos tunc temporis refugium fecerat, votis id assiduis Canonorum Nostorum, à Deo, die ac nocte deposcentibus, brevi pristinae sanitati restituitur; sed præcipuè supra Mathiam Nostrom, Divinae Providentiæ & Sanctorum Patronorum, effulsit Patrocinium, tum tempore pestis grassantis Miechoviæ; tum dum Diocesim Pottanensem, media in flamma ejusdem contagiosissimæ pestis, visitaret; tum post primum ad Cathedram Vladislaviensem ingressum, ubi in ipso initio, jam jam eadem pestilentissima lues, familiam ejus invaserat; tum dum in Archiepiscopatu existens, Uniejoviensem Arcem, accito artifice reformaret; Artifex enim cum in aliis rebus posuisset operam, in reformanda Aula satis ampla, non æquè accuratus fuit; Archiepiscopus reformata Arce ad Archidiæcesanam Synodum, Clerum evocavit, quæ cum plures trecentis Sacerdotes numerasset, in illa Aula, unà cum Archiepiscopo, consultationibus factis abscesserunt. His abeuntibus, Architectus nimia delectatione repletus, quod Aula ipsius labore resecta, tot Sacerdotes capisset, Aulam ingressus cum inambulat, sub illo uno, pavimento Aulæ, in inferius ædificium defluens, corrui, & Artifici utrumque pedem graviter læsit, ipso Mathia Archiepiscopo & tot aliis sustentatis. Hanc Aulam ipse Mathias, adventantibus hospitibus monstrabat, remque explicabat, & singulari Providentiæ Divinæ, Sanctissimæ Virginis Mariæ, tum Sanctorum suorum Patronorum protectioni, firmiter adscribebat. Porro hi Sancti, qui olim Patroni erant apud Deum Mathiæ, nunc Cohæredes cum Mathia Christi; qui supplices Advocati Mathiæ apud Deum, nunc cum Mathia commensales Mysteriorum Dei; qui Intercessores erant pro illo, qui laborum olim socii, nunc præmiorum sodales, nunc cum Mathia Mostro Beata fruantur æternitate.

CAPUT VIGESIMUM QUARTUM

*De devotione Mathiæ erga Sanctam Sedem Apostolicam,
& subjectione ejusdem.*

Sancta Romana Ecclesia & Catholica, Columna & firmamentum veritatis, superædificata super fundamentum Apostolorum, Sedes Principis Apostolorum Petri, continua post Petrum Successione, Romanis Pontificibus, usque ad modernum Benedictum XIV. feliciter regnantem, pulchro Ordine refluens, adeo cordi Mathiæ Nostri inhæsit, ut ejus Romanos Pontifices & universales Pastores, visibilia Ecclesiæ Capita, summè veneraretur, iisdemque, tanquam verus & genuinus Sanctæ Matris Ecclesiæ Filius, suam subjectionem,

nem, variis modis testaretur. Postquam enim Episcopatus munus, in se suscepit, illico ad Gregorium XV. literas dedit, in quibus promptitudinem suam, ad parendum mandatis Sanctitatis suæ declaravit, & seipsum in omne obsequium Sanctæ Sedis devovit & consecravit. Successu autem temporis, præterquam quod in multis Comitibus Generalibus Regni, (quæ tunc sæpè fiebant,) Jura Sanctæ Romanæ Ecclesiæ salva, per omnia defenderet, Constitutiones, Confæderationes omnium Ordinum Regni, Electiones Regum, Pacta conventa, cum solita salva, jurium Sanctæ Romanæ Ecclesiæ subscriberet, verum etiam, quadrienniò in tuo Episcopatu Chelmenfi exactò, ut suam submissionem, Sanctæ Sedi magis & magis declararet, statumque Diæcesis suæ explicaret, ipse in persona sua, ad oscula pedum, protunc Urbani VIII. accedere in votis habuit, & firmiter proposuit, sed cum eundem, ab hoc proposito, plurimæ difficultates idque gravissimæ retraxissent, ad hunc effectum implendum, submissionemque Sanctæ Sedi & obedientiam præstandam Alexandrum Zbikowski Corabitam, Ordinis Nostri Canonicum, protunc Custodem Generalem Ordinis, Annò Domini, millesimo sexcentesimo vigesimo quinto, Die vigesima nona Augusti, in Urbem ablegavit, viales & alias expensas subministravit, sufficienterque instruxit, & ad prædictum Pontificem Urbanum VIII. sublequentes Literas, suæ fidelitatis & submissionis testes, debita cum reverentia, per dictum Nostrum Canonicum transmisit.

Sanctissime ac Beatissime Pater. Integrò jam fere quadrienniò, in Episcopatu meo, per Dei gratiam transactò, mearum esse partium existimaui, statum Diæcesis meæ, Sanctitati Vestræ exponere, rationemque administrati hætenus à me muneris Pastoralis, reddere. Et quidem libens ipse, in persona mea id præstitissem, & ad oscula pedum Sanctitatis Vestræ, debita cum reverentia præsens accessissem, nisi me ab hoc proposito, tum Ecclesiarum mearum, & Reipublicæ gravissima negotia, tum longissimi itineris, (hoc præsertim turbulentissimo tempore,) plurimæ difficultates retraxissent. Quamobrem, cum ipsemet id exequi non possem, Nuntium potiùs meum Reverendum Alexandrum Zbikowski, Artium & Philosophiæ Magistrum, ac Conventûs mei Miechoviensis, (quem in subsidium tenuioris Episcopatus, ex dispensatione olim Sanctissimi Domini, Gregorii XV. Pontificis Maximi, obtineo,) Presbyterum Professum, ad Sanctitatem Vestram mittendum, quàm hoc adedò urgens negotium, diutiùs differendum censui. Confusus Sanctitatem Vestram, hanc meam in reddenda obedientia promptitudinem, gratò animò accepturam, prædictumque Nuntium meum, ad oscula pedum admissum, mandata mea exponentem, benignè audituram, ac meis postulatis clementer assensum suum præbituram. Quo Nomine ego, Sanctitati suæ humilimè supplico, illiusque favori & Patrocinio, me measque Ecclesias,
cum

cum debita mea servitute, quàm diligentissime commendo. Inexplicabile dictu, quàm Paterna Charitate, tum prædictas literas, tum nostrum prædictum Canonicum à Mathia missum, Pontifex, qui jam plene, de integritate vitæ Nostri Mathiæ, ex variis commendationibus instructus fuit, acceptavit, negotium statûs Diœcesis Chelmenfis, ad Sacram Congregationem Concilii remisit, unde Mathias Noster, maximas laudes, zeli & pietatis suæ exportavit. Sed præstat ab ipso Pontifice, & à Sacra Congregatione Concilii, adducere ad Nostrum Mathiam, exemplar literarum.

URBANUS Papa VIII. Venerabilis Frater, Salutem & Apostolicam benedictionem. Quod nobis adventu suo solatium, Fraternitas Tua attulisset, id percipimus ex iis artibus, quibûs non minùs quàm infultis, Chelmense Sacerdotium hoc tempore exornatur. Intelligimus enim, te in ista statione, vigilanter excubare, contra latrones animarum, & Fidelibus populis, Ecclesiasticam mensam instruere, mannâ Cælesti & pane Angelorum. Tam præclaro Nomine, censerî par est orationes, jejunia & cætera pietatis exempla, quibûs Episcopi, tanquam adipe & pinguedine, nutrire potestis esurientem gregem. Sequere Venerabilis Frater, ac memento: Ecclesiasticas dignitates, esse debere, non propriæ oblectamenta superbiæ, sed publicæ honestatis propugnacula. Id tibi consilium esse, cum testetur Nuntius, quem huc ablegasti, non mediocri nobis gaudium præbuit. Ex eo cognosces, quanta Paternæ Charitatis sollicitudine, consulturi semper simus, rationibus Fraternitatis Tuæ & istius Ecclesiæ, cui Apostolicam benedictionem impartimur, & Pontificium patrociniûm pollicemur. Datum Romæ, apud Sanctam Mariam Majorem, sub annulo Piscatoris. Die decima quinta Novembris, millesimo sexcentesimo vigesimo quinto, Pontificatûs nostri Annû tertio.

JOANNES CIAMPOLIUS.

Aliud Exemplar literarum, Sacræ Congregationis Concilii, ad Mathiam Episcopum Chelmensem.

Perillustri & Reverendissime Domine, uti Frater. Amplitudinis Tuæ Procurator, ad invisenda Beatorum Apostolorum Limina ablegatus, injuncto sibi muneri, de iisdem liminibus visitandis, deque statu istius Ecclesiæ referendo, proximis Superioribus diebus, aded cumulatè satisfecit, exacteque omnia præstitit, ut Illustrissimi Patres, Tridentini Concilii Decretis interpretandis, ac Præsulum id muneris obeuntium, relationibus excipiendis Præpositi, consuetam Amplitudinis Tuæ Solertiam, zelum ac pietatem, maximis laudibus comprobarint, nihilque prætereâ addendum existimantes, ad sollicitudinem satagentis Præsulis, intendendam magis aut excitandam, tantum illi diuturnam Incolumitatem, à Dominoprecantur. Romæ octava Novembris, millesimo sexcentesimo vigesimo quinto.

CARDINALIS Sanctæ Justinae.

Cum autem in literis translationis Mathiæ, ex Episcopatu Vlada-

Hhh

dislavi-

dislaviensi, ad Archiepiscopatum Gnesnensem, voluisset Urbanus VIII. Summus Pontifex, ut Mathias, montem pietatis Gnesnæ instrueret, hac voluntate Summi Pontificis intellecta, quatenus eandem ad effectum deduceret; & voluntatem suam, voluntati summi in terris Vicarii Christi, subjiceret, serîo cogitare cepit, sed cum modum ejus rei efficiendæ, Legibus Regni vetantibus, invenire nequiret, in animo, Confraternitatem misericordiæ, Gnesnæ & Lovicii instituere, sive institutam promovere, summamquæ viginti millium florenorum, ejus rei causâ, in censum locare proposuit, & si vivus id præstare non posset, Dominos suos Executores, ut id faciant, inito cum Capitulis Gnesnensi & Loviciensi consilio, & relicto peculio, testamentò obligavit.

Quantum autem Deo placuerit, hæc religiosa Mathiæ Nostri, erga Sanctam Sedem Apostolicam, obedientiæ promptitudo & subjectio? constat ex eo, quod eam, etiam in hac vita, multis benedictionibus, ac præcipuè longæva supra octogesimum Annum ætate, recompensaverit; ut advertit Polonorum Præsulum Historiographus, Stephanus Damalewicz, toties à me laudatus, dum de Nostro Mathia scripsit. *Ad quos, (id est Annos,) illum vivida tot Annorum Senectus, Sanctæ Matris Ecclesiæ, placitis & Sancitis obsequens, & integritas vitæ sobrietate munita, perduxit.* Non est dubium, quin eum beata æternitate præmiavit.

CAPUT VIGESIMUM QUINTUM

De Conversatione Mathiæ, cum Viris pietate conspicuis sui ævi.

UNiversum qua latè patet, Poloniarum Regnum, tanquam fructuosus ager Ecclesiæ, quolibet sæculo, plurimos Cælo Heroes gignit, multos cæli ornamento, Sanctorum augmento producit viros, qui Patriam Incolasque ipsius, Sanctissimis moribus, tanquam stellis irradiant, exemplaritate, integritate ac innocentia vitæ, tanquam radiis illustant. Fulgebat tunc dum Noster Mathias vixit, Regnum Poloniarum, dignitate in Ecclesia & Patria, sed potissimum virtute, Illustrissimis Viris, videlicet Joanne Węzyk, eximie pietatis viro, cum quo Mathias Noster, [adhuc Juvenes ambo,] in scholis Societatis Jesu Calissiensibus, tum Academicis Cracoviensibus, sub uno Professore, intimam familiaritatem contraxit, qui qualis futurus esset in ulterioribus annis, in juventute monstravit, quam ad summa pro Deo & Ecclesia gloriosissima negotia, florentem applicavit. Postquam autem Duce pietate, in Patria & Ecclesia crevisset, tunc Eximia Ejus pietas & religio apparuit; Cum enim ad Archiepiscopatus Gnesnensis Cathedram, promotus fuisset, & Respublica Polo-

Polona, mortuo Sigismundò III. in Thronum Polonum, Vladislaum Principem, Sigismundi III Primogenitum Filium elegisset, & cum se Rex novus jurejurando obstringeret, Reipublicæ & Ordinibus, in templo Varfaviensi Divo Joanni Consecrato, formamque concepti per Ordines juramenti, à Mareschalco oblatam enuntiaret, in qua Rex, servaturum se pacem, inter dissidentes de Religione sponderet, Joannes Wężyk, zelò pissimo religionis flagrans, protestatus est in Reipublicæ totius conspectu, hanc adjectam clausulam, nullius momenti esse, utpote cui à Majoribus jam ante suis, & plurimis tam Episcopis, quam Proceribus Regni, fuisset reclamatum. Postquam autem idem Rex novus, post peracta Comitia Electionis & Coronationis suæ, ad Nuptiarum cogitationem, animum adjiceret, quas celebrandas, cum Hæretica, Filia Friderici Palatini Rheni, firma deliberatione statuerat, egit tunc Joannes Wężyk Archiepiscopus, magno sententiarum è Divinis literis conquistatarum pondere, ut animum Regis, ab ea Viragine, quæ nolleret hæresi renuntiare, deflexum, in Catholicissimam, Austriacam Cæsaris Ferdinandi secundi Domum, inflecteret, itaque Cæciam Renatam, Regi Matrimonio junxit, & solenni ritu, Reginam unxit. Gravis tempestas, sollicitum de bono Patriæ, Archipræsulis pulsavit animum, ob militum frequenter, in expeditionem Prussicam commeantium, Bonorum Archiepiscopatus divexationem, in qua, dum subvenire cogitaret, afflictis subditorum rebus, nova illum clades, nimirum Civitatis Loviciensis, fortuito conflagrantis excepit, quam calamitatem, obrutis primum vi lacrymarum oculis, in æstuantibus mærore Civium animis, restingvere affectu orsus paterno, deinde liberalitate & censu, ad reficiendas & instaurandas ædes, non mediocri sublevavit. Ingens fames, afflixerat Poloniam, Illius Archiepiscopatus tempore, quam solari è penu suo, & inedia langventes, recreari liberaliter jussit; imò sublevandis necessitatibus subditorum, si quando eos similis pestis vel fames urgeret, pecuniæ summam sex millium, Collegio Loviciensis consignavit, à qua proveniente censum, in subsidia Calamitosorum, perpetuis temporibus, distribuere mandavit. Querelas subditorum, paterno affectu audivit, eosque blande compellans, dulce remedium, bonus Pastor mæstis ovibus apposuit; Et quamvis naturâ in iram esset pronior, tamen illius motus, ita generosæ mentis constantiâ edomabat, ut si quando voluntatem lingua fervens præcurrisset, ut verbo asperiore, tractaret aliquem de domesticis, præsertim in confesso publico, habuit in more, ut auditoribus ejusdem injuriæ adhibitis, lenioris & placati animi, argumenta promeret, atque illud sibi non seria expensum cogitatione, excidisse verbum contestaretur. Sacri Altaris tremendo Sacrificio, ita devotus existit, ut dum per bonam valetudinem licebat, Sacris opera-

retur quotidie, arthritide verò aut podagra laborans, in Capellam se deferri juberet, Sacrae Missae Officium auditurus, intra quod frequentissime Communione Sacra refici solebat. Biblia impressa Dantisci, opera Hæreticorum, lingvâ Vernacula, & Serenissimo Vladislao IV. Regi Poloniae dedicata, severioribus edictis, ne legi usquam, aut vendi possent intra Regnum Poloniae, vetuit. Qui zelus ejus, quàm gratus Summo Pontifici Urbano VIII. fuerit, ex sequenti Brevi Apostolico accipe.

URBANUS Papa VIII. Venerabilis Frater, Salutem & Benedictionem Apostolicam. Quod Fraternitas Tua, Biblia Sacra, in Polonicam linguam ab Hæreticis conversa, & Anno millesimo sexcentesimo trigesimo tertio, in Andreae Hunefeldi officina Gedani impressa, editò vetuit, rem præstitit, sedulo & constanti animarum Pastore dignissimam, & Nostrae ac Bonorum opinioni, quæ jam pridem apud omnes percrebuit, egregiè satisfecit. Gaudemus eam ob rem, pluribus nominibus, inter quæ illud postremum non est: quod cæteri Episcopi, quibus assidua cum Catholicae fidei hostibus est concertatio, tam præclarò Fraternitatis Tuae exemplò excitati atque erecti, quæ muneris sui erunt, fidentiùs ac fortiùs adversus illos obire, non pertimescent. Ita Divina Clementia Tuos, atque eorum conatus, ad felicem exitum perducatur, & hoc promeritum, uberi suorum donorum collatione, remuneretur. Fraternitati Tuae peramanter benedicimus. Datum Romæ apud Sanctam Mariam Majorem, sub annulo Piscatoris, Die vigesima nona Julii, millesimo sexcentesimo trigesimo quarto Anno, Pontificatus Nostri undecimo. Franciscus Herrera. A tergo verò ejusdem Brevis: Venerabili Fratri Joanni Archiepiscopo Gnesnensi.

Tandem idem Joannes Węzyk agitationi causæ Arrianis intentatæ, ob contumeliosè tractatam Imaginem Christi Crucifixi, licet jam morbis familiaribus tenebatur, adfuit, ubi Decretò Procerum, Schola Racoviensis & illius Typographia abolita est, ac blasphemæ in Filium Dei sectæ promulgatio, edicto Comitiorum Regni coercita. Ingravescens præter chiragræ & podagræ doloribus, cum sibi resolutionem imminere cognovisset, ad componendum in æternam quietem animum, cogitationes adjecit, accitisque Societatis JESU Patribus è Raveni Collegio, illorum consiliis & monitis, disponendum se commisit, quorum operâ, Sacramentis omnibus ritè munitus, vitam cum morte commutavit, magna fiduciâ in Deum, in fidei Catholicæ constantia, & in Deiparam cultu & Veneratione, cum insigni adstantium cœdificatione, quorum præcipuos, veniam offensarum petens, deprecatus est, & Supremum vale amicis & Civibus Loviciensibus, qui ex Magistratu aderant, agonem spectantes apertis januis dixit. Sepultus in Ecclesia Collegiata Loviciensi, ubi in Capella, in qua Corpus Ejus requiescit, odor suavissimus sentitur, quem non absque magno animi sui solatio, plurimi

plurimi senserunt, Deumque mirabilem in servis suis, collaudarunt. Ad passionem Christi mire devotus fuisse narratur, ex qua factum ut in antiquis ejus Imaginibus, ante oculos ejus, vel Crucifixi Imago, vel depositio Christi de Cruce ad Sepulchrum versatur, & ardor ejus, ad Christum passum depingitur ac exprimitur. Dicitur ad centum millia florenorum, in pios usus, testamentò destinasse, & multas Ecclesias, argentea suppellectili instruxisse; Princeps & pius & in Deum munificus.

Cum hoc itaque religiosissimo Viro, continuam Societatem duxit Mathias Noster, nam præter hoc, quod ambo oræ Siradiensis essent, unaque in terrâ orti & in pietate educati, verum tum in scholis tum apud Mathiam Pstrokoński, Episcopum pro tunc Premisliensem, tum apud Joannem Tarnovium, protunc Vice Cancellarium Regni, virum sua ætate, paucis Heroibus comparandum; ambo pietate ac virtutibus imbuti; Joannes enim Węzyk, statim Italiâ rediens, opes doctrinæ in exteris nationibus quæsitæ in ornatum Patriæ prompturus, ad Tarnovium se contulit; Mathias pariter apud Eundem Tarnovium, à Pstrokonio recommendatus, obsequiis Ecclesiasticis & Reipublicæ dans operam, morabatur.

Non satis erat Mathiæ Nostro, unius Religiosissimi Viri, conspectu frui, moresque tum vitam gloriose actam imitari, verum & cum altero, similis per omnia pietatis Viro, Jacobo Zadzik, qui postea Episcopus Cracoviensis fuit, Societatem tenuit. Porro quantæ & qualis Sanctitatis, Jacobus Zadzik fuerit, ex eo intellige, quod Ejus Mater gravida, sibi visa fuerit in somnio, peperisse solem, quò somnio significabatur; quod nasciturus infans, splendore sanctitatis ac doctrinæ, Orbem Polonum illustraret; Veritatem exitus comprobavit. Nam in statu Episcopali & Senatorio collocatus, Ecclesiam Sancti Michaelis, in Arce Cracoviensi sitam, non exiguo sumptu restauravit; pro Canonizatione procuranda & Capella adornanda Beati Joannis Cantii, triginta millia florenorum, enumeravit; Capellam pariter Sancti Joannis Baptistæ, penes Cathedrali Cracoviensem, ultimo testamentò, tum postes ad utrasque Valvas, ejusdem Cathedralis, marmore investiri mandavit; organa nova, in Ecclesia Ordinis Nostri Miechoviæ, ex intimo erga Ordinem Nostrium affectu, comparavit, eandem Ecclesiam Nostram, pretioso apparatu ditavit; Pænitentiarium in Cathedra Cracoviensi fundavit, & annuo proventu dotavit; pro Hospitali in Urbe, ad Ecclesiam Polonam Sancti Stanislai, duo millia aureorum Hungaricorum expendit; Ecclesiam in Druzbino, suâ in Patria, à fundamentis erexit, & Clerum penes eandem numerosiorem constituit; Capitulo Cathedralis Chelmenensis, Canonicum Doctorem adjunxit; Presbyteris quotidie celebraturis, in eadem Cathedra, villam donavit; Ecclesiam pariter & Monasterium, sub Titulo Sancti Josephi, Cra-

coviæ fundavit, & ad eandem Deo dicatas Virgines, sub Regula Sancti Francisci, introduxit. Præsul in propaganda fide Catholica, in extirpanda hæresi, Zelosissimus, gymnasia Arrianorum Racoviæ, demoliri; Ecclesiam ibidem Catholicam, plantari, Clero impleri, iisdemque provideri, curavit. Ut autem hæreticorum Antesignani Prædicauti; facilius converterentur ad fidem Catholicam, de suis hæreditariis bonis, centum millia florenorum inscripsit, pro Neoconversis ad fidem Catholicam Prædicautiis, convertenda. Vilnenses Calvinistas, de Civitate proscribi, Regiò decretò curavit; Thorunii, fidem Catholicam ampliavit; in pauperes egenos, ac miserabiles personas, incomparabilis charitatis ac munificentiae fuit. Monasteria mendicantium, Hospitalia pauperum, ditavit & dotavit; in Ordines Regularium, plurimum affectus fuit, & præcipue Ordinem Nostrum summe dilexit eumque etiam tunc, dum jam Episcopus Cracoviensis & Dux Severiæ factus fuisset, suum appellare non dedignabatur. Famem subditorum, distributis inter eosdem, plus quam viginti millibus, varii generis frumentorum coretis, sublevavit, & insuper moriens, iisdem omnia debita donavit. In Academia Cracoviensi, in triginta egentiores studiosos, scientiis & pietate educandos foundationem auxit. Pauperum Nobilium Filiis, ob profectum in scientiis & polituram ingenii, ad exterarum nationes, sumptum prompta suppeditabat manu. Justitiæ fuerat Amantissimus Præsul, quare nec aurò corruptus, nec respectu flexibilis, ipse per se cognoscebat causas: à quibus cognoscendis, nec morbi vi, nec negotiis urgentissimis, se avelli patiebatur. In morbo & in adversis casibus patientissimus; inimicorum suorum amantissimus; in Ecclesias & egentiores Clerum pro quibus ultimo testamento, plusquam centum millia florenorum, pro monte autem pietatis, centum quinquaginta millia legaverat, Præsul munificentissimus.

Cum hoc pariter Præsule religiosissimo Jacobo Zadzik, à juventute statim, Mathias Noster Sanctam familiaritatem contraxit, cum illo à juventute crevit, cum illo in scholis, cum illo in uno contubernio, cum illo sub disciplina Pstrokonii adolevit, cum illo meritis ac dignitatibus in Ecclesia & Patria maturuit; Mathias Jacobi Zadzik, in vita Comes, in morte testamenti & ultimæ voluntatis Executor, post mortem civis in Patria.

Postquam verò juveniles Mathias Noster peregisset annos, ad Laurentium Gembicki, eximiae pietatis virum, se contulit, ut ubi ulteriorem suam ætatem, in majori perfectione excoleret, & ad majora pro Deo & Ecclesia facinora, exemplò ejus inflammaret; & inflammari debuerat ab eo: cum tam dentes, Laurentius Gembicki, Sanctitatis spargeret radios, ut visione Beatissimæ Virginis Mariæ, in summa pro Patria anxietate existens, donatus esset. Cum enim Annò
 Domini

Domini, millesimo sexcentesimo vigesimo, Stanislaus Zolkievius Exercituum Generalis Dux, militari gloria celeberrimus, in Moldavia ad flumen Cecora, castra metatus, infelici eventu, cum Turcis Tartarisque dimicaret, ubi vitam simul & Exercitum amisit, induit tunc luctum universa Polonia; Victoriâ verò elatus Olmannus, Turcarum Imperator, cum Tartarorum Duce, maximas conjunxit copias, annò sequenti, & extremam perniciem, meditabatur Poloniæ. Præmisit in Moldaviam, cum stipendiario milite, Vladislaum Filium, Sigismundus Rex, ipse cum universò Nobilitatis robore, ad tuendos fines subsequens, Vladislaus itaque Princeps, ad Chocimum Turcicæ ditionis, castra metatus, exiguam manum, innumerabilibus copiis, ex Asia, Europa, Syria collectis, fortiter opposuit, hostem sæpius aggrediendo, felici successu. Interim Laurentius Gembicki, Vicerex & Gubernator, Archiepiscopus protunc Gnesnensis, commendatam à Rege Patriæ sollicitudinem, gerit anxius, & ad omnem è castris volantem famam intentus, supplicationes per universam Poloniam indicit, quas Sacerdotes cum populo, tantò ferventiùs cum profusione lachrymarum obierant, quantò ferventiùs increbrescebat, Turcam etiam ex remotissimis Arabiæ & Ægypti Regnis, trecenta millia Exercitus in excidium Nationis Polonæ adduxisse. Non semel uberes lachrymas exci-vère Nuntii, pio Archipræsuli, parvam nostrorum manum, posse facile à tanta multitudine opprimi cogitanti, & ad Matrem misericordice, Virginem Deiparam, ut afflictis rebus Polonorum succurreret, preces ingeminanti. Dum itaque confectus mœrore, futura Patriæ busta deploraret, accidit ut die quada n, ab angoribus abductum animum, ad ferventer implorandam opem, Virginis Mariæ converteret, & post conjunctas lachrymis preces, in Sacello Squiernievicensi, nocte intempesta, à suo cubiculo, quieti se daturus prospiceret, ecce insperatè videt Virginem Deiparam, lunæ decrefcentis cornibus insistentem, & se compellantem his verbis audit: *Bono sis animo Laurenti, curæ mihi est, devota nomini meo Polonia, Filius meus, ea quæ metuis, amoliturus est à vobis mala, ne tuo eveniant sæculò.* Hoc vîsum intimis, amicis communicavit, & Imaginem sibi Deiparæ repræsentatæ, quantocyus depingi fecit, quam in Sacello Palatii Squiernievicensis collocavit. Exinde Gembicius, lætiores præstolabatur eventum belli, & non frustra; nam non multò post diversum à priore Nuntium audit, Turcam ad conditiones pacis, non iniquas Nostris descendisse, atque campo Exercitum submovisse. Proæter hanc Divinæ Matris apparitionem, aliis signis Sanctitatem Laurentii monstravit Deus, dum eundem Spiritu Prophetiæ ornavit; consecraturus enim in Episcopum, Joannem Wężyk, eidem Archiepiscopatum Gnesnensem prædixit, tertium post se Archiepiscopum nominavit, & re ipsa probavit. Nam post Lau-

rentium Gembicki, successit Henricus Firley, post Henricum Firley Joannes Wężyk, Archiepiscopatum gloriosissime gubernavit.

Ad hunc itaque Virum pientissimum, visione Sanctissimæ Deiparæ, tum Spiritu Prophetice Celeberrimum, dum esset Vladislaviensis, Episcopus, se contulit Mathias Noster, unâ cum Fratre suo Stanislao, Jacobo Zadzik supra à me laudato, memor admonitionis sibi datæ à Pstrokonio, Episcopo protunc Premisliensi, suo Avunculo, qui inter alias salutare, de Mathia Nostro & Stanislao Fratribus dispositiones, illos monuit his verbis: *Me vitâ functo, vobis sub tutelæ præsidio, Laurentii Gembicki, vivendum erit.* Quos Vir religiosissimus, in familiaritatem adscivit, ubi Mathias, unâ cum eximie virtutis Sodalibus, ejus consuetudine fruebatur, ejus colloquio, exemplo, virtute, Divinæ dilectionis calore, inardescibat.

Præter hos supra recensitos Venerabiles Viros, floruit illa ætate, in Urbe Regni Metropoli Cracoviæ, Thomas Oborski, Episcopus Laodicensis, Suffraganeus Cracoviensis, qui præter excellentem erga Christum & Deiparam pietatem, effusam erga pauperes munificentiam, eorundemque etiam in humilibus casis visitationem, sui ipsius abjectionem, honorum & dignitatum contemptum, admirabilem in adversis patientiam, hæresum extirpationem, injuriarum defensionem, corporis sui cilicio, displicinis, urticis, aliisque exquisitissimis artibus, martyrium & mortificationem, ad loca sacra continuam, ad Urbem verò Romam, duabus vicibus, longam & pedestre factam peregrinationem, in nudo scamno aut in terra, totis noctibus quietem, in ordinando Clero, consecratione Ecclesiarum & Altarium, Diœcesis cum magno fructu animarum visitatione, Sacramentorum administratione, etiam in senecta ætate, continuum & indefessum laborem, zelum Apostolicum salutis animarum, corporum etiam peste infectorum sepulturam, præter hæc inquam tanta & talia virtutum exercitia, hic Vir religiosissimus Thomas Oborski, etiam opinione Sanctitatis, in vita & post mortem clarissimus, miraculorum gloriâ celeberrimus, aliquot mortuorum suscitator mirificus, apparitione Virginis Deiparæ, donis extraordinariis divinis, gratia curationum, sublevatione in aerem corporis sui, tempore orationis gloriosissimus fuit. O Bone DEUS, quanti hoc sæculo fuerunt Sancti in Polonia? o sæculum! ubi te nunc quæram? o tempora aurò cedròque, in æternitate notanda! ubi vos nunc inveniam?

Dum autem prædictos radios Sanctitatis suæ, Cracoviæ & in tota Diœcesi Cracoviensi, prædictus vir Sanctissimus spargeret, manebat tunc Miechoviæ, in sede Ordinis sui, quatuor miliaribus à Cracovia distante, Mathias Noster. Igitur sæpe Thomam adibat, sæpe illum visitabat Cracoviæ, frequenter Ipsius

vultu

vultu, colloquio, familiaritate fruebatur. Vicissim Thomas, qui summus Amator Ordinis Nostri erat, libenter properabat Miechoviam, ibidem tum pro actu Professionis Mathiæ, tum pro festis solennioribus Ordinis invitatus, sæpè apud Mathiam hospes & Civis. Ille, Mathiam Miechoviæ, in Præpositum Ordinis Nostri Generalem, more Abbatum benedixit; Ille, in Episcopum consecravit; Vicissim Mathias, laborum Thomæ in Diœcesi Cracoviensi Adjutor, curarum socius, operis ac sollicitudinis Episcopalis, minister. Laboravit in Diœcesi Cracoviensi Thomas, ordinando Clerum, consecrando Ecclesias & Altaria, ferebat opem in hac ipsa Diœcesi, Thomæ, dum esset Præpositus Generalis, & simul Episcopus Chelmenfis Mathias, acceptâ licentiâ apud Martinum Szylzkowski, Episcopum Cracoviensem, ex sua in Deum pietate, & communi Ecclesiarum Diœcesis Cracoviensis utilitate, munia Episcopalia exercebat, & partem operis ac sollicitudinis Thomæ, exquebatur.

Florebant tunc, dum Noster Mathias, Ordinem Canonicorum Sancti Sepulchri regeret, in eodem Ordine, plurimi Viri, insigni pietate & morum Sanctimonia eximii, quis enim sub religiosissimo Duce, non pius, non Sanctus esset? Nempe Tiburtius Jaskiowski, ex familia, quæ Radvanorum stemmate utitur, ortus. Samuel Nakielki & alii. Quorum primus, cum in Præpositum Conventus Prevorscensis, post mortem Sigismundi Winiarski, piæ vitæ meritis, optimi, consummatissimique Sacerdotis, suffectus esset, ibidem, miros progressus in Spiritualibus faciebat, & præcipuam in Ministeriis & officiis Divinis obeundis, Sacramentisque administrandis, sedulitatem adhibebat. Hæc Tiburtii pietas & animarum Zelus, ita grata fuit Joanni Kostka de Stangemberk, Palatino Sandomiriensi, Terrarum Prussiæ Thesaurario, & Sophiæ de Sprowa, Bonorum Jaroslaw, Zynkow, Szatanow, Kańczuga, Sendziszow, Przeworsko ac aliorum ad id pertinentium, Dominis & Hæredibus, ut Ordini Nostro summè addicti essent, & Ecclesiam Parochialem in villa Gniewczyzna, non longè à civitate Prevorscensi distante, Ordinis Nostri curæ, subjecissent. Ad quam cum munere Parochi, de Ordine Nostro Canonici, idem ipse Tiburtius, Præpositus Prevorscensis, habita super hoc commissione à Loci Ordinario, instituit, & in possessionem realem introduxit. Neque soli Ecclesiæ & Conventui Prevorscensi, Tiburtius Noster prodesse voluit, verum totius Ordinis integritatem, & amplitudinem promovit, dum Simonem Lugowski, Præpositum Miechoviensem rogavit, monuit & sollicitavit, habita ad id ex Capitulo Miechoviensi facultate, etiam ad illos Superiores, ad quos fuit de jure eundem deferendi, quatenus ex parte fabricæ, Ecclesiæ & Conventus Miechoviensis, intra spatium unius anni, satisfaceret, & Ecclesiam Miechoviensem, Matricem Ordinis Nostri, simulque Conventum

protunc reparatione indigentem, sublevaret. Quia verò idem ipse Conventus Miechoviensis, ac universus Ordo Noster, illo ipso tempore, in Juribus, ex parte liberæ electionis Præpositorum Generalium, non modicum damnum pateretur, & videns Miechoviensē Capitulum, præcipuum zelum, in tutandis Juribus Nostri Tiburtii, eundem elegit, ad rogandum, monendum & sollicitandum Simonem Ługowski, Præpositum Miechoviensem, ut ille daret omnem operam, pro expedienda confirmatione literarum, liberæ electionis, apud Regiam Majestatem. Tiburtius autem, simul cum Simone Ługowski, ad Comitia tunc Generalia Regni, ad Regiam Majestatem proficiscebatur, liberæ electionis negotium tractaturus.

Postquam verò post Joannem Michnicium, Præpositura & Conventus Sancti Joannis, extra mœnia Civitatis Gnesnensis situs, vacasset, ad eandem Præposituram, Tiburtius noster, quod à teneris annis, quibus Ordinem Nostrum professus, vitæ puritatem & instituta vetera, perpetuò & illibatè coluisset, omnium virtutum claritate, per omnem ætatem, Canonicis Nostris præluxisset, successit. In qua omnibus omnia factus fuit, in vindicandis juribus suæ Ecclesiæ & Conventus, vindex acerrimus; in limitum deductione villarum Conventus & Ecclesiæ, studiosissimus; in promovendo cultu Divino, diligentissimus. Hinc ne tantæ virtutes, absque corona incederent, à Capitulo Miechoviensi, primò Ordinis Custos, ac tandem Provincialis per Majorem Poloniam factus, officium hoc dexterrimè, & juxta innatam sibi prudentiam, Ecclesias Ordinis sui, in Majori Polonia fitas, visitando, Capitula Provinciæ Gnesnam convocando, iisdem præsidendo, & quæ corrigenda erant reformando, administravit, & omnia quæ boni superioris sunt, obivit & adimplevit. Has virtutes & merita à Tiburtio nostro præmissa, magni in Polonia Viri æstimabant. Hanc diligentiam, prudentiam, vitæ integritatem, virtutum tam in se quàm in Canonicis Nostris plantationem, animi in Divinum cultum ardorem, Andreas Cardinalis Bathoreus, Serenissimi Stephani, Poloniarum Regis, ex Fratre Nepos, in pretio habebat, ad Nostrum Tiburtium, tum sæpissimè, etiam ex Urbe literas dando, tum ipsius vultum, consortium, in quibusvis difficilioribus & arduis negotiis, consilium exoptando.

Cùm autem sic in virtute proficeret, meritis maturesceret, annis fenesceret, Deus servi sui petitionem, fatalis idque ingentis incendii tempore, pro sua Ecclesia Gnesnensi factam, dignatus est exaudire, & donò Prophetiæ illustrare; cum enim Annò Domini millesimo sexcentesimo decimo tertio, Die Sabbathi, vigesima quarta Aprilis, Civitas Regalis Gnesnensis tota, cum omnibus ex omni parte suburbiis, Ecclesiis, funesto igne arderet, igne per omnia ædificia grassante, & Ecclesiam Nostram Sancti Joannis, simulque Conventum, unde quaque ingen-

ti flamma circumdante, Tiburtius Jaskłowski, Præpositus dicti Conventus, ob imminens periculum, à Canonicis Nostri, domo decedere iussus, in egressu ipso, ad genua procubuit, gemensquè dixit: *Com-mendo Domine in manus tuas, Ecclesiam hanc cum tota Domo, si tamen justè alios corripis, fac & mecum, juxta beneplacitum voluntatis tuæ, nec enim reliquis melior sum.* Exaudivit Deus petitionem servi sui, & cum tota Civitas Regalis Gnesnensis, cum omnibus undequaque suburbiis, Ecclesiis, etiam ipsa Metropolitana Gnesnensi igne absumpta esset, nostra tantum Ecclesia, Sancti Joannis, illæla ab igne remansit, & tum Tiburtii oratione, ut piè credebatur, liberata fuit, tum Patrocinio Sancti Floriani Martyris, Regni Poloniae & hujus Ecclesiae, ab igne & in aliis necessitatibus principalissimi Patroni, Cujus in festo, erectio hujus Ecclesiae, & ejusdem à pientissimis Fundatoribus, Nostro Ordini & Sanctissimo Sepulchro Christi, ob ardentissimam eorundem Fundatorum, ad idem Sanctissimum Sepulchrum devotionem, incorporatio facta est. Finito autem incendio, crebrò Tiburtius, Canonicis Nostri dicebat, & sibi ipsi Propheta erat. *Mementote Fratres, quia Dominus, faciet nos in brevi, participes hujus Calamitatis, expedit namque hoc nobis.* Post aliquot dies, tristis nuntius affertur, prædium Zdiehovienſe, ad Ecclesiam nostram Sancti Joannis spectans, cum Hollodiis & frugibus triennialibus, cum caulis pecudum & ipsis pecudibus, cum omnibus pene ædificiis, igne corruisse, incendiò è proxima domo, ubi crematum, à quodam transmigrato Incola Gnesnensi conficiebatur, exortò, parumque abfuit, quin tota villa Zdiechowa, ex tam valido incendio conflagraretur. Patientissimè hæc pius Senex tulit, illudque cum Jobo, profunda mente dixit: *Dominus dedit, Dominus abstulit, sicut Domino placuit, ita factum est, sit Nomen Domini benedictum.*

His virtutibus, donis à Deo & gratiis ornatus, cum Præposituram & Conventum Sancti Joannis, Sanctè & piè, annis quadraginta quatuor rexisset, multaque bona in vindicandis juribus, eidem loco fecisset, fundatis in Ecclesia Metropolitana Gnesnensi, cum consensu Præpositi Generalis, pro anima sua anniversariis, imminentem mortem, imperterritus expectabat, quare Sacrosanctò salutis Nostræ Viaticò, & reliquis Ecclesiae Sacramentis, devotissimè susceptis, ut in tota vita, omni modestia mansuetissimus, ita & in mortis pugna, summa cum tranquillitate decessit, religiosissimeque, Deo Spiritum reddidit, & ex hac terrena vita, jam jam centenarius, in illam cœlestem transmigravit, Annò Domini miliesimo sexcentesimo vigesimo octavo. Die vigesima septima Decembris, Divo Joanni Apostolo & Evangelistæ Sacra. De eo in manuscripto antiquo, Ecclesiae Sancti Joannis, in Cathalogo Præpositorum Sancti Joannis, leguntur sequentia: *Vigésimus primus Præpositus, Tiburtius Jaskłowski, Vir nobilis*

de armis Radvan, sed nobilior virtute & pietate. Obiit Annò Domini, millesimo jexcentesimo vigesimo octavo; regiminis sui Annò quadragesimo quarto; cujus ossa dicuntur spirare suavem odorem, jacet ante Altare Beatæ Mariæ Virginis, à parte leva, sub strato viridi, in Ecclesia Sancti Joannis.

Cum hoc ita perfectissimo, & eximiis virtutibus ornato viro, Mathias dum Ordinem Nostrum regeret, familiarissimè vixit, sæpè ad illum Gnesnam literas dando, consilia & sensum, in conscribendis constitutionibus Ordinis, exoptando, eundem pro Congregationibus, Capitulis, Miechoviam convocando, & aliquando ad eum Gnesnam, licèt ultra quadraginta milliaribus à Miechovia distantem, adveniando, ibidemque cum eo circa statum Præposituræ, & Conventûs Sancti Joannis, consultando, ex quo factum, ut ambo pro fide Catholica zelosissimi, Privilegia Oppido, nunc Grzybowo antea Villa Sancti Sepulchri dicto, ad Conventum & Præposituram Sancti Joannis Gnesnensem spectanti, conscribentes, ante alias condiciones, hanc primam, ut nullus Hæreticus, in hac villa Sancti Sepulchri, seu ut nunc Oppidum Grzybowo dicitur, ullam aliquando mansionem, & quod magis Incolatum habeat, exararunt, prohibuerunt & cum hac conditione primaria, ambo privilegium Oppidanis subscripserunt.

Alter paris virtutis & instituti Vir, Ordinis Nostri Canonicus, conversatione Mathiæ Nostri clarissimus, erat Samuel Nakielski, qui natale solum, Oppidum Lelow, in Palatinatu Cracoviensi, & Parentes Catholicos, pios, Nobiles de armis Sreniawa habuit. Cujus Parentes, & si Incolatum suum transtulissent ad hoc municipium, ita tamen commendabiles, generositate morum ac vitæ probitate erant, ut nihil ignobile, vulgare ac plebejum, moribus affixerint, nihil de statu nobilitatis, hac sua commigratione, derogatum sibi fuisse, palam omnibus ostenderint; Verùm quemadmodum videmus, quòd ludat in humanis, Divina Potentia rebus, cujus est Supremum Imperium, Ille transfert Principatus & Regna, fortunas & Honores, de una, in aliam Domum, Reges detrudit in ergastula, servos evehit ad Regna; idem accidit Samuelis Nostri Parentibus, à Domino factum est illud. Nec tamen paupertas, obfuscavit illorum Nobilitatem, nec Nobilitas, abominabilem reddidit ipsis paupertatem. Verùm æquò animò, tolerabant fortunæ vicissitudinem, conformantes se, tum Capiti suo pauperrimo Christo, qui cum esset dives, ex Regia Davidica Domo, voluntariè voluit fieri pauper, tum proximo in charitate, de laboribus manuum suarum, tribuendo Eleemosynam. Ex his itaque Parentibus, natus est Noster Samuel, Annò Domini, millesimo quingentesimo octogesimo sexto, infra octavas Corporis Christi, ac ibidem sacro fonte lavatus. A teneris Annis, enituit in
illo

Illo ardor devotionis, erga hoc Divinissimum Eucharistiæ Sacramentum, in profundissima adoratione, in frequentissimo usu, in enarrandis ejus magnaliis, in describendis Summorum Pontificum indultis, ut scripta ejus restantur, quibus frequentissimè legentes accendit ad devotionem, ad cultum, ad usum Ejusdem Sanctissimi Sacramenti.

Prima rudimenta Nostri Samuelis, pietatis ac doctrinæ, fuere Domi, illam cum Matris lacte suxisse, hanc cum natura, ab Inclinatione & sanguine Patris, hausisse jure videtur, nam Pater ipsius, excultus Literis ingenuis, & Mater, devotione erga Beatissimam, præstantissima fuisse traduntur. Post hæc domestica à Patre tradita literarum Tyrocinia, altiora deposuit in schola Leloviensi, ac tandem Annò millesimo quingentesimo nonagesimo nono, à piissimis parentibus, ablegatus fuit Cracoviam, studiorum causâ, Urbem literarum, ac Literatorum Altricem. Traditus fuit curæ & fidei, Præceptoris sui, doctissimi Viri, Joannis Klobucki, Collegæ minoris, Eloquentiæ Professoris, quo Magistro, gravioris literaturæ fundamenta gecit. Quidquid acquisiverit profectus in scientiis, quidquid culturæ ingenii, id totum, soli ipsi post Deum debere Magistro, in scriptis suis fatetur. Cujus etiam dulcem memoriam ponit in iisdem, vovendo eidem: ut non sua solum tenui commemoratione, sed eloquentissimorum Virorum monumentis, uti dignus, ad immortalem memoriam, transmitteretur. Primam lauream Philosophiæ, promeruit sub Martino Plocensi, Decano Aristotelicæ facultatis, Annò Domini, millesimo sexcentesimo secundo, pro quartuali Sanctæ Crucis, Examinatoribus Joanne Godecio & Joanne Klobucensi. Clarissimorum Virorum & doctissimorum floruit consuetudinè & usu, nempe Jacobi Vite-
lli, Martini Vadovii, Petri Gorczynii, Jacobi Naymann, cæterorumque Virorum Illustrium, quorum etsi per Dei gratiam semper, tunc temporis Academia Cracoviensis, cultissimorum ingeniorum fuit feracissima, illorum operâ ac magisteriò, prout fuerat capacissimi & per omnia prompti ingenii, in Theologia ac Jurisprudencia profecit.

Par cum doctrinâ fuit pietas in Samuele, nihil vile, nihil leve, in moribus, à teneris annis ostendit, nam & in specie ejus, semper apparebat majestuosum & magnanimum aliquid, & in ætate adhuc juvenili, quæ proclives facit ad vitia, duarum virtutum præsidio, sobrietatis & temperantiæ, corruptelam adolescentiæ evitavit, & lubricæ vitæ scopulos elusit. Vitavit etiam societatem perditorum hominum, & proborum ac piorum exempla secutus, quæ laude digna in aliis notavit, in se ipso exprimere assidue studuit. Assiduus fuit in visitatione locorum sacrorum, præcipuè Beatissimæ Virginis Mariæ in arenis Cracoviæ, quam mirifice coluit, erga quam incredibilem devotionem habuit, Illius opem quotidie implorando, Illius patrocinio

se commendando, quo à periculis variis, (ut piè ille ipse, in suis scriptis asserit,) meruit liberari. Nosocomia pauperum libentissimè adiit, & ibidem pauperes, pro modulo facultatum suarum, blandè consolari, verbò & exemplò charitatis solitus fuit. His igitur instructus virtutibus, doctrinà, & laureis etiam Magisterii Philosophiæ ac Baccalaurei Theologiæ, in Universitate Cracoviensi exornatus, terrenarum rerum vanitatem despicere, ac æterna cogitare cepit. In sæculo laudabiliter vità transactà, cum plausu & recommentatione dignorum Virorum, probatæ etiam virtutis suæ, testimoniò sufficientissimo monstrato, Ordo Noster Miechoviæ, adolescentem ad Sacrum statum aspirantem, ipso die Exaltationis Sanctæ Crucis, Annò Domini, millesimo sexcentesimo undecimo, excepit; eo die ipso, quo Reverendissimus Simón Thurski, Præpositus Noster Generalis Professus, animam agebat extremam. Bono omine utique, qui erat purpuream nostram Crucem, exornaturus, facturus & dicturus ea, quæ fecit & dixit Apostolus: *Adimpleo ea, quæ desunt passioni Christi in membris meis*, ac in se vivam animam, Insignis Viri illius, cum rectefactis expressurus, nempe Smonis Thurski, quod brevè facto ipso probavit. Nam successor ipsius, in Præposituram Conventûs Cracoviensis, Sanctæ Hedvigis, datus, æquali studio, exornavit Ecclesiam, planè ad æmulationem, Sacra supellectili Ecclesiastica, vindicatione Jurium, restauratione ædificiorum, laboribus, meritis, vigilia par, nisi honoribus ipsum excessisset & titulis. Nam Custos Thesauri Regni, Præpositus Generalis & Infulatus Miechoviensis ille, quamquam & hic summa moderatione animi, contemptu honorum, & sui ipsius, excessit omnes titulos, & maximis ipsis titulis eminuit major. Virtutis, doctrinæ, pari suffragio fultus, dignus visus est honoribus etiam maximis. Post funus igitur curatum, Reverendissimi Simonis Thurski, ad annualem probationem, per Custodem Conventûs, tunc temporis Stanislaum Zaleski, susceptus est. Adscriptus Cameræ Novitiorum, ex nunc veteranis prævit, contemplatione cælestium, perfectione virtutum, ac exacta impletione officiorum. Nam cum secundùm ordinem, munus septimanæ illi obtigisset, ultimus ivit dormitum, primus surrexit, nec debuit excitari ut excitaret alios, paucissimo enim somnò, idque vigilantissimo utebatur, quod est magnum cogitantium mentium, & sapientum virorum, naturæ Privilegium. Et quamvis primus, etiam extra ordinem septimanæ, ad chorum ivit, in oratione tamen perseverantissimus & ultimus, intentà & elevatissima mente, semper ferebatur in Deum. Non abripiebatur à Divinis, vano & inutili cogitatu, impatientiâ, tædiò, non distrahebatur somnò, pulvinaribus, obvio sæpè usus scamnò vel saxò, ad somnum capiendum. Hæc Samuel Novitius, similia cum aliis officia, sed dissimilem rationem officiorum gessit. In

curri-

Curritorio, non gestus illi fractior, non gressus dissolutior erat, nec sæcularisabat, agitatione manuum, aut motu Capitis, aut oculorum, nunc hanc, nunc in illam partem, aut Corporis totius fractione & rotatione. Incessu lentus, modestus, rectus corpore & oculis, arguebatur compositæ mentis, in id unum intendens, quod totum erat Spirituale, nihil de sæculo habens admixtum.

Postquam verò Annus Domini, millesimus sexcentessimus duodecimus venisset, & noster Nakielscius, annum probationis, ex præscripto sacrorum Canonum exegisset; Professionem in manibus Stanislai Zaleski, Viri præstantis animi, rebusque agendis maximè idonei; protunc Custodis Miechoviensis, in festo Immaculatæ Conceptionis, Dei Genitricis Mariæ, singularis suæ Patronæ fecit. Postea cum esset doctrinis benè instructus, ad Conventum Nostrium Gnesnensem; cum obedientia missus, ibidem sub illo magno, & eximia pietate ac Sanctitate Illustri Virò, Tiburtio Jaskłowski, loci Præposito, Sacris Ordinibus, usque ad Presbyteratûs gradum initiatus, ac tandem in Conventum Miechoviensem, ad ferias Divi Joannis Baptistæ, Annò Domini, millesimo sexcentesimo decimo tertio, remissus fuit. Neque hic latere potuit, tanti Viri, conjuncta pietati eruditio; verum ut supra candelabrum luceat, ad Conventum Przeworsensem in Russiam, cum munere Concionatoris ablegatus, mirum in modum ibidem, in populo vitia extirpabat, corda ad amorem divinum accendebat, reliquos in bonis operibus, exemplò & verbis confirmabat. Ne verò in uno loco, virtus Samuelis Nostri eximia, clauderetur, altiori non tam honore, quam onere cūmulatus, & ad regimen Custodiæ Miechoviensis admotus, ac successivè, Provinciæ, Visitator aliquoties Ecclesiarum sui Ordinis, tum Administrator Præposituræ Generalis, vacante illa factus, ubivis laudabiliter, strenuè, ac cum magno Ordinis sui profectu, officium suum implevit.

Cum officium Custodiæ Miechoviensis gereret, Annò Domini, millesimo sexcentesimo decimo sexto, Albertus Kofzkowski, Vir moribus & annis maturus, in Præpositura Sanctæ Hedvigis Cracoviæ, in fata concessit, in ejus locum, Noster Samuel, tunc Custos Conventus Miechoviensis, communibus suffragiis, Nostrium Canonicorum, exeunte Anno Domini, millesimo sexcentesimo decimo sexto, suffectus, ejusdem Præposituræ jura, acerrimè multis in subselliis vindicavit; in unum volumen magnum, omnia ejus loci privilegia, inscriptiones, transactiones, magno labore collegit; Ecclesiam sacris vestibulis, picturis, altaribus condecoravit, eadem altaria consecrari curavit, Conventum ipsum multis in locis, sumptui & expensis non parcendo, reformavit ac restauravit. Interim Annus Domini, millesimus sexcentessimus vigesimus quintus venit, quo sacrum Jubilæum celebrabatur Romæ, ad quod fructuosè consequendum, Noster Samuel, iter Romanum jam pridem ex voto

destinatum, cum Dei auxilio suscepit. Superatis itaque viæ difficultatibus, sub finem anni ejusdem, Urbem desideratam salutavit. Jam tunc ad finem, annus Jubilæi propendebat, cum Samuel ex immensa misericordia Dei, deque Thesauro Ecclesiæ, plenariâ omnium peccatorum suorum veniâ perceptâ, tantisper Romæ immorari decreverat, donec porta Sancta clauderetur. Ceremoniis proinde, quæ circa conclusionem Anni Sancti, in Urbe solenni cum pompa peragi solent, jucundè admodum, non absque interno animi sui solatio conspectis, locisque sacris, hinc inde per Urbem celebrioribus, devotè lustratis, ac pia devotione cultis, in Patriam remeare decrevit.

Naëtis proinde viæ Comitibus, ad diem vigesimam Januarii, Anni Domini, millesimi sexcentissimi vigesimi sexti, Urbi valedixit, & ob summam devotionem, qua erga Virginem Beatissimam ferebatur, pedestri itinere Loretum, inclytum toto Christianorum orbe locum, & per tot sæcula miraculis celeberrimum, quem & ego, qui hæc scribo indignissimus, cum peregrinatus fuisssem, in negotiis Ordinis mei Romam, gratiam visitandi, & in Sancta Domo, Missæ Sacrificium celebrandi, in Anno Domini, millesimo septingentesimo quadragésimo secundo, habui, accessit, ubi peracta solennitate festi Purificationis, Beatæ Mariæ Virginis, & ibidem persolutis votis, Sanctissimæ Dei Genitrici Mariæ, pro immensis ab ea receptis beneficiis, recto passui in Poloniam, in medio mensis Aprilis, pervenit. Nequè frustratus fuit, ope & beneficiis Mariæ, Samuel Noster, nam cum Annò millesimo sexcentesimo vigesimo quarto, atrox pestilentia, in Oppido Miechoviensi grassaretur, ac ipsam etiam Canonicam, ac Canonicos Nostros pervasisset, eo tempore Samuel Noster, hospes in Canonicam venit, neque enim quidquam, de illo periculo pertimescebat, nisi res evidenter patuisset. Dum igitur celeriter, Cracoviam reverti properat, quidam Noster Canonicus, pestis contagione (licet hoc ipse verbis tegebat, infectus, rhedam ascendens, lateri Samuelis affedit, & sic languidum, non absq; evidenti vitæ suæ periculo, Cracoviam reduxit, qui scabiosis ulceribus, toto corpore dimanans, tertia die, quæ fuit decima Augusti, præmissa Sacramentali Confessione coram Samuele, protinus cessit è vita. Cum fæda igitur hæc, impendentis mortis facies, oculis Samuelis versaretur, omnem spem salutis suæ, in sola Divina clementia, & Patrocinio Beatissimæ Mariæ Virginis, reponit, nec inanis certè spes ejus ista fuit, nam in tanto vitæ suæ discrimine positus, ita sanus & sospes parmanst, ut cuncti, qui ejus periculi conscii erant, ingenti admiratione ac stupore defixi, extiterint. Iterum Annò proximè futuro, ex Russia Cracoviam rediens, grandi casu, ad pagum Pstroszyce, uno milliari à Miechovia distante, in profundam fossam, cum rheda & quadrigis, imprudentia vectoris elusus fuit, iterum patrocinio & ope, Virginis Be-

atissi-

atissimæ; ab evidenti mortis periculo servatus; utrumque hoc; singulare Dei, ejusque Sanctissimæ Matris; omni tempore; supplex agnoscebat & deprædicabat beneficium.

Dum autem Romæ moraretur; à quodam Canonico Nostro Romæ degente; ad assequendum supremum Theologicæ facultatis gradum; adductus; cum Dei adjutorio; disponere se primum cœpit; proinde descendit in arenam; atque iis; quæ ad hunc actum ex vi statutorum pertinent; debite completis; Doctorali tandem Laureâ; in publico Romano Gymnasio; quod vulgus Sapientiam appellat; feriâ quinta; infra octavas Epiphaniarum; à Professoribus Supremæ facultatis Theologicæ; in consessu diversæ nationis; eruditissimorum hominum; insignitus ac decoratus fuit.

Eruditioni ac pietati; non postremam adhuc virtutem adjecit; nempe indefessum laborem; in illustrando & elucidando Sacro Ordine. Quare Officia primò Sanctorum Patronorum; in ordinem redegit; & eadem in Quarto; Cracoviæ typo impressit. Deinde ut ostenderet Orbi; antiquitatem sui Ordinis; præ cæteris ab Apostolis; præcipuè à Sancto Jacobo Apostolo Minore; primo Episcopo Hierosolymitano; promanasse; omni studio incubuit; ut eam suis lucubrationibus; ex ruderibus ipsius oblivionis; quasi erutam; illustraret cumulatiùs; & librum pariter in Quarto; hac in materia; typo impressit. In cujus libri præfatione; Ordinem hunc; Canonicorum Sancti Sepulchri; usque ad finem mundi; vaticinatur peculiari Divina gratia conservari; motivò accepto; ex vaticinio Divini Prophetæ dicentis; quod erit Sepulchrum ejus gloriosum; & omni tempore; & perpetuò clarissimum. Tandem librum sub titulo Miechovia; seu Promptuarium; antiquitatum Monasterii Miechovientis; in tres Classes divisum; ingenti labore; à Samuele Nostro conscriptum; nemo est; qui non laudet; omnia in prima & secunda classe; Præpositorum Miechoviensium; ubi agit de origine Sacri Ordinis; de Fundatoribus; Benefactoribus; præcipuè nobilissimæ Gryphorum Domus; de Privilegiis; atque Prærogativis Ordinis; digna prælo fuisse & esse. Cætera; in tertiâ classe; non eadem parî coronanda judicii laude; non quia; quod non fuerint laudabilia; limati ac maturi judicii; verum laudabiliora fuissent; si aliqua publicam non aspexissent lucem; sed mansissent privata; propter ipsam solummodò; informationem posterorum. Et certè aliquando non expedit; ea; quæ sunt privatim acta in Ordine; ut in publicum prædeant. Sanctiores flamines in abditis; Religiosi; non nisi in occultis cellarum suarum venerabiles; imò Phæbi sunt. Cum enim communi hominum nævo; adurantur etiam sacrata Deo pectora; quia homines sunt; exempla eorum lecta vel audita; frequentius corrumpunt animos; quam corrigunt.

rigunt. Antequam verò talia & tanta, amore sacri Instituti conscriberet, & in lucem ederet, multos libros, illosque præstantissimos coemit, de longinquo advexit, quibûs Bibliothecam Miechoviensem auxit, implevit. Multa præterea legit, multa notavit, ut in Bibliotheca Miechoviensi satis magna, celebri & ampla, multis millibus librorum, tum & manuscriptorum antiquissimorum plena, nullus exstaret liber, quem ille non legerit, quem à principio live ad calcem, manu sua non notaverit.

Cæterum qui intendebat splendorem Sacri Ordinis, promeruit ut similem honorem, & ipse reciperet ab Ordine, dicit sapientia: *Qui elucidant me, vitam æternam habebunt.* Utinam adhuc exurgat propheta Domini, & excitet iterum consopitam, ad similia exempla domestica plebem: *Surge illuminare Hierusalem, quia venit lumen tuum, & gloria ejus in te videbitur.* Ex his autem nobilissimis suis scriptis in lucem editis, tum ex extraordinaria in Deum, & Virginem Beatissimam pietate, facile intelligi potest, quis, qualis, & quantus vir fuerit Noster Samuel? quem magni Viri in vita æstimârunt; quem Henricus Firley, Episcopus Luceoriensis, deinde Plocensis, munificentia, liberalitate ac plurima amoris significatione complectebatur; quem Achatius Grochowski, Episcopus pariter Luceoriensis, arctioribus Charitatis ac Benevolentiae vinculis, constrictum tenuit, resque Ecclesiæ ipsius, peculiari Patrocinio confovit. Quem ad extremum omnes Viri dicti, scientiâ ac fortunis amplissimi, amabant, æstimabant, & aliquid divinum in eo adorabant.

His & aliis plurimis, in Ordine Sacro fractus laboribûs, cum finem vitæ suæ instare prævidisset, resignata prius Præpositurâ Cracoviensi Sanctæ Hedvigis, reliquum dierum suorum, in Conventu Generali Miechoviensi, in sola dispositione animæ suæ, & salutarî præparatione ad mortem peregit. Quare à curis alienus, à strepitu hominum solitarius, quotidie meditabatur mortem, & illam diem supremam, illud momentum à quo pendet æternitas, cum profluvio lachrymarum, timore infernorum, desiderio cælestium, expectabat. Venit tandem Annus, millesimus sexcentus quinquagesimus secundus, vitæ ejus sexagesimus sextus, cujus initio, præter solitum magis debilitari cœpit; hinc omnibus Sacramentis religiosissimè munitus, eadem die qua natus, nempe die sabbathi, quæ erat duodecima Januarii, animam Creatori suo reddidit, & in Capella Sancti Joannis, nunc Sacrarum Reliquiarum, seu Sancti Jacobi Minoris dicta, honorificè tumulatus est.

Huic pariter Religiosissimo Viri, & erga Virginem Beatissimam, devorione celeberrimo, Mathias Noster, dum Sacrum Ordinem gubernaret, familiaris vixit, ei quæque secretiora Ordinis pan-

pandebat, ei de integritate, conservatione, amplitudine Ordinis & quovis ejus decore, intentiones suas aperiebat. Nullus erat locus, in quo Samuel cum Mathia non adesset; nulla via, cujus non esset comes Samuel; nulla litera sive petitoria sive responsoria, quam Mathias Samueli non crederet, non aperiret. Samuel Mathiae in Ordine Nostro instructor, Samuel Mathiae os & Calamus; Ille responsa nomine Mathiae dabat, ille in arduis consulebat; ille difficultates solvebat, ille praecipua & gloriosa facta Ordinis, gubernationem tangentia, nomine Mathiae cum laude peragebat, & eidem referebat.

Cum autem ad Supremum in Regno, Primi Principis & Primatis Regni, Mathias Noster evectus esset gradum, familiares suos, tantos & tales ad latus suum adscivit, qui exemplaritate & integritate vitae, Sanctimonia morum, non modò Aulam ejus ornarent, non modò Sanctè & piè, cum Mathia conversarentur, verùm ne cujusdam aures sive oculos, etiam aliqua levi culpa offenderent. Talia fuerunt Regni, & Curiae Primatialis Mathiae decora, Andreas Trzebicki, Andreas Olszewski & alii; Quorum primus, praeter juveniles annos, in omni virtute & perfectione, in Cancellariatu Archiepiscopatus, apud Mathiam Nostrum transactos, dum Episcopatu Premisliensi, & Abbazia Czervenensi auctus fuisset, mirà in eadem Abbazia, erga Imaginem Virginis Beatissimae ibidem miraculosam, devotione exarsit. Cum enim sibi ampliorem Vladislaviensem Infulam oblatam habuisset, eam unice ob eandem devotionem Virginis Sanctissimae, acceptare noluit, siquidem eandem Abbatiam, ob incompatibilitatem, cum ampliori Episcopatu, resignare debuisset. Propter hanc erga Virginem Beatissimam pietatem, aliis virtutibus enituit, quòd enim Arriani, de Regno Poloniae, per Constitutiones Regni expulsi; quòd milites Poloni, ne Bona Ecclesiarum devastarent, serio inhibiti; nemo plus laboravit quàm Ille. Cathedram Cracoviensem, Episcopus Cracoviensis factus, plurimum conddecoravit, tum turri, quam magnificè elevando in altum, quadraginta millia florenorum expendit; tum fenestris, quas ampliando Ecclesiae lumen dedit; tum urna argentea justae magnitudinis & pretii, quam sacro Corpori & Reliquiis Divinissimi Stanislai Episcopi Cracoviensis & Martyris, comparavit. Seminaria Clericorum, Monasteria Regularium, Hospitalia pauperum providebat, sustentabat, erigebat. Pestilentia grassante Cracoviae, peste infectorum, quorum tunc maxima multitudo erat, Pater, Patronus & medicus; nulli parcebat labori, ut eos consolaretur; nulli sumptui, ut eos saturaret & ad optatam salutem deduceret. In visitanda Dioecesi studiosissimus, in praedicatione verbi Divini zelosissimus, in Ordinatione Cleri, Consecratione Ecclesiarum laboriosissimus, in eri-

Mm12

gen-

gendis & dotandis Ecclesiis, liberalissimus, pro quibus pientissimis causis trecenta millia florenorum, ultimo testamentò, legavit & assignavit.

Hic itaque Præsul, tali virtute & perfectione conspicuus, primitias perfectionis suæ, in Curia Primatiali Mathiæ Nostri accepit, à Mathia enutritus, ad summam perfectionem educatus, ad Celsissimam in Ecclesia dignitatem altus; virtutum ejus imitator, Sanctitatis & omnis perfectionis æmulator, ad extremum ultimæ voluntatis Mathiæ executor fuit, ita ut neque in vita, neque in morte, à pia Mathiæ conversatione avelleretur.

Quantum autem hic præclarissimus Præsul, tantum & alter, pari Nobilitate, Virtute & æstimatione cum priore certans, Andreas Olszowski, Curia Primatialis Mathiæ, post Trzebicium Cancellarius, Mathiæ Nostro præstitit; & qualiter ille, totius vitæ suæ cursum, majori Divinæ consecravat gloriæ, taliter & hic Andreas dico Olszowski, florem ætatis Deo favissimum, quàm dum & maturuit, bonum odorem virtutum, ac ipsius Christi spirabat. Postquam autem Episcopus Culmënsis factus, Ecclesias quæ erant in Prussia, de manibus hæreticorum vindicabat, præcipuè Ecclesiam Sancti Jacobi Thorunii, & Conventum Sanctimonialium; Neoconvertos ab hæresi, paternè & liberaliter providebat; Catholicos ab oppressione Dissidentium defendebat. Ecclesias in Chelmza, in Kiiow, in Starogröd reparavit, novas in Uiazd, in Olszow, ubi sacro fonte ablutus, à fundamentis erexit, in Ecclesia Metropolitana Gnesnensi, marmoreum pavementum stravit, Regularium Ordinibus, plura beneficia præstitit, novas eorundem fundationes auxit, antiquas, multis millibus florenorum enumeratis, reformavit. In pauperes & inopiâ laborantes, liberalissimus Præsul; Leopoli urgente fame, in pauperes, quingentos aureos hungaricales expendit; Lovicii & Squiernieviciis, dum Archiepiscopus Gnesnensis esset, grassante pestilentia, peste infectis, quorum numerus non exiguus erat, omnem sufficientiam providit. In Prussia Missionariis Societatis Jesu, qui pabulo Verbi Divini, & doctrinæ Spiritualis, populum à suis Parochis derelictum nutrent, sumptum de condigno suppeditavit. In Bolemnów, tres Ecclesias, per continuas tres dies, una post aliâ, infatigabilis Pastor consecravat. Præsul pro Deo munificus, pro fide zelosus, in judiciis nullo respectu, nullis donis corruptus, in laboribus nunquam defatigatus. De illo Kochowski, Clima: lii. *Tam candore inter Præsules, & integritate vitæ præcellens, quàm in ministerio aulæ prudentiæ, & in Patriam affectu, jure merito lilium inter spinas nominandus.*

Cum hoc pariter religiosissimo Virò, dum negotiis Ecclesiasticis, & politicis obeundis, operam in Curia Mathiæ Nostri præstabat,

stabat, & summa cum laude, gravi ætate confecti Primatis, adollescens curas sustinebat, idem Mathias dulce consortium ducebat, ipsum tantopere amando, ut laudibus eum offerendo & benedicendo, sæpius illachrymaretur, sibi in senili ætate, Divinâ Providentiâ tantum fulcrum, contigisse prædicaret. Et hos quidem tum & alios, pietate & Sanctitate præstantes viros, tanti Mathias Noster fecit, ut se tacita mentis cogitatione, summè beatum fore judicaret, si vel minimam partem, illorum virtutis & pietatis consequi posset, in consortium æternæ beatitudinis admitti, cum Beatis tam multis, iisdemque præstantissimis agere, loqui cum Apostolis, cum Prophetis conversari, cum Martyribus cæterisque electis communicationem habere; ad extremum consortiò & præsentia illius frui, quem laudant stellæ matutinæ, ejus pulchritudinem, sol & luna mirantur, antè ejus conspectum & Majestatem, Angeli, omnesque illi superni Spiritus, genua flectunt, & in quo omnia bona, reperiuntur & continentur.

CAPUT VIGESIMUM SEXTUM.

De reliquis Variis Virtutibus Mathiæ.

QUOD olim Apostolus præceperat, & Pontificis perfectiones describerat: *talis nobis decet ut sit Pontifex, Sanctus, innocens, segregatus à peccatoribus, & excelsior cælis factus*; hoc Noster Mathias, non solum dum esset Pontifex & in statu perfecto existeret, verum etiam tunc, dum ad perfectionem tenderet, eandemque curaret, exactè impleverat; cum Sanctitatem tantam curaverat, quantam exigit Pontificalis dignitas; & quo eminentior Pontificali dignitate apparebat, eo altius ad supremum virtutis fastigium, ascendebar. Hanc Sanctitatem & præcelsam religionem suam, eximiis virtutibus ornare, cælis ipsis celsiorem reddere, & eandem præclarissimarum virtutum operibus, perficere satagebat.

Sicut autem virtutes Theologicæ, sunt, altiores, principaliore & æstimabiliore cæteris, ita ArchiPræsul Mathias, in his se primariò exercuit. Cum autem tres sint virtutes Theologicæ, attestante Apostolo: *Nunc autem manet fides, spes, & charitas, tria hæc*. Hanc Divinam virtutum Triadem, ab ineunte ætate, ita amplexus Mathias Noster, ut in tota vita, in iisdem virtutibus antecelleret, & tanquam sol, reliqua sidera splendore excederet. Credidit firmissimè vir Sanctus, quòd sine fide impossibile sit placere Deo, igitur in fide, ita constans fuit, ut populum sibi concreditum, in fidei Articulis, diligenter erudiret, illam ipsam contra hæreticos,

ardenter defenderet, actibus heroicissimis, videlicet voluntate & desiderio moriendi pro illa, condecoraret, sanguinemque suum pro fide Catholica effundere profiteretur, & hoc suum desiderium & voluntatem, calamô & atramentô, cum non daretur sanguinis fundendi occasio, in testamento à se condito, exararet & exprimeret his verbis: *uti alumnus Sacrae Romanae orthodoxae Ecclesiae, Sanctae fidei, cuius lumine nullis meis meritis, sed sola bonitate & misericordia Dei, sum illustratus, professionem facio, & quemadmodum pro ea mori semper paratus fui, ita me mori velle, etiam atque etiam protestor.*

Post fidem, nihil charius habuit Mathias, quàm sperare in Deum, qui solus est spes nostra, qui solus est, summum illud bonum quod speramus, innixus promissioni Christi, in Evangelio positæ: *Ego dispono vobis, sicut disposuit mihi Pater meus regnum, ut edatis & bibatis, super mensam meam, in regno meo; idè sæpè sibi Apostolicum illud, repetebat effatum: Scio cui credidi, & certus sum, quia potens est depositum meum, servare in illum diem justus Iudex; Sæpè cum Psalte Regio, loquebatur ad Deum: quoniam tu es Domine, spes mea; sæpissimè hoc sine actum doloris, & detestationis peccatorum, cum profluvio lachrymarum eliciebat, sperans in misericordia Divina, quòd illa ipsi remitteret. Illius sunt verba, actum doloris exprimentia, in testamento expressa: Doleo ex corde, quòd infinitam bonitatem, sæpius in vita offendi, gravissimis peccatis meis, quæ ex animo detestor, & confidens, in infinita Dei misericordia, quòd ea mihi remitteret.*

Cùm autem fides, spes, aliæque virtutes omnes, teste Apostolo, sine charitate & amore Divino, nihil prosint, tum quòd Dei infinita bonitas, creatæ voluntatis, adæquatum objectum sit, ipsa est omnis plenitudo dulcedinis, ipsa omnium bonorum aggregatum; igitur in Mathia Nostro, oriebatur innata illa propensio videndi Deum, innata inclinatio ipsum amandi; consequenter voluntatem suam, à tanti objecti amore non retrahebat, sed diligebat Deum, quantum potuit, ardebat amore Divino, quantum debuit. Excitabat se ad divinum amorem Mathias, ex quotidiana lectione, & nulla die intermissa, Spiritualis libri: *Deus meus ad hoc creasti me, ut amem te, da mihi ut possim facere, ad quod creasti me: nimis audax sum ego Creatura tam abjecta, quæ petam amorem tam sublimem, vel lempetere aliud humilior, quod meæ vilitati par esset. Sed quid faciam? quando tu jubes ut amem te, quando minaris, si non amem te? quando mortuus es in Cruce, ut amem te? Jubes ut nihil magis petam à te, quàm ut amem te, & quidem usque eo desiderasti, ut amarem te, ut cum me videres frigidius amare, institueris Sacramenta miræ virtutis, ut cor meum transformares, in amorem tui. Deus meus, quid sum ego apud te, ut imperes mihi ut amem te? quid inquam sum ego apud te? nisi calamitas, tormenta, Crux!*

Et quid tu mihi es? nisi salus, requies & omne bonum. Quid si tu me talem amas, quomodo ego te, talem erga me non amabo? Indignus sum qui amem te Domine! sed tu dignus es qui ameris à me. Deus meus amor, ex quo omnes amores fluunt, cur non absumor hoc igne amoris tui? Deus meus Pulchritudo, à qua omnis Pulchritudo, quare non amo te? si non amo te, propter hoc quod es in te? cur saltem non amo te, propter hoc quod es in me? Ergo Deus meus amabo te, tibi tradam totum cor meum, semper ardebo cælesti tuo igne, ô Deus amor! Talibus erga Deum, ferebatur Mathias Noster amoris affectibus, quos ex libro Spirituali, ab illo qualibet die, manibus trito & lecto excerptos, publici juris feci, ut frigida voluntas humana habeat, quo ad amorem divinum accenderetur, & Mathiam Nostrum, in Deo amando imitaretur.

Post virtutes Theologicas, virtutes religiosæ, seu vota, sunt ætus religionis, seu virtutis, inter omnes morales virtutes nobilissimæ, & Religiosi inter omnes Dei servos, sunt pars nobilissima, utpotè ad perfectionem vitæ sanctæ, semper contendentes, juxta illud monitum Christi: *Estote perfecti, sicut & Pater Vester cælestis, perfectus est*; & illud: *siquis vult venire post me, abneget semetipsum*; Idèò Mathias Noster, relicto sæculò, se totum Divino servitio, in Ordine Canonicorum Sancti Sepulchri, mancipavit, & ad perpetuam paupertatem, castitatem & obedientiam, in eadem Religione sese obligavit. Ad istam trium votorum emissionem, inductus motivis sequentibus: Primum: quòd his tribus vôtis, removeantur omnia impedimenta, perveniendi ad vitæ Christianæ perfectionem; quòd Viri Religiosi, Ducem suum & Imperatorem Christum, habeant & imitentur; quid enim pauperius, castius, obedientius Christo? Secundum: quòd Paupertas Evangelica, (per quam Vir religiosus, divitias omnes, ipsosque auri montes, quasi stercorea, propter Dei amorem & spem vitæ æternæ, abominatur,) omnibus aliis virtutibus emineat, sitque tanta virtus, cui Christus, inter octo Beatitudines, principem locum dedit, eidemque summum præmium decrevit, juxta illud: *Beati pauperes Spiritu, quoniam ipsorum est regnum cælorum*. Tertium motivum: Excellentia paupertatis, elevata & recommendata ab exemplo Filii Dei, qui cum dives esset, factus est pro nobis ita pauper, ut dixerit: *vulpes foveas habent, & volucres cæli nidos, Filius autem hominis non habet, ubi caput reclinat*. Et licèt in manu habuerit, omnes fines terræ, cæterum elegit aliorum eleemosynis vivere, pauperes Matrem, Patrem putatitium & discipulos habere, in paupertate demum & nuditate, vitam claudere. Quartum motivum: quòd hunc statum, ipsa Divina Sapiencia elegerit, & nisi hunc dignum cognovisset, eum non elegisset. His omnibus spectatis Mathias Noster, per suam professionem in Ordine Canonicorum Sancti Sepulchri, opus heroicis-

simum adimplevit, omnibus se facultatibus exuit, & in eo gradu stetit, ut nihil proprii habere potuerit, & nudus nudum, pauper pauperem, secutus Duce[m] Christum. Et licet in sua Religione, haberet proventus tantos, qui congruam sustentationem suam, superare poterant, ceterum memor erat paupertatis suae, Deo in professione appromissae, relicta sibi minutissima, ad suam sustentationem parte, reliquum in restaurationem Ecclesiae, Conventus fabricae, decorem domus Dei, & in reliquos pios usus convertebat, seque eorundem Bonorum & proventuum, non Dominum sed dispensatorem dicebat, & si id necessitas postularet, ex iisdem proventibus, rationem reddere Capitulo, quovis tempore paratus erat, ad quod se & suos successores, per Constitutiones Ordinis obligaverat. Memor insuper fuit hujus votivae paupertatis in Religione Nostra, quod licet ad Episcopalis dignitatis culmen, & Supremum in Regno Viceregis ascendisset fastigium, nihilominus & hic, proventus Ecclesiarum Cathedralium, ita distribuebat, ut totum in decorem Ecclesiae Sponsae suae, & in rem suae Dioecesis (ut alibi diximus,) expenderet, reliquum in pauperes & sustentationem eorum erogaret. Affines, consanguineos, amicos & sibi sanguine junctos, ex redditibus Ecclesiarum, opibus invidiosis, non solum non ditabat, verum iisdem, nec minutissimam partem concesserat, memor quod se abdicaret dominio proprietatis, & illud quod perciperet, non esset suum.

Hanc ipsius paupertatem, ob quam etiam sanguinem non respexit, tantum aestimavit sequens aetas, ut eam literis consignaret, & coram Regibus locuta fuerit; Unde Andreas Olizowski, Episcopus protunc Culmenensis, sermone ad Regem Casimirum, apud Zaluski: *Dignus perenni memoria Lubieński, cujus Cancellarius ego & Executor fui, qui posthabitis suis consanguineis, dedit, donavit omnia Sponsae suae Gnesnensi Cathedrae, & Ecclesiae Loviciensi.* Tum Kochowski, libro quinto, Anno millesimo sexcentesimo quinquagesimo secundo *Mathias Lubieński, Vir boni & aequi amans, opum ut tales sunt non avidus, & qui Clerum intra orbitam pietatis ac modestiae, exemplo vitae continuerit, Domum Lubieniam, neque dignitatibus, neque opibus invidiosis auxit, etsi probitas sua, apud Regem in pretio esset, viam qua crescerent contentus per merita monstrasse, cetera fato meritorum committens.* Ob hanc paupertatem, licet in dignitate Primatiali existeret, vestitu non splendido, nec nimium sumptuoso utebatur, eo tamen & tali, qui tantum decebat Antistitem. Non nemo ex Episcopis, Cruces aureas gemmis & lapidibus magni pretii adornatas, & sumptuosam ostentabat Dactylothecam, tum ille, annulo e digito detracto adeo attrito adesoque, ut filo sericeo necesse fuerit eum circumvolvi, ne digito elaberetur, en inquit hic

annu-

annulus est, quem à primo meae consecrationis anno, in hunc gesto diem. Licet autem moriens testamentum Servus Dei condidit, & id quod ex proventibus Ecclesiarum remanserat, in easdem Ecclesias tantum, & in alias piissimas causas legavit, hoc minimè obesse poterat, Motivæ paupertati ejus, tum quòd jam in Archiepiscopali dignitate, & in statu perfectò existeret & moreretur; Tum quòd accepisset & habuisset licentiam, ad pias causas testandi, à Suprema Ecclesiae Auctoritate, Urbano VIII. Pontifice maximo, prout ipsemet in hocce testamento, statim in principio fatetur, his verbis: *Ego Mathias Lubieński, de armis Pomian, indignus Archiepiscopus Gnesnensis, Religionem Sancti Augustini, in Conventu Miechoviensi, ante promotionem ad Episcopatus gradum Professus, facultate mihi testandi, ad pias causas, à Summo Pontifice, felicitis recordationis Urbano VIII. concessa, hoc condo testamentum.* Quod ipsum & in medio & in fine, ejusdem testamenti fatetur, ubi quòd Serenissimo Joanni Casimiro, Poloniarum Regi, Domino suo Clementissimo, aliquam grati animi testificationem non fecerit, & aliquid dignum tanto Principe, per testamentum non legaverit, se votò paupertatis obstrictum, & id se facere, ob idem votum Religionis, non posse dicit, simulque se, ad solas pias causas, à summo Pontifice, facultatem testandi habere declarat, in hunc modum: *Inprimis autem Sacrae Regiae Majestati, Domino meo Clementissimo, singulari aliqua animi mei testificatione, debitam gratitudinem, pro explorata ejus erga me benevolentia, declarare vellem, cæterum (ut non commemorem; facultatem testandi uti Religionis votò obstrictus, à Summo Pontifice ad pias tantum causas mihi concessam,) rationes Thesauri mei, continuis sumptibus, per hæc præcipue calamitosa Reipublicæ tempora, nimis attenuatæ, id non permittunt.*

Sicut autem in paupertate profecerat, non minùs & in alia Religiosa virtute, castitate nimirum, crevit Mathias Noster, illam summo opere amando, custodiendo, & nec minimum pulvisculum, qui ejus integritatem læderet, admittendo. Ita hanc virtutem, Virginitatem inquam servavit intactam, ut nedum verbis aut factis, sed ne ulli turpi cogitationi locum daret. Suspexerunt Reges, tantam integritatem vitæ Antistitis, & eam summis laudibus non modò extulerunt, sed Orbis Capiti commendârunt. Præstat unius Sigismundi III. Poloniarum Regis, ad Paulum V. Pontificem Maximum, allegare testimonium: qui in literis ad eundem Pontificem conscriptis, suprà sub Capite decimo tertio relatis, nostrum Mathiam Pontifici commendat, & eundem, Virum ab omni labe immunem, quovis honore dignum deprædicat. Suspexerunt & alii maximè domestici, quanti hanc virtutem faceret, & eandem, longævæ ejus ætatis causam, agnoscebant & fatebantur;

Ooo

quod

quod ideò scilicet, ad tam vividam tot annorum senectutem pervenisset, quod integritatem vitæ, virginitatem intactam servasset.

Quantum autem in paupertate & castitate, tantum & in obedientia profecerat Mathias, hæc enim judicio & exemplo Christi est præstantissima, ipse etenim testatur, se de cælo descendisse, non ut suam, sed ut Patris faceret voluntatem. Apostolus quoque, vitam Christi totam, mortem & mortis genus, ad unam obedientiam refert: *factus* (inquit) *obediens usque ad mortem, mortem autem Crucis*. Sciens item in obedientiam, omnes ferè virtutes concurrere, quasi ad aliquod pulcherrimum opus, ex plurimis gemmis concinnatum. Nemo enim se alteri homini, in omnibus subicit, nisi magno amore Dei ardeat, nisi profunda humilitate, patientia, fortitudine, constantia, aliisque virtutibus sit præstans; Et ideò Mathias conversationem, cum mundo mundanisque hominibus fugiebat, per obedientiam, voluntatem suam sensusque omnes, cum Deo arctissime conjungebat. Et cum non haberet existendo in Præpositura Generali, altiorem se, cui vi voti obediret, ideò opera illa, quæ per se nullius sunt meriti, vi obedientiæ faciebat, & sic ex obedientia comedeat, cubitum ibat, animi gratiâ ambulabat; pullabatur Campana pro prandio, pro cæna, Mathias eliciebat actum obedientiæ, ibatque ad refectorium, ad lectum. Venit tempus recreandi animum, à laboribus Religionis, vi obedientiæ animum recreabat, & prædictos actus per se nullius meriti, Deo gratos & sibi meritorios faciebat.

Post Theologicas & Religiosas virtutes, principem locum tenet humilitas, hanc ex eo, quod Christi exemplo sanctificata esset, & ejusdem encomiò commendata, tanquam firmissimum virtutum omnium fundamentum, in quo Spirituale Sanctitatis ædificium, extrui debet, & ad cælestia sublimari, plurimum adamavit Mathias Noster, hanc animo suo medullitus infixam, & in tabulis cordis insculptam esse, summopere exoptabat, secum assiduò recogitans, soli Divinæ Majestati excellentiam, sublimitatem, celsitudinem propriam & hæreditariam esse; Homini verò nihil intimius vilitate, abjectione, cum sit figmentum de limo vilissimo, & post recessum ex hac vita, putredo & vermes hæreditabunt illum; sibi itaque ipsi, verissima cognitione vilescere, se in veritate dignum omni contemptu ac dedecore judicabat. Nam omnes quoscunque vidit, sibi anteponebat, eosque tanquam se meliores, honore præveniebat. Non inflabat illum Nobilitas generis, multis meritis in Regno comparata, non majorum præclara gesta & gentilitia stemmata, non extollebant eum, honores Episcopales & Senatorii, virtutibus ejus ac meritis, in Republica Polona debiti, non denique Suprema Vice-regis in Regno dignitas, elatiorem fecit, sed in recondito
animi

animi sui recessu, vilior in oculis suis apparebat, & haberi ab omnibus, variis modis exoptabat. Ac inprimis, cum aliqua sibi daretur occasio, vel de se ipso dicendi, vel literas in suo negotio scribendi, sive aliquod instrumentum suo sub Nomine conficiendi, semper cum summa & admirabili humilitate, se subscribebat. Ad Cardinalem Burgesium, licet Episcopus & Regni Senator esset, in literis de Data Cracoviæ, vigesima septima Februarii, Annò millesimo sexcentesimo vigesimo primo, se privatum & unum ex Clero minimum intitulaverat. Ad Cardinalem Montealtum, Protectorem Regni Poloniæ, in eadem dignitate existens, se humò sublatum inscripserat. In erectione Ecclesiæ W agczoviensis, à se & Fratre suo conscripta, licet Amplissimi Polnaniensis Episcopatus & Senatoriæ in Regno dignitatis honore, ornatus esset, se nomine Episcopali indignum censuerat. Tum quòd alios aliquando pudet, Religiosos esse & Regularia vota emisisse, Mathias Noster, in variis literis, discursibus, se libenter scribebat & fatebatur Religiosum, ut in literis ad superscriptum Cardinalem Burgesium directis, jam Episcopus factus, ita de se loquitur: *Cum Episcopatus Czelmensis, inter reliquos Russiæ, maxime accisas & angustas facultates, quibus pro dignitate loci, in obeundo munere uti possit habeat, patiatur sua Sanctitas, me unà cum eo Episcopatu, Præposituram Miechoviensem, Regularium Canonorum Divi Augustini, Custodum Sepulchri Dominici, quam eam Religionem Professus, à tribus annis possideo, retinere, &c.*

Cum autem ad supremum in Regno, nempe Primatiale & Primi Principis ascendisset gradum, eo hiè perfectius, in profundum humilitatis descendit, neque se cuiquam nominare Principem patiebatur, neque hoc titulo honorare, contentus erat demissiori titulo, aliis Præsulibus in Regno dari solito & usitato. Dum verò aliquem ex suis domesticis, verbo aliquo asperiore, licet ex aliqua inadvertentia læderet, hinc statim humilitatis exemplarissimus Princeps, eundem absque suo pudore deprecabatur, & illud sibi indeliberatè excidisse verbum, contestabatur. Unde cunctis exemplo, omnibus in admiratione fuit, attestante ejus in Capellâ Metropolitana epitaphio, ab Executoribus, virtutum Ejus oculatis Testibus, in marmore exarato his verbis: *Summa in Deum pietate & admiranda humilitate, cunctis exemplaris, raroque animi candore, amabilis.* Licet autem honorem in Regno Supremum, pro dignitate gestare, famulos, aliosque aulæ Ministros numerosiores fovere, Majestatem Primi in Regno Principis & Viceregis & Auctoritatem repræsentare debuerat, hanc tamen ita cum profunda humilitate conjunxit, ut omnibus admirationi esset, & venerationi. Pulchre & ad rem nostram, Simon Okolski in suo volumine: Of-

bis Polonus intitulo, prout vidit conscripsit: *Videbant Mathiam cum jam esset Archiepiscopus, in Comitibus Generalibus Regni, tot Senatorum & Equestrium Nobilium cateroâ circumseptum, & ille sedatum animum & gravitate generosum, vultu religioso deferebat. Considerabant tanta insignia Principis, numerofo servorum & amicorum concursu venerata, sed quem illa præbant & designabant, ipso spiritalis fervore & conscientie puritate, letabatur & gaudebat. Laudabant alii Eundem videntes, fastum sæculi splendidum & copiosum ante & retro subservientem, at ille in sinceritate cordis, Creatorem ipsum venerabatur & Dominum.*

Sic ad ima profundæ abjectionis, animo per veram humilitatem deducto, morum quadam temperantia, mira simplicitate adornata, in Mathia Nostro effulsit, nam in vitæ suæ actionibus, candorem animi absque omni versutia coluit, Sapientiam hujus sæculi, quæ per ostentationem multa fingit, per fucum gloriam atcupatur, ignoravit. Hanc admirabilem simplicitatem, edoctus fuit Mathias apud Pstrokonium, apud quem unâ cum Fratre suo Stanislao, in disciplina Ecclesiastica morabatur; quo tempore Pstrokonius habuit in usu, quotidie horam meditationibus ante cœnam dare, semel dum in secretius cubiculum, propter meditationem recesserat, sentit sulphureum fœtorem, vocat ephëbum & interrogat, unde tam insolitus odor proveniret? hic lustratis omnibus Domûs angulis, refert, se nihil simile invenire posse. Præsul pacificatus paululum, ulterius suam meditationem continuat, ecce ex uno angulo illius cubiculi, egrediuntur personæ, omnes, sulphureo igne ardentes, Capita sua funibus ligata, foraminibus perforatis repleta, quæ ignem ejiciebant terribilem representantes: Attonitus super hac apparitione Pstrokonius, multos cognovit, quondam Senatores & Ministros in Regno; Quemlibet igitur de cognomine salutatur, & in quali sint statu interrogat; responderunt se esse in æternas damnatos pœnas, & taliter esse punitos, quod ingenis suis in pseudopolitiam, interitum Patriæ perversè & perniciosè uterentur; quibus dictis disparuerunt. Hanc apparitionem, mirabundus Pstrokonius, omnibus protunc domesticis retulit, Mathiæ pro tunc in Curia ejus degenti communicavit, & ut damnatam in æternas pœnas pseudopolitiam sæculi vitet, docuit & admonuit. Hac stupenda apparitione permotus Mathias, pseudopolitiam omnem sæculi, è corde suo ejecit & eliminavit, simplicitatem à Christo præceptam, *Estote simplices sicut columbæ*, induit, & eandem toto vitæ cursu amicam fecit. Hinc Pseudopoliticis, (quibus Nostra Polonia etiam hac ætate abundat,) Capitalissimus erat hostis, illis tum conspectum suum negabat, tum ab illorum consortio, colloquio & conversatione fugiebat. Potius ergo cum simplicibus id est

villanis

villanis hominibus, magna ejus fuerat familiaritas, ex qua factum: quòd cum aliqui villani homines, circa arcem Loviciensẽ, quàm Mathias Archiepiscopus inhabitabat, tempore vespertino transirent, inclamare solebant, linguâ suâ vernaculâ, apprecando eidem bonam ac felicissimam noctem: *Xięze Macieiu dobra noc*; quòd cum sapius repeterent, ille qui domesticæ militiæ Præses & Præfectus erat, illam familiaritatem ac confidentiam ad Archiepiscopum præcludere volendo, suos commilites immisit, & hanc audaciam, in illis villanis hominibus verberibus compescuit; Bonus Archiepiscopus, resciscens id factum fuisse, Præsidentem suæ militiæ vocavit, verbis acerbioribus hanc injuriam villanis illatam castigavit, & eundem à suo servitio dimisit & absolvit. De illo, quo ad hanc virtutem, Janczynski in manuscriptis, adnotavit sequentia: *Homo erat morum simplicium, pseudopoliticis capitaliter infensus*; & in loco alio: *profectò vir fuit magis Ecclesiasticus quàm Politicus*; Verè de Nostro Mathia dici debet, quod de Job patientissimo, locuta est scriptura Sacra: *Erat vir ille simplex & rectus ac timens Deum, & recedens à malo*; Simplex: quia sapientiam Dei & scientiam Sanctorum habuit, sapientiam verò hujus mundi ignoravit; simplex: quia omnem malitiam & omnem dolum, & simulationem abjecit; simplex: quia sicut modò genitus infans, quam animò innocentiam & puritatem accepit, hanc semper dictis & factis retinuit.

In operibus misericordiæ præstandis, & egenorum necessitatibus sublevandis, propterea ferventior erat Mathias Noster, quòd Divinò mandatò præciperentur, & Supremi Judicis favorem promererentur. Emeritum itaque laboribus Episcopalibus proventum, illa præsertim ætate, & illis ab insatiabili cupiditate habendi corruptis moribus, quovis anno cum egenis partiebatur, parte sibi exigua ad vitam sustentandam reservata, reliquum in pias causas & varios usus pauperum erogabat. Eo denique in misericordia pauperibus exhibenda processerat, ut se non solum necessariis vitæ & corporis spoliaret, sed vitam ipsam, qua post Deum nihil charius habuit, omnium commodis impenderet. Verè ex utero Matris, egressa est cum Mathia Nostro misratio, eademque crevit cum illo ab infantia, adolescente autem illius ætate, etiam humanitas & studium benefaciendi, incrementa capiebat. Usitatum illi erat & in morem abierat, ut nunquam mensæ accumberet, si aliquos pauperes non pavisset; sæpè sibi repetebat illa scripturæ verba, & in memoriam reducebat, in orequè sapius habebat: *Beatus qui intelligit super egenum & pauperem*; Hinc erga subditos summè benignus, in pauperes egenos, pupillos & id genus afflictæ sortis, liberalissimus; erga Spirituales maximè in Religiosos propensissimus, & omnibus omnia factus fuit. Pauperum nobilium Filii

fatis liberalissimum experti sunt Mathiam Nostrum, quorum magnum numerum, tum Ravæ in scholis Societatis Jesu, tum Gnæinæ & alibi nutriebat, vestiebat, ad studia applicabat, & ad bonum promovebat; ad extremum eosdem, pro studiis Romanis mittebat, ibidemque sustentabat. Hospitalia pauperum, Nosocomia egenorum, munificentissimum deprædicant Benefactorem suum, quibus in Hospitali in Piaseczna, Diocesis Posnaniensis, Decimam mensæ Episcopalis contulit, & super hoc consensum Prælatorum & Canonorum Cathedralis Posnaniensis, in Capitulo Generali Sanctorum Petri & Pauli, Annò Domini, millesimo sexcentesimo trigésimo, requisivit. Illud quoque animi ejus impense in pauperes effusi, fuit clarissimum argumentum: Valledicebat alicui Cathedralis Vir Sanctus, promovente eum ad ampliorem Cathedralis virtute & pietate, subditis omnibus, omnium Episcopatus villarum, debita omnia, quæ illorum egestas contraxerat, & totum & omne id, quod ipsi à subditis debebatur, condonare & remittere solebat, quod eum fecisse constat in Episcopatu Posnaniensi, ubi post suam promotionem ad Episcopatum Vladislaviensem, ad Capitulum Posnaniense, die undecima Junii, Annò millesimo sexcentesimo trigésimo primo, literas dedit, in quibus declaravit, se nolle debita exigere, quæ ipsi debebantur à subditis. Hoc & in Episcopatu Vladislaviensi fecit; hoc ipsum etiam moriens subditis Archiepiscopatus Gnesnensis præstitit, omniaque ipsorum debita donavit; hancque suam donationem, nè à quopiam in dubium vocari posset, testamentò confirmavit. Insuper Confraternitatem misericordiæ, Gnesnæ & Lovicii institutam promovit, summam viginti millium, ejus rei causâ, in censum locavit, & censum à prædicta summa quotannis recipiendum, ut iisdem pauperibus etiam post suam mortem, pietatem & liberalitatem testaretur, ob amorem Dei & proximi, inter, pauperes, non modò eos, qui emendicato pane vivunt & victum quæriunt, sed tantò magis inter eos, qui sunt verè pauperes, sive nobilis sive civicæ conditionis, & mendicare erubescunt, distribuere mandavit. Hoc igitur est Episcopum esse: ex annuis redditibus Ecclesiæ, vix aliqua parte suis usibus moderatis relicta, in sinum suæ Sponsæ, & in egestatem pauperum sustentandam effundere.

Præter opera misericordiæ corporalia, etiam in Spiritualibus misericordiæ operibus, proximo Mathias Noster prodesse studuit; excitabat se ipsum, ad zelum quemdam Divini honoris, certòque sibi perſvadebat, Deo Optimo, Maximo, nihil se posse præstare gratius, quàm si post curam suæ ipsius animæ, etiam proximi salutem diligentissimè curaverit. Quare Episcopus existens & Dioceses suas visitans, rudiorem populum tam pueros quàm adul-

ros, quos cognovit ignorare prima rudimenta fidei, signo se Crucis munire, orationem Dominicam recitare, Sacramentales Confessiones facere, Decalogi & Ecclesiæ præcepta, & præcipua fidei Mysteria, præsertim de Sanctissima Trinitate & Incarnatione Christi, tum per se maximè, tum per alios edocebat, erudiebat, & idem parochialium Ecclesiarum Rectoribus, aliisque insubsidium curæ animarum assumptis, Concionatorum munus obeuntibus, diebus Dominicis & aliis festivis, explicare, feriò & sub pænis demandabat, quod idem & in Diocesi Vladislaviensi fecit, ubi nè cultus Divinus diminueretur, ac salus exinde perichitaretur animarum, & præcipuè in maxima Parochorum Pomeraniæ, (per Leoburgensem & Bitoniensem Decanatus,) paupertate, iisdem Parochis ex suo ærario subsidia suppeditabat, deinde Coloniam Bischoffstalem, Capitulo Ecclesiæ Vladislaviensis, eo fine perpetuò donavit, ut ex proventibus hujus Colonix mille floreni quotannis ad manus Archidiaconi Pomeraniæ traderentur, & per eum juxta exigentiam locorum, in his duobus Decanatibus, inter Parochos dividerentur. Quoniam verò proventus dictæ Colonix, tunc temporis nondum sufficere potuit eidem subsidio, ideo Mathias, de proventibus suis sobcoviensibus, eandem summam persolvebat, & laboranti in illis partibus Ecclesiæ succurrebat, ubi Divinà gratiā, Orthodoxorum numerus in dies augebatur. Crescente autem non tantum in his superscriptis Decanatibus, sed in tota Diocesi Vladislaviensi, Orthodoxorum numero, nè sua Mathiæ Spiritualis consolatio deesset, feriò demandaverat, ut ad illum Parochi, eundem numerum Neoorthodoxorum deferrent, & quod sit animarum lucrum notificarent.

Sicut autem omnium aliarum virtutum, ita & justitiæ Mathias amantissimus fuit, sciebat enim quàm serio scriptura hanc virtutem commendat: *melius est parum cum justitia, quàm multi fructus cum iniquitate*, & ideo sæpè sibi illam scripturæ sententiā, ob oculos ponebat, *Quid prodest homini, si universum mundum lucretur, animæ verò suæ detrimentum patiatur*. Hinc subditorum suorum & egenorum non tam Dominus, quàm Pater dicebatur, misericors in omnes, nemini molestus, nulli injurius; & ideo nè per Arendatores, vel quosvis Capitanos sive administratores suos, iidem subditi opprimerentur, & nè quid ipsis injustitiæ fieret, singulis trienniis imò aliquando sæpius, dum necessitas postulabat, duos ex Capitulo Miechoviensi, dum esset Præpositus Generalis Noster, assignatos Consiliarios, ad villas suæ Præposituræ mittebat, per eos investigabat; ubi autem aliquam injuriæ umbram deprehendit, medelam adhibebat, recompensabat, & omne & totum id, quod per administratores suos subditis subtractum fuerat, repen-

debat. Hoc ipsum, eundem in omnibus Episcopatum villis, sæpissimè fecisse constat, uti in Episcopatu Polnaniensi, ubi die decima quarta Maji, Annò Domini, millesimo sexcentesimo trigesimo primo, in Capitulo proposuit, quatenus Capitulum è medio sui, duos Revisores deputaret, cum tertio de familia Episcopali, ad inquirendum per omnes ditiones Episcopales ex subditis, si aliquæ querimonix, in Oppidis, villis ac aliis quibusvis possessionibus, contra se orirentur? si incuriâ aut negligentia suorum Capitaneorum, aliquæ injuriæ vel damna essent subditis illata? promittens se omnia ad omnimodam satisfactionem compensaturum. Hoc & in aliis Diocesis, imò & in Archiepiscopatu Gnelnensi fecit, ubi ipse in persona, villas ad Archiepiscopatum spectantes, circa circum Civitatem Loviciensensem obibat, de injuriis inquirebat, & si quid ejus rei reperit, recompensabat. Insuper omnibus hominibus earundem villarum ad se convocatis aliquam consolationem præstabat, unicuique illorum tionem tribuendo, quem verò illorum suo nomine, idest Mathiæ, cognominatum ac vocitatum invenit, ob devotissimam erga sanctum suum Patronum propensionem, eidem in triplo largiebatur. Pariter moribundus, Executores suos, strictissimè testamento obligavit, & omnes per Factores suos illatas injurias, (si quæ fuerant,) compensare mandavit. Verba ipsa Testamenti pono: *Debita si quæ legitime quispiam probaverit, vel constiterit aliquid per Factores meos à subditis, (quod ego semper prohibebam, ab injuriis subditorum abhorrens,) iniquè fuisse exactum & acceptum, restituant Domini Executores.* Quali erga subditos, tali & erga servos justitia movebatur, illos ab injuriis defendendo, ex his unicuique emeritam mercedem solvendo, & ultra eandem uti liberalissimus Princeps, aliis beneficiis eosdem cumulando. Memor erat & in testamento eorundem, quibus non tantum deservitam mercedem enumerare mandavit, sed etiam ultra præstita obsequia, annum stipendium donavit. Lege ipsius testamenti exemplar: *Servitoribus meis, tam aulicis quàm cubiculariis & aliis cujuscunque Ordinis, penes me residentibus, illis quidem qui supra decem annos mihi serviunt, præter emeritam mercedem, si quæ eis debetur, unius anni stipendium, quale à me concessum habebant, includendo & annum restitum, donetur.*

Hanc justitiam à se ipso incipiendo, ita in aliis occurrentibus causis administrabat, ut solus sæpissimè causas etiam in decrepita ætate cognosceret & judicaret, nullis instantiis, nullis recommendationibus, proximis etiam sanguine, sive quibusvis Magnatum respectibus flecteretur. Eodem Archiepiscopo, funestus in Archidiecesi Gnesnensi casus contigit, Capitaneus Voynicensis, (parco

Nomini ob respectum Familiæ,) postquam octodecim homicidijs se se deformasset, tandem ad complendam mensuram peccatorum & malitiæ suæ, decimum nonum homicidium patravit; Patrum suum gladio transfodiens: ob hoc nefandum crimen, per Tribunal Regni, tali sententia damnatus, ut in kudak triennio exularet. Non tam libenter quam reverenter acceptavit Decretum scelestissimus homicida, sed illud non implevit; nam uno anno in exilio transacto rediit in Patriam. Ut autem à poenis ulterioribus tutior esset, mutato statu sæculari, elegit Spiritualem; indutusque habitu Clericali; tandem prævia dispensatione difficulter obtenta, creatus Presbyter. Sed quia habitum Clericalem, non verò mores induerat, ideo vitæ & professionis Sacerdotalis immemor, ad carnalia desideria animum suum convertit. In tam sacrilego scelere, egit monitorem Parochus ipsius, & aliquoties hortatus, ut ab incæpta malitia desisteret, & suæ vocationi satisfaceret. Ista monita Parochi, tetigerant cor, prolapsi in profundum carnis sacerdotis, & ideo peracto Quadragesimali jejunio, venit ad templum Parochiale, ipso die Sacratissimi Paschatis, & coram Rectore præfati templi, Sacramentalem confessionem peccatorum suorum adimplevit. Hac peracta, sacrosanctum missæ sacrificium celebrare constituit, ad quod ritè peragendum, Parochum assistentem habuit, & sacratissimâ Eucharistiâ, tum familiam suam, tum populum refecit. Post divinâ mysteria Dômum rediturus, Parochum sibi ministrantem & assistentem ad altare, ad suam mensam invitavit; cui cum adesset præfatus Parochus, tunc ille ex Capitaneo Voynicensi factus Presbyter, coepit tempore mentis, impudicè & laxè jocari cum sua amasia. Tam laxos & impudicos sermones, non potuit sustinere Parochus, petiitque eundem humiliter, ut in honorem solennitatis Paschalis, à turpibus lenocinijs abstineret. Palliavit tacitam iram hilari vultu veneri deditus Presbyter, in aliud tempus vindictam differens. Cum autem ad vespertas absolvendas properaret Parochus, petiit ab eo, ut se cum vesperis expectaret. Cæterum vergente ad occasum sole, dum populus urgeret Parochum ad expediendas vespertas, annuit ille votis & desideriis populi. Vix autem finitæ vespere, accurrit furiosus & lascivus ille, vidensque finitam devotionem Vespertinam, cum grandi impetu quatit, ubinam sit Parochus? & dum cognovit eum esse in sacrario, inde eum evocat, & gravissimè increpat, quod se non expectaret cum vesperis; tandem pugnum ori illius impingit, suisque satellitibus mandat, ut productum extra cæmeterium in publica via fustigarent. Executi sunt satellites impii, quod Dominus præceperat, & interim rhedam ascendit, Parochumque suum crudelissimè fustigatum in ea collocat. Cum autem ad certam sylvam deven-

tum esset, de rheda Parochum detrahi imperat, & nodosissimis fistibus, à plantis pedum usque ad cervicem affici jubet. Semivivum rursus in rhedam seu currum accipit, & exprobrans illi salutaria monita sua, capulo gladii, os & dentes excutit. Postquam verò ad prostibulum aulae suae venisset, Parochum in cellarium detrudit: & aliquà interposità morà, cum evaginato gladio, in praefatum cellarium descendit, ubi extremos Spiritus agentem videns Parochum, eundem transfodit, & viscera gladium immersum in intestinis rotando transfixit. His peractis splendide admodum epulatum est, sequenti die, supra cadaver, sarcastici joci facti, sub vesperam in terram abjectum est. Refraxit furor postmodum, & à media nocte surgens ille Lanio, Lovicium contendit, à Superiore Ordinis Patrum Sancti Francisci, de nomine Minorum, absolutiorem petit, sed hac non obtenta, fugae se commisit. Bonus Archiepiscopus, ad insequendum missio famulitio, comprehendit, & Loviciensis carceri inclusit. Quod ut factum, plurima impedimenta obstabant, ne judicaretur. Si verò judicabitur, haberetur respectus sanguinis, honorum & dignitatum Rei, abjectae autem Occisi conditionis susurrabant; instabant magni Viri, precibus & minis extorquebant, crimen extenuabant, occasionem facti contra occisum retorquentes. Justus Praefulus, non respexit sanguinem, nullo respectu, nullis precibus & instantiis fractus, judicavit, multisque impedimentis abjectis, pervicit, atque ad perpetuos carceres, in Monasterio Czesztochoviensi damnavit, sacerdote illo, seu potius Martyre sepulto in templo Fratrum Hospitalariorum Sancti Joannis de Deo, qui infirmis famulantur. Sic excelluit virtute justitiae Mathias.

Reliquas ejus nobilissimas virtutes, pietatem quae se veluti certissimo quaerendae aeternitatis viatico munivit; indefessum laborem, quo sacra curavit; priscum illum & in omnes Candorem, quo veteris & melioris aevi mores renovavit; gravitatem, quam cunctis erat venerabilis; in vultu & in sensu modestiam, qualem aliquis Antistitem Sanctioris notae retinuit; ardentem in proximum Charitatem, quam in se omnium amorem mirifice accendit; bonitatem gratam omnibus, quam omnis conditionis ac status homines ad se traxit, & hilares à suo conspectu dimisit; ac tandem propensionem in omnes admirabilem, suavem morum mansuetudinem, sermonis affabilitatem, quam qui experti fuerant, satis verbis explicare non poterant, & caeteras ingentes Mathiae Nostri virtutes, vix quisquam dignis exornare sufficiet praconiis. Mirabantur plerique, has eximias Mathiae virtutes, & eundem summis laudibus extollebant. Sic Sigismundus III. Poloniarum & Sveciae Rex gloriosissimus, in literis ad Capitulum Miechoviense, Nostrorum Canonorum

dire.

directis, de data Varſaviæ, Die decima tertia Julii, Annò Domini, milleſimo ſexcenteſimo vigefimo ſeptimo, eundem jam Episcopum Poſnaniensem, *magnæ virtutis Prælatum declaravit.* Janczynski in manuſcriptis: *Hominem multarum virtutum cenſuit* Kochowski in annalibus Poloniæ: *Virum boni & æqui amantem, cujus virtutes pleriquè (ſicut omnes ſphæræ curſum primi mobilis,) reſpiciebant & imitabantur,* aſſeruit; Hoc & alii plurimi, qui ejus virtutum exemplo, ad ſupremum virtutis & Sanctitatis pervenerunt gradum, uno ore deprædicant, uno calamo exarant; Non dubitandum quin acceptiſſima ſint cælo, tam pia ac Sancta ipſius opera, ubi Beatorum Spirituum cætibus ſunt aggregata.

CAPUT VIGESIMUM SEPTIMUM.

De præparatione ad mortem, & morte felicissima Mathiæ.

Eſſi tota vitæ Mathiæ Noſtri, continua ad mortem præparatio fuerit, eſſi noviffimorum memoria, menti ejus adeò inhæſerit, ut continuo mortis recordaretur, in auribus ejus perpetuò, tuba extremi judicii reſonaret, infernum ſemper pertimeſceret & ad gloriam cæleſtis Patriæ anhelaret, tamen dictam præparationem, tunc ardentiffimè exercuit, quando ſe conſpexit debiliorem & morti proximum. Conſiderabat enim ſæpe, quàm ſit incerta hora illa, in qua ipſum mors aggredietur, quòd corpori nullam aliam poſſe accedere meliorem ſortem, quàm ſeptem pedum foveam, idque cum aliorum Cadaverum ſocietate. Veniebat ipſi in mentem ratio mox poſt animæ exitum reddenda, veniebant anguſtiæ, anxietates, quibus tunc homo, qui malè vivit, torquetur. Conſiderabat quoque, poſtrema illa infirmitatis accidentia, quàm ſint horribilia atque timoris plena, nempe elevatum & emortuum pectus, raucam vocem, congelata genua, impreſſos oculos, pallidum vultum, denique omnes ſenſus magnâ animæ diſcedentis preſſurâ conturbatos. Hæc contemplabatur ſæpiſſimè Mathias Noſter, & ad horam rationis ſuæ, maturè ſe præparebat. Conſiderabat item, quàm terribilis ſit futura dies illa, in qua aperientur cauſæ omnes filiorum Adam, noſtræque vitæ cuncti proceſſus concludentur, & ultima ſententia de unoquoque decernetur irrevocabilis in æternum. Conſiderabat quoque incendium illud univerſale, quod Judicem præcedet, & horrendum illum tubæ ſonitum, quem edet Archangelus, ad convocandas omnes mundi generationes; Sed ſuper omnia expendebat tremendam illam, in qua Judex veniet Majeſtatem, terribilem illam ſententiam, quam Judex contra malos ſit fulmi-

fulminaturus: *Discedite à me maledicti in ignem æternum, qui paratus est diabolo & Angelis ejus.* Hæc meditabatur sæpissime Mathias, & hac sua consideratione, duos illos præstantissimos affectus, timoris Dei & odii peccatorum, in anima sua excitabat. Imaginabatur sibi tandem, locum inferni, & in illo duas præcipuas damnatorum considerabat pœnas, alteram quam vocant sensus, quod nullus esset intra & extra animam sensus, qui suum proprium cruciatum non sit habiturus. Alteram quam appellant damni, absque ulla comparatione majorem primâ, quæ in sempiternæ visionis Dei, ejusque gloriosi consortii privatione consistit. In has igitur pœnas æternum duraturas, considerationis oculos defigebat, & ea consideratione, timoris Dei, altiores in anima sua radices jaciebat. Ruminabat denique, & oculos in cælum elevabat, ibique contemplabatur, loci præstantiam, Nobilitatem habitantium, gloriam futuram corporum, dulcedinem visionis Dei & amoris, & hac contemplatione, cor suum ad mundi contemptum inflammabat, ad diem illam, in qua venturus in conspectum Dei se præparabat. Hæc paulò brevius, in suo testamento Mathias expressit, hancce suam novissimorum memoriam & ad mortem præparationem assiduam, brevibus his verbis testatus est: *Etsi humanæ Conditionis & fragilitatis conscius, novissimorum semper memini, nunc tamen magis me eorum recordari, illisque prospicere decet, cum Dei beneficium, ætate longè progressus, unum octogesimum primum utinam feliciter? jam inchoavi;* Et ideo ab annis juventutis suæ, quotidie librum Spiritualem legebat, ut non solum se in via ascetica exerceret, perfectionique & virtuti studeret, verum etiam ut se per spiritualia exercitia, continuò ad mortem præpararet. Ita per omnes annos vitæ suæ Mathias Noster vixit, ut religiosissime moreretur, ita moriebatur, ut æternum Deo viveret.

Hæc perpetua recordatione mortis, & omnium novissimorum adductus, licentiam testamentum condendi (memor votorum suorum in Ordine Nostro,) ab Urbano VIII. tempestivè, ante plurimos mortis suæ annos accepit, Sepulchrum sibi in Ecclesia Cathedrali Vladislaviensi, dum ibidem Episcopatum gereret, (licet necdum in decrepita ætate esset,) anticipatè struxit, & suum eidem corpus, penes Pstrokonium Antecessorem suum & Avunculum, ponendum inferendumque ordinavit. Postquam verò ab eodem tumultu, quem sibi in Cathedra Vladislaviensi composuerat, & quem mente assidua conceperat, voluntatè Divina, ad Principem locum: ad dignitatis primariæ in hoc Regno fastigium, nempe ad dignitatem Metropolitanam capeßendam promotus fuerat, & hic seriò, supremum illum diem meditari, corde & animo cogitare non intermisit. Statim enim à captâ possessione

sione, Sepulchrum sibi in Ecclesia Metropolitana Gnesnensi paravit, eo fine Capellas binas, Hebदारum Antecessorum suorum, & Andreæ Critii Archiepiscopi Gnesnensis quadragesimi sexti, conjunxit, dilatavit, easdem à fundamentis restauravit, dote copiosa ornavit, & Corpus suum si ita divinæ voluntati placuerit, tumulare mandavit. Hanc Capellam & locum suæ mortalitatis exuviis destinatum, quotiescunque Gnesnam adibat, sæpius visitabat, lacrymis copiosis rigeat, & agônem suum Domino ferventer commendabat.

His itaque actis, cum ad annum vitæ suæ octogesimum venisset, acsi de morte & extrema illa die certior factus; vehementius de illa cogitare cœpit. Hinc conditò testamentò, piis largitionibus plenò, de Data Uniejoviæ, Die secunda mensis Octobris, Annò Domini, millesimo sexcentesimo quinquagesimo primo, ætatis suæ octogesimo, & per Adamum Casimirum Oporovium, Loviciensẽ & Lanciciensẽ Canonicum, Curia suæ Archiepiscopalis Actuarium, conscriptò, dispositisque pro animæ suæ anniversariis, in Ecclesiis Cathedralibus, quibus Episcopus præfuit, absolvendis, in Ecclesia Metropolitana Gnesnensi, uno, die obitûs sui; altero, posttridie post festum Sancti Mathiæ Apostoli decantando; in Ecclesia Cathedrali Vladislaviensi, uno, die mortis suæ; altero, post festum Sancti Mathiæ celebrando; in Ecclesia Cathedrali Posnaniensi, uno, die obitûs sui; altero verò, posttridie post festum Sancti Mathiæ Patroni sui; in Ecclesia Cathedrali Chelmeni Crasnostavum translata, duobus pariter anniversariis, uno, die obitûs sui; altero, post festum Sancti Mathiæ absolvendo. Ac tandem in aliis Ecclesiis Cathedralibus & Collegiatis, in quibus minora beneficia & Prælaturas obtinuit, anniversaria pro anima suâ fundavit. In Ecclesia Cathedrali Cracoviensi, ubi Canonicus fuit, unum anniversarium die obitûs sui quotannis absolvendum; In Ecclesia Collegiata Lanciensi, ubi Præpositus fuit, unum itidem anniversarium, die obitûs sui quotannis peragendum; In Ecclesia Collegiata Sandomiriensi, ubi Cultos fuit, anniversarium die obitûs sui; In Ecclesia Ordinis Nostri Miechoviensi, ubi Præpositus Generalis fuit, unum pariter anniversarium quotannis celebrandum ordinavit. Deinde in aliis insignioribus Ecclesiis, ad quas specialem affectum gerebat, & in quibus numerosiore Clerum, ad peragenda Divina officia reperiẽbat, eadem anniversaria fundavit. Sic in Ecclesia Collegiata Loviciensi, unum anniversarium die obitûs sui; In Ecclesia Collegiata Uniejoviensi, unum anniversarium die mortis suæ; In Ecclesia Collegiata Curzeloviensi, unum Anniversarium die obitûs sui; In Ecclesia Collegiata Camenensi, unum anniversarium pro anima sua die mortis suæ absolvendum fundavit, ordinavit, & hoc

fine summās congruentes in censum collocandas numeravit, & per Testamentum legavit.

Neque Monasteria aliasque Regularium Ecclesias, prætermisit Mathias; Hinc Collegio Ravensi Societatis Jesu, Residentiæ Choynicensi ejusdem Societatis, Monasterio Dantiscano Ordinis Prædicatorum, tum omnibus & singulis Monasteriis, Conventibus, per totam Archidiocēsim Gneſnensem satis amplam, consistentibus, millia centena florenorum, enumerari mandavit, & ut Deum pro anima ipsius prædicti Religiosi exorarent, anniversaria tum tricesimas absolverent, obligavit, & insuper aliquot millia florenorum enumeravit, in secretiori scatulæ arcula deposuit, & eandem ad notitiam domesticorum & ipsius Thesaurarii sui, ore tenus deduxit, ut statim dum expiraverit, non expectata apertione Testamenti, ad sacrosanctæ Missæ sacrificia, ad tricesimas pro anima sua celebrandas, ad Ecclesias diversas, tam sæcularium quàm Regularium viciniores, ubi Sacerdotes frequentiores reperiuntur, sive Archidiocesis suæ, sive alterius Diocesis, quantocyus enumerarentur & distribuerentur, serio Executores suos & Thesaurarium suum obstrinxit & obligavit. Postquam verò tam pias & sanctas dispositiones fecisset, & orationes tum sacrosanctæ missæ mysteria, pro anima sua implorasset, totum & omne id, quidquid præter expensas, in varias foundationes Ecclesiarum erogatas, remanserat, Ecclesiæ Metropolitanæ Gneſnensi, & Collegiæ Loviciensi dedit, donavit, easdemque Ecclesias, suarum rerum pretiò comparatarum, heredem scripsit & ordinavit.

Post hæc laudabiliter transacta, Executores suæ postremæ voluntatis, extremis tabulis inscripsit, nempe Serenissimum Joannem Casimirum, Poloniarum Regem, non quòd relictæ opes, non possent habere dispensatorem nisi Principem, sed prout Kochowski, in suis annalibus Poloniæ fatetur, ut tanto præscripto nomine, innocuum se à corradendis illis, quas vix ullas reliquerat, testaretur. Inscripto taliter sui Testamenti Executore Serenissimo Rege, eundem benedixit, & ut cum Deus, post sera fata & longævos annos, ex hoc terreno Regno, ad illud cœleste, cui non erit finis, transferret, apprecatus. Verba ipsa Mathiæ pono: *Majestati ejus gratis humillimè actis, pro omnibus beneficiis, Eandem obnixè rogo, benignè mihi condonare velit, quòd non ita ut debui, ejus Majestati inservierim & officium impleverim; Quòd reliquum est, Deum precor, ut ejus Majestatem, ad propagandam Nominis sui gloriam, hostium terrorem, Patriæ & soli Christiano Orbi ad commodum & tutelam, quàm diutissimè servet, ac demum post sera fata & longævos annos, ex hoc terreno Regno, ad illud cœleste, cui non erit finis transferat, & æternæ beatitudinis faciat participem.* Tandem reliquos Executores suos, nempe Adalbertum

bertum Lubieński Castellanus Siradiensem, suum ex Fratre Nepotem; Nicolaum Łayszczewski, Castellanus Sochaczoviensem, Mareschalcum Curiae suae; Martinum Starczewski Canonicum Gnesnensem, Supremum Referendarium Regni, suum ex sorore Nepotem; Simonem Kołodzki, Praepositum Gnesnensem Gentilem suum; Andream Trzebicki Scholasticum Płocensem, pariter suum Nepotem; Andream Olszowski Curiae suae Cancellarium; Alexandrum Magnuski, Gnesnenses, Vladislavienses Canonicos, inscripsit, constituit & ordinavit. Tabulis Supremae voluntatis confectis, & assignatis Executoribus, toto illo tempore diem illam extremam cum taedio vitae hujus, cum desiderio quantocyus videndi Deum expectabat. Nullus ipsi placebat sermo, nisi de rebus Divinis, nisi de caelesti Patria, nisi de Divina erga genus humanum clementia.

Venit tandem annus proxime sequens, millesimus sexcentissimus quinquagesimus secundus, vitae ejus ultimus, quō incepto, ardentius se ad mortem præparare coepit, illamque per verba sequentia, omnibus protunc praesentibus praedixit: *Annō secundo supra millesimum quingentesimum septuagesimum sum natus; Annō secundo supra millesimum sexcentessimum Presbyter ordinatus & Divino Altari dedicatus; Annō secundo supra millesimum sexcentessimum quadragesimum, Archiepiscopus Gnesnensis factus; Annō secundo supra millesimum sexcentessimum quinquagesimum moriar.* Hinc ferventiores affectus eliciebat, majori studio ad Supremam illam diem se muniebat, diuturnam suam vitam, jam esse querulabatur, & de carnis ergastulo ut ocyus educeretur, frequenter ingeminabat. Accidit eodem Anno, millesimo sexcentessimo, quinquagesimo secundo, ut is annus sacerdotii ejus esset quinquagesimus, quare pro more & sua devotione, annum Jubilæi sacerdotii sui agens, & primitias secundas, in Ecclesia Abbatiali Czervenenfi, Canonorum Regularium Lateranensium, magno Populi gratulantis accursu, cum summo devotionis affectu celebrans, ad eandem mortem constanter & piè obeundam, se præparabat.

In eodem anno, in festo Assumptae in coelum Virginis, absoluto devotissime Sacrificio missae in Arce Loviciensi, marasmo senili, & alvi fluxu ingravescente correptus, langvere cepit, lenta erat vis morbi, cujus causa fuerat, senectus attrita laboribus, nec enim ille medicinis uti consueverat, constanti semper existens valetudine, & cum se magis debilitari sensit, intellexit vir Dei, sibi hanc infirmitatem extremam fore, & festivitatem assumptae in coelum gloriosissimae Virginis, proenuntiam mortis suae fuisse. Atque ita conveniebat, ut ille, qui in festo Virginis Mariae, primam mundi accepit lucem, in festo Virginis Mariae, initia accipiat ejus infirmitatis, qua mediante, huic valedicet mundo, caelestem Patriam

triam salutaturus; Maria, quæ lucem primam dedit, Mariâ lucem perpetuam Mathiæ Nostro donavit; quæ Nativitatis felicissimæ, Eadem & mortis Sanctissimæ Nuntia; Quæ in Nativitate, Eadem & in morte Mathiæ Nostri Patrona. Assumptæ in cœlum Virgini, insignem Ecclesiam Collegiatam Loviciensem, appropinquans jam morti fundavit Mathias Noster, Assumptæ in cœlum Virginis Ecclesiis, Metropolitanæ & Loviciensi, totum quidquid habuit, per testamentum donavit, easdemque hæredes suarum rerum scripsit; Non poterat vinci Maria à Mathia, pro temporali domicilio, æternum duraturam domum, per bonam mortem donavit, ad quam sanctius obeundam, per infirmitatem in suo festo Assumptionis cæptam, Mathiam deposuit.

Itaque se tutelæ Virgineæ, cujus in festivitate infirmari cœpit, ardentissima oratione influat, voluntatem suam cum Divina conformat, nihil in morbo de consveta vivendi norma detraxit, non preces imminuit, non aliquid corpori refocillando dedit, missas quolibet die, maxima cum devotione, cum jam destitutus verbis, ipse sacris operari non posset, cum immensa lachrymarum profusione audivit, preces Canonicas, coronas, salutationes angelicas recitavit, omnes qui eum adire vellent, facillimè admisit, excerptas ex Sacris Scripturis sententias, frequenter in ore habuit. *Paratum cor meum Deus; quàm dilecta tabernacula tua Domine virtutum; concupiscit & deficit anima mea in atria Domini; cupio dissolvi & esse cum Christo; Lætatus sum in his, quæ dicta sunt mihi, in Domum Domini ibimus.* Et cum in omni vita, pietatis, religionis & cultûs Divini studiosissimus fuisset, non prius ab his desistere voluit, quàm extremum Spiritum edidisset.

Hoc morbi interitio, interrogabat aliquoties adstantes, quàm citò ventura esset dies, Sancto Augustino Sacra? cumque adstantes septimò, altera vice sexto, sive quinto ab hinc die, venturam eam respondissent, intulit ille: hac die Professionem in Ordine Canonicorum Sancti Sepulchri feci, & valedixi mundo; Audientes sibi inferebant aliqui: *sperat se in festo Sancti Augustini moriturum*; Aliqui autem & certò certius: *Scit se in festo Sancti Augustini moriturum.* Quotiescunque autem mentio facta, de festo Divinissimi Augustini, in extraordinarios affectus prorumpebat, Orationes Ejus ardentè exposcebat, quem sibi Patronum, in vita & in morte, etiam testamento impressum assignaverat.

Cùm morbus majora incrementa sumeret, etiam majora indicia Sanctitatis, in Mathia Nostro elucebant, nunc supplices manus in cœlum tendebat, nunc Imaginem Crucifixi, & Sanctissimæ Mariæ Virginis amplectebatur, lachrymis abluabat, nunc oscula eis figebat; actus fidei, spei, doloris, gratiarum actionis, Deo sæpius
magna

magna cum humilitate repetebat, quos etiam in testamento expresserat: *Agnosco Sanctissimam Trinitatem, principium & finem beatitudinis meæ, atque humillimè, indignissimus peccator, Deum Patrem, quod me creaverit, Deum Filium, quod me pretiosissimo sanguine suo redemerit, Deum Spiritum Sanctum, quod me Sanctificaverit, adoro. Quod si me (quod Deus avertat) vi morbi afflictum, fraude dæmonis aut perturbatione mentis, secus aliquid quàm Sancta Romana Orthodoxa Ecclesia docet, dicere vel cogitare contigerit, id non pro dicto vel cogitato haberi volo.* Doleo præterea ex corde, quod infinitam bonitatem sapius in vita offenderim, gravissimis peccatis meis, quæ ex animo detestor, & confido in infinita Dei misericordia, quod precibus Beatissimæ Virginis Mariæ, Sancti Mathiæ Apostoli, Sancti Augustini Episcopi & Confessoris, Sanctorum Adalberti & Stanislai, aliorumque Sanctorum Patronorum meorum, ea mihi remissurus sit. Insuper eidem Creatori & Domino, vilissimus homuncio ago gratias, quod me non solum sacris altaribus, ad laudem nominis sui adstare voluerit, sed etiam ad statum Episcopalem & dignitatem Primatiale, vocaverit, & pluribus annis in Ecclesia sua laborare fecerit, atque ad ætatem ita longævam, constanti ferè semper valetudine perduxerit.

Adveniente autem Vigilia Festi Divinissimi Augustini, morbo in dies crescente, licet sapius sacra exemologesi se expiare convellisset, vocat tamen Sacerdotem, pro tunc Societatis Jesu, ex Collegio Raveni apud se commorantem, cui summo cum dolore, totius vitæ suæ rationem reddit, veniam delictorum poscit, & animo peripurgato, sacrum Oleum, Christiano ritu ungendus, adferri jubet. Aderant plurimi Prælati, Canonici, Presbyteri, Religiosi, orantibus illis, & Sacras Litanias recitantibus, Ille, cum alii, *Ora pro eo* dicerent; *Ora pro me* suspirabat. Cum verò venisset dies, Divinissimo Augustino Sacra, summo manè, Sanctissimum Sacramentum adferri jubet; quo perlato, multas profudit lachrymas, partim ex humilitate, indignum se censens, tali Divina dignatione, partim ex animi ardore, viaticum peregrinationis suæ exoptans. Aderat jam instans, quo Sanctissimo Corporis Christi Viatico, refici deberet, Deum Omnipotentem, animo magis quàm corpore, cum extremè debilitatus morbo fuisset, profunde adorat, orationem Centurionis identidem repetit: *Domine non sum dignus, ut intres sub tectum meum;* senile pectus tundit, & Sanctissimum Christi Corpus, Viaticum perneckessarium, ad illud iter extremum, in cælestem Patriam conficiendum sumit. Diligenter & piè tunc illi omnes famulabantur, hic Crucem, alter Sanctissimæ Deiparæ Virginis imaginem, ante oculos ejus tenebat, alius Psalmos, orationesque cæteras, ei insinuebat.

Cum hora septima venisset ejus diei, ante meridiem, qua redere deberet Creatori suo animam, subito se ad Deum Creatorem

convertit, & Crucifixò manu apprehensò, suos in Jesum Cruci affixum oculos defixit. Non hìc aliqua terribilia spectra, non infernales furia, non tenores aliqui, sed placidissimè, religiosissimè, sine aliquo Corporis motu, repetitis millies, per hanc suam infirmitatem, & in ipso agone, licèt vox deficeret, Sanctissimis Nominibùs: *JESUS, MARIA*; invocato toties Divinissimò Augustinò, cujus in festo id factum fuerat: *Sancte Augustine Ora pro me*; pronuntiatis devotissimè illis Palmi versiculis: *In manus tuas Domine, commendo spiritum meum*; animam Creatori suo reddidit, Annò Domini, millesimò sexcentesimo quinquagesimo secundo, ætatis suæ octogesimo primo, Die Mercurii, quæ erat vigesima octava, mensis Augusti, Divinissimo Augustino suo Patriarchæ Sacra. Coluerat Mathias à tempore, quo in Ejus festo professionem religiosam, in Ordine Canonorum Sancti Sepulchri fecit, peculiari ritu Divinissimum Augustinum, eundem sibi in Patronum singularem assumpsit, festa illius promovit, Ordinem ejus novis foundationibùs ampliavit, jura ejus Ordinis, zelosissimè promovit, nec dubito quin eum præsentem, in ipso mortis certamine habuerit, nec casu factum crediderim, ut in ejus festo, die professionis suæ exspiraverit.

Postquam verò de morte ejus divulgata fuisset fama, protinus multi imò omnes, mæore intolerabili conficiebantur, ob ereptum sibi Patrem, Pastorem & miseriarum levamen. Personabant plateæ atque viæ publicæ, ejulatibùs miserorum: O nos aiebant Orphanos! o infausam Poloniam! quis splendore doctrinæ, nostras mentes caligine obfusas collustrabit? quis juvabit nos apud communem omnium Parentem? quis pro nostris reatibus, misericordiam implorabit Divinam? O quis tandem nobis, nostrum novellum Moysem, pro nostris animabus zelantem, nosque cum irato Judice reconciliantem, è medio nostrum sustulit? dignus erat propter summam prudentiam, humanitatem, candorem, vitæ integritatem, ingenii bonitatem, ut nunquam moreretur. Auxit lugubres epicianas, familiæ Lubienſiorum plangor, qui magno & intolerabili dolore cruciabantur, quòd viderent suæ Familiæ decus, Orbis Poloni lumen extinctum, terris ereptum, & cælis reditum. Proceres Sacri, amplissimi Patres Capituli, universus Clerus cum Populo, o quot fudit vota ad superos, ut viveret illis Mathias Noster immortalis! simulque præesset & prodesset perenniter! Sed quia id stante Decreto Divino, impetrari non potest, ò quot preces tulit, ut viveret amplius ut longè moreretur posterius! Universò Canonorum Sancti Sepulchri Clero, multiplicatæ Cruces, dum qui binas in pectore pro Insigni & Decore portabant Cruces, amisso tam Pientissimo suo Patre, millenis in corde torquebantur. Lugebat Archidioecesis Caput, plorabat Clerus Pontificem, deflebat inæstissi-

maestissimus grex & Conventus, suam miseriam & sine Pastore sortem: Auxerunt communem omnium dolorem, Prælati & Canonici Metropolitani Gnesnenses, dum de morte Religiosissimi Archipræsulis certiores facti, pro anima ejus in Metropolitana Ecclesia, & per universam Archidioecesim, preces, suffragia, & pulsum campanarum faciendum decreverunt & mandaverunt. Pulsabantur campanæ, & corda pupuli seriebant; edebant Ecclesiæ feralem sonum, hæ Sponsum, aliæ Fundatorem gementes, & suo tonitu corda hominum perstringebant. Sed præstat tanti doloris & gratitudinis, à Capitulo Metropolitano Gnesnensi, erga pientissimum Archipræsulem suum, inferere documentum.

Anno Domini, millesimo sexcentesimo quinquagesimo secundo, Die Veneris, trigesima Augusti. Perillustres & Admodum Reverendi Domini, Albertus Wężyk Decanus, Alexander Głęboki Archidiaconus, Stanislaus Sławieński Cancellarius, Adamus Piątkiewicz Sacræ Theologiæ & Juris utriusque, Joannes Chrysoftomus Bodzienta Sacræ Theologiæ & Juris utriusque Doctores, Prælati & Canonici, hujus Primatialis Ecclesiæ, Capitulariter fuerunt congregati. In medium Perillustrium & Admodum Reverendorum Dominorum, literæ allatæ sunt per Nuntium, ab Illustribus & Admodum Reverendis Dominis, Prælati domesticis, Curiæ Archiepiscopalis, quibus denuntiatum, quod Illustrissimus & Reverendissimus Dominus, Mathias Lubieński, Archiepiscopus Gnesnensis & Primas Regni, juxta beneplacitum Altissimi, vitæ necisque Domini, plenus dierum & meritorum, exuvias mortalitatis, die vigesima octava Augusti, hora circiter septima ante meridiem, cum ingenti non tantum Prælatorum & universi Cleri dolore, verum etiam singulari orbatæ Curiæ & populi luctu & mærore, in Arce Loviciensis deposuerit. Quocirca, in hoc communi dolore, cupientes Perillustres Domini, animæ tanti Præsulis, de Republica meritissimi, & tum aliarum, potissimum verò hujus Metropolitanæ Ecclesiæ, liberalissimi Benefactoris, suffragium afferre, juxta antiquum morem Sanctæ Romanæ Ecclesiæ, tum etiam non contravenientem istius Primatialis Ecclesiæ consuetudinem, ut videlicet defuncti Archipræsulis anima, pijs Fidelium supplicationibus juvetur, eodem ipso, & aliis sequentibus diebus, usque ad depositionis & sepulturæ diem, tum circa hanc Metropolitanam, tum in omnibus, intra & extra mœnia Civitatis Gnesnensis Ecclesiis, atque adeo per totam Archidioecesim, pulsum campanarum faciendum, decreverunt & mandaverunt. Nec non tremendum missæ Sacrificium, in refrigerium ejusdem animæ, ipso die accepti lugubris nuntii, cum vigiliis juxta statuta Ecclesiæ decantandum, censuerunt, prout per ipsosmet Perillustres & Admodum Reverendos Dominos, hæc sunt celebrata & absoluta. Ex actis Reverendissimi Capituli Gnesnensis extractum &c.

Postquàm verò omnis decentia, penes corpus Mathiæ procurata fuit, illico Executores & alii, quibus hæc cura commissa, de funere & sepultura cogitare cæperunt. Igitur Corpus Loviciò Gnesnam movetur, ingens multitudo populi, varii statûs & conditionis congregatur, quorum aliqui inter profunda suspiria, animæ piissimi Archipræsulis, requiem æternam apprecabantur, aliqui Ejus orationes & intercessionem ad Deum, supplicibûs votis exoptabant. Cùm autem corpus propè fuisset Gnesnam, ingens multitudo populi, in occursum corporis piissimi Archipræsulis sui Pastoris evoluta; Aderat copiosus ex tota planè Archidiecepsi Clerus, aderat multitudo Regularium, præcipue Mendicantium, ex variis Dioecesium Conventibus (quorum singuli Conventus, quingentos florenos participarunt,) congregata, qui longo & pulchro Ordine, ipsum feretrum, mitrâ & aliis insigniis Archiepiscopolibûs superpositis opertum, ex loco, unde lugubris pompa processit, antecedeabant; Floriano Duce in Klevan Czartoryiski, (quem non ita pridem Mathias, Annò videlicet, millesimo sexcentesimo Quinquagesimo primo, die vigesima nona Januarii, in frequenti utriusque status, Spiritualis & Equestris concursu, solenni ritu, in Episcopum Posnaniensem consecravit Lovicii,) Episcopo protunc Posnanienti, unà cum aliis sacris Proceribus, agmen claudente. Ingreditur itaque ad suam Cathedram Præsul, ad ovile Pastor, ad Ecclesiam Sponsus, à suis ovibus non centum, non tributum, sed pias lachrymas & suspiria recepturus. Fuerunt multi ex Proceribus, qui Corpus ejus videre, faciem intueri, summò desiderio anhelabant, ad quorum instantiam cùm aperta fuisset urna, facies Archipræsulis, quæ omnibus erat affabilis, veneranda apparuit, & acsi vivida, acsi somnum capisse potius, quàm mortua esse, existimari potuit.

Adveniente autem die, pompæ lugubri & funebriali destinata, nempe die ultima Septembris, Anni ejusdem, millesimi sexcentessimi quinquagesimi secundi, funus in Ecclesia Metropolitana Gnesnensi, decentissimè & honestissimè, sumptu tamen minimè superfluo, prout ipsemet in Testamento obligaverat, peractum. Frequentia Sacerdotum tam sæcularium quàm Regularium, ex Archidiecepsi & aliis Dioecesibus fuit tanta, ut pro absolvendis sacrosanctis Missæ Sacrificiis, à Summo manè, usque post meridiem, altaria licet in Metropolitana Ecclesia fuerint numerosissima, vix sufficerent. Florianus Dux in Klevan Czartoryiski, Episcopus eo tempore Posnanienfis, è suggestu Concionem habuit, & suo Consecratori supremum honorem exhibuit, alteram Paulus Kaczyński Societatis Jesu, Vir virtute & zelo honoris Divini ferventissimus, Concionator sui cœvi, in principalissimis Ecclesiarum in Regno Exedris, cum magno animarum fructu laudatissimus, qui pientissimi Archipræsulis virtutes

& Sanctitatem, merita in Ecclesia & Patria, ad imitationem præsentium, memoriam posterorum, maximis laudibus Commendarunt.

His ita pro decentia peractis, corpus in Capella, à defuncto Archiepiscopo eo fine restaurata & dotata, nunc Lubieniana dicta, cum magno Familiæ & amicorum luctu, Cleri iulpirio, Pauperum & egenorum, quorum tunc temporis innumerabilis multitudo fuit, planctu, & omnium communi dolore, in sepulchrum illatum, & honorifice tumulatum est. Licet autem taliter Mathias Noster tumulatus, & ex oculis mortalium ereptus sit, virtus tamen ejus vivit, vivetque in æternitate temporum, famâ rerum, neque illam poterit ulla obliterare oblivio. Successorem in Cathedra Metropolitana Gnesnensi accepit, Andream Comitem Leszczyński, de stirpe Wiśniawitarum, Regni Supremum Cancellarium. Ejus memoriæ, ab Executoribus, in ipsa Capella positum est Epitaphium marmore incisum.

D. O. M.

Mathias Lubieński, Sventoslai & Barbaræ de Zapolice Filius, Stanislai Episcopi Plocensis, Alberti Pultoviensis Præpositi, Canonici Cracoviensis, Sophiæ Abbatissæ Ołobocensis, & Martini Societatis Jesu Theologi, germanus Frater, in Aula Sigismundi III. pie versatus, ex minoribus Sacerdotiis, & Regente Cancellariæ, Præpositus Miechoviensis, Custodum Sanctissimi Sepulchri Domini, eorum Professor Institutum, post à Gregorio X. Chelmenſi Ecclesiæ, ab Urbano VIII. Posnaniensi, deinde Vladislaviensi præfectus, tandem nominatione Vladislai IV. ad Archiepiscopatum Gnesnensem, Primatum, Principatumque Regni, proventus fuit. Summa in Deum pietate, & admiranda humilitate, cunctis exemplaris, raroque animi candore amabilis, Ludovicam Mariam, illius Regis Consortem, diademate cinxit; Joannem Casimirum, Regem renuntiavit & Coronavit. Basilicam hanc ruinis proximam, stabilitati, nitorique restituit, & censibus ampliavit. Austrolem turrim à fundamentis eduxit, ac ære bracteato contexuit, Ecclesiam Sponsam, cujus semper decorem dilexit, Supremis tabulis hæredem scripsit. Tandem Alberto Lubieński Castellano Siradiensi, Predecensi Capitaneò ex Fratre, Martino Starczewski Abbacie Trzemesznenſis Administratore, Regni Referendario, ex Sorore, & Andrea Trzebicki Regni Procancellario, Præposito Plocensi Nepotibus, ac sui testamenti Executoribus complorantibus, dierum gloriæque plenus, Lovicii placide obdormivit. Anno Domini, MDCLII. XV. Kalendas Septembris.

Aliud in Ecclesia Archicathedrali Gnesnensi, penes eandem Capellam, in lapide marmoreo, eidem Archiepiscopo, inscriptum existat Epitaphium.

Ttt

D. O. M.

D. O. M.

Mathias Lubieński, armis Pomianis, Dei & Apostolicæ Sedis gratiâ Archiepiscopus Gnesnensis, Legatus Natus, Regni Poloniae Primas, Primusque Princeps. Post multa resecta, expolita ære bructeato, circa hanc Basilicam Sacella, Critianum hoc vetustate collapsum, à fundamentis excitavit, augustiore amplitudine, altari, picturaquæ, marmore decoravit, & censu Sacerdotum aucto, cantu missæ Beatæ Mariæ Virginis figurali quotidiano, illustravit, atque hicce mortalitatis exuviis deponendis, vivens, sibi suisque lapidem terminum fixit, sub quem piæ Matris Barbaræ de Zapolice cineres, intuli, Annò Domini, MDCLII. quo Jubilæum Sacerdotii, magno populi gratulantis accursu, quinquagenarius Presbyter, absolvit, ætatis suæ LXXXI.

Erat Vir statura mediocris, vultu albo, affabili, in gravitatem Auctoritatemquæ composito, capillo raro & pendulo, oculo modesto, voce demissa, incessu tardus, ingenio prompto, eruditione non vulgari, judicio maturo, corde candido, pectore aperto, in mensa privata frugalis, in publica Magnificus, proclivis ad lachrymas, unde sæpius non ex aliqua tristitia aut perturbatione animi, sed potius ex interna aliqua cordis læritia, illachrymabatur. Regibus Poloniae, Sigismundo, III. Vladislao IV. Joanni Casimiro, Pontificibus Romanis, Urbano VIII. Innocentio X. Charus; in adversis nunquam concessit locum tristitiæ, aliquando in maximis adversitatibus, nonnihil movebatur, sed uno verbo leni audito, tranquillari solebat.

CAPUT VIGESIMUM OCTAVUM

De Opinione Sanctitatis Mathiæ.

CUm veræ virtutis cultu, non falsis vulgi opinionibus, magnum ubique nomen acquisivisset Mathias, protinus sanctitas ejus appretiari, opinio bona de eadem haberi, & ubique honorari cæpit. Hinc cum adhuc in hac vita mortali esset, tantæ existimationis fuit, ut Negotia Regni, in maximis adversitatibus consistentia, ejus orationibus commendarentur, & dum eadem feliciore eventu finita essent, ejus suspiriis, & efficacibus ad Deum lachrymis, adscriberentur. Eo Archiepiscopatum gerente, post mortem Vladislai IV. Annò millesimo sexcentesimo quadragesimo octavo, periculosissimum subsecutum est Interregnum, nam Bogdanus Chmielnicki, Dux Cosacorum, cum numerosa multitudo suorum militum, accipiens sibi ab Hano, in adjutorium septem millia Tartarorum,

rum, Polonis bellum intulit, & primo sub Zoltewody, victoriam de ipsis reportavit, postea sub Korsunië, utrumque Ducem Exercituum Regni, Potoccium & Kalinowski, cum multis Proceribus Poloniæ comprehendit, exercitumque sub Konstantynów facile profligavit, qui sine Ducibus, tanquam absque Capitibus, proclivior fuit ad subeundam cladem, quam ad dandam inimicis Patriæ resistantiam. His victoriis elatus, ubique Civitates, villas ac Domos Nobilium depopulabatur, Ecclesias spoliabat, profanabat, & nec Sepulchris parcebat, in eorum Cadavera sæviendo, & eadem, de illorum Sepulchris ejiciendo. Non hic calamitatibus finis: Nam post obtentas has victorias, Annò futurò, millesimo sexcentesimo quadragésimo nono, sub Zborów, nostri à Cosacis oblidione cincti, coacti sunt sub certis gravioribus conditionibus, cum Chmielnicio, inire pacem, appromissa Tartaris grandi pecuniaria summa.

In his angustiis & calamitatibus, gemebat ad Mathiam populus, quorum lachrymas, Damalewicz in præfatione Libri, cui titulus: *Series Archiepiscoporum Gnesnensium*, expressit, & loco enarrationis gestorum nobilium, à Mathia Nostro factorum, laudum Familiæ & meritorum in Patria, nomine omnium, potentissimas preces, & supplicationes ad Deum, Mathiæ Nostri imploravit. Suspirabat ad Mathiam, nomine omnium, hic præclarissimus Auctor: *Leva puras ad Deum manus, Cornuti Regis exemplo, ut te orante, fidelis exercitus, sit rebellibus catervis formidolosus, ut post depressam superbæ rebellium Cosacorum perduellionis arrogantiam, Joanni Casimiro potentissimo Regi, rediviva Gnesnensium Archiepiscoporum Coronam cinctus, obviam procedens, triumphale illud epos, gratulabundus occinas, quod olim Abrahamo Victori, Primas Sacerdotum Melchisedech, occidit: Benedictus Abraham Deo excelsus, qui creavit cælum & terram, & Benedictus Deus excelsus, quo protegente, hostes in manibus tuis sunt. Hoc votemus omnes, hoc ab Uri tui fortitudine, ut contra Deum sis fortis lachrymis, & supplicatione prævaleas, gemebundi præstolamur.* Neque frustrata sunt desideria Poloni populi, nam electo Joanne Casimiro, lætior nuntius venit: nostros aliquoties, tum sub Zborów, tum sub Machnowce, ac tandem sub Rosółowce, de Chmielnicio victoriam reportasse, ubi Dux Jeremias Wisniowiecki, Krzywonosum Tribunum Cosacorum, profligavit, & numerata sunt in variis congressibus, Cosacorum quinquaginta millia cæsa, nostrorum autem, tantum octingenti periëre. Posthæc Annò Domini, millesimo sexcentesimo quinquagesimo primo, felicissima victoria Polonorum, sub Beresteczek cænebatur, ubi singulariter Joannis Casimiri Regis, Jeremiæ Ducis Wisniowiecki, & totius exercitus Poloni, invicta virtus patuit. Innumera ibidem multitudo Cosacorum & Tartarorum cæsa, occisus inter numerosa Cosacorum agmina, & Patriarcha Græcorum de Constantinopoli,

Hanus verò, qui cum toto exercitu Tartarorum, invadebat Polonos, tunc recedere debuit, Chmielnicki autem post turpissimam fugam, pacem à Rege per Emissarios suos expetiit. Hujus memorandæ victoriæ, prognoscis fuit, visa ab aliquibus ante prælium in ære, Mater Dei, suo paludamento Castra Polonorum cooperiens, cum Sancto Michaele, Hanum fugitivum insequente, & fulmina in ipsum vibrante, ut scribit Franciscus Pułaski, in sua brevi annotatione, Comitiorum Regni, Polonice impressa.

Hunc felicissimum eventum belli, Victoriæ & Triumphi, aliqui erant, qui precibus adscribebant Mathiæ, ejus efficaciis ad Deum & Matrem Sanctissimam, tribuebant suspiriis, ejus deferabant piis lachrymis. Sic Albertus Cieciżewski, Sacræ Theologiæ Doctor Societatis Jesu, in præfatione Concionis, Leópolis habitæ, Anno Domini, millesimo sexcentesimo quadragesimo nono, aliquas victorias Poloni Exercitus de Chmielnicio, ardentibus precibus ad Deum directis, Mathiæ Nostri adscripsit. Imò totum Polonia-
rum Regnum, sub illo post Vladislauum IV periculosissimo Interregno, quo omnes infelicitates, in Patriam nostram conspirarunt, jam jam ruiturum, & in alienas vicinarum Potentiarum manus, perventurum foret, si non Sanctissimis ad Deum precibus & supplicationibus, Mathiæ Nostri fulciretur, attestante Paulo Potocki, Castellano Camenecensi, in libro suo, cui Titulus: *Sæculum bellatorum & Togatorum, seu centuria Clarissimorum Virorum, Polonorum & Litvanorum*: ubi sub titulo: *Mathias Lubiencki*; sic inquit: *Ea præcipua in Regno Poloniae, Regum ritè inaugurandorum Auctoritas, ut post pleraque Sacerdotiorum, & Ministeriorum publicorum subsellia, Mathiæ Lubienscio, Siradiensis Patricio Dynastiæ, inter selectiores eminentiori Antistites, obtigit uni, ita turbulentissimo, illo post fata Vladislai Interregno, (quo felicissimi Regum, infregisset sceptrum, vix non pomum, id est Orbem nostrum, ad alienas id est serviles devoluerat manus, noverca fortuna,) maxime congruere videbatur. Cum etenim infensiores vicinorum nostrorum animi, aut potius timida vota, fluctuantem sive jam naufragantem Rempublicam nostram, prædamnessent veluti ad remum, postliminio emerimus, sive redimus ad Regnum, excubante pro periclitante Patria, & extendente manus, imò supplicante Lubienscio eidem Numini: quodsi ad nutum & arbitrium unius armati, in prosequenda victoria, sistere potuerat solem, quidni ad expugnatricem cæli, tanti Mitrati religionem, nostrarum calamitatum, aliò diverteret cursum.* Unde & Joannes Dionysius Łobżyński, Ordinis Sancti Pauli primi Eremitæ, visa gravi sollicitudine Mathiæ Nostri circa Patriam, visis tot uberrimis Mathiæ pro communi salute Patriæ, fusis ad Deum lachrymis, considerata ipsius eximia Sanctitate, eaque admirata, eundem Mathiam, in sua Analecta, inscrip-
ptione

ptione decima sexta, futurum Regni Poloniæ Patronum, inter Sanctos in cælo numerandum scripsit, dum sic ibidem inquit: *Mathias Lubieński, ubi satis Ecclesiæ, Patriæ felicitati, cælo, super omnia maturus vixerit, inter Polonorum futurus Indigetes, Pater & Patronus.* Sic & Paulus Gorki, Academiæ Cracoviensis in Philosophia Baccalaureus, in sua lucubratione: *Primatus Regni Poloniæ honorificentissimus*, intitulata, in Mathiæ Nostri ad Ecclesiam Metropolitanam Gnesnensem ingressu, dedicata, non verbis adulatoriis, non sententiis superba hyperbole ornatis, sed prout oculis suis vidit, prout ipsemet observavit, abjecto quovis orationis ornamento, Mathiam Nostrum, & rari exempli, & pietate beatum & admirandum exclamat, dum sic ibidem inquit: *O Virum insigni pietate beatum! O Pastorem rari exempli summe admirandum! quis talem ac tantum Primatem repererit in vita! cujus vita perfectione sua, plus ipsum exuperaret, & cui sese parem, ne dicam superiorem, exhibere satageret.* Et ulterius eundem Divinum Virum, Sanctissimis in lege antiqua Viris, Patriarchis videlicet & Prophetis comparat, dum sic ibidem scribit: *Is, id est Mathias, in sacrificando Aaronem, in supplicando Moysen, in deprecando Heliam, in reconciliando Davidem, in meditando Jeremiam, omnino & sine invidia assequi videtur.*

Postquam vero Mathias religiosissime, ex hac vita mortali, ad immortalitatem transiit, protinus ejus sanctitas, virtutum admirandarum multitudo & magnitudo, quibus cælestis Vir vivus claruit, non modo unius amplissimæ Archidiocesis finibus conclusa, sed universum Regnum Poloniæ implevit, & omnium mortalium, qui de illius factis audire, mentes, summam in admirationem rapuit. Ex hac opinione, ab aliquibus Sanctus, ab aliquibus Propheta, ab aliquibus eximiiis titulis & nominibus, celebrari & appellari cœpit. Sic ab Andrea Olszowski, Archiepiscopo Gnesnensi, Regni Poloniæ Primate, Primoque Principe, sermone ad Capitulum Gnesnense, apud Andream Chrysostomum Załuski, Epistola historica familiari, Annò Domini, millesimo sexcentesimo septuagesimo quinto, Noster Mathias, magnæ sanctitatis Archiepiscopus, appellatur, dum inquit. *Neque novum me hospitem, amplissima Archidiocesis habet, illa mihi natale solum, fortunarumque avita sedes, illa rudimentum & tyrocinium fuit, in qua magnæ sanctitatis Archiepiscopi Lubienii, Curiae Cancellarium ageus, nonnihil tantò Magistrò, regimini & curis Pontificiis insuevi.* Ob quam Sanctitatem, oculata fide ab Olszovio perceptam, idem Ipse Olszovius, Archiepiscopus Gnesnensis, licet mortuus esset Gedani, Annò Domini, millesimo sexcentesimo septuagesimo septimo, in loco triginta miliaribus polonicis distante à Gnesna, post mortem suam, ut scribit Petrus Dunin Societatis Jesu, in Concione funebri polonica, ejusdem Andreæ Olszovii Gnesnæ habita, & Gaspar Niesiecki

Societatis Jesu, tomo tertio, sub litera O, non alibi sepeliri voluit, præterquam Gnesnæ, penes Corpus Mathiæ Lubieński, ob quandam Sanctitatem de Sepulchro ejus spirantem, & singularem erga Virum beatum pietatem. Sic Remigius Suszycki, in Academia Cracoviensi Philosophiæ Doctor & Professor, in Panegiri, in ingressu Gnesnam Andreæ Olszowski, Archiepiscopi Gnesnensis, typo impressa, prædictum Nostrum Mathiam, Annò vigesimo tertio post mortem ejus, & Antistitem piissimum, & Virum Sanctissimum, cælestibus donis ornatum deprædicavit, dum scripsit: *In qua lite mensuram, statusque honoris tui, veniste fatis exprimentibus, cessasti Mathiæ Lubienio, Archiepiscopo Gnesnensi, dignus tanto Imperatore tyro, morâ non opus erat, qua apud Antistitem piissimum valesceres, arcana inter insignes Viros sympatia, aded tibi primo adspetu illum conciliaverat, ut Vir Sanctissimus, cui cælitus permissum erat, oculos in futuram rerum caliginem mittere, silentii magni impatiens, Primatem te prius, quàm domesticum consalutaverit.* Sic Petrus Dunin Societatis Jesu, in Concione polonicè impressa, in funere ejusdem Andreæ Olszowski Primatis Regni, in Ecclesia Metropolitana habitæ, Nostrum Mathiam, & Sanctum, & Prophetam publicavit. Sic Joannes Ochocki, in Universitate Cracoviensi Philosophiæ Doctor & Professor, in Panegyri: *Pomianum* intitulata, eundem Mathiam, vivum post funera Sanctitatis, & innocentiae simulacrum appellavit. Sic Joannes Franciscus à Sancto Josepho, Scholarum Piarum, in Concionibus suis polonicis, variis in locis publicè habitis, eundem Mathiam, & Sanctum vocari solitum, & extraordinariis in vita gratiis, & post mortem miraculis, à Deo illustratum testatur, dum Concione, Dominica secunda post Pascha, de eodem sic inquit: *Unum de millibus, liceat mihi commemorare Sanctum Polonum, & hic fuit Mathias Lubieński, Ordinis Sancti Sepulchri Canonicus, qui cum esset professus in Conventu Miechoviensi, postea factus est Episcopus Chelmensis, Poseniensis, Vladislaviensis & Pomeraniæ, ad extremum Archiepiscopus Gnesnensis, Regni Poloniæ & omnium virtutum Primas, & Primus Princeps, quem Deus sicut in vita, magnis gratiis, ita & post mortem non minoribus miraculis, clarificavit, & præsertim quoddam corpus ejus per annos centum incorruptum servavit, in Archidiœcesi Gnesnensi, tanquam Sanctus Episcopus communiter nominatur.* Sic Alexander Lubieński, Castellanus Gnesnensis, visitato ejus corpore, prout sequenti Capite inferius patebit, ejus intercessionem ad Deum imploravit, dum in suis manuscriptis, prout egomet ipse legi, notavit: *Qui (id est Mathias,) pro nobis intercedendo, cum Deo regnet, Amen.*

Claudo Caput de Opiniene Sanctitatis Mathiæ, simulque probo eandem

eandem opinionem, præcatiunculâ, ad eundem Mathiam compo-
sitâ, & in Panegyri: *Certamen Votorum* intitulata, ab Auctore ejus
in Academia Cracoviensi Doctore & Professore, typo impressa, ac
in ingressu ad Cathedram Cracoviensem, Casimiri Lubieński, E-
piscopi Cracoviensis, Annò Domini, millesimo septingentesimo
undecimo, publicatâ & promulgatâ: *Magne Mathie, vota sincera si-
nè offuciis, quæ vides in Verbo Patriæ necessaria, & hoc tempore fla-
gitioso, omnibus Ordinibus opportuna, quique eadem, juxta dictamen
conscientiæ, & non depravatæ politiæ genium, veri bonique oracu-
lum existens enuntiasti, eadem cordibus Concivium tuorum, reinducen-
da, à Principe Regum omnium, postulare non desistas.* Plura de e-
adem opinione scribant alii, nobis innuere tum Deum orare sat
erit, ut Deus in decus Primatialis dignitatis, in solatium Regni &
Familiæ, in ornamentum Ordinis Nostri, ejusdem Mathiæ, magis
ac magis Sanctitatem clarificet.

CAPUT VIGESIMUM NONUM.

De admirandis in vita & post mortem Mathiæ.

Sanctitatem Mathiæ Nostri, admirandis quibusdam operibus,
monstravit Deus, quæ in duplici classe accepta, aliqua quæ in
vita, aliqua quæ post mortem patrata, eundem illustrarunt &
Orbi commendarunt. Ac inprimis, quibus in vita servum suum,
Deus dignatus est illustrare, hæc sunt: Cum Andreas Olszowski,
ex Urbè & ex aliis extraneis Academiis, ad Patriam reversus esset,
& Nicolaus Koniecpolski avus ejus ex Matre, Gnesnensem Canō-
nicatum eidem contulisset, brevi apud Nostrum Mathiam Archie-
piscopum, Cancellarius factus, ejus negotiis Ecclesiasticis, & poli-
ticis obeundis operam præstabat, & curas præcipuè tempore Inter-
regni, post Vladislauum Regem, summa cum laudè sustinebat, in
lingvæque gallica cum esset peritissimus, Mathiam Nostrum ejus
lingvæ minus peritum, gloriose juvabat. Hic cum Uniejoviæ,
Civitate Archiepiscopali, Ecclesia Collegiata celebri, in arce, unâ
cum Mathia Archiepiscopo moraretur, frequentiaque plurimorum
hospitum adesset, eidem dignitatem in Regno Primatiale, penes
plurimos fide dignos prædixit, & determinatè, quantum post se
in ArchiCathedra Metropolitana Gnesnensi, Archiepiscopum no-
minavit. Res se ita habet: Cum in arce prædicta Archiepisco-
pus Mathias, per aulam, unâ cum Andrea Olszovio deambulare,
& imagines antiquorum Archiepiscoporum, in qua illi ordine de-
picti erant, eidem commonstraret, in præsentia plurium protunc
Hospitum, Vir Dei gratia & dignitate Prophetiæ, à Domino hono-
ratus

ratus, conversus ad Olzovium inquit: *Aliis hic etiam pingendis locus superest, & te Andrea Olzovi, quintum post me Archiepiscopum nomino ac prædico.* Quod postea in toto impletum & verificatum: Nam post Mathiam Lubieński, fuerat primus Archiepiscopus & Primas Regni, Andreas Leńczyński; secundus Venceslaus Leszczyński, tertius Nicolaus Prażmowski; quartus Casimirus Florianus Czartoryski; Quintus hic Andreas Olzowski. De qua prædictione scribunt, Joannes Kwiatkiewicz Societatis Jesu, in Oratore paripatetico, folio trecentesimo septuagesimo quinto. Petrus Dunin Societatis Jesu, in Concone funebrali polonica, in funere Andreae Olzowski Gnesnæ habita, Annò Domini, millesimo sexcentesimo septuagesimo septimo. Gaspar Niesiecki Societatis Jesu, in libro polonico *Corona Poloniae* intitulato, tomo tertio sub litera O, & alii plurimi.

Tandem à Majorum Patrumque Nostrorum memoria ad nos devenit, quòd cum quadam die, tempore cujusdam solennitatis, in Ecclesia Metropolitana Gnesnensi, ex more, devotione, flagrantissimus Divinis mysteriis Mathias, ad Altare vacaret, & missam pontificaliter celebraret ante aram maximam, post consecrationem Calicis, & ante ipsam sumptionem Sangvinis Christi, delapsa est aranea venenò plena, in calicem consecratum; Prælati & Canonici, aliique Ministri, pro Majestate assistentes Pontifici, svadent alium consecrandum calicem, Mathias renuit; explicant pericula, lethales morbos, senilem ætatem, ipsamque certò subsecuturam mortem, sed nihil proficiunt; Accipit Mathias plena fide Calicem, Sangvinem Christi simul cum aranea sumit, omnem assistentiam in stuporem & admirationem rapit; Absolutò sacro missæ sacrificiò Præsul, finitis secundum morem suum precibus, ad palatium progreditur, post prandium aliquandiu in sella somno quiescit, brevi evigilat, sternutat; Res stupenda! mirabiliter in sternutamento, per nasum aranea egreditur; mirantur factum omnes, sanctitatisque Pontificis adscribunt. Ex relatis Reverendissimi Proszewski Archidiaconi Loviciensis annorum octoginta Viri.

Illud item dignum notatu venit, quod ex manuscriptis Ecclesiæ Abbatialis Czervezensis, Ordinis Canonorum Regularium Lateranensium, accepi. Colitur in hac Ecclesia, Imago Sanctissimæ Virginis Mariæ, puerum Jesum in manibus suis gestantis, quæ & multis miraculis in eadem Ecclesia claret, & ad devotionem se visitantes allicit. Igitur dum Annò millesimo sexcentesimo quinquagesimo, die decima sexta Martii, Civitas Archiepiscopalis Squierniewice dicta, unà cum palatio Archiepiscopali, fatali cæpit ardere incendio, jamque periculum maximum & proximum immineret, actumque de tota Civitate & palatio Archiepiscopali esset, Mathias Archiepiscopus, protunc Squiernieviciis, per tempus hyemale manens

manens, protinus ad patrocinium Virginis Beatissimæ, & ad Jesum parvulum, in manibus ejusdem Virginis Sanctissimæ gestatum, se convertit, ardentissima suspiria, ad Virginem Beatissimam emisit; auxiliumque & defensionem, ab igne jam jam grassante supplicavit. Eo in instanti, Virgo Beatissima, in ea forma, prout in eadem Ecclesia Abbatiali Czervenenensi cernitur, puerulum Jesum in manibus suis gestans, Mathiæ Nostro, visibiliter apparuit, flammam atrocem illic sedavit, & ab omni non solum ruina, verum periculo, Civitatem Squiernievicensem & palatium Archiepiscopale defendit. Exstat ejus apparitionis & defensionis, Virginis Beatissimæ memoria, in manuscriptis ejusdem Ecclesiæ Abbatialis Czervenenensis exarata, sub titulo: *Brevis de loco & Imagine Czervenenensi, Virginis Mariæ descriptio, ab Anno Domini, millesimo sexcentesimo quadragesimo sexto, die secunda Decembris, connotari cæpta.* In quo manuscripto seu libro, de eodem miraculo, polonico idiomate leguntur sequentia: *Anno Domini, millesimo sexcentesimo quinquagesimo, Celsissimus Princeps, Mathias Lubieński Archiepiscopus Gnesnensis; dum Civitas & residentia Archiepiscopalis, Squiernieviciis igne funesto arderet, suspiriis suis & orationibus, ad Jesum in manibus Mariæ gestatum directis, ignem sedavit. Pro quo beneficio, gratiarum actiones, Christo & Virgini Beatissimæ persoluturus, personaliter ad Imaginem Sanctissimæ Mariæ Virginis, in Czervinsko comparuit, & votum in perpetuum Anathema appendit. Hic Archipræsul, vidit in uere Mariam, Jesum parvulum tenentem, in ea specie, prout in Ecclesia nostra Conventuali monstratur.* Hucusque libri sive manuscripti verba.

Votum autem prædictum, quod Mathias, Virgini Sacratissimæ, in Ecclesia Czervenenensi obtulit, est in toto argenteum, magnitudinis semicubito majus, in medio circulus deauratus, in quo est Imago Beatissimæ Virginis, cum parvulo Jesu in ære, prout Mathiæ Archiepiscopo apparuit, expressa; ante quam Imaginem, a parte dextra Mathias Archiepiscopus, flexis genibus est exculptus; ex opposito verò Mathiæ, stemma ejus, cum literis circumcirca: M. L. A. G. exaratum. Postea in eodem voto, sequitur inscriptio talis: *Divæ Deiparæ Czervenenensi, miraculis claræ, ob initigatum incendium, quod Squiernieviciis, locum residentiae per hyemem Archiepiscopalis, decima sexta Martii, Anno millesimo sexcentesimo quinquagesimo, subita vi, ac periculo ingenti corripuerat, Mathias Lubieński Archiepiscopus Gnesnensis, Legatus Natus, Regni Poloniae Primas & Primus Princeps, piæ gratitudinis & devotionis ergo, Czervinscum veniens, septima Maji, Anno quo supra, ex voto appendit.*

Sicut autem his imò & aliis pluribus, quæ ad nostram non pervenerunt notitiam, Deus Mathiam Nostrum, in vita condecoravit

ravit gratiis, ita postquam Spiritus ejus, solutus vinculis corporis, & stolâ immortalitatis indutus, sacrum ejus corpus, majoribus & omni admiratione dignis, tanquam voluntatis Iuæ appositis signaculis, & evidentissimis amoris pignoribus, quibus Sanctitatem ejus attestaretur, coruscare voluit. Quorum illud memoriâ dignum: Sub tempus incursionis Sveticæ in Poloniam, annô post mortem Nostri Mathiæ tertio, nempe millesimo sexcentesimo quinquagesimo quinto, regnante Joanne Casimiro, Milites Svetici, postquam totam penè Poloniam, nemine resistente occupassent, postea successive, etiam Gnesnam, Civitatem Regalem, dignitatē & Ecclesia Primatiali & Metropolitana celeberrimam, invaserunt, atque Præfectum Gnesnensis Territorii, quendam Engel, optimum Ecclesiasticorum Bonorum Prædonem, constituerunt. Hic cum alios Prælatos & Canonicos, Ecclesiæ Metropolitanæ spoliasset, nec Præposito Conventus Nostri Sancti Joannis, pro tunc Alexandro Zbikowski de armis Korab, pepercit, nam Ecclesiæ Sancti Joannis, supellex nobilior direpta, argentum quoque ejusdem Ecclesiæ plurimum, ipsa antiquitate æstimabile; Post hoc Zdziechowa villa, ejusdem Conventus Sancti Joannis hæreditaria, ab iisdem Svecis incensa, mediaque pars nobilior, igne absumpta erat. His atrociter peractis, in Ecclesiam Metropolitanam Gnesnensem, irruptionem fecerunt, & à tot sæculis pia liberalitate Archiepiscoporum, coacervatum aurum, argentum, sacras vestes magni pretii, sacrilega rapacitate deprædati sunt. Præmonuerat Archiepiscopus, ut hic sanctior Thesaurus, in aliquem extra fines Regni deportaretur locum, Simon Koludzki Gnesnensis Præpositus, qui fuerat Sacri Collegii Præses, consultius eum existimavit, in aliquo occulto recondere loco, & lateribus obstruere; quod factum minus consideratè, Nam idem Sveticus Colonellus Engel, potius aquilonaris Diabolus, aliquos Prælatorum, nempe Stanislaum Sławieński Cancellarium, Adamum Piątkiewicz Theologum, Canonicum Gnesnenses, in carcerem squalidum detrusit, & ubi lateret Thesaurus Ecclesiæ, graviora interminando requisivit. Sed cum hi negarent, Murarius qui obstruxerat thesaurum, nequam proditor, de loco & thesauro abscondito edocuit, direpta igitur vasa sacra aurea, argentea, vestitui sacro non parsum, & ex tam ingenti Ecclesiæ ornatu, vix Divi Tutelaris Adalberti Calvariâ, Henrici Firley infula, calix aureus Sventoslai Strzałkowski Canonici, manus horum lavernionum effugit. Tumbam pro sacris lipsanis, Sancti Adalberti, donaverat celebratæ liberalitatis monumentum, Sigismundus III, Rex, & hoc Sanctius donarium ablatum, ac postea cum aliis cimeliis, in Sveciam deportatum. Post hoc sepulchra, in Ecclesia Metropolitana Gnesnensi, (sperantes se ibi quæque pretiosa erepturos) aperuerunt. Factum est, quod Sepulchrum Nostri Mathiæ

thiæ Archiepiscopi, & ipsum sarcophagum, ubi corpus ejus incorruptum jacebat, aperuerunt, & dum sacrilega manu, Crucem auream de collo ejus pendentem unus, alter annulum aureum de digito ejus deponerent, Mathias de tumba se levavit ac consurrexit, hostes Ecclesiæ & Patriæ terruit, ac à suo tumulo, & ab Ecclesia Metropolitana, in cujus gremio dormit Sponsus, miraculose fugavit. De hoc extraordinario miraculo, præter plurimos, qui à Majoribus suis acceptâ Notitiâ, hic Gnesnæ constanter id referunt, etiam Academiæ Cracoviensis Doctor & Professor, in sua Panegyri, *Certamen Votorum*, intitulata, Annò Domini, millesimo septingentesimo undecimo, typò impressâ, (citans pro hac veritate in margine, Generolum Dunin, nobilissimæ in Regno Familiæ Virum, oculatum ejus rei & miraculi testem,) conscripsit sequentia: *Mathias Lubieński, post obitum suum corpore integer, hostes Ecclesiæ & Patriæ, à Sacra Synthesi Pontificalium, quibûs illum Sponsa, non ad tumulum, sed ad thalamum æternitatis ornaverât, motu thaumaturgo manus & capitis coercuit, ut stupentes non auderent, profanissimas manus extendere, ad sacra Mathiæ lipsanorum ornamenta, vel rapta quædam injustè, cum timore restituere cogerentur.*

Postquam verò fama de hocce miraculo, per Civitatem Regalem Gnesnensem, imò per totam Archidiecepsim, divulgata fuisset, protinus Capitulum Metropolitanum Gnesnense, commissionem decrevit, & Commissarios, quatenus tumulum reviderent, & de rei veritate inquirerent, destinavit. Sed præstat ipsam commissionem, ex Actis Capituli Metropolitanì Gnesnensis acceptam, hic inserere. *Actum Gnesnæ, in Capitulo septimanali, die vigesima secunda, mensis Decembris, Annò Domini, millesimo sexcentesimo sexagesimo secundo: Perillustres & Admodum Reverendi Domini, Adrianus Smietowski, Matthæus Judicki, Vladislaus Markowski, Vladislaus Obidowski, Albertus Terliński, Stanislaus Grabiński, Canonici Ecclesiæ Metropolitanae Gnesnensis Capitulariter fuerunt congregati. Sub tempus incursionis Sæclicæ, tumulus Divæ memoriæ, Illustrissimi olim & Reverendissimi Domini, Mathiæ Lubieński Archiepiscopi Gnesnensis, reclusus, & quædam digna consideratione feruntur ibidem patrata. Idcirco, ob reverentiam tanti Principis, æviternâ memoriâ digni, committitur Perillustribus Dominis, Matthæo Judicki & Alberto Terliński, Canonicis Gnesnensibus, ut eundem tumulum revideant, & quæ judicaverint digna veneratione, piissimorum manuum, hujus Præsulis, diligenter exquirant, & quàm decentissimè componant & accomodent tumulum. (Locus ✕ Sigilli) ex Actis Reverendissimi Capituli Gnesnensis extractum & extradictum.*

Neque hoc solo, virtutem & Sanctitatem Mathiæ Nostri, Deus revelare voluit, sed & aliis admirandis modis, eandem indi-

cavit & demonstravit. In Palatinatu Siradiensi, in villa hereditaria Dominorum Lubieſciorum, denominata Kalinowa, dum Curia gravi incendio flagrasset, & in hac Curia, imago Mathiæ Noſtri pendens, in pariete fuisset, significatum Parocho, ut cum Venerabili Sacramento veniret, incendium benediceret, precibusque laboraret, pro extinguendo incendio. Res mira! dum Parochus cum Venerabili Sacramento venisset, imago Mathiæ, ex illa ingenti flamma, absque alicujus adminiculo, sine aliqua læsione sui evolavit, & in aëre tam diu, supra Venerabile Sacramentum, sustentabatur pendula, donec ad manus cujusdam seniculi, vitæ commendata, illapsa esset. De hoc miraculoso eventu, referebat suæ Familiæ Viris, piæ memoriæ Andreas Lubieſki, Scholasticus Cracoviensis, Cononicus Gnesnensis, à quibus ego id accepi.

Illud item notatu & admiratione dignum, quod corpus ejusdem Mathiæ, hucusque incorruptum servetur, & jam uno sæculo completo, annis videlicet centum, ad Annum millesimum septingentesimum quinquagesimum secundum, quò hæc imprimò, absque sua corruptela, integrum observetur. Visitabatur idem corpus, variis temporibus, à plurimis Viris, quovis honore & æstimatione dignis, & integrum cernebatur; visitabatur ab Alexandro Lubieſki Castellano Gnesnensi, Viro non minus splendore generis, quàm pietate clarissimo, qui de eodem corpore, in suis manuscriptis domesticis, adnotavit sequentia: *Annò Domini, millesimo septingentesimo decimo septimo, die vigesima septima Octobris, fui sociatim cum Perillustri Reverendissimo Fratre meo Gnesnæ, & visitavimus sepulchrum Sanctæ memoriæ Proavi Noſtri, Archiepiscopi; quò cum intravimus, odorem acsi balsami sensimus omnes, quotquot ibi fuimus, fuerunt autem visitantes personæ, plus minùs viginti, vidimus insuper faciem apparenter cute & corpore contactam, manus & pedes & totum corpus integerrimum, in apparatu Pontificali adhuc integro, præter albam & Rochetum, quod jam erat corruptum, cæterum casula, stola, tunicella, vestis inferior, Chirothecæ in manibus, tibialia observavimus totissima & integra. Item Infula, pileolus in capite intactus. Levabat Stanislaus Vicarius illius Ecclesiæ, manum ejus, & apparuit vivida, acsi recènter mortui. Tangebamus item pedes, probando utrum in illis inveniatur corpus, & erat verissime. Ad caput invenimus tabellam de ære, cum inscriptione, quòd vixerit annis hexogintauno, mortuus fuerit, Annò millesimo sexcentesimo quinquagesimo secundo, die vigesima octava Augusti, durante vita Innocenti X. Pontificis Maximi, Ferdinandi II. Cæsaris, Joannis Casimiri Regis Poloniae. Vebe-
menter mirabamur omnes, singulariter tam suavissimum odorem quem sensimus, præcipue dum aperta fuisset urna; tum integritatem corporis, per annos sexaginta sex in sepulchro jacentis, qui pro nobis intercedendo*
cum

cum Deo regnet, Amen. Hucusque manuscriptum Alexandri Lubieſki Castellani Gneſnensis.

Viſitavi & ego qui hæc ſcribo, ſtatim à principio poſſeſſionis meæ Præpoſituræ & Conventûs Sancti Joannis Gneſnensis, corpus Mathiæ Noſtri, & acceptâ licentiâ & conſenſu, Reverendiſſimi Capituli Metropolitanî Gneſnensis, Annò, milieſimo ſeptingenteſimo quadregeſimo ſexto, die decima ſeptima Januarii, apertum fuit ſepulchrum, quò cùm intravimus, levatòque urnæ operculò, corpus integrum, in ornatu Pontificali incorrupto & totali conſpexi, tangebam manus & pedes, & corpore opertos vidi. Fuerunt tunc pluriſimi tam Prælati quàm Canonici, aliique Eccleſiæ Metropolitanæ & aliarum Eccleſiarum Presbyteri, imò & aliæ perſonæ ſæculares, & omnes conſpeximus, licet jam protunc propè unò ſæculo in Sepulchro jacuerat, integrum & totale corpus. Aliqui qui id tunc temporis ſpectârunt, ejus ad Deum interceſſionem poſtulabant. Sic Joannes Mlicki, Eccleſiæ Metropolitanæ Gneſnensis & Cathedralis Plocenſis Canonicus, dignitate Præſidentiali, in Supremo Tribunali Regni clariffimûs, pietate in Deum, candore in omnes & ſumma humanitate amabilis, viſo venerando corpore, hæc compoſitis manibûs, me & aliis audientibus protulit verba, *Sancte Archiepiſcope ad Deum intercede pro nobis.* Quia verò in Virgine Dei Matre, Mathias dum viveret, ſuſpiciebat, adamabat & æmulabatur Virginitatem, ex ſarcophago ſuo, ſvaviſſimum odorem diffunde-
bat, & hucusque diffundit, quem inde diffluere multi ſenſerunt ac teſtati ſunt. Et quidem Alexander Lubieſki Caſtellanus Gneſnensis, ſuprà à me in hoc Capite laudatus, eundem ſvaviſſimum odorem, ex corpore Mathiæ Noſtri promanantem, cum aliis viginti perſonis ſe ſenſiſſe teſtatur, quod & in ſuis manuſcriptis notavit, & mihi ſub conſcientia ore ad os retulit. Tandem Adalbertus Wiczorkiewicz Sacræ Theologiæ Doctör, Canonicus Metropolitanus Gneſnensis, Vir in Eccleſiæ negotiis præclariffimè verſatus, dum pariter idem corpus Mathiæ, ante Annos circiter viginti viſitaſſet, eundem odorem fragrantiffimum, (ut mihi ipſemet retulerat,) ſenſit; Quem & Ego indignus, dum idem corpus Mathiæ, Annò & die ſuprà ſpecificato viſitaſſem, cum dulci meo ſolatio ſenſi, & inſuper diditi mei, quibûs corpus ejusdem Mathiæ tangebam, illum odorem gratiffimum, per aliquod tempus ſervabant & producebant.

Sicut & aliæ res admirandæ, quæ à ſenibus & annofis Viris, circa Eccleſiam Metropolitanam inſervientibus, vulgò Swiätnicy dictis enarrantur. Sunt illi, à quibus nocturno tempore, viſebatur lux quædam, in hac Capella, ubi corpus Mathiæ Noſtri requieſcit; ſunt illi, à quibus videbatur perſona quædam veneranda, ornatu

Pontificali induta, ex Capella Lubieniana egrediens, & ante Sepulchrum Sancti Adalberti aliquandiu orans, & iterum ad Capellam prædictam rediens. Sunt & aliæ res admirandæ, niverò ut ajunt lapillò, in perennitate notandæ. Sicut ergo Optime Maxime Deus, his gratiis, tuum servum illustrasti, ita eundem ulterioribus donis, illustrare digneris, ut iudiciò Sanctæ Romanæ Ecclesiæ, Sanctorum numero inseribi valeat: quod à Te ardentissimis precibus flagitamus.

CAPUT TRIGESIMUM.

Varia Elogia Mathiæ ex Variis.

UNiversam vitam Mathiæ Nostri, jam delibavimus, jam ejus florentem ætatem, maturiores annos & senectutem, merita in Ecclesia & Patria, & summas dignitates, tum ipsam eamque felicissimam mortem, admirandas virtutes & Sanctitatem, complexi sumus. Nunc quid de eodem, aliena ora proferant, ingenia sentiant, lingvæ enarrent, calami scribant, connotabimus. Principem locum dabimus sacrorum Principi, summo Christi in terris Vicario, cujus temporibus Mathias Noster vixit, nempe Urbano VIII. Pontifici Maximo, qui videns continuos eosque indefessos labores Mathiæ in Ecclesia, zelum ardentissimum Catholicæ fidei, de eo publicè pronuntiavit sequentia: *In Polonia multi sunt Prælati, solus Mathias est Episcopus.* ut refert Thomas Janczyński, Societatis Jesu, in suis manuscriptis. Fuerant tempore illò, plurimi per Regnum Poloniæ Episcopi, & Senatores Regni, verum nullus eorum, ita addictus erat Ecclesiarum commodis, ut Mathias, ideo hoc ex sensu Pontificis, meruit elogium & oraculum.

Post Summum Pontificem, quid coronata Regum Poloniæ Capita, de Nostro Mathia senserint, jam explicavimus, dum allegavimus eorum epistolas & dicta, juxta materiam superioribus Capitibus inserta, ubi tum Prælatus magnæ virtutis; tum Vir ab omni labe immunis; tum magnorum in Ecclesia & Republica Polona meritorum; deprædicatur.

Pares Regibus, majores Principibus, Eminentissimi sacra Romanæ Ecclesiæ Cardinales, quanti Mathiam Nostrum æstimarint? inde colligere licet, quod præter magna encomia, eidem à tota Sacra Congregatione Concilii data, ut superioribus Capitibus innui, eundem, tum de sui ad Cardinalitiam dignitatem promotione, certiorabant, tum se promptos & paratissimos esse, ad quosvis Mathiæ nutus pollicebantur. Sic Cosmus Cardinalis de Torres, antehac in Regno Poloniarum Nuntius, & de sui ad Cardinalatum elevatione, certio-
reddi-

reddidit, & propensi in se animi, erga Mathiam tunc Episcopum Chelmensem, non postremum argumentum in sequentibus Epistolis reliquit.

Illustrissime & Reverendissime Domine. Celerius opinione mihi ex Urbe, à Sanctissimo Domino Nostro, Cardinalitium Biretum missum, Tabellarius undecima Octobris attulit, cum autem Sacra Regia Majestas, proximo die dominico, idem Biretum, Capiti meo ex more imposituram se dixit, ideo in decursu hujus Mensis, itineri me accingo. Ac proinde, summa cum festinatione, Illustrissimæ Dominationi Vestræ, hoc indicandum putavi, ut si fortè mea opera Romæ, in quacunque re usui esse posset, eâ Illustrissima Dominatio Vestra, in præsentia utatur pro arbitrato suo, nam semper promptam & paratissimam in omni occasione reperiet. Auditor meus, Illustrissimum Dominum Successorem meum expectabit, illeque interim servire poterit, Illustrissimæ Dominationi Vestræ, cui studia mea & officia deferò. Varsaviæ, die undecima Octobris, millesimo sexcentesimo vigesimo secundo. Illustrissimæ Dominationis Vestræ, Servitor, Cosmus Cardinalis de Torres.

Responsum Mathiæ ad easdem literas.

Susceptum à me nuper visitationis Ecclesiarum mearum negotium, ac ob id, à mea solita residentia, diuturnior absentia, fuit in causa, quod & de amplissima Illustrissimæ Celsitudinis Vestræ, ad dignitatem Cardinalitiam promotione, tardius intellexerim, & literas ab ea hac de re ad me ante unum mensem destinatas, nunc primum ante aliquot dies acceperim. Quo factum est, ut & debitum gratulationis officium, hætenus intermissum, & ad literas Illustrissimæ Celsitudinis Vestræ, omnis humanitatis & benevolentiae plenas, tardius respondeam; Quod igitur gratulationem attinet, ego quidem hunc amplissimum in Ecclesia Dei honorem, Illustrissimæ Celsitudini Vestræ obtigisse, plurimum lætor, sed tamen cum ille, ob splendorem Familiæ, & ob singulares Ipsius virtutes, jure meritò illi deberi videbatur, non minùs Ecclesiæ Dei, quàm Illustrissimæ Celsitudini Vestræ, de hac sua promotione gratulor, quippe quæ talem Senatorem, gravissimò Sanctissimi Domini Nostri judiciò sit nacta, à quo illa, quemadmodum subsidii, ita & ornamenti plurimum sit habitura. Fruatur itaque, quàm diutissimè & felicissimè, ea dignitate Illustrissima Celsitudo Vestra, & summum etiam culmen honoris in Ecclesia Dei, Divinâ gratiâ ita disponente attingat. Quod ego Illustrissimæ Celsitudini Vestræ, pro mea debita erga Illam observantia, ex animo cupio & opto. Porro quod Illustrissima Celsitudo Vestra, suam quoque gratiam & promotionem, in meis & Ecclesiarum mearum negotiis, in Urbe ultro mihi per literas offert, singularem in eo benevolentiam, Illustrissimæ Celsitudinis Vestræ agnosco, & quo minùs me hac gratia dignum reperio, eò magis me tali beneficio, devinctum ei fore polliceor; hoc unum vehementer cupiens, ut Illustrissima Celsitudo Vestra

in d quoque vicissim operâ, si quæ fortè usui hîc Illi esse poterit, libere utatur, neque in numerum suorum servitorum & Clientum adscriptum, favore & patrocínio suo, deinceps complectatur. Cui ego interim humillima mea servitia defero. Datum Camodiæ, die decima Novembris, Annô millesimo sexcentesimo vigesimo secundo.

Collegia Canonorum & Capitula Ecclesiarum Cathedralium, in encomia desudabant Mathiæ, ut ejus virtutibus, suæ non decissent coronæ, & magnis in Ecclesia meritis, suæ laudes. Sic postquam Mathias, ex Cathedra Chelmensi, ad Episcopatum Posnaniensem promotus, & Georgius Koniecpolski, ad eundem Episcopatum Chelmensẽ, à Rege fuisset per speciales literas, ad Capitulum Ecclesiæ Cathedralis Chelmensis, commendatus, Idem Rex à Capitulo Cathedralis Chelmensis, tale responsum, cum summis laudibus Mathiæ Nostri accepit.

Serenissimè Rex Sigismunde, Domine Domine Noster Clementissime. Pietas cum eximia humanitate, ardor amplificandi cultûs Divini, sollicitudo Ecclesiæ pene Apostolica, multæ aliæ virtutes præstantes, Illustrissimi & Reverendissimi Domini, Mathiæ Lubieñski, Antistitis Nostri Chelmensis, excitabant desideria in animis nostris, ut pluribûs annis nobiscum, merita meritis, temporalia æternis cumularet, sed aliam fuisse Dei voluntatem jam videmus, qua factum est, ut altiore Episcopalis dignitatis gradum, per Sacræ Regiæ Majestatis Vestræ gratiam, conscenderit. Pro tanto Pontifice, à Sacra Regia Majestate Vestra, Reverendissimum Dominum, Remigium Koniecpolski, Abbatie Andrejoviensis Administratorem, & Nominatum & Capitulo Nostro commendatum habemus, illi quidem gratulamur, nobis certè gaudemus. Non dubitamus, Eum opinioni à Sacra Regia Majestate Vestra conceptæ, responsurum, & fulgorem nobilissimarum virtutum, quibûs inducta Sacra Regia Majestas Vestra, honore tanto illum dignare voluit, magnis augmentis Dei gloriæ, & uberi animarum fructu, in Ecclesia cum tempore splendidius, splendidiusque explicaturum. Nostrarum partium erit, Divinam Bonitatem precari, ut pro ista tanti Pastoris providentia, quod Regius Propheta Regibus optat: dies super dies, annos super annos, Sacræ Regiæ Mejestati Vestræ felicissimos, Regni hujus inclyti ornamento & solatio adjiciat. Datum Grasnostaviæ, vigesima octava Maji, Annô Domini, millesimo sexcentesimo vigesimo septimo, Sacræ Regiæ Majestatis, Domini nobis Clementissimi, devotissimi & submississimi, Prælati & Canonici Chelmenses.

Scripserat postea & Remigius Koniecpolski, Nominatus Episcopus Chelmensis, ad idem Capitulum Chelmente literas, quibûs Canonicos Chelmentes, de sui promotione, ad eundem Episcopatum certiores fecit, & sui boni & benevoli affectûs indicia explicavit. Ad quas literas, iterum idem Capitulum Chelmense, per suas literas respon-

respondit, quæ cum pariter nobilissimas Mathiæ Nostri virtutes, & summa encomia explicent, easdem iterum inferendas existimavi.

Reverendissime Domine. Habemus quod Ecclesiæ Dei, Reverendissimæ Dominationi Vestræ, & nobis gratulemur, per literas Sacræ Regiæ Majestatis, Domini Nostri Clementissimi, certiores facti, de promotione Reverendissimæ Dominationis Vestræ, ad Chelmensem Episcopatum. Quidquid in Sancto isto negotio, inspiratione Divina, sed & per gratiam Sacræ Regiæ Majestatis factum, bonum, felix, faustum fore minimè dubitamus. Commendatio Sacræ Regiæ Majestatis, tantum Auctoritatis apud nos habuit, ut libentibus animis, in Serenissimæ suæ Majestatis sententiam, conveniremus. Illustrissimi & Reverendissimi Domini, Mathiæ Lubienſki, pietas, eruditio, humanitas, zelus religionis, pastoralis sollicitudo, & aliæ præstantes Nobilissimo Pontifice dignæ virtutes, incredibiles animorum nostrorum omnium, excitabant amores; de Reverendissima Dominatione Vestra, paria omnia nobis facile pollicemur. Cum & favor Divinus, & splendor generis, & ingenii bonitas, & Sacræ Regiæ Majestatis gravissimum iudicium, Reverendissimam Dominationem Vestram, invitant, & quasi manuducant, atque ad capeſſendam sanè in Ecclesia dignitatem vocent, Deum Optimum Maximum precamur. &c. &c.

Desudant nunc infulata Capita, in elogia Mathiæ, & sua iudicia, in adorationem Capitis Lubienſciani submittunt. Ex his primus Michael Piechowski, Juris utriusque Licentiatus, primò Canonici Chelmenſis & Scarbimirienſis, postea Custos & Suffraganeus Premislienſis, qui in cornucopiis Infulæ Chelmenſis, de Nostro Mathia, conscripſit ſequentia. Ut olim cæca Dea fortuna, Petrum Gamratum, per Supremos Ecclesiastici honoris gradus, (Deus misericors avertit, quia non in præceps,) duxit & abduxit, ita è contrario, Mathiam Lubienſium, illa, quæ non hominum modò, sed etiam Angelorum, imò Dei ipsius in se trahit oculos & cor, virtus inquam eximia, ad Celsissimos, lento eoque securiori passu, duxit honores. Ille etenim primò Reverendissimus totius Sacri Ordinis, Canonorum Regularium, Custodum Sacratissimi Sepulchri Hierosolymitani Christi Domini, Miechoviensium dicti, Præpositus Generalis. Deinde Anno millesimo sexcentesimo vigesimo, Episcopus Chelmenſis renunciatus, post quinquennium, ad Posnaniensem, inde ad Vladislaviensem Episcopatus, & ab his ultimò, ad Archiepiscopatum Gnesnensem, primam utique Primatiale, que in Regno Poloniae dignitatem Ecclesiasticam, Anno Domini, millesimo sexcentesimo quadragesimo primo, fuit translatus. Ubique præclara, eaque non annis sed sæculis memoranda, post se, insignium virtutum & operum vestigia relinquens.

Sequitur hunc, pari venerationis cultu prosequendus, Jacobus Radliński, Sacræ Theologiæ Doctor, & ejusdem plurimis annis,

meritissimus Professor, multorum librorum tum in lucem editorum, tum conscriptorum, & lucem expectantium, Celeberrimus Auctor, Mathiæ Nostri in Generalatu Successor, Ordinis Nostri Præpositus Generalis & Infultus, Vir non minus doctrinâ quàm virtute eximius, gloriæque Canonice æmulator præclarissimus, qui in uno ex suis manuscriptis libro, *Compendiosa Miechovia* intitulo, sequentem cedro auroque digissimam, & utinam quorundam cordibus, etiam ignito scalpello imprimendam, de Mathia Nostro veritatem, vivis planè depinxit coloribus: *Mathias Lubieński, Canonicus Professus Ordinis Nostri, Regum amor, Instruitor, Admonitor, & Coronator. Episcoporum vivum exemplar, Senatûs Poloni Gemma, Reipublicæ liberæ Basis, Consiliorum Arbiter, Evangelii Plantator, Schismaticorum Eliminator, Hæreticorum ardentissimus Impugnator, & colloquii Torunensis ad illos conver-tendos primus Motor, salutis animarum ferventissimus Zelator, Synodorum in multis Diœcesibus (quas rexit) Auctor, Clerique Reformator, Cathedrarum omnium, (quibus præfuit) copiosissimus Reparator, Ordinum Religiosorum Protector, Propagator & Defensor; Ecclesiarum plurimarum amplissimus Fundator & Dotator, vitæ Apostolicæ & Canonice norma, Ordinis Nostri, per Constitutiones à se cum consensu Capitulorum Generalium latas, & à Sancta Sede Apostolica approbatas, Reformator; os de ossibus nostris, ad maxima Ecclesiæ Dei & Regni subsellia vocatus, Primus Regni & virtutum Princeps, Poloniæ & Magni Ducatûs Lithvaniæ, ac omnis perfectionis, & Sanctitatis Primas. Brevius loquendo: Ecclesiæ Dei, Fidei Catholicæ, Regni Sarmatici, firmissima columna; Ordinis Canonici Custodem sacrosancti Sepulchri, Supremam gloria, Decus & Ornamentum.*

Succedit, his, Pontificum, Regum Poloniæ, ac rerum nedum in Polonia, verùm in toto Orbe gestarum, ac Ordinis Nostri Historiographus gravissimus, Samuel Nakielski, Ordinis Nostri Canonicus, qui de Nostro Mathia, in sua Miechovia, Classe tertia sic inquit: *Æternâ memoriâ dignus, ac digno præconio laudum, per omne ævum de-prædicandus, Illustrissimus & Reverendissimus Dominus, Mathias Lubieński, Archipræsul Gnesnensis, Regni Primas, Instituti Canonico-rum Regularium Custodem Sanctissimi Sepulchri Domini Hierosolymitani, pius Assertor, fert præ omnibus, qui se hoc quinto sæculo præces-serunt, palmam, egregium posteritati specimen præbens, qualiter ab aula, ad regimen Monasterii admoti, & Divinæ vocationi dignè per omnia respondere, & statûs sui integritatem, incorruptè conservare valeant.*

Huic adstipulatur, Nobilitatis Poloniæ, eximius Encomiastes, Simon Okolski, Ordinis Prædicatorum, qui in suo Orbe Polono, sub stemmate: *Pomian*, sic de Nostro Mathia tatetur: *Verùm Mathiæ Lubieński pietatem, honorem Dei & cultum, utilitatem communem consi-derando, superat his plurimum, sicut honore & titulo superavit omnes.*

Scit

Scit enim ita pietatem colere, ut illam Religioni non anteferat, cum & pietatis gradus sit fides, & pietas vera, sit verus Dei cultus. Quo & pius est in Deum, & pius in proximum, & nulli vult esse nisi pius. Hinc in eo morum gravitas posuit domicilium, prudentia & dexteritas in rebus agendis signaturam, Religionis observantia condignum sacrarium. Non enim fastus, invidia, jurgium, duplicitas, simulatio, aliaque vitæ probatæ nociva & detrimenta, in illo reclinatoria inveniunt; sed virtus, bonitas, justitia, veritas, sua tentoria firmandum, & radicant.

Præsulum Polonorum, ingeniosissimus Orator, Adamus Narowski Societatis Jesu, in Facie rerum Sarmaticarum, inter Episcopos Chelmenſes, perenne Mathiæ Nostro reliquit elogium, dum ibidem conscripsit: *Mathias Lubieński*, quot cumulavit sibi merita, tot honores, multis oneratus, qui summis ferendis par fuit. Ex Præposito Miechoviensi, Chelmenſis creatus Antistes, Anno Domini, millesimo sexcentesimo vigesimo; minora primùm capessivit fastigia, antequam altiora, quæ meruit, subiit, post quinquennium, Poſnaniensi celsit Cathedræ, inde Vladislaviensi, demum Anno Domini, millesimo sexcentesimo quadragesimo primo, Gneſnensi. Ubique paria summis honoribus posuit merita. Crasnostaviæ pietatis suæ indicium posuit, dum Ecclesiam de radice erexit.

Idem præclarissimus Auctor, inter Episcopos Poſnanienses, tali encomio Mathiam Nostrom celebrat: *Mathias Lubieński*, de stemmate Pomian, pietatis in Deum, providentiæ in Ecclesiam, Charitatis in Patriam, ut summæ fuit, sic ad omnia clarissima, suas dotes applicavit. Florentem ævi partem, gloriæ ac obsequiis Reipublicæ impendit, de pietate nihil minuit, de ingenio nihil reliquit, quo rebus non succurreret lapsis. Quatuor Diæcesibus præfuit, ubique gloriosè, Chelmenſi, Poſnaniensi, Vladislaviensi, Gneſnensi; Nunquam terminum norunt merita, cum ultra semper promovent.

Tandem adhuc inter Archiepiscopos Gneſnenses, is idem facundissimus Auctor, numerando Nostrom Mathiam, eundem, ut in lupremo Polonæ Ecclesiæ fastigio eminentem, ita in alto Sanctitatis culmine, collocatum fatetur, dum sic scribit: *Mathias Lubieński*, ut eminere clariùs, eminere cepit religiosius Chelmenſem primò conspexit Infulam, quam vix cordi Præsul appressit, ad Poſnaniensem perrexit, exinde ad Vladislaviensem, demum ut canam coronaret ætatem, Primatiales preſavit dignitates, dignus tanto munere, qui tanto zeli sui Rempublicam & Ecclesiam adjuvit obsequio.

Nicolaus Zalasowski, Juris utriusque Doctor, Archidiaconus Poſnaniensis, de vitis Episcoporum Poſnaniensium succinctè tractans, Mathiam Nostrom, nemini in Sanctitate comparare audet, dum sic ibidem fatetur: *Mathias Lubieński*, ex Episcopatu Chelmenſi, Episcopus & Sanctitate & morum candore incomparabilis. Hoc in eo fuit mirabile, quod quatuor Cathedras Episcopales virtutibus implevit, &

in omnibus Cathedralis, singulari studio, cultum Divinum promovit, & pias fundationes fecit.

Concludunt encomia Mathiæ Nostri, Castri Cracoviensis Decreta, in quorum uno, de Anno millesimo septingentesimo tertio, feria tertia ante festum Sancti Bartholomæi Apostoli proxima, lato, dum causa agigaretur, inter Nostros Canonicos, & Canonissas Præmonstratensis Ordinis, Conventus Zwierzynecensis, tale ab iisdem Canonissis, in sua ad Decretum instantia, reperitur Mathiæ Nostri elogium, ubi Mathias Noster, Episcopus pro tunc Chelmenensis & Præpositus Generalis Ordinis: *Vir magni nominis & candoris eximii nominatur.* Pro coronide adhuc encomiorum Mathiæ, loquantur Consistorii Generalis Metropolitani Gnesnensis acta, in quibus ad calcem, de Anno millesimo sexcentesimo quinquagesimo secundo, dum tristis nuntius de morte ejusdem venisset, tale eidem exaratum præconium: *Die Sabbathi, ultima Mensis Augusti, tristis nuntius mortis, humanâ lingvâ nunquam deprædicandi, Supremi Ecclesiarum in Regno, maxime verò hujus sponsæ suæ & pauperum, ac diversis casibus actorum hominum, subditorumque Archiepiscopatus Gnesnensis Benefactoris, ad Venerabile Capitulum, Perillustrium Reverendissimorum, & Admodum Reverendorum Dominorum, Prælatorum & Canoniorum, Almæ Metropolitanæ Gnesnensis Ecclesiæ advenit, & idè ejus oculis clausis, & acta Consistorii sui claduntur.* Ex quo laudum Mathiæ Nostri fragmento infero: si humanâ lingvâ, nunquam deprædicandus Mathias, igitur lingvis Angelorum laudetur, lingvis cælestibus deprædicetur, & nos ad alia pro gloria Dei & utilitate, Ordinis scribenda, si Deus conatus nostros juvabit, properamus.

Ad MAJOREM DEI OPTIMI MAXIMI GLORIAM,
VIRGINIS Mariæ IMMACULATE CONCEPTÆ
honorem, SS. PATRONORUM Ordinis Nostri, ac Domûs

LUBIENSCIANÆ

Tutelarium, Cultum perennem.



PRO.

PROTESTATIO AUTHORIS

A Postolico Decreto, die decima tertia Martii, Annò millesimo sexcentesimo vigesimo quinto, edito, de non imprimendis celebrium Sanctitate hominum vitis, ejusdemque Decreti declarationi, Die quinta Junii, Annò millesimo sexcentesimo trigesimo primo, & Confirmationi, die quinta Junii, Annò millesimo sexcentesimo trigesimo quarto, factæ, oblerantiâ ac reverentiâ qua par est insistendo, profiteor: Narratione virtutum Mathiæ Lubieński, Canonici Sancti Sepulchri, postea Archiepiscopi Gnesnensis Regni Poloniae & Magni Ducatus Lithvaniae Primatis, Primique Principis, non me id agere, ut opinionem illi Sanctitatis arrogem, aut Cultum conciliem religiosum, gradumve struam ad solennes ipsi in Ecclesia decernendos honores, aut quæ narro, velut ab Ecclesia approbata Lectori exhibeam, potius omnia, non aliter accipi velle, quàm quæ humana tantum Auctoritate nituntur.

AUTHORI OPERIS

*Studium Theologicum Cracoviense, Ordinis Canonorum
Regularium Sanctissimi Sepulchri, pro Coronide laboris,
tale Carmen inscripsit.*

Vix Sol Occiduis sub terræ conditur antris,
Mox claram mundo subtrahit ore diem.
Sic sol Sarmatici Princeps Lubieński Orbis,
Occasus postquam limite clausus erat.
Sub terra latuit, mortis servatus in urna,
Nec vidit per tot tempora longa diem.
Sed dum Tu cunas ejus, Gentemque revolvīs,
Dum Pueri pandis, gestaque summa Viri.
Custodum quando producis in Ordine vota,
Quæ spretò mundò, fecerat ille DEO;
Dum totam vitam, Fasces, narrasque Curules,
Totque Cathedrarum porrigis esse Patrem.
Hunc dum PRIMATEM, non tantum Gentis & Orbis,
Ast & virtutum, ritè probando doces,
Dumque gravi calamò deducis Principis acta,
Per quæ Principibus Sanctior ille fuit.

Aaaa

Occi-

Occiduo Soli, vitam cum lumine reddis,
 Per Te de Tumulo, prodit ad omne solum;
 Lingva tui calami de terra suscitatur Ipsum,
 Mortuus, est vivens arte stylôque tuô.
 In loculo stricto qui servabatur & umbris,
 Implebit meritis omnia Regna Iuis,
 Gesta Iui relegent Reges, Regumque Ministri,
 Hunc omnis Princeps poscet habere Ducem,
 PRIMATEM tantum, Primates crede sequentur,
 Ac illis speculum, regula savavis erit.
 Ipsius vitâ, vitam tum munera Regni,
 Sarmatici solii Numina magna Regent.
 Principe LUBIENIO, praxim formamque docendi,
 Pastores ovium Pontificesque ferent.
 Tantorum de tam magno PRIMATE Bonorum,
 Tu radix & fons, principiumque manes.
 Ejus qui totam vitam, scrutatus & acta,
 Clausisti docti corpore cuncta Libri.


ITEM ALIUD.

Quàm primùm cœpit magnus LUBIENSCIUS Orbi,
 Virtutum meritis atque nitere bonis,
 Tam primùm sensim Scriptorum nomina magna,
 Cæperunt fastis gesta notare Iuis.
 Hic tetigit vitæ puerilis grandia facta,
 Alter descripsit gesta stupenda Viri,
 Præsuleos alius concepit mente labores,
 Aspexit zelum Pontificisque Pedum.
 PRIMATIS reliqui venerati PRINCIPIS acta,
 Atque Senatorem proposuere sacrum.
 Unam virtutem vix multis scribere visum,
 Ast plures calamo præteriere suô.
 Sed nullus scriptor totius munera vitæ,
 Attigit ingenii dexteritate sui,
 Nullus pro tanto compegit PRINCIPÊ librum,
 Nullum distinctum grande volumen adest.
 Tu verò postquam cæpisti scribere gesta,
 Magni LUBIENII Principis atque Ducis,
 Omnia distincto descripta volumine pandis,
 Omnes virtutes PRINCIPIS acta probas;

A plan-

A plantis genibusque pedum describis ad ungvem, 265
 Quidquid amans PRINCEPS, gesserat atque tulit;
 A Cunis Pueri, tandem descendis ad urnam,
 Tota tibi speculum PRINCIPIS aula fuit.
 Et dum LUBIENI, virtutes legeris omnes,
 Has uno cumulo pronus amore colis.
 Scripsisti totum de Sacro PRINGIPE librum,
 Hic quanto PRINCEPS dignus honore fuit;
 Tam pulchrè, comptè, distinctè, cuncta locutus,
 Ut nihil in factis possit abesse suis.
 Quodsi LUBIENIUM quondam vidisset Apelles,
 Si conspexisset membra, suasque genas,
 Nunquam tam pulchrè, clarè, pinxisset Eundem;
 Ut Tu pinxisti gesta suumque Decus.
 LUBIENIUM vivum qui nunquam noverat olim;
 Ex Libro vivum noscere quisque potest.
 Ex Libro pariter mundus cognoscet eodem,
 Quantus erat Scriptor PRINCIPIS atque Libri.

FINIS





B

CD.

F.

G.

Gembicki. - - 34. 51. 84. 132. 134. 136. 148. 179. 182.
189. 190. 205. 206. 207. Glembo-

Głęboczi - - 241.
 Gniewosz. - - 127. 134. 179.
 Gorayski. - - 156. 161.
 Gorka. - - 120.
 Gorski. - - 13.
 Grabiński. - - 253.
 Grabowski. - - 39. 132.
 Grabski. - - 7.
 Grochowski. - - 39. 95. 106. III. 134. 216.
 Grodecki. - - 134. 145.
 Guldenstem - - 161.

H.

Hebda. 2. 3. 4. 6. 7. 8. 9. 10. II. 137. 235.
 I.

Jabłonowski. 15.
 Jarandii sive Jaruntii. - - 6. 7. 8. 9.
 Jarochoński. - - 86.
 Jaskłowski. - - 208. 209. 210. 213.
 Jaxa. in praefat. - - 76.
 Judycki. - - 123. 135. 143. 145. 253.
 Jwański in approbatione.

K.

Kaczyński. - - 242.
 Kadzidłowski. - - 121.
 Kalinowski. - - 245.
 Kałowski. - - 15. 16.
 Karnkowski. - - 74. 140. 146. 147. 163.
 Karcki. - - 15.
 Kielczewski - - 8.
 Kietlicz. - - 178. sub Alphab: inferius posito Bbb. 2.
 Kisiel. - - 176. 183.
 Kobierzycki. - - 139. 143.
 Kochowski. - - 58. 222. 236.
 Kołudzki. - - 8. 237. 252.
 Komorowski. 30. 178. sub alphabeto Bbb. 2. 179. sub Bbb 2. & sequent
 Konarski. - - 43.
 Koniecpolski. 32. 41. 103. 249. 258.
 Koryciński. - - 76. 77. 87.
 Kostka - - 208.
 Koszkowski. - - 53. 213.
 Krośnowski. - - 134.
 Kryski. - - 34.
 Krzycki - - 137.

L.

Łaski. - - 163. 178. sub Alphabeto Bbb. 2.
 Lasthek. - - 2. 3. 4.

Lay-

Ławfzczewski. - - 184. 209.
 Leszczyński. - - - 2. 19. 132. 134. 161. 174. 179. 243. 250.
 Łętowski. - - - - 30.
 Lipiński. - - - - 58. 119. 123. 131. 141. 197.
 Łubieński per totum librum.
 Lubomirski. - - - 182. 183.
 Lubrański. - - - 117.
 Ługowski. - - - 208. 209.

M.

Maciejowski. - - - 126. 163.
 Maczyński - - - 10. 13. 38.
 Magnuski. - - - 19. 237.
 Markowski. - - 253.
 Milewski. - - - 15.
 Mlicki. - - - 255.
 Moriski. - - - 22.

N.

Nakielski. 2. 37. 38. 64. 65. 66. 69. 87. 88. 89. 90. 96. 100. 103. 165.
 165. 208. 211. 212. 213. 214. 260.
 Naramowski. - 261.
 Niewieżyński. - 7. 8.
 Nowodworski. 117. 133.

O.

Oberski. - 114.
 Obidowski - 253.
 Oborski. - - 57. 96. 207. 208.
 Obuchowski. - - 177. 179.
 Okrzycki. - - 41.
 Olszowski. - 13. 22. 183. 217. & sequent. 222. 237. 247. 248. 249. 250.
 Opacki. - - 22.
 Opaliński. - 117. 174.
 Ordega. 18.
 Orzelki. - 15.
 Osiński. - - 177.
 Ostoliński. 157. 161. 163. 176. sub Alphabet, Bbb. 177. 191.

P

Paprocki. - 2. 121.
 Piaśnicki. - 57. 134. 177. sub Alphabeto Bbb.
 Piechowski - 103. 259.
 Potocki - - 19. 26. 128. 245. 246.
 Prażmowski. - 250.
 Proszewski. - - 250.
 Pruszkowski. - 18.
 Pstrokoński. 32. 34. 37. 45. 46. 47. 48. 49. 50. 51. 53. 54. 90. 95. 124.
 142. 148. 184. 204. 205. 207. 224. 226.
 Pułaski. - 246. (2.)

R.

R

Radlinski. - 66. 67. 81. 259. 101. 48.
 Radoński. - 14. 15. 16. 18.
 Radomicki. - - 16. 132.
 Radoszewski. - - 41. 57.
 Radziejowski. - - 183.
 Radziwiłł. - - 144. 156. 157. 174.
 Rebeliński. - - 39.
 Rozdrażewski. - - 119. 121. 131.
 Rudnicki. - - 29.

S.

Sapieha. - - 174.
 Schaffgoc. - - 133.
 Szczaniecki. - - 15. 38.
 Siemianowski. - - 13.
 Skotnicki. - - - 141.
 Sładkowski. - 104. 105. 106. 107. 108.
 Sławieński. - 86. 241. 252.
 Słończewski. - in praefatione.
 Smiełowski. - 253.
 Sokołowski. - 8. 134.
 Starczewski. - 38. 97. 237. 243.
 Stokowski. 16. 19.
 Strzałkowski. - 252.
 Sułki. - - 7.
 Swinarski. 44.
 Szafraniec. - - 192.
 Szaniawski 126.
 Szembek. - 17. 29. 196.
 Szoldrski. - 117. 119. 131. 132. 134. 176. sub Alphabeto Bbb.
 Szyfzkowski. 62. 63. 69. 87. 96. 208.

T.

Taczanowski. - 16. 18.
 Tarnowski. - - 45. 204.
 Terliński. - - - 254.
 Trojanowski. - - 22.
 Trzebicki. - - 2. 3. 8. 9. 22. 24. 54. 183. 217. & sequent. 237. 243.
 Trzebiński. - - 134. 178. 183.
 Tulibowski 168.
 Thurski. 53. - - 54. 75. 212. duabus vicibus hic numerus.
 Tylicki. - 34. 35.
 Tykiewicz. 134. 159. 160. 161. 176. 177. 182.

U

Uchański - 177. sub Alphabeto Bbb. 196.
 Urbanowski. - 13.

W

- Walewski. - - 18.
 Walzowski. - 15.
 Weycher. - - 133.
 Węzyk. - - 16. 41. 44. 48. 58. 84. 85. 96. 109. 117. 130. 135. 136. 140.
 141. 184. 201. 202. 203. 204. 206. 207. 241.
 Widawski. - - 192.
 Wilkowski. - - 19.
 Wisniewiecki - Dux 176. 177. 245.
 Wodzicki. - - 25.
 Wołodzki. - 122. 124. 148.
 Wstowski. - - 18.
 Waleczyński. - 12. 13. 33.
 Wyżga - - - 179.

Z

- Zadzik. - 41. 44. 48. 130. 162. 204. 205. 207.
 Zajączkowski. - 43.
 Zalasowski. - - 261.
 Zaleski. - - - - 133. 212. 213.
 Załuski. - in in praeat: 30. 67. 156. 163. 222. 247.
 Zamoyski. 29. 37. 90. 91. 93. 94. 101. 104. 107. 106. 120.
 Zapolski. 32. 39. 60. 150. 243. 244.
 Zaremba. - 177.
 Zawisza. - - 47.
 Zbikowski. 88. 89. 185. 199. 252.
 Zolkiewski. - - 206.
 Zytkiewicz. - - 182.




Errata Typi sic Corrige.

Folio 4. Versu 8. Palatinatus Siradiensis Lege Palatinus Siradiensis
 fol. 8. v. 2. Castellans lege Castellanis.
 fol. 12. v. 10. Wilczyńska lege Wyleżyńska.
 fol. 16. v. 37. hæc lege hac.
 fol. 17. v. 24. capeffandas lege capeffendas.
 fol. 19. v. 23. Augustinianos lege Augustinianos.
 fol. 21. v. 38. debebant lege debebantur.
 fol. 24. v. 21. Casimirus lege Casimirus.
 fol. 24. v. 24. Magnitudines lege magnitudinis.
 fol. 24. v. ultimo & lege &.
 fol. 26. v. 19. orationis lege orationis.
 fol. 27. v. 14. propriorem lege propiorem.
 fol. 28. v. 36. eundem lege eundem.
 fol. 29. v. 39. ubi Celsissimo lege ubi à Celsissimo.
 fol. 30. v. 7. Comitiss in Zakuski lege Comitiss in Zakuskie Zakuski.
 fol. 32. v. 41. scriptura lege scriptura.
 fol. 35. v. 39. Vladislau 4. lege Vladislau IV.
 fol. 44. v. 26. virutes lege virtutes.
 fol. 48. v. 10. frequentior lege frequentiori.
 fol. 48. v. 37. pro tunc Luceoriensis lege pro tunc Luceoriensis, natu minor, typis edita. publici juris fecit Lubienianæ erga Pstroconium &c.
 fol. 49. v. 18. Principes populi lege Principes populi.
 fol. 52. v. 14. Reiduplicæ lege Reiduplicæ,
 fol. 52. v. 40. qui & lege qui.
 fol. 56. v. 41. Movitiatus lego Novitiatus.
 fol. 58. v. 13. nquit lege inquit.
 fol. 58. v. 15. Hierosomytanorum lege Hierosolymitanorum.
 fol. 58. v. 35. Cononicus lege Canonicus.
 fol. 59. v. 27. & virtutum lege & virtutum fama.
 fol. 62. v. 41. superfuerat lege superfuerat.
 fol. 70. v. 25. ex sæculorum lege ex sæculorum.
 fol. 72. v. 25. ejusdem lege ejusdem.
 fol. 75. v. 18. curam lege curiam.
 fol. 75. v. 29. sigillis lege sigillis.
 fol. 77. v. 40. neralatus lege Generalatus.
 fol. 79. v. 34. cepisset lege cepisset.
 fol. 84. v. 12. ideneos lege idoneos.
 fol. 86. v. 42. immomor lege immemor.
 fol. 89. v. 4. mojorem lege majorem.
 fol. 94. v. 41 & in sua lege & ut sua.
 fol. 96. v. 27. mandati lege mandatis.
 fol. 97. v. 2. literarmu lege literarum.
 fol. 104. v. 12. saingvine lege sanguine.
 fol. 107. v. 11. Rei lege Regi.
 fol. 109. v. 34. officii lege officii.
 fol. 111. v. ultimo quæ recepta lege quæ recepta.
 fol. 121. v. 31. Ecclesiæ lege Ecclesiæ.
 fol. 125. v. 19. Subkovia lege Sobcova.
 fol. 125. v. 36. popolum lege populum.
 fol. 126. v. 24. millosimo lege millesimo.
 fol. 130. v. 7. Ecclesiæ lege Ecclesiæ.
 fol. 133. v. 39. factum lege factum.
 fol. 134. v. 9. Finitis lege Finitis.
 fol. 137. v. 13. ornamento lege ornamento.
 fol. 140. v. 38. cepitibus lege Capitibus.
 fol. 146. v. 10. epressa lege expressa.
 fol. ibid. v. 12. quadrangularis lege quadrangulari.

fol. 147. v. 10. pro Ecclesiâ lege pro Ecclesiâ.
 fol. 148. v. 39. reipiscerent lege respiscerent.
 fol. 150. v. 20. cunsuetudinib9 lege cōsuetudinib9.
 fol. 151. v. 15. Illustrissime lege Illustrissime.
 fol. ibidem v. 21. Semivariâ lege Seminaria.
 fol. 155. v. 36. quacunqve lege quaruncunqve.
 fol. ibidem v. 37. Dacreta lege Decreta.
 fol. ibidem v. eodem exercitio lege exercitio.
 fol. 156. v. 6. nagotio lege negotio.
 fol. 170. v. 20. Quod lege Quod.
 fol. ibidem v. 42. immunitatis lege immutatis.
 fol. 177. v. 2. Profectus lege Praefectus.
 fol. 179. sub Alph: Bbb. v. 2. juctyta lege inclyta.
 fol. ibidem v. 12. & privilegio Apostolico lege ex privilegio Apostolico.
 fol. 182. v. 41. Tyskiewicz lege Żytkiewicz.
 fol. 184. v. 12. ad Christum lege ad Christum.
 fol. 188. v. 17. Vledislaviensis lege Vladislaviensis.
 fol. ibidem v. 43. vent lege velut.
 fol. 190. v. 21. Ordnis lege Ordinis.
 fol. ibidem v. 36. qum lege quam.
 fol. 194. v. 38. preffusis lege profusis.
 fol. 195. v. 34. factorum lege Sanctorum.
 fol. 197. v. 43. Cononicis lege Canonicis.
 fol. 198. v. 28. mostro lege nostro.
 fol. 200. v. 1. de Devotione Mathiæ erga S. Patronos. lege de Devotione Mathiæ erga S. sedem Apostolicam.
 fol. ibidem v. 14. cantra lege contra.
 fol. 202. v. 38. præcurrisset lege præcurrisset.
 fol. 203. v. 38. ut ubi lege ut ibi.
 fol. 207. v. 29. prærer lege præter.
 fol. 210. v. 43. Jaskłowski lege Jaskłowski.
 fol. 212. v. 16. gecit lege jecit.
 fol. 213. v. 34. nostrum Canonicorum lege nostrorum Canonicorum.
 fol. 217. v. 18. Olszewski lege Olszowski.
 fol. ibidem v. 40. prudentiæ lege prudentiâ.
 fol. ibid. v. 43. laboriosissimus lege laboriosissimus.
 fol. 218. v. 3. offerendo lege efferendo.
 fol. ibidem v. 25. emnentior lege emine. tior.
 fol. 236. v. 41. proximis etiam sanguine lege proximo etiam sanguine.
 fol. 232. v. 31. gtavitatem lege gravitatem.
 fol. ibid. v. 37. masvetudinē lege mansuetudinem.
 fol. 234. v. 42. peflessione lege possessione.
 fol. 238. v. 32. valedixi lege valedixi.
 fol. ibidem v. 12. deposuit lege disposuit.
 fol. 239. v. 37. Christi lege Christi.
 fol. ibid. v. 38. pernecessarium lege pernecessarium.
 fol. ibidem v. 40. Sanctissime lege Sanctissime.
 fol. ibidem v. 41. insinuebat lege insinuabat.
 fol. 244. v. 10. intuli lege intulit.
 fol. 248. v. 42. de opinione lege opinione.
 fol. 250. v. 15. tempore lege tempore.
 fol. ibidem v. 26. asoluto lege absoluto.
 fol. 254. v. 13. Cononicus lege Canonicus.
 fol. 255. v. 39. sicut lege sunt.
 fol. 258. v. 17. Apostolica lege Apostolica.
 fol. 259. v. 1. respondit lege respondit.





Biblioteka Jagiellońska



stdr0007178

